

ಯೋಹಾನನು ಬರೆದ ಯೆಸುವಿನ ಸುವಾರ್ತೆ ಯೋಹಾನ ಬರ್ದಲ ಯೆಸುನಿ ಸುವಾರ್ತಾ ವಳಕ

ಯೋಹಾನ ಬರ್ದಲ ಸುವಾರ್ತೆ ನವಾ ವಡಂಬಡಿಕೆಮಾ ಚಾರಮಾ ಯಕ್ಕ ಥಯುಸ ವರಿ ಎ ಸುವಾರ್ತೆ ಯೆಸುನಿ ಜಿವನನಿ ಚರಿತ್ರಿನಾ ಹುತಿ ಕವಸ. ಎ ಕ್ಹಾರಾ ಬುಕ್ಕೊ ಸುವಾರ್ತೆ ಕೈನ ಕವೈಲಿದ್ಯಾಸ. ಸುವಾರ್ತೆ ಕದ್ಯಾಮ ಚೊಕಿ ವಾತೊ ಎ ಸುವಾರ್ತೆ ಬುಕ್ಕೊ ಯೆಸು ಮರಲ ಪರ ಮತ್ತಾಯ, ಮಾರ್ಕ, ಲುಕ, ಯೋಹಾನ ಇವ್ವಾಕ್ಲು ಬರ್ದಲ ವ್ಹೈ ಯೋಹಾನ ಬರ್ದಲ ಸುವಾರ್ತೆ ಯೆಸು ಹುಟ್ಟಿನ 90 ವರಕ್ಲ ಥಯಲ ಪರ ಅಪೊಸ್ತಲ ಥಯಲ ಯೋಹಾನ ಬರ್ದಲ ವ್ಹೈ ಎ ಬುಕ್ಕ ಯೋಹಾನ ಬರ್ದೊಸ ಕವಾನು ನೈ ದೆಕಾಡಿನ ದೆತು. ತೆನ್ನೆಸೊ ಬರ್ದಲ ತರಿಕೊ 1 ಯೋಹಾನ 2 ಯೋಹಾನ 3 ಯೋಹಾನ ಪತ್ರಿಕೆಮಾ ಘನ್ನಿಯೊ ಕದಲ ಛಿ ಜುನ್ನಾ ಬರ್ದಲವಾಲೊ ಎ ಟೈಮ್ಮಾಯೋಹಾನ ಎಫಿಷಿಮಾ ಎ ಸುವಾರ್ತೆ ಬರ್ದಲ ವರಿ ಜಿವ್ವಾ ಕರ್ತೊ ವಸೆ ಕೈನ ಕವಸ.

ಯೋಹಾನನಿ ಎ ಸುವಾರ್ತೆನೆ ಖಾಸ ಉದ್ದಿಶ ಸು ವ್ಹೈ ಕದ್ಯಾಮ ಮನಕ್ಲೊ ಯೆಸು ಕ್ರಿಸ್ತ ಜಿವ್ವೊ ರ್ಲ್ದಯಲ ಕ್ಹುದಾನೊ ದಿಕ್ಸೊ ವ್ಹೈ ಕೈನ ಬರೊಕ್ಲೊ ಕರಾನೆ ಸಹಾಯ ಥಾವಾನಾ ಹುತಿ ಎ ಬರೊಕ್ಲೊ ಕರಾನಾ ಮುಕಾಂತರ ತಿನಾ ನಾಮಪರ ಅಪ್ಪೊ ಜಲಮ ಛಿ. ದೆಕ ಎ ಸುವಾರ್ತೆ ಯಹುದೊಪರ ವರಿ ಯೆಹುದಿ ನೈಸೊವಾಲಾವೊನಾ ಬರ್ದಲ ವ್ಹೈ ಯೋಹಾನನಿ ಸುವಾರ್ತೆ ಬಿಜಿಯೊ ತನ್ನ ಸುವಾರ್ತೆ ತಿಬಿ ಫರಕ ಛಿ. ಕಾಕದ್ಯಾಮ ಯೋಹಾನ ಯೆಸು ಕರಲ ಅದ್ಭುತನಾ ಹುತಿ ಧ್ಯಾನ ದಿದ್ಯೊಸ ವರಿ ತಿನು ಸಾಮ್ಯನಾ ಹುತಿ ತೆಕ್ಲ ಬರ್ದೊ ನತ್ತಿ. ವರಿ ಎ ಸುವಾರ್ತೆ ಖಾಸ ಸಂಗತಿಯೊ ಯೆಸುನಿ ಬಾಪ್ತಿಸ್ಮ ವರಿ ಯೆಸುನು ಉಸುಕನಿ ಜಿಮಿನಪರ ಥಯಲ ಪರಿಕ್ಷಾನಾ ಹುತಿ ಬರ್ದೊ ನತ್ತಿ.

ಪಿರಿಕೆ

1. ಯೋಹಾನೆ ಸುವಾರ್ತೆ ಮಾ ಶುರು ಕರೈಸ 1:1-18

2. ತೆ ಥಯಲ್ವರ ಯೆಸು ಕರಲ ಘನ್ನಾ ಅಧ್ಭುತನಾ ಹುತಿ ಬರ್ದಲ ಛಿ
1:19; 12:50
3. ತೆ ಥಯಲ್ವರ ಯೆಸುನಾ ಜಿವನ್ನಾ ಹುತಿ ಥಯಲ ಘನ್ನಿಯೊ
ಸಂಗತಿಯೊ ವರಿ ತಿನು ಮರಣನಾ ಹುತಿ ವರಿ ಪುನಾರುತ್ಥಾನಾ
ಹುತಿ ತಿಳಿಸ್ತಿನ ದಿದ್ಯೊಸ 13:1—20:31
4. ಯೋಹಾನ 21 ಅದ್ಯಾಯಮಾ ಯೆಸು ಪುನರುತ್ಥಾನ ಥೈನ
ಮನಕ್ಲೊನೆ ದಿಕ್ಟಲ ವರಿ ಎ ಪುಸ್ತಕನೊ ಉದ್ದೆಶ ಸು ವ್ಹೈ ಕೈನ ಎ
ಸುವಾರ್ತೆ ಪುರಾ ಕರಸ 21:1-25

ಜಲಮ್ನಿ ವಾಕ್ಯಾ

- 1 ಶುರುತಿ ಪೈಲಾಜ ದುನಿಯಾಮಾ ವಾಕ್ಯಾ ವ್ಹತ್ತಿ. ತೆ ಕ್ಹುದಾನಾ ಕ್ಹಾತೆ
ವ್ಹತ್ತೊ. ತೆಜ್ಜ ಕ್ಹುದಾ ವ್ಹತ್ತೊ.
- 2 ಕ್ಹಾರು ಶುರು ಥಾವಾತಿ ಪೈಲಾಜ ತೆ ಕ್ಹುದಾನಾ ಕ್ಹಾತೆ ವ್ಹತ್ತೊ.
- 3 ಕ್ಹುದಾ ಕ್ಹಾರುಜ ತಿನಾ ಮುಕಾಂತರ ತಯ್ಯಾರ ಕರಕ್ಲೊ. ತೆನ್ನೆಸೊ
ಸುಜ್ಜ ತಯ್ಯಾರ ಥಯು ನೈ.
- 4 ತಿಮಾ ಮುಲ ಜಲಮ ವ್ಹತ್ತೊ. ತೆ ಜಲಮ ಮನಕ್ಲೊನೆ ಉಜಾಲು
ಥೈನ ವ್ಹತ್ತು.
- 5 ಉಜಾಲು ಅಂದಾರಾಮಾ ಉಜಾಲು ದಿದ್ಯು. ತೆನ್ನೆಸೊ ಅಂದಾರು
ಉಜಾಲಾನೆ ವಳಕ್ಕುನೈ.
- 6 ಕ್ಹುದಾ ಸಂದೆಶ ಕವಾಲಾ ಯಕ್ಕ ಮನಕ್ಲೆನೆ ಮೊಕಲ್ಯೊ ತಿನು ನಾಮ
ಯೋಹಾನ ವ್ಹತ್ತು.
- 7 ಯೋಹಾನ ಉಜಾಲಾನಾ ಹುತಿ ಮನಕ್ಲೊಕನ ಆಯೊ. ತಿನಾ
ಮುಕಾಂತರ ಕ್ಹಾರಾ ಮನಕ್ಲೊ ತೆ ಸಂದೆಶ ಐಕಿನ ತಿನೆ ನಂಬು ಕೈನ
ಆಯೊ.
- 8 ಯೋಹಾನಜ ತೆ ಕ್ಹರಿನು ಉಜಾಲು ನ್ಹೊತ್ತು
- 9 ಕ್ಹರಿನು ಉಜಾಲು ವ್ಹತ್ತು. ಎ ದುನಿಯಾಮಾ ಆವಾನು ವ್ಹತ್ತು. ತೆಜ್ಜ
ಕ್ಹರಿನು ಉಜಾಲು ಕ್ಹಾರಾ ಮನಕ್ಲೊ ಪರ ಚಮಕಸ.

10 ವಾಕ್ಯಾ ಕವಾಲೊ ತೆಳಾಮಾಜ್ ದುನಿಯಾಮಾ ವ್ಹತ್ತೊ. ವರಿ ಕ್ಹುದಾ ತಿನಾ ಮುಕಾಂತರ ದುನಿಯಾ ತಯ್ಯಾರ ಕರಯ್ತೊ. ವರಿಬಿ ತಿನೆ ಎ ದುನಿಯಾವಾಲಾ ವಳಕ್ಯಾ ನೈ.

11 ತೆ ತಿನಾ ಸ್ವಂತ ದೆಶೆ ಆಯೊ. ತೆನೈಸೊ ತಿನಾ ಸ್ವಂತ ಮನಕ್ಲೊ ತಿನೆ ವಪ್ಪಿಲಿದ್ಯಾ ನೈ.

12 ತೆನೈಸೊ ಕುನ್ನ-ಕುನ್ನ ತಿನೆ ವಪ್ಪಿಲಿದ್ಯಾ ಕದ್ಯಾಮ ತಿನಾ ನಾಮ ಪರ ಬರೊಕ್ಕೊ ಕರಯ್ತುನೊನೆ ತೆ ಕ್ಹುದಾನಾ ಬಚ್ಚಾ ಧಾವಾನೆ ಹಕ್ಕ ದಿದ್ಯೊ.

13 ಇವ್ವೆರಗತಕ್ಕುರೈನಿಕಾ ಅಂಗನಾ ಆಸಕ್ಕುರೈನಿಕಾ ದಾಣಾನಾ ಆಸಕ್ಕುರೈನಿಕಾ ಹುಟ್ಟಲ ನ್ಹವೈ. ತೆ ಇವ್ವೆ ಕ್ಹುದಾಕ್ಹುಜ ಹುಟ್ಟಲ ವ್ಹೈ.

14 ವಾಕ್ಯಾ ಕವಾಲೊ ಮನಕ್ಲೊ ರುಪತಾಳಿನ. ತೆ ಪುರಾ ಕೃಪಾಕ್ಹುವರಿ ಕ್ಹರಿಕ್ಹು ಭರೈತೊ. ಅಪ್ಪಾ ಕ್ಹಾತೆ ಜಿವ್ವಾ ಕರಯ್ತೊ ಅಪೆ ತಿನಿ ಮಹಿಮಾ ದೆಕ್ಯಾ ತೆ ಮಹಿಮಾ ಬಾನೊ ಯಕ್ಲೊಜ ದಿಕ್ರೊರಯಲ ತಿನೆ ಮಹಿಮಾ ವ್ಹತ್ತಿ.

15 ಯೋಹಾನ ತಿನಾಹುತಿ ಸಾಕ್ಷಿ ದಿನ್ನ ವರಿ ವದ್ತಿನ ಕದ್ಯೊ" ಎ ತೆಜ್ಜ ವ್ಹೈ ಕಿನಾಹುತಿ ಮಿ ಕದ್ಯೊ ತೆ ಮಪರ್ತೊ ಆವಸ, ಮುಪರತೊ ಆವಾಲೊ ಯಕ್ಲೊ ಮುತ್ರಿ ಮ್ಹೊಟೊ ವ್ಹೈ. ತೆ ಮಿ ಹುಟ್ಟಾತಿ ಪೈಲಾಜ ಕಾಕದ್ಯಾಮ ತೆ ಅಸ್ತಿತ್ವಮಾ ವ್ಹತ್ತೊ.

16 ತಿನಿ ಕರುಣಾ ವರಿ ಪರಿಪುರ್ಣ ಕೃಪಾಕ್ಹು ಭರಲ ವ್ಹತ್ತೊ. ತಿನಾಕ್ಹುಜ ಅಪೆ ಕ್ಹಾರಾ ಮನಕ್ಲೊ ಆಶಿರ್ವಾದ ಪರ ಆಶಿರ್ವಾದ ವ್ಹಂದ್ಯಾ.

17 ಕ್ಹುದಾ ಮೊಶೆನಾ ಮುಲಕ ನಿಯಮೊ ದಿದ್ಯೊತೊ. ತೆನೈಸೊ ಕೃಪಾ ಕ್ಹರಿ ಯೆಸು ಕ್ರಿಸ್ತನಾ ಮುಲಕ ಆಯು.

18 ಕ್ಹುದಾನೆ ಕುನ್ನಜ ಕೆಳಾಮಾಜ ದೆಕ್ಯಾ ನತ್ತಿ. ತೆನೈಸೊ ಯಕ್ಲೊಜ ದಿಕ್ರೊ ತೆ ಕ್ಹುದಾನ ಲಿಂಗತ ಲೆ ವರಿ ಬಾನಾ ಬಾಜುಮಾ ಲೆ. ತೆ ದಿಕ್ರೊ ಕ್ಹುದಾನೆ ಅಪೊನೆ ದೆಕಾಡಿನ ದಿದ್ಯೊಸ.

ಬಾಪ್ತಿಸ್ತ ದಿಲಾವಾಲಾ ಯೋಹಾನನು ಸಂದೆಶ
(ಮತ್ತಾಯ 3:1-12; ಮಾರ್ಕ 1:2-8; ಲುಕ 3:15-17)

19 ತು ಕುನ್ನ ವ್ಹೈ? ಕೈನ ಯೋಹಾನನೆ ಪುಚ್ಚಾನಾ ಹುತಿ ಯೆರುಸಲೆಮನಾ ಯಹುದ್ಯೊನಾ ಅದಿಕಾರಿಯೊ ಯೋಹಾನಕನ ದಕ್ಕಾಯಾಜಕೊನೆ ವರಿ ಲೆವಿಯೊನೆ ಮೊಕಲ್ಯಾ.

20 ಯೋಹಾನ ಝಾಕ್ಯಾವಾಚಿ"ಮಿ ಕ್ರಿಸ್ತ ನ್ಹವೈ" ಕೈನ ಕ್ಹಾರಾವೊನಾ ಕ್ಹಾಮೊ ಕದ್ಯೊ.

21 ವರಿ ತ್ಯುನೆ ತಿನೆ"ತಿಮ್ಮ ರ್ಹಯುಮ ತು ಕುನ್ನ ವ್ಹೈ? ತು ಎಲಿಯಾ ವ್ಹೈಸು ಕೈನ ಪುಚ್ಚಾ ತೆ"ನ್ಹವೈ ಮಿ ಎಲಿಯಾ ನ್ಹವೈ ಕೈನ ಕದ್ಯೊ. ವರಿ ತ್ಯುನೆ"ತು ಪ್ರವಾದಿ ವ್ಹೈಸು? ಕೈನ ಪುಚ್ಚಾ ಯೋಹಾನ"ನ್ಹವೈ ಮಿ ಪ್ರವಾದಿ ನ್ಹವೈ ಕೈನ ಕದ್ಯೊ.

22 ತಿಮ್ಮ ರ್ಹಯುಮ"ಹಮೊನೆ ಕೆ ತು ಕುನ್ನ ವ್ಹೈ ಹಮೊನೆ ವಳಾಯಲವಾಲಾವೊನೆ ಹಮೆ ಸು ಕೈಯೆ. ತಾರಾ ಹುತಿ ತು ಸು ಕಶಿ?

23 ತೆ ವಾತಿ ಯೋಹಾನ,ಪ್ರವಾದಿ ಥಯಲ ಯೆಶಾಯ ಕದಲ ತಿಮ್ಮ ಕದ್ಯೊ. "ಪ್ರಭು ಆವಾನಾ ಹುತಿ ವಾಟೆ ಸಿದಾ ತಯ್ಯಾರ ಕರೊ ಕೈನ ರಾನ್ಮಾ ವದ್ರಾನು ಅವಾಜ ಮಿ ವ್ಹೈ."

24 ವಳಾಯಲ ವಾಲಾವೊಮಾನಾ ದಕ್ಕಾಜನಾ ಪರಿಸಾಯರೊ ವ್ಹತ್ತಾ.

25 ತ್ಯುನೆ ಯೋಹಾನನೆ ಪುಚ್ಚಾ"ತು ತಾರಾ ಹುತಿ"ಮಿ ಕ್ರಿಸ್ತ ಬಿ ನ್ಹವೈ ಕವಾನು ರ್ಹಯುಮ, ಎಲಿಯಾಬಿ ನ್ಹವೈ ಪ್ರವಾದಿಬಿ ನ್ಹವೈ ಕೈನ ಕವಾಡ್ಯೊಸ. ಇಮ್ಮ ರ್ಹಯುಮ ತು ಮನಕ್ಹೊನೆ ಕಾ ಬಾಪ್ತಿಸ್ಮ ಕರಾವಾಡೊಸ?

26 ಯೋಹಾನ ಕದ್ಯೊ"ಮಿ ಮನಕ್ಹೊನೆ ಪಾನಿಕ್ಹು ಬಾಪ್ತಿಸ್ಮ ಕರಾಸ. ತೆನ್ನೆಸೊ ತುಮೊನೆ ಗ್ವತ ನೈ ರ್ಹಯಲವಾಲೊ ನ್ಹ್ಯಾ ಛಿ.

27 ಮಾರಾ ಪಾಚೊ ಆವಾಲೊ ತೆಜ ವ್ಹೈ ತಿನಿಯೊ ಚಪ್ಲೊನಿಯೊ ದೊರಿಯೊ ಖೊಲಾನೆ ಮಿ ಯೊಗ್ಯನತ್ತಿ ಕೈನ ಕದ್ಯೊ.

28 ಯೊರ್ದನ ನದಿನಾ ತಿನಾ ಪುರ್ವ ದಿಕ್ರಾನಾ ಬಗಲ ರ್ಹಯಲ ಬೆಥನಿ ಕವಾನಾ ಗಾಮಮಾ ಎ ಸಂಗತಿಯೊ ಥಯ್ಲ್ಯೊ ಯೋಹಾನ ಮನಕ್ಹೊನೆ ಬಾಪ್ತಿಸ್ಮ ಕರಾನು ನ್ಹ್ಯಾಜ ವ್ಹೈ.

ಬಕ್ರಾನು ಬಚ್ಚು

29 ಮರ್ನಾ ದಿನ್ನೆ ಯೋಹಾನ, ತಿಕನ ಆವಾನಾ ಯೆಸುನೆ ದೆಕ್ಕೊ ದೆಕಿನ "ದೆಕ್ಕೊ, ಕ್ಕುದಾನು ಬಕ್ರಾನು ಬಚ್ಚು. ತೆ ಎ ದುನಿಯಾನಾ ಪಾಪೊ ಕಾಡಸ.

30 ಮಿ ಗಯಲ್ಪರ ಯಕ್ಕ ಮನಕ್ಟ ಆವಸ. ತೆ ಮಾರಾತಿಬಿ ಮೊಟ್ಟೊ ವ್ಹೆ ಕಾಕದ್ಯಾಮ ತೆ ಮಾರಾತಿಬಿ ಪೈಲಾ ಹುಟ್ಟಿನ ಅಸ್ತಿತ್ವಮಾ ರ್ಡ್ಡಯಲವಾಲೊ ವ್ಹೆ ಕೈನ ಮಿ ಕವಾನು ಇನಾಜ ವ್ಹೆ

31 ತೆ ಕುನ್ನ ವ್ಹೆ ಕವಾನು ಮನೆಬಿ ಗ್ವತ ನೊಡ್ತು. ತೆನೈಸೊ ತಿನೆ ಇಸ್ರಾಯಲೊನೆ ತಿಳ್ಸಾನಿ ಹುತಿ ಮಿ ಮನಕ್ಟೊನೆ ಪಾನಿಕ್ಟು ಬಾಪ್ತಿಸ್ಮ ದಿಲಾವಾಡೊತೊ" ಕೈನ ಕದೊ.

32 ಯೋಹಾನ ಸಾಕ್ಷಿ ದಿನ್ನ ಕದೊ ತೆ ಕುನ್ನ ವ್ಹೆ ಕೈನ ಮನೆಬಿ ಗ್ವತ ನೊಡ್ತು. ತೆನೈಸೊ ಮನಕ್ಟೊನೆ ಬಾಪ್ತಿಸ್ಮ ದಿವಾನೆ ಮನೆ ವಳಾಯಲವಾಲೊ ಮನೆ ಪವಿತ್ರ ಆತ್ಮಾ ಸ್ವರ್ಗತು ಉತ್ತಿನ ಐನ ಯಕ್ಕ ಮನಕ್ಟೊ ಉಪ್ಪರ ಆವಾನು ತು ದೆಕ್ಷಿ.

33 ಪವಿತ್ರ ಆತ್ಮಾಕ್ಟು ಬಾಪ್ತಿಸ್ಮ ದಿಲಾವಾಲೊ ತೆಜ್ಜ ಮನಕ್ಟ ವ್ಹೆ "ಕೈನ ಕದಲ ಎ ಧಾವಾನು ಮಿ ಡೊಳಾ ಕ್ಕಾಮೊ ದೆಕ್ಕೊಸ. ಪವಿತ್ರ ಆತ್ಮಾ ಸ್ವರ್ಗತೊ ಕ್ಕಬುತರನಾ ರುಪಮಾ ಉತ್ತಿನ ಐನ ತಿನಾ ಉಪ್ಪರ ಆವಾನು ಮಿ ದೆಕ್ಕೊ.

34 ತಿನಾಹುತಿ "ಮಿ ಸು ದೆಕ್ಕೊಸ ತೆಜ್ಜ ಮಿ ಕೌಸ. ತೆಜ್ಜ (ಯೆಸು) ಕ್ಕುದಾನೊ ದಿಕ್ರೊ ವ್ಹೆ ಕೈನ ಮಿ ಮನಕ್ಟೊನೆ ತಿಳ್ಸಸ "ಕದೊ.

ಯೆಸುನೊ ಪಸ್ವಲ್ಯೊ ಶಿಷ್ಯಾ

35 ಮರ್ನಾ ದಿನೆ ವರಿ ಯೋಹಾನ ತಿನಾ ಬೆ ಶಿಷ್ಯಾವೊನೆ ಕ್ಕಾತೆ ತ್ಯಾ ರ್ಡ್ಡತಾಮಾ,

36 ನಜಿಕ್ಮಾಚಾಲ್ಯೊ ರ್ಡ್ಡತಾಮಾ ಯೆಸುನೆ ದೆಕ್ಕೊ ತೆಳಾಮಾ ಯೋಹಾನ ಕದೊ ಎ ಕ್ಕುದಾನು ಬಕ್ರಾನು ಬಚ್ಚು.

37 ಯೋಹಾನನಾ ಎ ವಾತೊ ಐಕಿನ ತೆ ಬೆ ಶಿಷ್ಯಾ ಯೆಸುನಾ ಪಾಚ್ಚಾ ಗಯಾ.

38 ಯೆಸು ಪಾಚೊ ಫರಿನ ದೆಕ್ಕೊ ತ್ಯಾನೆ ಪಾಚ್ಚಾ ಆವಾನು ದೆಕಿನ ತುಮೊನೆ ಸು ಚಾಯೆ? ಕೈನ ಪುಚ್ಚೊ ತೆ ಬೆ ಜನಾ, ತಿನೆ ಉತ್ತರ ದಿದ್ಯಾ"

ರಬ್ಬಿ, ತು ಕಿಜ್ಕಾರ್‌ಯೊಸ? ಕೈನ ಪುಚ್ಚಾ ರಬ್ಬಿ" ಕದ್ಯಾಮ" ಗುರು" ಇನೊ ಮತ್ಲಬ ವ್ಹೆ.

39 ಯೆಸು ತ್ಯುನೊನೆ "ಮಾರಾ ಕ್ವಾತೆ ಆವೊ, ತೆಳಾಮಾ ತುಮೆಜ್ಜ ದೆಕೊಶಿ" ಕೈನ ಕದ್ಯೊ ತಿನಾಹುತಿ ತೆ ಬೆಜನಾ ಗೈನ ಯೆಸು ರ್ವಯಲ ಜಗಾ ದೆಕಿಲಿದ್ಯಾ ತೆಳಾಮಾ ಕ್ವಾಂಜನಾ ಟೈಮ್ಮಾಚಾರ ವಾಜಾತಾ ತೆ ದಿನೆ ತ್ಯುನೆ ತ್ಯಾಜ ಕ್ವಾರೊ ತಿನಾ ಕ್ವಾತೆ ವ್ಹತ್ತಾ.

40 ತೆ ಬೆ ಜನಾ ಯೋಹಾನನಿಯೊ ವಾತೊ ಐಕಿನ ಯೆಸುನಾ ಪಾಚಾ ಗಯಲ ಬೆ ಶಿಷ್ಯಾಮಾ. ಸಿಮೊನ ಪೆತ್ರಾನೊ ನ್ಹಾನೊ ಭೈ ಥಯಲ ಅಂದ್ರೆಯ ಇವ್ವೊಮಾ ಯಕ್ಲೊ ವ್ಹತ್ತೊ.

41 ಪೈಲಾ, ತೆ ತಿನೊ ಭೈ ಥಯಲ ಸಿಮೊನೆ ಮಳಿನ ಕದ್ಯೊ" ಅಪೊನೆ ಮಸಿಹಾ ಮಳ್ಳೊಸ ಕದ್ಯೊ (ಮಸ್ಸಿಹಾ ಕದ್ಯಾಮ ಕ್ರಿಸ್ತ ವ್ಹೆ).

42 ತೆ ಸಿಮೊನನೆ ಯೆಸುಕನ ಬಲ್ಟೆ ಲಾಯೊ. ಯೆಸು ಸಿಮೊನನೆ ದೆಕಿನ"ಯೋಹಾನನೊ ದಿಕ್ರೊರ್ವಯಲ ತಾರು ನಾಮ ಸಿಮೊನ ವ್ಹೆ, ತು ಕೆಫ ಕೈನ ಕವೈಲೆಸಿ" ಕೈನ ಕದ್ಯೊ ಕೆಫ ಕದ್ಯಾಮ ಮ್ಹೊಟೊ ದಗ್ಗೊ ವ್ಹೆ.

ಯೆಸು ಫಿಲಿಪ್ಪನೆ ವರಿ ನಥಾನಿಯೆಲನೆ ಬಲಾಯಲ

43 ಮರ್ನಾ ದಿನೆ ಯೆಸು ಗಲಿಲಾಯೆ ಜೊಸ ಕೈನ ನಿರ್ದಾರ ಕರ್ರೊ ಯೆಸು ಫಿಲಿಪ್ಪನೆ ದೆಕಿನ ತಿನೆ"ಮಾರಾ ಪಾಚೊ ಆ" ಕೈನ ಕದ್ಯೊ.

44 ಅಂದ್ರೆಯಾ ವರಿ ಪೆತ್ರಾಲಿಂಗತ ಫಿಲಿಪ್ಪನೆ ಬೆತ್ಸಾಯಿ ಗಾಮವಾಲಾ ವ್ಹತ್ತಾ.

45 ಫಿಲಿಪ್ಪ ನತಾನಿಯೆಲನೆ ಮಳಿನ ತಿನೆ"ಕಿನಾಹುತಿ ಮೊಶೆ ಧರಮಶಾಸ್ತ್ರಮಾ ಬದ್ಯೊ ವರಿ ಪ್ರವಾದಿಯೊ ಬರ್ದ್ಯಾ, ತೆ ಹಮೊನೆ ಮಳ್ಳೊಸ. ತೆ ಯೊಸೆಫನೊ ದಿಕ್ರೊ ಯೆಸು ನಜರೆತವಾಲೊ ವ್ಹೆ ಕೈನ ಕದ್ಯೊ.

46 ತೆನೈಸೊ ನತಾನಿಯೆಲ ಫಿಲಿಪ್ಪನೆ"ನಜರೆತತೊ ಚೊಕು ರ್ವಯಲ ಸುಬಿ ಆವಸ ಸು? ಕೈನ ಪುಚ್ಚೊ ಫಿಲಿಪ್ಪ"ಐನ ದೆಕ" ಕೈನ ಜವಾಬ ದಿದ್ಯೊ.

47 ಯೆಸು ತಿಕನ ಆವಾನಾ ನತಾನಿಯೆಲನೆ ದೆಕಿನ ತಿನಾ ಹುತಿ"ಎ ಕ್ಕರಿನೊ ಇಸ್ರಾಯಲ ವ್ಹೈ ಇನಾಮಾ ಕಪಟ ನತ್ತಿ" ಕೈನ ಕದ್ಯೊ.

48 ನತಾನಿಯೆಲ"ತು ಮನೆ ಕಿಮ್ಮ ವಳಕ್ಕೊ? ಕೈನ ಪುಚ್ಚೊ ಯೆಸು"ಫಿಲಿಪ್ಪ ತುನೆ ಬಲಾವಾತಿ ಅಗ್ಗರಜ್ಜ ತು ಉಂಬ್ರೊನಾ ರೂಡನಾ ಹೆಟೊ ರ್ಹತಾಮಾ ಮಿ ತುನೆ ದೆಕ್ಕೊ" ಕೈನ ಕದ್ಯೊ.

49 ತೆಳಾಮಾ ನತಾನಿಯೆಲ ತಿನೆ"ಗುರು, ತುಜ್ಜ ಕ್ಕುದಾನೊ ದಿಕ್ರೊ ವ್ಹೈ ತು ಇಸ್ರಾಯಲನೊ ರಾಜೊ ವ್ಹೈ" ಕೈನ ಕದ್ಯೊ.

50 ಯೆಸು ತಿನೆ"ತು ಉಂಬ್ರೊನಾ ರೂಡನಾ ಹೆಟೊ ಬೆಟಲ ದೆಕ್ಕೊಸ. ಅಮ್ಮ ಮಿ ಕದಲಕ್ಲು ತು ಮಪರ ಬರೊಕ್ಕೊ ಕರ್ಸಿ ಸು? ತೆನ್ನೆಸೊ ತಿತ್ತಿಬಿ ಘನ್ನಾ ಮೊಟಾ ಕಾಮೊ ತು ದೆಕ್ಕಿ" ಕೈನ ಕದ್ಯೊ.

51 ತೆನ್ನೆಸೊ ಯೆಸು ತ್ಯನೊನೆ"ಮಿ ತುನೆ ಕ್ಕರಿಜ ಕೌಸ. ಸ್ವರ್ಗ ಖುಲ್ಲಾ ಕರಲನೆ ಮನಕ್ಲನಾ ದಿಕ್ರಾನಾ ಉಪ್ಪರ ದೆವ ದುತೊ ಉಪ್ಪರ ಜಾವಾನು ಹೆಟು ಆವಾನು ತುಮೆ ದೆಕೊಶಿ ಕೈನ ಕದ್ಯೊ.

2

ಕಾನಾ ಕವಾನಾ ಗಾಮ್ನಾ ಹಿವಾ

1 ಬೆ ದಿನ್ನ ಥಯಲ್ಪರ ಗಲಿಲಾಯನಾ ಕಾನಾ ಕವಾನಾ ಗಾಮಮಾ ಯಕ್ಲ ಹಿವಾ ವ್ಹತ್ತೊ. ಯೆಸುನಿ ಯಾ ಬಿ ತ್ಯಾ ವ್ಹತ್ತಿ.

2 ಯೆಸುನೆ ವರಿ ತಿನಾ ಶಿಷ್ಯಾವೊನೆಬಿ ಹಿವಾನೆ ಬಲಾಯಾತಾ.

3 ಹಿವಾಮಾ ದ್ರಾಕ್ಷಿಯೊನು ರಕ್ಲ ಕ್ಕರಲ್ಪರ. ಯೆಸುನಿ ಯಾ ತಿನೆ"ತ್ಯನೊಕನ ದ್ರಾಕ್ಷಿಯೊನು ರಕ್ಲಜ ನತ್ತಿ"ಕೈನ ಕದಿ.

4 ಯೆಸು"ಬೈ ತು ಮನೆ ಕಾ ಕವಾಡಿಸ? ಮಾರು ಟೈಮ ಹಜನ ಆಯೊ ನತ್ತಿ" ಕೈನ ಜವಾಬ ದಿದ್ಯೊ.

5 ಯೆಸುನಿ ಯಾ ಸೆವಕೊನೆ"ತೆ ತುಮೊನೆ ಸು ಕವಸ ತೆ ಕರೊ" ಕದಿ.

6 ದಗ್ಡಾಕ್ಲು ಕರಲ ಛಿ ಮೊಟಿಯೊ ಡೊಣಿಯೊ ತ್ಯಾ ವ್ಹತ್ತಿಯೊ. ಯಹುದಿಯೊನಿ ಪದ್ಧತ ಲಿಂಗತ ಶುದ್ಧಾಚಾರಿಯೊನೆ ಎ ದಗ್ಡಾನಿಯೊ

ಡೋಣಿಯೊ ಉಪಯೋಗ ಕರ್ತೃತಾ. ಹರಿ ಯಕ್ಕ ಡೋಣಿಯೊಮಾ ಕಮ್ಮಶಿ ಕಮ್ಮ 80 ತು 120 ಲಿಟರ ಪಾನಿ ಧರ್ತುತು.

⁷ ಯೆಸು ಸೆವಕೊನೆ"ತೆ ಡೋಣಿಯೊಮಾ ಪಾನಿ ಭರೊ" ಕೈನ ಕದ್ಯೊ ತಿನಾಲಿಂಗತಱ್ಱ ಸೆವಕೊ ತೆ ಡೋಣಿಯೊಮಾ ಪಾನಿ ಕಂಟಾ ಲಕ್ಕಾ ಭರ್ತ್ಯಾ.

⁸ ಯೆಸು ಸೆವಕೊನೆ"ತೆ ಡೋಣಿಯೊಮಾನು ದಕ್ಕು ಪಾನಿ ಕಾಡಿನ ತೆ ಗೈನ ಅನ್ನ ಕರಾಲಾವೊನಾ ಮೊಟ್ಟಾನೆ ದಿವೊ" ಕೈನ ಕದ್ಯೊ ತಿನಾಲಿಂಗತಱ್ಱ ತ್ಯುನೆ ತೆ ಲಿನ ಗಯಾ.

⁹ ಅನ್ನ ಕರಾಲಾವೊಪರ ಮೊಟ್ಟೊ ರ್ಲ್ಯಯಲವಾಲೊ ಪಾನಿ ದ್ರಾಕ್ಷಿಯೊನು ರಕ್ತ ಬದಲಿ ಧಯಲ ಪಾನಿನು ಸವಾದ ದೆಕ್ಕೊ ಕಿಜ್ಗಂತು ದ್ರಾಕ್ಷಿಯೊನು ಆಯುಸ ಕವಾನು ತಿನೆ ಗ್ವತ್ತ ನ್ಹೊತ್ತು. ತೆನ್ನೆಸೊ ಪಾನಿ ಕಾಡಲ ತೆ ಸೆವಕೊನೆ ಗ್ವತ್ತ ವ್ಹತ್ತು. ಅನ್ನ ಕರಾಲಾವೊ ಪರ ಮೊಟ್ಟೊ ರ್ಲ್ಯಯಲವಾಲೊ ನೌರಾನೆ ಬಲಾಯೊ,

¹⁰ "ಮನಕ್ಕೊ ಚೊಕೊಜ ರ್ಲ್ಯಯಲ ಮನಕ್ಕೊನೆ ದ್ರಾಕ್ಷಿಯೊನು ರಕ್ತ ವಾಟಸ. ಅತಿಥಿಯೊ ಪಿನ ತೃಪ್ತ ಧಯಲ್ಪರ ಸಾದಾ ರ್ಲ್ಯಯಲ ದ್ರಾಕ್ಷಿಯೊನು ರಕ್ತ ದಿವಸ. ತೆನ್ನೆಸೊ ತು ಚೊಕೊಜ ರ್ಲ್ಯಯಲ ದ್ರಾಕ್ಷಾರಸ ಇವೊನೆ ಮುಕ್ಕೊಸ" ಕೈನ ಕದ್ಯೊ.

¹¹ ಕಾನಾ ಕವಾನಾ ಗಾಮ್ಮಾಯೆಸು ಕರಲ ಪೈಲಾನು ಅದ್ಭುತ ಕಾಮ ವ್ಹೈ ತೆ ತಿನಿ ಮಹಿಮಾ ತ್ಯಾ ದೆಕಾಡಿನ ದಿದ್ಯೊ ತಿನಾ ಶಿಷ್ಯಾ ತಿಪರ ಬರೊಕ್ಕೊ ಮ್ಹೆಲ್ಯಾ.

¹² ತೆ ಧಯಲ್ಪರ ಯೆಸು ತಿನಿ ಮಾ, ಭಾಯೊ ವರಿ ತಿನಾ ಶಿಷ್ಯಾವೊನಾ ಕ್ಹಾತೆ ಕಪೆನೌರ್ಮ ಕವಾನಾ ಗಾಮೆ ಗಯೊ. ವರಿ ತ್ಯುನೆ ತ್ಯಾ ದಕ್ಕಾ ದಿನ್ನ ವ್ಹತ್ತಾ..

ದೆವಾಲಯಮಾ ಯೆಸು

(ಮತ್ತಾಯ 21:12,13; ಮಾರ್ಕ 11:15,17; ಲುಕ 19:45-46)

¹³ ತೆಳಾಮಾ ಯೆಹುದಿಯೊನು ಫಸ್ಕ ಸನ್ನ ನಜಿಕ ವ್ಹತ್ತು. ತಿನಾಹುತಿ ಯೆಸು ಉಪ್ಪರ ಯೆರುಸಲೆಮೆ ಗಯೊ.

14 ದೇವಾಲಯಮಾ ಮನಕ್ಕೊ ಬೈಲೊ, ಬಕ್ರಾ, ವರಿ ಕ್ವಬುತರೊ ಇಕ್ಕಾನು ಯೆಸು ದೆಕ್ಕೊ. ವರಿ ದಕ್ವಾಮನಕ್ಕೊ ಟಿಬ್ಲೊಕನ ಬೈಟಿನ ದೊಕ್ಕಾ ಬದಲಿ ಕರಾನು ವರಿ ವ್ಯಾಪಾರ ಕರಾಡಾತಾ.

15 ಯೆಸು ದಕ್ವಾರಾಕ್ವೊನಾ ತುಕ್ವಾಲಿನ ತ್ಯುನೊಕ್ಕು ಬಾರಕೊಲ ಕರಿನ ವರಿ ಕ್ವಾರಾ ಜಾನ್ವರೊನೆ ದೇವಾಲಯತೊ ಭಾರೊ ಖಾದ್ಯೊ ಬೈಲೊ ವರಿ ಬಕ್ರಾ ಭಂಬಿನೆ ಮಾರಿನ ವರಿ ದೊಕ್ಕಾ ಬದಲಿ ಕರಾಲಾ ಮನಕ್ಕೊನೆ ವರಿ ತ್ಯುನಾ ದೊಕ್ಕಾ ನಾಕಿಪಾಡ್ಲೊ.

16 ಕ್ವಬುತರೊ ಇಕ್ಕಾಲಾವೊನೆ"ಎ ಕ್ವಾರು ಭಾರಾ ಲಿನ ಜಾವೊ! ಮಾರಾ ಬಾನು ಘರ ವ್ಯಾಪಾರ ಕರಾನು ಭಗಾ ಕರೊ ನಕೊ" ಕೈನ ಕದ್ಯೊ.

17 ತಾರಿ ಆಲಯಪರ ರ್ವಯಲ ಮಯಾ ಮಾರಾಮಾ ಆಗ ಲಿಂಗತ ಬಳಸ. (ಕಿರ್ತನೆ 69:9) ಕೈನ ಪವಿತ್ರ ಗ್ರಂಥಮಾ ಬರ್ದಲ ವಾಕ್ಯಾ ತಿನಾ ಶಿಷ್ಯಾ ಶೆ ಕರಲಿದ್ಯಾ. ಯಹುದ್ಯೊ ಯೆಸುನೆ"ಯಕ್ಲ ಕ್ವಾರು ಕರಾನು ತುನೆ ಕುನ್ನ ಅದಿಕಾರ ದಿದ್ಯುಸ ಹಮೊನೆ ಸಬುತ ದೆಕಾಡ? ಕೈನ ಪುಚ್ಚಾ.

18 ಯೆಹುದಿಯೊನಾ ಅದಿಕಾರಿಯೊ ತಿಕನ ಐನ ತು ಹಮೊನೆ ಕಯ್ಯ ಅದ್ಭುತ ಕಾಮನು ವಳಕ ದೆಕಾಡಶಿ? ತಿಕ್ವುತು ಸು ಕರಾಯೊಸ ತೆ ಕರಾನೆ ತುನೆ ಅದಿಕಾರ ಛಿ ಕವಾನು ಸಬುತ ದೆಕಾಡಾನಾ ಹುತಿ ಪುಚ್ಚಾ.

19 ಯೆಸು"ಎ ದೇವಾಲಯ ಪಾಡಿಪಾಡೊ, ಅಗಲ್ಯಾ ತನ್ನ ದಿನ್ಮಾ ವರಿ ಫರಿನ ತೆ ಭಾಂದುಸ" ಕೈನ ಕದ್ಯೊ.

20 "ತಿನಾಹುತಿ ಯಹುದ್ಯೊ ತಿನೆ, ಎ ದೇವಾಲಯ ಭಾಂದಾನೆ ಚಾಳಕ್ವಪರ ಛಿ ವರಕ್ವಲಾಗ್ಯಾಸ! ವರಿ ತು ತನ್ನ ದಿನ್ಮಾ ಎ ಫರಿನ ಭಾಂದಶಿ ಸು? ಕೈನ ಪುಚ್ಚಾ.

21 ತೆನ್ನೆಸೊ ಯೆಸು ಕೈ ದೇವಾಯಲನಾ ಹುತಿ ಕವಾಡೊತೊ ತೆ ತಿನಾ ಸ್ವಂತ ಅಂಗನಾ ಹುತಿಜ ಕವಾಡೊತೊ.

22 ಯೆಸು, ಮರಲವಾಲಾವೊಮಾತೊ ಜಿವ್ವೊ ಥೈನ ಉಟಿನ ಆತಾಮಾ ತಿನಾ ಶಿಷ್ಯಾ ತಿನಿಯೊ ವಾತೊ ಶೆ ಕರಿನ, ತ್ಯುನೆ ಪವಿತ್ರ ಗ್ರಂಥ ವರಿ ತೆ ಕದಲ ವಾತೊಪರ ಬರೊಕ್ಕೊ ಕರಾ.

ಮನಕ್ವನಿ ನಡತೆನಾ ಹುತಿ ಯೆಸುನು ಗ್ಯಾನ

23 ಯೆಸು ಫಸ್ಕ ಸನ್ನಾ ಹುತಿ ಯೆರುಸಲೆಮ್ಮಾ ವ್ಹತ್ತೊ. ತೆ ಕರಲ ಅದ್ಭುತೊ ಮನಕ್ಲೊದೆಕಿನ ತಿಪರ ಬರೊಕ್ಲೊಕರ್ರಾ.

24 ತೆನ್ನೆಸೊ ಯೆಸು ತಿನೆ ತೆಜ್ಜ ತ್ಯುನಾ ಬರೊಕ್ಲಾಪರ ಛೊಡಿನ ದಿದ್ಯೊ ನೈ. ಕಾಕದ್ಯಾಮ ತೆ ತ್ಯುನೊನೆ ವಳಕ್ಲೊತೊ.

25 ಕುನ್ನಜ ಮನಕ್ಲೊನಾ ಹುತಿ ತಿನೆ ಕವಾನೆ ಸುಜ್ಜ ಜರುರತ ನ್ಹೊತ್ತಿ. ಮನಕ್ಲೊನಾ ಮನಸ್ಸಾಸು ಛೆ ಕವಾನು ಯೆಸುನೆ ಗ್ವತ್ತ ವ್ಹತ್ತು.

3

ಯೆಸು ವರಿ ನಿಕೊದೆಮ

1 ಯಕ್ಲೊ ಯಹುದಿಯೊನೊ ಅದಿಕಾರಿ ವ್ಹತ್ತೊ ತಿನು ನಾಮ ನಿಕೊದೆಮ ವ್ಹತ್ತು. ತೆ ಫರಿಸಾಯರ ಗುಂಪನೊ ಸದಸ್ಯ ವ್ಹತ್ತೊ.

2 ಯಕ್ಲ ರಾತೆ ನಿಕೊದೆಮ ಯೆಸುಕನ ಆಯೊ. ನಿಕೊದೆಮ "ಗುರು, ತು ಕ್ಹದಾ ವಳಾಯಲ ಮಾಸ್ತರ ವ್ಹೈ ಕೈನ ಮನೆ ಗ್ವತ್ತ ಛೆ. ತು ಕರಾನಾ ಆ ತರಾನಾ ಅದ್ಭುತೊ ಕ್ಹದಾನೊ ಆಸ್ತೊವಾಚಿ ಕುನ್ನಜ ನೈ ಕರತು "ಕೈನ ಕದ್ಯೊ.

3 ಯೆಸು "ಮಿ ತುನೆ ಕ್ಹರಿಜ ಕೌಸ. ಯಕ್ಲೊ ನವೊ ಥೈನ ಹುಟ್ಟುಜ. ಯಕ್ಲೊ ನವೊ ಥೈನ ನೈ ಹುಟ್ಟೊಮ ತೆ ಕ್ಹದಾನಿ ರಾಜ್ಯ ನೈ ದೆಕತೊ "ಕೈನ ಉತ್ತರ ದಿದ್ಯೊ.

4 ನಿಕೊದೆಮ "ಮನಕ್ಲೊ ಗಡಿಯೊ ಥಯಲ್ಪರ ಹುಟ್ಟಾನು ಕಿಮ್ಮ? ಯಕ್ಲೊ ತಿನಿ ಯಾನಾ ಪೆಟ್ಟಾ ವರಿಯಕ್ಕೆಮ ಜಾವಾನೆ ಸಾಧ್ಯ ಛೆಸು? ಕೈನ ಪುಚ್ಚೊ.

5 ತಿನೆ ಯೆಸು "ಮಿ ತುನೆ ಕ್ಹರಿಜ ಕೌಸ. ಯಕ್ಲೊ ಪಾನಿಕ್ಲು ಆತ್ಮಾಕ್ಲು ಹುಟ್ಟುಜ. ನೈತೊ ತೆ ಕ್ಹದಾನಿ ರಾಜ್ಯನೆ ನೈ ಜಾತೊ.

6 ಅಂಗ ಯಕ್ಲ ಮನಕ್ಲೊ ಶರೀರಮಾ ತಿನಾ ಮಾ ಬಾ ಕ್ಹು ಹುಟ್ಟೊಸ. ತೆನ್ನೆಸೊ ಆತ್ಮಿಕಮಾ ತೆ ಆತ್ಮಾಕ್ಲು ಹುಟ್ಟೊಸ.

7 "ತು ನವೊ ಥೈನ ಹುಟ್ಟುಜ "ಕೈನ ಮಿ ಕದಲ ಕ್ಹುಫಾಬ್ರೊ ಥೌ ನಕೊ.

8 ವಾರೊ ತಿನೆ ಮನಸ ಆಯಲ ಜಗಾ ಜಾವಸ. ವಾರೊ ಆವಾನು ಆವಾಜ ತು ಏಕ್ಸಿ. ತೆನ್ನೆಸೊ ವಾರೊ ಕಿಜ್ಗಾತೊ ಆವಾಡ್ಲೊಸ ವರಿ ಕಿಜಾ ಜಾವಸ ತುನೆ ಗ್ವತ್ತ ನೈ ಧಾತು. ಆತ್ಮಾಕ್ಲು ಹುಟ್ಟಲ ಹರಿ ಯಕ್ಲೊ ತಿನಾಲಿಂಗತ ಛಿ "ಕೈನ ಕದ್ಯೊ

9 ನಿಕೊದೆಮ"ಎ ಕ್ಹಾರು ಕಿಮ್ಮಸಾಧ್ಯ ಛಿ? ಕೈನ ಪುಚ್ಚೊ.

10 ಯೆಸು"ತು ಇಸ್ರಾಯಲನೊ ಮಾಸ್ತರ ವ್ಹೆ ತೆನ್ನೆಸೊ ತುನೆ ಎ ಸಂಗತಿಯೊ ಹಜುನ ಗ್ವತ್ತ ನತ್ತಿ ಥಯು ಸು?

11 ಮಿ ತುನೆ ಕ್ಲರಿಜ ಕೌಸ. ಅಪೊನೆ ಗ್ವತ್ತ ರ್ಲಯಲನಾ ಹುತಿ ಅಪೆ ಬೊಲಿಯೆಸ. ಅಪೆ ದೆಕಲನೆ ಸಾಕ್ಷಿ ದಿಯೆಸ. ತೆನ್ನೆಸೊ ಹಮೆ ಕವಾನು ತುಮೆ ಸ್ವಿಕಾರ ಕರ್ಲೆತಾ ನೈ.

12 ಮಿ ಎ ದುನಿಯಾನಿ ಸಂಗತಿಯೊನಾ ಹುತಿ ಸು ಕದ್ಯೊತಬಿ ತುಮೆ ಬರೊಕ್ಲೊ ನೈ ಕರ್ತಾ. ಇಮ್ಮ ರ್ಲಯೊಮ ಮಿ ಸ್ವರ್ಗನಿ ಸಂಗತಿಯೊನಾ ಹುತಿ ಕದ್ಯೊಮ ತುಮೆ ಕಿಮ ಬರೊಕ್ಲೊ ಕರೊಶಿ?

13 ಸ್ವರ್ಗತೊ ಉತ್ರನ ಆಯಲ ಮನಕ್ಲನೊ ದಿಕ್ಲೊ ಯಕ್ಲೊಜ ವ್ಹೆ ತೆನ್ನೆಸೊ ಬಿಜು ಕುನ್ನಜ ಸ್ವರ್ಗನೆ ಗಯು ನತ್ತಿ.

14 "ಮೊಶೆ ಉಸುಕನಾ ಗಾಮಮಾ ತಾಂಬಾನಾ ಕ್ಹಾಪನೆ ಉಚ್ಚು ರ್ಲಯಲ ಖಾಂಪರ ಮ್ಹೆಲ್ಯೊ ತಿನಾಲಿಂಗತಜ ಮನಕ್ಲನಾ ದಿಕ್ರಾನೆಬಿ ಉಚ್ಚೆನ ಉಚ್ಚು ರ್ಲಯಲ ಖಂಬಾಪರ ಮ್ಹೆಲಸ.

15 ತಿನಾಹುತಿ ತಿಪರ ಬರೊಕ್ಲೊ ಮ್ಹೆಲಾಲೊ ಹರಿ ಯಕ್ಲೊ ಹಮೆಶಾನೊ ಜಲಮ ಹೊಂದಿಲಿವಸ" ಕೈನ ಕದ್ಯೊ.

16 ಹೊ, ಕ್ಹುದಾ ದುನಿಯಾನೆ ಕೆಕ್ಲಿಕೆ ಮಯಾ ಕರಿನ ತಿನಾ ಯಕ್ಲಜ ದಿಕ್ರಾನೆ ದಿದ್ಯೊ; ತಿನೆ ಬರೊಕ್ಲೊ ಕರಾಲೊ ಯಕ್ಲೊಬಿ ಹಾಳ ಥಯಾವಾಚಿ ಕ್ಹಾರಾ ಜನಾ ಹಮೆಶಾನೊ ಜಲಮ ವ್ಹಂದಿಲ್ಯು ಕೈನ ತಿನೆ ದಿದ್ಯೊ.

17 ಕ್ಹುದಾ ತಿನಾ ದಿಕ್ರಾನೆ ಎ ದುನಿಯಾಮಾ ವಳಾಯಲ, ತಿನಾ ಮುಲಕ ಎ ದುನಿಯಾನಾ ಮನಕ್ಲನೆ ಅಪರಾದಿ ವ್ಹೆ ಕೈನ ಪೈಸಲೊ ಕರಾನೆ ನ್ಹವ್ಹೆ ತೆನ್ನೆಸೊ ರಕ್ಷಣೆ ವ್ಹಂದಿಲ್ಯು ಕೈನ ಕ್ಹುದಾ ತಿನೆ ವಳಾಯೊ.

18 ಕ್ಷುದಾನಾ ದಿಕ್ರಾಪರ ಬರೊಕ್ಕೊ ಮ್ಹೆಲಾವಾಲಾನೆ ಫೈಸಲೊ ನೈ ಥಾತೊ. ತೆನ್ನೆಸೊ ನೈ ಬರೊಕ್ಕೊ ಕರಾಲಾನೆ ತೆಳಾಮಾಚ ಫೈಸಲೊ ಥಯೊಸ. ಕಾಕದ್ಯಾಮ ತೆ ಕ್ಷುದಾನೊ ಯಕ್ಕೊಜ ದಿಕ್ರಾಪರ ಬರೊಕ್ಕೊ ಮ್ಹೆಲ್ಯೊನೈ.

19 ತೆ ನ್ಯಾಯನೊ ಫೈಸಲೊ ಅಮ್ಮ ರ್ವಪಸ ಉಜಾಲು ದುನಿಯಾಮಾ ಆಯು ವರಿಬಿ ಮನಕ್ಕೊ ಉಜಾಲಾನಾ ಬದಲ ಅಂದಾರಾನೆ ಮಯಾ ಕರ್ಯಾ ಕಾಕದ್ಯಾಮ ತಿನಾ ಕಾಮೊ ಕೆಟ್ಟ ವ್ಹೆ.

20 ಕೆಟ್ಟ ಕರಾಲೊ ಹರಯಕ್ಕೊ ಉಜಾಲಾನೆ ಇನ್ನಾರಸ. ತೆ ಉಜಾಲಾಮಾ ಆತೊ ನೈ ಕಾಕದ್ಯಾಮ ತ್ಯುನೆ ಕರಲ ಕೆಟ್ಟ ಕಾಮೊ ಕ್ಹಾರಾ ಉಜಾಲಾಮಾ ದಿಕ್ರು ಕೈನ ಮನಸ ರ್ವತು ನೈ.

21 ತೆನ್ನೆಸೊ ಕುನ್ನ ಕ್ಹರಿನಿ ಕಾಮ ಕರಸ ತೆ ಉಜಾಲಾನಾ ನಜಿಕ ಆವಸ. ಕಾಕದ್ಯಾಮ ಉಜಾಲು ತ್ಯುನು ಕಾಮ ದಿಕ್ಹಾದೆ ಕೈನ ತ್ಯುನೆ ಸು-ಸು ಕರ್ಯಾಸ ತೆ ಕ್ಹಾರು ಕ್ಷುದಾನಾ ಮುಲಕ ಕರಾಯಲ ಛಿ.

ಯೆಸು ವರಿ ಬಾಪ್ತಿಸ್ಮ ದಿಲಾವಾಲೊ ಯೋಹಾನ್

22 ಎ ಥಯಲ್ಪರ, ಯೆಸು ವರಿ ತಿನಾ ಶಿಷ್ಯಾ ಯುದೆಯ ಕವಾನಾ ಪ್ರಾಂತ್ಯನೆ ಗಯಾ. ತ್ಯಾ ಯೆಸು ತಿನಾ ಶಿಷ್ಯಾವೊನಾ ಕ್ಹಾತೆ ದಕ್ಹಾ ದಿನ್ನ ರ್ವ್ಹಿನ, ಮನಕ್ಕೊನೆ ಬಾಪ್ತಿಸ್ಮ ಕರಾಯೊ.

23 ಯೋಹಾನಬಿ ಸಲಿಮನಾ ನಜಿಕ ರ್ವಯಲ ಐನೊನ ಗಾಮ್ತಾ ಬಾಪ್ತಿಸ್ಮ ಕರಾವಾಡೊತೊ. ಕಾಕದ್ಯಾಮ ತ್ಯಾ ಘನ್ನು ಪಾನಿ ರ್ವಯಲಕ್ಹು ಯೋಹಾನ್ ತ್ಯಾ ಮನಕ್ಕೊ ತ್ಯಾ ಐನ ಬಾಪ್ತಿಸ್ಮ ಕರೈಲಿವಾಡಾತಾ.

24 (ತೆಳಾಮಾ ಯೋಹಾನೆ ಹಚ್ಚುನ ಜೈಲಮಾ ಫಾಲ್ಯಾ ನೊಡತಾ)

25 ಯೋಹಾನನಾ ಶಿಷ್ಯಾವೊನಾ ದಕ್ಹಾ ಜನಾವೊನೆ ಯಕ್ಲಾ ಯೆಹುದಿಯೊನಾ ಪದ್ಧತನಿ ಶುದ್ಧಾಚಾರನಾ ಹುತಿ ವಾದ-ವಿವಾದ ಚಾಲಾಡ್ತು.

26 ತಿನಾಹುತಿ ಶಿಷ್ಯಾ ಯೋಹಾನ್ ಕನ ಐನ"ಗುರು, ತುನೆ ಶೆ ಛಿಸು? ತೆ ಮನಕ್ಹ ಯೊರ್ದನನಿ ಪುರ್ವ ದಿಕ್ಹಾ ತಾರಾ ಕ್ಹಾತೆ ವ್ಹತ್ತೊ ವರಿ ತು ತಿನಾ

ಹುತಿ ಕದ್ದೊತೊತೊ? ತೆ ಮನಕ್ಕೊನೆ ಬಾಪ್ತಿಸ್ಮ ದಿಲಾವಾಡ್ತೊಸ. ಘನ್ನಾ ಮನಕ್ಕೊತಿಕನ ಚಾಲ್ಯಾಸ "ಕೈನ ಕದ್ದಾ.

27 ಯೋಹಾನ, ಕಯಾಜ ಮನಕ್ಕನೆ ತ್ಯಾಲಕ್ಕಾ ಮಳತು ನೈ, ಕಿಜಾ ಲಕ್ಕಾ ತಿನೆ ಕ್ಕುದಾ ದೆತೊ ನೈ.

28 ತುಮೆ ಕ್ಹಾರಾ ಸಾಕ್ಷಿ ಥಯಾಸ ಮಿ ಕದ್ದೊತೊ; ಮಿ ಕ್ರಿಸ್ತ ನ್ಹೊ ತೆನ್ನೆಸೊ ಮನೆ ತಿನಾತಿ ಪೈಲಾ ವಳಾಯಲ ವ್ಹೊ.

29 ನೌರಿ ನೌರಾನಿಜ ವ್ಹೊ ನೌರಾನೆ ಸಹಾಯ ಕರಾಲೊ ದೊಸ್ತ ನೌರೊ ಆವಾನಾ ಹುತಿ ಕೈದತೊ ರ್ಹವಸ ವರಿ ತೆ ಬಲಾವಸ ಕೈನ ಕಾನ ದಿನ್ನ ಐಕ್ಕೊ ರ್ಹವಸ. ನೌರಾನೊ ಗಳೊ ಐಕ್ತಾಮಾ ತೆ ದೊಸ್ತ ಘನ್ನೊ ಖುಶಿ ಥಾವಸ. ತೆಜ ಮಾರಿ ಖುಶಿ ಪುರಾ ಥಯ.

30 ತೆ ಮ್ಹೊಟೊ ಥೌ ವರಿ ಮಿ ನ್ಹಾನೊ ಥೌ.

ಎ ಸ್ವರ್ಗತೊ ಆಯಲವಾಲೊ ವ್ಹೊ

31 "ಉಪ್ಪರ್ತೊ ಆವಾಲೊ ಯಕ್ಕೊ ಬಿಜಾ ಕ್ಹಾರಾ ಮನಕ್ಕೊತಿಬಿ ಮ್ಹೊಟೊ ವ್ಹೊ ಕುನ್ನ ದುನಿಯಾವಾಲೊ ವ್ಹೊ ತೆ ದುನಿಯಾನೆ ಸಂಭಂದ ರ್ಹಯಲವಾಲೊ ವ್ಹೊ ತೆ ದುನಿಯಾನಾನಿ ಸಂಗತಿಯೊನಾ ಹುತಿ ಬೊಲಸ. ಕುನ್ನ ಸ್ವರ್ಗತು ಆವಸ ತೆ ಕ್ಹಾರಾವೊತಿ ಮ್ಹೊಟೊ ಥಯೊಸ.

32 ತೆ ದೆಕಲ ಕ್ಹಾರಾನಾ ಹುತಿ ವರಿ ಐಕಲ ಕ್ಹಾರಾನಾ ಹುತಿ ಸಾಕ್ಷಿ ದಿವಸ. ತೆನ್ನೆಸೊ ತಿನಿ ಸಾಕ್ಷಿನೆ ಮನಕ್ಕೊಸ್ತಿಕಾರ ನೈ ಕರ್ತಾ.

33 ತೆನ್ನೆಸೊ ತಿನಿ ಸಾಕ್ಷಿನೆ ಕುನ್ನ ಸ್ತಿಕಾರ ಕರಿಲಿವಸ ತೆ ಅಮ್ಮ ಕರಾಕ್ಹು ಕ್ಕುದಾಜ ಕ್ಹರಿ ವ್ಹೊ ಕೈನ ದೆಕಾಡಿನ ದಿವಸ.

34 ಕಾಕದ್ಯಾಮ ಕ್ಕುದಾ ಕಿನೆ ಮೊಕ್ಕೊಸ ತೆ ಕ್ಕುದಾನಿಯೊ ವಾತೊ ಬೊಲಸ. ಕಾಕದ್ಯಾಮ ಕ್ಕುದಾ ತಿನೆ ಪರಿಪುರ್ಣ ಆತ್ಮಾದಿದ್ಯೊಸ.

35 ಬಾ ದಿಕ್ರಾನೆ ಮಯಾ ಕರಸ. ಬಾ ದಿಕ್ರಾನೆ ಹರಯಕ್ಕ ಪರ ಅದಿಕಾರ ದಿದ್ಯೊಸ.

36 ಕುನ್ನ ದಿಕ್ರಾ ಪರ ಬರೊಕ್ಕೊ ಮ್ಹೊಲಸ ತಿನೆ ಹಮೆಶಾನೊ ಜಲಮ ಮಳಸ. ತೆನ್ನೆಸೊ ದಿಕ್ರಾನೆ ವಿಧೆಯ ನೈ ಥಾತೊ ತಿನೆ ತೆ ಜಲಮ

ಕೆಳಾಮಾಜ ಮಳ್ತೊ ನೈ ಕ್ಹುದಾನಿ ಶಿಟ್ಟ ತಿನಾ ಉಪ್ಪರ ರ್ವವಸ" ಕೈನ ಉತ್ತರ ದಿದ್ಲೊ.

4

ಯೆಸು ವರಿ ಸಮಾರ್ಯಾ ಬಾಕ್ಸಿ

¹ ತೆ ಯೋಹಾನತಿಬಿ ಹೆಚ್ಚಿ ಶಿಷ್ಯಾ ಕರಲಿನ ತ್ಯುನೊನೆ ಬಾಪ್ತಿಸ್ಮ ಕರಾವಾಡ್ಲೊಸ ಕೈನ ಕವಾನಿ ಸುದ್ದಿಫರಿಸಾಯರೊನೆ ಗ್ವತ್ತ ಥಯುಸ ಕೈನ ಯೆಸುನೆ ಗ್ವತ್ತ ಥಯು.

² ಕ್ಹರಿಮಾಜ ಮನಕ್ಲೊನೆ ಬಾಪ್ತಿಸ್ಮ ದಿಲಾಯಲ ಯೆಸು ನ್ಹವೈ ತಿನಾ ಶಿಷ್ಯಾಜ್ಜ ದಿಲಾಯಾ.

³ ಮನಕ್ಲೊಸು ಕವಾಡ್ಯಾಸ ಕವಾನು ಯೆಸು ಐಕಿನ ತೆ ಯುದಾಯ ಛೊಡಿನ ವರಿ ಗಲಿಲಾಯಯೆ ಗಯೊ.

⁴ ತೆ ಸಮಾರ್ಯಾ ಪ್ರಾಂತ್ಯಮಾತೊಜ ಗಲಿಲಾಯೆ ಜಾವಾನಿ ವಾಟಿ ದಾಟಿನ ಜಾವಾನು ವ್ಹತ್ತು.

⁵ ಯೆಸು ಸಮಾರ್ಯಾ ಕವಾನೆ ಗಾಮ್ಮಾರ್ವಯಲ ಸುಖಾರ ಕವಾನಿ ಜಗಾಪರ ಆಯೊ. ಯಾಕೊಬ ತಿನಾ ದಿಕ್ರಾಯೊಸೆಫನೆ ದಿದಲ ಜಗಾನಾ ನಜಿಕ ಎ ಗಾಮ ಛಿ.

⁶ ಯಾಕೊಬನಿ ಇರ ತ್ಯಾಜ ವ್ಹತ್ತಿ. ಯೆಸು ಘನ್ನು ದುರತೊ ಚಾಲ್ತೊ ಆಯಲ ಹುತಿ ತೆ ಸುಸ್ತ ಥಯೊತೊ. ತಿನಾಹುತಿ ತೆ ಇರಕನ ಬೈಟ್ಲೊ ತೆಳಾಮಾ ಕಮ್ನಿ ಕಮ ದುಪ್ಪಾರ ಥೈತಿ.

⁷ ಸಮಾರ್ಯಾವಾಲಿ ಯಕ್ಕ ಬಾಕ್ಸಿ ಪಾನಿ ಲಿವಾನೆ ತೆ ಇರಕನ ಐ. ಯೆಸು ತಿನೆ"ಮನೆ ಪಿವಾನೆ ದಕ್ಲು ಪಾನಿ ದೆಶಿ ಸು? ಕೈನ ಪುಚ್ಚೊ.

⁸ ಯೆಸುನಾ ಶಿಷ್ಯಾ ಖಾವಾನಾ ಹುತಿ ಇಕ್ಕಾತು ಅನ್ನಲಾವಾನೆ ಗಾಮೆ ಗಯಾತಾ.

⁹ ಸಮಾರ್ಯಾವಾಲಿ ತೆ ಬಾಕ್ಸಿ ತುತೊ ಯಹುದಿ ವ್ಹೈ ಮಿತೊ ಸಮಾರ್ಯಾವಾಲಿ ವ್ಹೈ" ಪಿವಾನೆ ಪಾನಿ ತು ಮಕನ ಪುಚ್ಚಾನು ಕಾ? ಕದಿ. ಯೆಹುದಿಯೊನಾ ಮನಕ್ಲೊ ಸಮಾರ್ಯಾವಾಲಾನಾ ಕ್ಹಾತೆ ಕಯುಜ್ಜ ಸಂಭಂದ ಮ್ಹೆಲ್ತಾ ನ್ಹೊತಾ..

10 ಯೆಸು ತಿನೆ"ಕುಡಾ ಸು ದಿವಸ ಕವಾನು ತುನೆ ಗ್ವತ್ತ ನತ್ತಿ ಪಾನಿ ಪುಚ್ಚಾಮಾ ಮಿ ಕುನ್ನ ವ್ಹೈ ಕವಾನು ತುನೆ ಗ್ವತ್ತ ನತ್ತಿ. ತುನೆ ಎ ಕ್ಕಾರು ಗ್ವತ್ತ ರ್ವವತ್ತೊ, ತು ಮಕನ ಮಾಂಗಿಲೆತಿತಿ, ವರಿ ಮಿ ತುನೆ ಜಿವ ಜಲ ದೆತೊತೊ "ಕದ್ಯೊ

11 ತೆ ಬಾಕ್ತಿ ಅಯ್ಯಾ ತೆ ಜಿವ ಜಲ ತುನೆ ಕಿಜ್ಜಾ ಮಳಸ? ಇರ ಘನ್ನಿ ಉಂಡಿ ಛಿ ವರಿ ತಿಮಾತು ಪಾನಿ ಕಾಡಾನೆ ತುಕನ ಸುಜ್ಜ ಸಾಮನ ನತ್ತಿ.

12 ಹಮೊನೆ ಆ ಇರ ಯಾಕೊಬ ದಿದ್ಯೊಸ. ತೆಬಿ ಎಜ್ಜ ಪಾನಿ ಪಿದ್ಯೊ ತೆನ್ನೆಸೊ ತಿನಾ ಬಚ್ಚಾಬಿ ಎಜ್ಜ ಇರನು ಪಾನಿ ಪಿದ್ಯಾ ತಿನಾ ಜಾನ್ವರೊಬಿ ಎಜ್ಜ ಇರಮಾನು ಪಾನಿ ಪಿತಾತಾ. ಹಮಾರೊ ಪಿತ್ಯಥಯಲ ಯಾಕೊಬತಿಬಿ ತು ಮೊಟ್ಟೊ ವ್ಹೈಸು? ಕೈನ ಕದಿ.

13 ಯೆಸು, ಎ ಪಾನಿ ಪಿವಾಲಾ ಹರಿ ಯಕ್ಕಾನೆ ಫರಿನ ತರಕ್ವಲಾಗಸ,

14 ವರಿ ಮಿ ದಿವಾನು ಪಾನಿ ಕುನ್ನ-ಕುನ್ನ ಪಿವಸ ತ್ಯುನೊನೆ ಫರಿನ ತರಕ್ವಲಾಗಿಜ ನೈ. ಮಿ ದಿವಾನು ಪಾನಿ ತ್ಯುನಾ ಮ್ಹೈತು ಜಲಮ ದಿವಾನು ಪಾನಿನು ಝರಿಲಿಂಗತ ರ್ವವಸ. ವರಿ ತೆ ತ್ಯುನೊನೆ ಹಮೆಶಾನೊ ಜಲಮ ದಿವಸ" ಕೈನ ಕದ್ಯೊ

15 ತೆ ಬಾಕ್ತಿ ಯೆಸುನೆ"ಗುರು, ತೆ ಪಾನಿ ಮನೆ ದೆ! ತೆಳಾಮಾ ಮನೆ ವಟ್ಟಜ ತರಕ್ವಲಾಗಿ ನೈ. ಪಾನಿ ಲಿನ ಜಾವಾಲಾನೆ ಮಿ ನ್ಯಾಪರಿ ಆವಾನೆ ಜರುರತ್ತ ರ್ವತಿ ನೈ" ಕೈನ ಕದಿ.

16 ಯೆಸು ತಿನೆ"ತು ಗೈನ ತಾರಾ ಮಾಟಿನೆ ಬಲೈಲಿನ ಫರಿನ ಆ "ಕದ್ಯೊ

17 ತೆ ಬಾಕ್ತಿನೆ "ಮನೆ ಮಾಟಿ ನತ್ತಿ" ಕದಿ.

ಯೆಸು ತಿನೆ"ತಾರೊ ಮಾಟಿ ನತ್ತಿ ಕೈನ ಕ್ಕರಿ ಕದಿ.

18 ಕ್ಕರಿಮಾಜ್ಜ ತುನೆ ಪಾಂಚ್ ಜನಾವೊನಾ ಕ್ವಾತೆ ಹಿವಾ ಥಯಾತಾ. ವರಿಬಿ ತು ಹಮ್ಮಾ ಕಿನಾ ಕ್ವಾತೆ ಛಿ ತೆ ಕ್ಕರಿಮಾಜ್ಜ ತಾರೊ ಮಾಟಿ ನ್ವವೈ. ತು ಮನೆ ಕ್ಕರಿಜ ಕದಿ" ಕೈನ ಕದ್ಯೊ

19 ತೆ ಬಾಕ್ತಿ, ಗುರು, ತು ಪ್ರವಾದಿ ವ್ಹೈ ಕೈನ ಮನೆ ದಿಕ್ವಾಡ್ಯೊಸ.

20 ಹಮಾರಾ ಸಮಾರ್ಯಾನಾ ಪಿತ್ರೋ ಆ ಡೊಂಗರಪರ ಆರಾಧನಾ ಕರ್ತಾತಾ ತೆನ್ನೆಸೊ ಮನಕ್ಲೊ ಆರಾಧನಾ ಕರಾನಿ ಜಗಾ ಯೆರುಸಲೆಮ ವ್ಹೆಕ್ಲೆನ ಯೆಹುದಿಯೊ ಥಯಲ ತುಮೆ ಕವೊಶಿ" ಕದಿ.

21 ಯೆಸು ತಿನೆ"ಎ ಬಾಕ್ಲಿಮನೆ ನಂಬ! ತು ಹಬ್ಬಾತಿ ಕೆಳಾಮಾಜ ಬಾನೆ ಯೆರುಸಲೆಮಾ ರ್ಹೆನ್ಹೆನೆಕಾ ಆ ಡೊಂಗರಪರ ರ್ಹೆನ್ಹೆನೆಕಾ ಆರಾಧನಾ ಕರಾನೆ ನೈಥಾತು.

22 ತುಮೆ ಸಮಾರ್ಯಾವಾಲಾ ಕಿನೆ ಆರಾಧನಾ ಕರಾಡಾಸ ತುಮೊನೆ ಗ್ವತ್ತ ನತ್ತಿ. ತೆನ್ನೆಸೊ ಹಮೆ ಯೆಹುದಿಯೊ ಕಿನೆ ಆರಾಧನಾ ಕರಿಯೆಸ ಕೈನ ಹಮೊನೆ ಗ್ವತ್ತ ಛೆ. ಕಾಕದ್ಯಾಮ ಬಿಡುಗಡೆ ಯೆಹುದಿಯೊಕ್ಕುಜ್ಜ ಆವಸ.

23 ಕ್ಹರಿಕ್ಹು ಆರಾಧನಾ ಕರಾಲಾ ಬಾನಿ ಆರಾಧನಾ ಆತ್ಮಾಕ್ಹುವರಿ ಕ್ಹರಿಕ್ಹು ಕರಾನೊ ಟೈಮ ಆವಸ. ತೆ ಟೈಮ ಹಮ್ಮಾಜ ಆಯೊಸ. ವರಿ ತೆವಾಜ ಆರಾಧನಾ ಕರಾಲಾವೊನೆ ಬಾ ಹುಡ್ಕಸ.

24 ಕ್ಹುದಾ ಆತ್ಮಾ ವ್ಹೆನ್ಹೆ ತಿನಾ ಹುತಿ "ಕ್ಹುದಾನೆ ಆರಾಧನಾ ಕರಾಲಾ ಆತ್ಮಾಕ್ಹು ಕ್ಹರಿಕ್ಹು ಆರಾಧನಾ ಕರು" ಕೈನ ಕದ್ಯೊ.

25 ತೆ ಬಾಕ್ಲಿ ಮಸ್ಸಿಹಾ ಆವಸ ಕವಾನು ಮನೆ ಗ್ವತ್ತ ಛೆ. ತೆ ಆತಾಮಾ ಮನೆ ಹರಿ ಯಕ್ಕ ಕವಸ ಕೈನ ಕದಿ. ಮಸ್ಸಿಹಾ ಕದ್ಯಾಮ ಕ್ರಿಸ್ತ ವ್ಹೆನ್ಹೆ.

26 ತೆಳಾಮಾ ಯೆಸು ತಿನೆ, ತಾರಾ ಕ್ಹಾತೆ ಬೊಲಾಲೊ ಮಿಜ ತೆ ವ್ಹೆಕ್ಲೆನ ಕದ್ಯೊ.

27 ತೆ ಟೈಮ್ಮಾ ತಿನಾ ಶಿಷ್ಯಾ ಫರಿನ ಆಯಾ. ಯೆಸು ಯಕ್ಕ ಬಾಕ್ಲಿನಾ ಕ್ಹಾತೆ ಬೊಲಾನು ದೆಕಿನ ಘನ್ನಾ ಘಾಬ್ರಾ ಥಯಾ. ತೆನ್ನೆಸೊ ತ್ಯುನೆ, ತುನೆ ಸು ಘಾಯೆ? ಕೈನ ತು ತಿನಾ ಕ್ಹಾತೆ ಸು ಬೊಲಾಡೊಸ? ಕೈನ ತ್ಯುನೆ ಕುನ್ನಜ ತ್ಯುನೊನೆ ಪುಚ್ಚಾನ್ಹೆ.

28 ಪಾಘಾತಿ ತೆ ಬಾಕ್ಲಿ ತಿನೊ ಪಾನಿನೊ ಘಡೊ ತ್ಯಾಜ ಛೊಡಿನ ಗಾಮ್ತಾಫರಿನ ಗೈನ ಮನಕ್ಲೊಕನ,

29 "ಮಿ ನ್ಯಾಲ್ಕಾಬಿ ಕರಲ ಹರಿ ಯಕಬಿ ಯಕ್ಕ ಮನಕ್ಹ ಮನೆ ಕದ್ಯೊ ಐನ ತುಮೆ ತಿನೆ ದೆಕೊ. ತೆಜ್ಜ ಕ್ರಿಸ್ತ ವಸೆ ಸು? ಕೈನ ಕದಿ.

30 ತಿನಾಹುತಿ ಮನಕ್ಲೊತಿನೆ ದೆಕಾನೆ ಗಾಮ್ತಾ ಭಾರಾ ಆಯಾ.

31 ತೆಕ್ಕಾಮಾಙ್ಕ ಯೆಸುನಾ ಶಿಷ್ಯಾ "ಗುರು, ಅನ್ನ ಖಾ ಕೈನ ತಿನೆ ಘನ್ನಾ ಕದ್ಯಾ

32 ತೆ ವಾತೆ ಯೆಸು, ಮಕನ ಖಾವಾನೆ ಅನ್ನ ಛೆ. ತೆ ಅನ್ನನಾ ಹುತಿ ತುಮೊನೆ ಗ್ವತ್ತ ನತ್ತಿ ಕದ್ಯೊ.

33 ತಿನಾಹುತಿ ಶಿಷ್ಯಾ, ಕುನ್ನಬಿ ತಿನೆ ಪೈಲಾಜ ಅನ್ನಲೈನ ದಿದ್ಯಾವಸೆ ಸು? ತ್ಯುನೊ-ತ್ಯುನೊಮಾಙ್ಕ ಬೊಲ್ಲಿದ್ಯಾ.

34 ಯೆಸು ತ್ಯುನೊನೆ, ಮನೆ ಮೊಕ್ಕಲವಾಲೊ ಮಿ ಸು ಕರು ಕೈನ ಆಸ ಕರಸ ತೆ ಕರಾನುಜ ಮನೆ ಅನ್ನವ್ವೆ, ತೆ ಮನೆ ದಿದಲ ಕಾಮ ಪುರಾ ಕರು.

35 ಸುಗ್ಗಿನೆ ಹಜುನ ಚಾರ ಮ್ಹೊನಾ ಕೈದು, ಕೈನ ತುಮೆ ಕವೊಸಿ. ತೆ ಮಿ ತುಮೊನೆ ಕವಾಡ್ಯೊಸ, ತುಮಾರಾ ಡೊಳಾ ಖುಲ್ಲಾಕರೊ. ಖೆತರನಾ ಸುತ್ತೆ ದೆಕೊ, ತೆ ಕಾಟಾನೆ ತಯ್ಯಾರ ಥಯಾಸ..

36 ಹಮ್ಮಾಬಿ, ಬೆಳೆ ಕಾಟಾಲಾವೊನೆ ಕುಲಿ ಮಳಸ. ತೆ ಬೆಳೆ ಹಮೆಶಾ ರ್ವಾನೆ ಜಲಮನಾ ಹುತಿ ಮಳಾವಸ. ತಿನಾ ಹುತಿ ಬಿತ್ತಾಲಾ ವರಿ ಕಾಟಾಲಾ ಮಳಿನಜ ಖುಶಿ ಥಾವಸ.

37 ಯಕ್ಕೊ ಬಿತ್ತಸ, ಯಕ್ಕೊ ತೆ ಬೆಳೆನೆ ಕಾಟಸ. ಕವಾನಿ ಯಕ್ಕ ಕಹಾವತ ಕ್ಕರಿ ವ್ಹೊ

38 ತುಮೆ ನೈರಾಬಲ ಬೆಳೆ ಕಾಟಾನೆ ತುಮೊನೆ ಮೊಕ್ಕಾಡ್ಯೊಸ. ಬಿಜಾ ರಾಬ್ಯಾ ತೆನ್ನೆಸೊ ತ್ಯುನೆ ರಾಬಲ ಹುತಿ ತುಮೆ ಪೈದೊ ಖಾವೊಸಿ" ಕೈನ ಕದ್ಯೊ.

39 ತೆ ಗಾಮನಾ ಘನ್ನಾ ಸಮಾರ್ಯಾವಾಲಾ ಮನಕ್ಕೊ ಯೆಸುನೆ ನಂಬ್ಯಾತಾ. ಕಾಕದ್ಯಾಮ ತೆ ಬಾಕ್ಡಿ ತಿನಾಹುತಿ ತ್ಯುನೊನೆ"ಮಿ ಕರಲ ತೆಕ್ಕಬಿ ಮನೆ ತೆ ಕದ್ಯೊತೊ" ಕೈನ ಕದಿತಿ.

40 ಸಮಾರ್ಯಾವಾಲಾ ಯೆಸುಕನ ಐನ ಹಮಾರಾ ಕ್ಹಾತೆ ರ್ವಿ ಕೈನ ಕೈಲಿದ್ಯಾತಾ. ತಿನಾಹುತಿ ತೆ ತ್ಯಾಬೆ ದಿನ್ನ ವ್ಹತ್ತೊ.

41 ತೆ ಕದಲ ವಾತೊ ತ್ಯಾನಾ ಮನಕ್ಕೊ ಘನ್ನಾ ನಂಬ್ಯಾತಾ.

42 ತ್ಯುನೆ ತೆ ಬಾಕ್ಡಿ ತೆ ಕದಲ ವಾತೊಕ್ಕು ಹಮೆ ಯೆಸುನೆ ನಂಬ್ಯಾತಾ. ತಿನಾ ಹುತಿ ಹಮೆಙ್ಕ ಖುದ್ದ ದೆಕಿನ ಹಮೆ ನಂಬಿಯೆಸ. ಕ್ಹರಿಮಾಙ್ಕ ಎಙ್ಕ

ದುನಿಯಾನೆ ವಙ್ಗಾಡಾಲೊ ವ್ಹೈ ಹಮ್ಮಾ ಹಮೊನೆ ಗ್ವತ್ತ ಥಯುಸ ಕೈನ ಕದ್ಯಾ

ಯೆಸು ಅದಿಕಾರಿನಾ ದಿಕ್ರಾನೆ ಅರಾಮ ಕರಲ

(ಮತ್ತಾಯ 8:5-13; ಲುಕ 7:1-10)

43 ಬೆ ದಿನ್ನ ತ್ಯಾರ್ಲಯಲ್ಪರ ಯೆಸು ತ್ಯಾಂತೊ ಗಲಿಲಾಯೆ ಗಯೊ.

44 ಪ್ರವಾದಿನೆ ತಿನಾ ಸ್ವಂತ ಗಾಮ್ಮಾ ಮರ್ಯಾದಿ ನತ್ತಿ ಖುದ್ದನಾ ಹುತಿ ಯೆಸುಜ ಕದ್ಯೊ.

45 ತೆ ಗಲಿಲಾಯೆಯೆ ಆತಾಮಾ, ತ್ಯಾನಾ ಮನಕ್ಲೊತಿನೆ ಬಲೈಲಿದ್ಯಾ ಕಾಕದ್ಯಾಮ ತೆ ಫಸ್ಕ ಸನ್ನನಾ ಟೈಮ್ಮಾ ಯೆಸು ಕರಲ ಕ್ಹಾರಾ ಕಾಮೊ ದೆಕ್ಯಾತಾ. ತೆ ಸನ್ನಮಾ ತೆ ಕ್ಹಾರಾ ಮನಕ್ಲೊ ಗಲಿಲಾಯೆಯೆ ಗಯಾತಾ.

46 ಯೆಸು ಗಲಿಲಾಯನಾ ಕಾನಾ ಗಾಮೆ ವರಿ ಯಕ್ಕೆಮ ಆಯೊ. ತೆ ಪಾನಿಕ್ಹ ದ್ರಾಕ್ಷಿಯೊನು ರಕ್ಹ ಕರಲ ತೆ ಗಾಮ್ಮಾ ವ್ಹೈ ತೆಜ್ಜ ಗಾಮ್ಮಾ ಯಕ್ಹ ಮ್ಹೊಟೊ ಅದಿಕಾರಿ ಕಪೆನೊರ್ಮಿಮಾ ರ್ಹತೊತೊ. ತಿನಾ ದಿಕ್ರಾನೆ ಅರಾಮ ನ್ಹೊತು.

47 ಯೆಸು ಯುದೆಯತೊ ಐನ ಗಲಿಲಾಯಮಾ ಛಿ ಕೈನ ಸುದ್ದಿ ತೆ ಐಕ್ಲೊ ತಿನಾ ಹುತಿ ತೆ ತಿಕನ ಗೈನ ತಿನಾ ದಿಕ್ರಾನೆ ಅರಾಮ ಕರಾನಾಹುತಿ ತಿನೆ ಕಪೆನೊರ್ಮಿ ಔ ಕೈನ ತಿಕನ ಕೈಲಿದ್ಯೊ ತಿನೊ ದಿಕ್ಲೊ ಮರ್ವಾನಿ ಪರಸ್ತಿತಿಮಾ ವ್ಹತ್ತೊ.

48 ಯೆಸು ತಿನೆ"ಸುಚಕ ಕಾಮೊ ವರಿ ಫಾಬ್ರಾಥಾವಾನಾ ಕಾಮೊ ದೆಕ್ಯಾವಾಚಿ ಮನೆ ನಂಬತಾಜ್ಜ ನೈ" ಕೈನ ಕದ್ಯೊ.

49 ತೆ ಮ್ಹೊಟೊ ಅದಿಕಾರಿ"ಸ್ವಾಮಿ, ಮಾರೊ ದಿಕ್ಲೊ ಮರಾತಿ ಪೈಲಾಜ ತು ಔ" ಕೈನ ಮಾಂಗಿಲಿದ್ಯೊ.

50 ಯೆಸು ತಿನೆ"ಜ್ಞಾ ತಾರೊ ದಿಕ್ಲೊ ವಾಚಸ "ಕೈನ ಕದ್ಯೊ.

ಯೆಸುನಿ ವಾತ ನಂಬಿನ ತೆ ತಿನಾ ಘರೆ ಗಯೊ.

51 ತೆ ಘರೆ ಜ್ಞಾತಾಮಾ ತಿನಾ ಆಳೊ ತಿಕನ ಐನ"ತಾರೊ ದಿಕ್ಲೊ ಅರಾಮ ಥಯೊಸ "ಕೈನ ಕದ್ಯೊ.

52 ತೆ, ಮಾರಾ ದಿಕ್ರಾನೆ ಕೆಳಾಮಾ ಅರಾಮ ಥಯು ಕೈನ ಪುಚ್ಚೊ, ತೆಳಾಮಾ ತೆ ಆಳೊ "ತಾರಾ ದಿಕ್ರಾನೆ ಕಾಲ ದುಪಾರೆಜ ಯಕ್ಕ ವಾಸ್ತಾ ತಿನೆ ರ್ಹಯಲ ತೌ ಛೊಡಿನ ಗೈಪಾಡ್ಯೊಸ" ಕೈನ ಕದ್ಯಾ

53 ತಾರೊ ದಿಕ್ರೊ ವಾಚಸ" ಕೈನ ಯೆಸು ಕದಲ ಎಜ ಟೈಮೆ ವ್ಹೈ ಕೈನ ತೆ ದಿಕ್ರಾನಾ ಬಾನೆ ಗ್ವತ್ತ ವ್ಹತ್ತು. ತಿನಾಹುತಿ ತೆ ವರಿ ತಿನಾ ಘರವಾಲಾ ಕ್ಹಾರಾ ಯೆಸುನೆ ನಂಬ್ಯಾತಾ.

54 ಯೆಸು ಯುದೆಯತೊ ಗಲಿಲಾಯಯೆ ಆಯಲ್ಪರ ಎ ಬೆಂವಾ ಸುಚಕ ಕಾರ್ಯ ವ್ಹೈ.

5

ವ್ಹಂಡಮಾ ಅರಾಮ ಥಾವಾನು

1 ಎ ಥಯಲ್ಪರ ಯೆಸು ಯೆಹುದಿಯೊನಾ ಯಕ್ಕ ಸನ್ನನಾ ಹುತಿ ಯೆರುಸಲೆಮೆ ಗಯೊ.

2 ಯೆರುಸಲೆಮಾ ಪಾಂಚ ಮಂಟಪೊ ಮಳಲ ಯಕ್ಕ ವ್ಹಂಡ ಛೆ. ಯೆಹುದಿಯೊನೆ ವಾತೊಮೊ ತಿನೆ "ಬೆತ್ಸಥ" ಕೈನ ಕವಸ. ಎ ವ್ಹಂಡ "ಬಕ್ರಾನು ಬಾಕಲ" ಕವಾನಿ ಭಗಾನಾ ನಜಿಕ ಛೆ.

3 ವ್ಹಂಡಕನ ರ್ಹಯಲ ಮಂಟಪಮಾ ಘನ್ನಾ ರೊಗಿಯೊ ಪಡಲ ರ್ಹತಾತಾ. ತ್ಯುನಾಮಾ ದಕ್ಹಾ ಜನಾ ಕುಡ್ಲಾ ವ್ಹತ್ತಾ. ದಕ್ಹಾ ಜನಾ ಲಂಗ್ಲಾ ವ್ಹತ್ತಾ, ವರಿ ದಕ್ಹಾ ಜನಾ ಲಕ್ಲೊ ಮಾರಲವಾಲಾ ವ್ಹತ್ತಾ. ತ್ಯುನೆ ಪಾನಿ ಹಲ್ಲೆಲಕ್ಕಾ ಕೈದತಾ ರ್ಹತಾತಾ,

4 ಕಾಕದ್ಯಾಮ ಹರಿಯಕ್ಕಸಲಾ ದಕ್ಲೊ ಟೈಮ್ಮ ಥಯಲ್ಪರ ಪ್ರಭುನೊ ದುತ ಹೆಟೊ ಉತ್ರಿನ ಐನ ತೆ ವ್ಹಂಡಮಾನು ಪಾನಿ ಹಲಾತೊತೊ ಅರಾಮ ನೈಸೊವಾಲೊ ಕಯೊಬಿ ಮನಕ್ ಪಾನಿ ಹಲ್ತಾಮಾ ಪೈಲಾ ಗೈಯಾಮ ತೆ ಕಯಾಬಿ ರೊಗ್ಮಾರ್ಹಯೊತಬಿ ಅರಾಮಾ ಥಾತೊತೊ. *

5 ಮುವತ್ತಪರ ಆಟಿ ವರಕ್ಹತೊ ರೊಗ್ಮಾರ್ಹಯಲವಾಲೊ ಯಕ್ಲೊತ್ಯಾ ಪಡಲ ವ್ಹತ್ತೊ.

* 5:4 5:4 3 ವರಿ 4 ಎ ವಚನೊ ಪಾಚಲ್ಯಾ ಘನ್ನಾ ಜುನ್ನಾ ವರಿ ಚೊಕ ಪತ್ರಿಕೆ ಹಸ್ತ ಪ್ರತಿಮಾ ನೈದಿಕ್ಷಿನ ಆತಾ.

6 ಯೆಸು ತಿನೆ ದೆಕ್ಕೊ ತೆ ಘನ್ನಾ ದಿನ್ನತೊ ರೊಗ್ಮಾರ್ಡ್ಲಯಲ ತಿನೆ ಗ್ವತ್ತ ವ್ಹತ್ತೊ. ತಿನಾಹುತಿ ತೆ ತಿನೆ"ಅರಾಮ ಥಾವಾನೆ ಮನಸ ಛಿ ಸು? ಕೈನ ಪುಚ್ಚೊ.

7 ತೆ ರೊಗಿ"ಅಯ್ಯಾ ಪಾನಿ ಭರ್ತಾಮಾ ಉತಾರಾನೆ ಮನೆ ಕುನ್ನಜ ಆಸ್ತೊ ಕರ್ತು ನೈ. ಮಿ ಕ್ಹಾರಾವೊತಿ ಪೈಲಾಜ ಪಾನಿಮಾ ಉತ್ರಾನೆ ಕೊಶಿಶ ಕರುಸ. ತೆನ್ನೆಸೊ ಹರಯಕ್ಕ ಸಲಾ ಮತ್ತಿಬಿ ಪೈಲಾಜ ಉತ್ರಿಪಡಸ ಕೈನ ಕದೊ.

8 ತೆಳಾಮಾ ಯೆಸು"ಉಟಿನ ಹುಬ್ರೆ! ತಾರು ವಚ್ಚಾನು ಉಚ್ಚಿನ ಲಿನ ಜಾ" ಕೈನ ಕದೊ.

9 ತೆಳಾಮಾಭ ತೆ ಮನಕ್ಡ ಅರಾಮ ಥೈನ ತಿನಾ ವಚ್ಚಾನ ಲಿನ ಚಾಲ್ಯೊ. ಎ ಕ್ಹಾರು ಥಯಲ ಸಬ್ಬತನಾ ದಿನ್ನಮಾ ವ್ಹೈ.

10 ತಿನಾಹುತಿ ಯೆಹುದಿಯೊನಾ ಅದಿಕಾರಿಯೊ ಅರಾಮ ಥಯಲ ತೆ ಮನಕ್ಡನೆ"ಆಜ ಸಬ್ಬತನೊ ದಿನ್ನ ವ್ಹೈ ತು ವಚ್ಚಾನಾ ಉಚ್ಚಿನ ಜಾವಾನು ಅಪ್ಪಾ ಧರಮಶಾಸ್ತ್ರನಾ ವಿರುದ್ಧ ವ್ಹೈ" ಕದ್ಯಾ.

11 ತೆಳಾಮಾ ತೆ"ಮನೆ ಅರಾಮ ಕರಲವಾಲೊ ಮನಕ್ಡ "ತಾರು ವಚ್ಚಾನು ಲಿನ ಜಾ" ಕದೊ ಕೈನ ಉತ್ತರ ದಿದ್ಯೊ.

12 ತಿನೆ ತ್ಸುನೆ"ತಾರು ವಚ್ಚಾನು ಉಚ್ಚಿನ ಜಾವಾನೆ ತುನೆ ಕದಲವಾಲು ಕುನ್ನ ವ್ಹೈ? ಕೈನ ಪುಚ್ಚಾ.

13 ತೆನ್ನೆಸೊ ಅರಾಮ ಥಯಲ ಮನಕ್ಡನೆ ಯೆಸು ಕುನ್ನ ವ್ಹೈ ಕವಾನು ಗ್ವತ್ತ ನೊತ್ತು. ತೆ ಜಗಾಪರ ಘನ್ನಾ ಮನಕ್ಡೊನು ಗುಂಪ ವ್ಹತ್ತು. ಯೆಸು ತೆ ಜಗಾತೊ ತ್ಸುನೊಕಂತೊ ಗಪ್ಪ ಗೈಪಡ್ಯೊ.

14 ತೆ ಥಯಲ್ಪರ ಯೆಸು ತೆ ಮನಕ್ಡನೆ ದೆವಾಲಯಮಾ ದೆಕಿನ ತಿನೆ, ಐಕ ಹಮ್ಮಾ ತು ಅರಾಮ ಥಯೊಸ. ತೆನ್ನೆಸೊ ಪಾಪ ಕರಾನು ಛೊಡಿಪಾಡ. ತಿನಾಹುತಿ ತುನೆ ಕಯುಜ ಕೆಟ್ಟ ಧಾ ನೈ! ಕದೊ.

15 ತೆಳಾಮಾ ತೆ ಮನಕ್ಡ ತೆ ಯಹುದ್ಯೊನಾ ಅದಿಕಾರಿಯೊ ಕನ ಗೈನ ತಿನೆ ಅರಾಮ ಕರಲವಾಲೊ ಯೆಸು ವ್ಹೈ ಕೈನ ಕದೊ.

16 ತಿನಾಹುತಿ ತ್ಯುನೆ ಯೆಸು ಎ ಕಾಮೊ ಸಬ್ಬತ ದಿನೊಮಾ ಕರಲಹುತಿ ತ್ಯುನೆ ತಿನೆ ತ್ರಾಸ ಕರಾನು ಶುರು ಕರ್ಯ್.

17 ತೆನೈಸೊ ಯೆಸು ತ್ಯುನೊನೆ "ಮಾರೊ ಬಾ ತಿನಾ ಕಾಮೊ ಕೆಳಾಮಾಬಿ ಕರ್ತೊಜ ರ್ವವಸ. ತಿನಾಹುತಿ ಮಿಬಿ ಕಾಮ ಕರ್ತೊಜ" ಕೈನ ತಿನಾಹುತಿ ಕದ್ಯೊ.

18 ಎ ವಾತ ಯೆಹುದಿನಾ ಅದಿಕಾರಿಯೊ ತಿನೆ ಖಲಾಸ ಕರುಜ ಕೈನ ಪೈಸಲೊ ಕರಾ ವರ್ಕ್ಯು ಥಯು, ತೆಕ್ಲಜ ನೈಸೊ ತೆ ಕ್ಕುದಾನಿ ಸಬ್ಬತನು ನಿಯಮ ತೊಡ್ಯೊ ನ್ವೊತೊ, ತೆನೈಸೊ ತೆ ಕ್ಕುದಾ ತಿನೊ ಸ್ವಂತ ಬಾ ವ್ವೈ ಕೈನ ಕದ್ಯೊ ವರಿ ಇನಾಲಿಂಗತ ತಿನಾಕ್ಕು ತಿನೆ ಕ್ಕುದಾ ಲಿಂಗತ ಕರಿಲಿದ್ಯೊತೊ.

ದಿಕ್ರಾನಾ ಅದಿಕಾರನಾ ಹುತಿ

19 ತಿನಾಹುತಿ ಯೆಸು ತ್ಯುನೊನೆ "ಮಿ ತುಮೊನೆ ಕ್ಲರಿಜ ಕೌಸ. ದಿಕ್ರೊ ತಿನಾಕ್ಕು ತೆ ಸುಜ ನೈ ಕರತೊ, ಬಾ ಕರಾನು ದೆಕಿನ ತೆಬಿ ತಿಮ್ಮಜ ಕರಸ. ಬಾ ಕರಾನಾ ಕಾಮೊಜ ದಿಕ್ರೊಬಿ ಕರಸ.

20 ಬಾ ದಿಕ್ರಾನೆ ಮಯಾ ಕರಸ ವರಿ ತೆ ಕರಾನಾ ಕ್ಹಾರಾ ಕಾಮೊ ದಿಕ್ರಾನೆ ದೆಕಾಡಸ. ಇತ್ತಿಬಿ ಹೆಚ್ಚಿ ಕಾಮೊ ಬಾ ದಿಕ್ರಾನೆ ದೆಕಾಡಸ. ತೆಳಾಮಾ ತುಮೆ ಕ್ಹಾರಾ ಘಾಬ್ರಾ ಥಾವೊಶಿ.

21 ಬಾ ಮರಲವಾಲಾವೊನೆ ಉಟಾಡಿನ ತ್ಯುನೊನೆ ಜಲಮ ದಿವಸ. ತಿನಾಲಿಂಗತ ದಿಕ್ರೊಬಿ ತಿನೆ ಚಾಯೆ ಥಯಲವಾಲಾವೊನೆ ಜಲಮ ದಿವಸ.

22 "ಎನೈಸೊ ಬಾ ತಿನಾಕ್ಕು ತೆ ಕಿನೆ ಪೈಸಲೊ ಕರಕ್ಲೊ ನೈ ತೆನೈಸೊ ಬಾ ಪೈಸ್ಲೊ ಕರಾನು ಪುರಾ ಅದಿಕಾರ ದಿಕ್ರಾನೆ ದಿದ್ಯೊಸ.

23 ತಿನಾಹುತಿ ಕ್ಹಾರಾ ಜನಾ ಬಾನೆ ಮರ್ಯಾದಿ ದಿದಲ ಲಿಂಗತ ದಿಕ್ರಾನೆಬಿ ಮರ್ಯಾದಿ ದ್ಯುಕ್ಲೆನ ಕ್ಕುದಾ ಇಮ್ಮ ಕರಕ್ಲೊ ಕುನ್ನ ದಿಕ್ರಾನೆ ಮರ್ಯಾದಿ ನೈ ದೆತು ತೆ ತಿನೆ ಮೊಕ್ಲಲವಾಲೊ ಬಾನೆ ಮರ್ಯಾದಿ ನೈ ದೆತೊ.

24 "ಮಿ ತುಮೊನೆ ಕ್ಲರಿಜ ಕೌಸ. ಮಾರಿ ವಾತ ಐಕಿನ ಮನೆ ಮೊಕ್ಲಲವಾಲಾನೆ ನಂಬಾಲೊ ಹಮೆಶಾನೊ ಜಲಮ ವ್ವಂದಿಲಿದ್ಯೊಸ.

ತಿನೆ ಫೈಸಲೊ ಥಾತೊ ನೈ ತೆನೈಸೊ ತೆ ಹಮ್ಮಾಜ ಮರಣ ದಾಟಿನ ಜಲಮಮಾ ಆಯೊಸ.

25 ಮಿ ತುಮೊನೆ ಕ್ಹರಿಜ ಕೌಸ ಮರಲವಾಲಾ ಕ್ಹುದಾನಾ ದಿಕ್ರಾನು ಅವಾಜ ಐಕಾನೊ ದಿನ್ನ ಆವಸ. ತೆ ಹಮ್ಮಾಜ ಆಯುಸ. ಕುನ್ನ ಐಕಸ ತ್ಯುನೆ ಜಲಮ ವ್ಹಂದಿಲಿವಸ.

26 ಬಾ ಜಲಮ ದಿವಾನಿ ತಾಕತ ತೆ ವ್ಹಂದಲಲಿಂಗತ ದಿಕ್ರಾನೆ ಜಲಮ ದಿವಾನಿ ತಾಕತ ದಿದ್ಯೊಸ,

27 ವರಿ ಕ್ಹಾರಾ ಮನಕ್ಹೊನೊ ಫೈಸಲೊ ಕರಾನು ಅದಿಕಾರ ಬಾ ದಿಕ್ರಾನೆ ಬಿ ದಿದ್ಯೊಸ. ಕಾಕದ್ಯಾಮ ತೆ ದಿಕ್ರೊ ಮನಕ್ಹೊನೆ ದಿಕ್ರೊ ಥಯೊಸ.

28 "ತಿನಾಹುತಿ ಘಾಬ್ರಾ ಥಾವೊ ನಕೊ. ಕಾಕದ್ಯಾಮ ಮರಲವಾಲಾ ಕ್ಹಾರಾ ತಿನೊ ಅವಾಜ ಐಕಾನೊ ದಿನ್ನ ಆವಸ.

29 ವರಿ ತ್ಯುನೆ ತಿವ್ಲೊ ಮಾತೊ ಉಟಿನ ಆವಸ; ಕುನ್ನ ಚೊಕು ಕರಲ ರ್ಹವಸ ತ್ಯುನೆ ಜಿವ್ತಾ ಥೈನ ಉಟಿಸ, ವರಿ ಕುನ್ನ ಕೆಟ್ಟ ಕರೈಸ ಜಿವ್ತಾ ಥೈನ ತ್ಯುನೊನೆ ಪೈಸೊ ಥಾವಸ.

ಯೆಸುನಾ ಹುತಿ ಸಾಕ್ಷಿಯೊ

30 "ಮಾರಾಕ್ಹು ಮಿಜ ಸುಜ ಕರತೊ ನೈ ಕ್ಹುದಾ ಕದಲ ತಿಮ್ಮಜ ಮಿ ಐಕಿನ ಫೈಸಲೊ ಕರುಸ. ತಿನಾಹುತಿ ಮಾರೊ ಫೈಸಲೊ ಕರೆಟ್ಟ್ವೊ ಕಾಕದ್ಯಾಮ, ಮಾರಿ ಮರ್ಜಿ ಲಿಂಗತ ಕರಾಡ್ಯೊ ನತ್ತಿ. ಮನೆ ವಳಾಯಲವಾಲಾನಿ ಮರ್ಜಿ ಲಿಂಗತ ಕರುಸ.

31 "ಮಾರಾ ಹುತಿ ಮಿಜ ಸಾಕ್ಷಿ ದಿದ್ಯೊಮ, ತೆ ಸಾಕ್ಷಿ ಕ್ಹರಿನಿ ನ್ಹವೈ.

32 ತೆನೈಸೊ ಮಾರಿ ಹುತಿ ಸಾಕ್ಷಿ ದಿವಾಲೊ ಯಕ್ಕ ಮನಕ್ಹ ಛಿ. ತೆ ದಿವಾನಿ ಸಾಕ್ಷಿ ಕ್ಹರಿಜ ವ್ಹೈ ಕೈನ ಮನೆ ಗ್ವತ್ತ ಛಿ.

33 "ತುಮೆ ಯೋಹಾನ ಕನ ಸಂದೆಶ ಕವಾಲಾವೊನೆ ಮೊಕ್ಲಾ ತೆ ತುಮೊನೆ ಕ್ಹರಿನಾ ಹುತಿ ಸಾಕ್ಷಿ ದಿದ್ಯೊಸ.

34 ತೆನೈಸೊ ಮಾರಾ ಹುತಿ ಮನಕ್ಹೊನೆ ಕವಾನಾ ಹುತಿ ಮನೆ ಮನಕ್ಹನಿ ಸಾಕ್ಷಿನಿ ಜರುರತ್ತ ನತ್ತಿ. ತೆನೈಸೊ ತುಮೊನೆ ಬಿಡುಗಡೆ ಥಾವಾನಾ ಹುತಿ ಮಿ ಎ ಸಂಗತಿಯೊ ಕವಾಡ್ಯೊಸ.

35 ಯೋಹಾನ ದಿವ್ವೊ ಲಾಗಲಲಿಂಗತ ವ್ವತ್ತೊ ತೆ ಉಜಾಲು ದಿದ್ವೊ, ವರಿ ತುಮೆ ತಿನು ಉಜಾಲಾನೆ ದಕ್ವಾಟ್ವೆಮು ಖುಶಿಕ್ವು ಅನುಭವ ಲಿವಾನೆ ದೆಕ್ವಾ.

36 ತೆನ್ನೆಸೊ ಮಾರಿ ಸಾಕ್ಷಿ ಯೋಹಾನತಿಬಿ ಮ್ಹೊಟೆ ಸಾಕ್ಷಿ ಛೆ. ಮಿ ಕರಾನಾ ಕಾಮೊಜ ಮಾರಿ ಸಾಕ್ಷಿಯೊ ಥಯೊಸ. ಬಾ ಮನೆ ದಿದಲ ಎ ಕಾಮೊಜ, ಬಾ ಮನೆ ವಳಾಯೊಸ ಕೈನ ದೆಕಾಡಸ.

37 ವರಿ ಮನೆ ವಳಾಯಲ ಬಾ ಮಾರಾ ಹುತಿ ಸಾಕ್ಷಿ ದಿದ್ವೊಸ. ತೆನ್ನೆಸೊ ತುಮೆ ತಿನಿ ಆವಾಜ ಕೆಳಾಮಾಜ ಐಕ್ವಾ ನ್ಹೆ. ತೆ ಕಿಮ್ಮ ಛೆ ಕೈನ ತುಮೆ ಕೆಳಾಮಾಜ ದೆಕ್ವಾ ನ್ಹೆ.

38 ವರಿ ತುಮೆ ಬಾನು ಉಪದೆಶನೆ ಬರೊಕ್ಕೊ ಕರ್ರಾ ನ್ಹೆ. ಕಾಕದ್ಯಾಮ ಬಾ ವಳಾಯಲವಾಲಾನೆ ತುಮೆ ಬರೊಕ್ಕೊ ಕರ್ರಾ ನ್ಹೆ.

39 ತುಮೆ ಪವಿತ್ರ ಗ್ರಂಥೊ ಅಬ್ಯಾಸ ಕರೊಶಿ. ಕಾಕದ್ಯಾಮ ತೆ ಪವಿತ್ರ ಗ್ರಂಥ ತುಮೊನೆ ಹಮೆಶಾನೊ ಭಲಮ ದಿವಸ ಕವಾನು ತುಮಾರಿ ವಿಚಾರ ವ್ಹೆ ತೆನ್ನೆಸೊ ತೆಜ ಪವಿತ್ರ ಗ್ರಂಥೊಮಾ ಮಾರಾ ಹುತಿ ತಿಳ್ವಾವಸ!

40 ತೆನ್ನೆಸೊ ಭಲಮ ವ್ಹಂದಿಲಿವಾನೆ ತುಮೆ ಮಕನ ಆವಾನೆ ಮನಸ ಕರ್ರಾ ನ್ಹೆ.

41 ಮನಕ್ವತ್ತಿ ಆವಾನಿ ಹೊಗಳಿಕೆ ಮನೆ ನಕೊ.

42 ತೆನ್ನೆಸೊ ತುಮೆ ಕೆವಾ ಮನಕ್ವೊ ವ್ಹೆ ಕೈನ ಮನೆ ಗ್ವತ್ತ ಛೆ. ವರಿ ಕ್ವುದಾನಾ ಉಪ್ಪರ ತುಮೊನೆ ಮಯಾ ನತ್ತಿ ಕೈನ ಮನೆ ಗ್ವತ್ತ ಛೆ.

43 ಮಿ ಮಾರಾ ಬಾನಾ ಅದಿಕಾರನಾ ಕ್ವಾತೆ ಆಯೊಸ. ತೆನ್ನೆಸೊ ತುಮೆ ಮನೆ ಸ್ವಿಕಾರ ನ್ಹೆ ಕರಿಲೆತಾ. ತೆನ್ನೆಸೊ ಕುನ್ನಬಿ ಯಕ್ಲೊ ತಿನಾ ಸ್ವಂತ ಅದಿಕಾರಕ್ವು ಆಯಾಮ ತುಮೆ ತಿನೆ ಸ್ವಿಕಾರ ಕರೊಶಿ.

44 ತುಮೆ ಯಕ್ಲೆ ಯಕ್ಲ ಸನ್ಮಾನ ದ್ಯು ಕೈನ ಆಸ ಕರೊಶಿ. ತೆನ್ನೆಸೊ ಯಕ್ಲಜ ಕ್ವುದಾತಿ ಆವಾನಿ ಸನ್ಮಾನ ಲಿವಾನೆ ತುಮೆ ಕೆಳಾಮಾಜ ಕೊಶಿಶ ನ್ಹೆ ಕರ್ರಾ. ಇಮ್ಮ ರ್ಲ್ದಯುಮ ತುಮೆ ಮನೆ ಕಿಮ್ಮ ಬರೊಕ್ಕೊ ಕರೊಶಿ?

45 ಮಿ ಬಾನಾ ಕ್ವಾಮೊ ಹುಬ್ಬಿನ ತುಮೊನೆ ತಪ್ಪ ಕರಲವಾಲಾ ವ್ಹೆ ಕೈನ ಕೌಸ ಕೈನ ತುಮೆ ವಿಚಾರ ಕರೊ ನಕೊ. ತುಮೊನೆ ವಚಾಡಸ ಕೈನ

ತುಮೆ ಆಸ ಕರಲ ಮೊಶೆ ತುಮಾರಾ ಉಪ್ಪರ ಸಾಕ್ಷಿ ಕವಸ.

46 ತುಮೆ ಕ್ಷರಿಬಿ ಮೊಶೆನೆ ಬರೊಕ್ಕೊ ಕರಲ ರ್ವವತೊ, ಮಪರಬಿ ಬರೊಕ್ಕೊ ಕರ್ತಾ. ಕಾಕದ್ಯಾಮ ತೆ ಮಾರಾ ಹುತಿಜ ಬರ್ದೊಸ.

47 ತೆನ್ನೆಸೊ ಮೊಶೆ ಬರ್ದಲ ತುಮೆ ಬರೊಕ್ಕೊ ನೈ ಕರ್ತಾ ಇಮ್ಮ ರ್ವಯುಮ ಮಿ ಕವಾನಿಯೊ ವಾತೊಪರ ತುಮೆ ಕಿಮ್ಮ ಬರೊಕ್ಕೊ ಕರ ಸಕೊಶಿ?

6

ಯೆಸು ಪಾಂಚ ಹಜಾರ ಮನಕ್ಲೊನೆ ಅನ್ನ ಖಲಾಯಲ

(ಮತ್ತಾಯ 14:13-21; ಮಾರ್ಕ 6:30-44; ಲುಕ 9:10-17)

1 ತೆಳಾಮಾ, ಯೆಸು ಗಲಿಲಾಯ ಸಮುಂದರ ದಾಟಿನ ಬಿಜಿ ದಂಡಿಯೆ ಗಯೊ. ತೆ ಸಮುಂದರನೆ ತಿಬೆರಿಯ ಸಮುಂದರಬಿ ಕವಸ.

2 ಘನ್ನಾ ಮನಕ್ಲೊ ಯೆಸುನಾ ಪಾಚಾ ಗಯಾ. ಕಾಕದ್ಯಾಮ ತ್ತುನೆ ಯೆಸುನಾ ಮುಲಕ ರೊಗಿಯೊನೆ ಅರಾಮ ಕರಾನು ಅದ್ಭುತ ದೆಕ್ಕಾತಾ.

3 ತೆಳಾಮಾ ಯೆಸು ಡೊಂಗರ ಚಡಿನ ತಿನಾ ಶಿಷ್ಯಾವೊನಾ ಕ್ಲಾತಿ ಬೈಟ್ಲೊ.

4 ಯಹುದ್ಯೊನಾ ಫಸ್ಕ ಸನ್ನ ಘನ್ನ ನಜಿಕ ವ್ಹತ್ತು.

5 ಯೆಸು ಡೊಳಾ ಉಚ್ಚಿನ ದೆಕ್ಕಾಮಾ, ತಿಕನ ಆವಾನು ಮನಕ್ಲೊನು ಮ್ಹೊಟು ಗುಂಪನೆ ದೆಕಿನ ತಿನಾಹುತಿ ಫಿಲಿಪ್ಪನೆ"ಎ ಕ್ಲಾರಾ ಮನಕ್ಲೊನೆ ಚಾಯೆ ಥಯಲ ತೆಕ್ಲ ಅನ್ನ ಅಪೆ ಕಿಜ್ಗಲಿಯೆ? ಕೈನ ಪುಚ್ಚೊ.

6 ಫಿಲಿಪ್ಪನೆ ಪರಿಕ್ಷಾ ಕರಾಹುತಿ ತೆ ಅಮ್ಮಪುಚ್ಚೊ. ತೆನ್ನೆಸೊ ಕ್ಲರಿಮಾಚ ತೆ ಸು ಕಾಮ ಕರು ಕವಾನು ತಿನೆ ಪೈಲಾಜ ಗ್ವತ್ತ ವ್ಹತ್ತು.

7 ಫಿಲಿಪ್ಪ "ನ್ಹ್ಯಾ ರ್ವಯಲ ಹರಿ ಯಕ್ಲಾನೆ ರೊಕ್ಲಾನು ಯಕ್ ತುಕ್ಲೊ ದ್ಯು ಕದ್ಯಾಮ, ಬೆಕ್ಲೊರುಪ್ಪಾನಾ ಬಿಲ್ಲಾ ತಿಬಿ ಜಾಸ್ತಿ ಚಾಯೆ" ಕೈನ ಕದ್ಯೊ.

8 ಯೆಸುನೊ ಬಿಜೆಕ್ಲೊ ಶಿಷ್ಯೊ ರ್ವಯಲ ಸಿಮೊನ ಪೆತ್ರಾನೊ ಬೈ ಅಂದ್ರೆಯಾ ಕದ್ಯೊ.

9 "ನ್ಹ್ಯಾ ರ್ಹಯಲ ಯಕ್ಲಾ ಪಟ್ವಾಕನ ಘೌನಾ ಪಾಂಚ ರೊಕ್ಲಾ ವರಿ ಬೆ ನ್ಹಾನಿಯೊ ಮಚ್ಚಿಯೊ ಛಿ. ತೆನ್ನೆಸೊ ಕ್ಹರಿಮಾಚ ತೆ ಎ ಮನಕ್ಹೊನಾ ಗುಂಪನೆ ಬಸ್ಸ ಥಾತು ನೈ" ಕೈನ ಕದ್ಯೊ.

10 ಯೆಸು "ಮನಕ್ಹೊನೆ ಬೈಟಾನೆ ಕವೊ" ಕೈನ ಕದ್ಯೊ ತೆ ಜಗಾಪರ ಚಾರೊ ಘನ್ನೊ ಬೆಳದ್ಯೊತೊ ತ್ಯಾ ಬೈಟಲವಾಲಾವೊಮಾ ಕಮ್ಪೆ ಕಮ ಪಾಂಚ ಹಜಾರ ದಾಣ್ಕಾಜ ವ್ಹತ್ತಾ.

11 ಪಾಚಲ್ಲೊ ಯೆಸು ತೆ ರೊಕ್ಲಾಲಿನ ಕ್ಹುದಾನೆ ಸ್ತೊತ್ರಾ ಕರಿನ, ಬೈಟಲ ಮನಕ್ಹೊನೆ ವಾಟ್ಸೊ ತೆ ಮಚ್ಚಿಯೊನೆಬಿ ತಿನಾಲಿಂಗತ ಕರ್ರೊ ಕ್ಹಾರಾ ಜನಾ ತ್ಯುನೊನೆ ಚಾಯೆ ಥಯಲ ತೆಕ್ಲ ಕೈನ ತೃಪ್ತ ಥಯಾ.

12 ತ್ಯುನೆ ಕ್ಹಾರಾ ಕೈನ ತೃಪ್ತ ಥಯಲ್ಪರ ಯೆಸು ತಿನಾ ಶಿಷ್ಯಾವೊನೆ"ಲುಗ್ರಲ ತುಕ್ಲಾ ಕ್ಹಾರಾ ಜಮಾ ಕರೊ. ಕಯುಚ್ಚ ಹಾಳ ಕರೊ ನಕೊ ಕೈನ ಕದ್ಯೊ.

13 ವರಿ ಶಿಷ್ಯಾ ಮನಕ್ಹೊನೆ ವಾಟಲ ಪಾಂಚ ರೊಕ್ಲಾಮಾ ಉಗ್ರಲ ತುಕ್ಲಾವೊಕ್ಹುಬಾರಾ ಟೊಪ್ಲಿಯೊ ಭರ್ತ್ಯಾ.

14 ಯೆಸು ಕರಲ ಎ ಅದ್ಭುತ ಕಾಮ ದೆಕಲ ಕ್ಹಾರಾ ಮನಕ್ಹೊ"ಎ ದುನಿಯಾಮಾ ಆವಾನೊ ರ್ಹಯಲ ಪ್ರವಾದಿ ಕ್ಹರಿಮಾಚ್ಚ ಎಚ್ಚ ವ್ಹೈ" ಕೈನ ಕವಾಡಾತಾ.

15 ತಿನೆ ಜಬರದಸ್ತಿಕ್ಹು ರಾಜೊ ಕರಾನೆ ಮನಕ್ಹೊ ವಿಚಾರ ಕರಾಡಾಸ ಕೈನ ಯೆಸುನೆ ಗ್ವತ್ತ ಧೈಯುತು. ತಿನಾಹುತಿ ತ್ಯಾಂತೊ ತೆ ಯಕ್ಲೊಜ ಡೊಂಗರಪರ ವರಿ ಗಯೊ.

ಯೆಸು ಪಾನಿಪರ ಚಾಲಲ

(ಮತ್ತಾಯ 14:22-27; ಮಾರ್ಕ 6:45-52)

16 ತೆ ದಿನ್ಹಾ ಖಾಂಜೆ ಯೆಸುನಾ ಶಿಷ್ಯಾ ಸಮುಂದರನೆ ಗಯಾ.

17 ತಿನಾಹುತಿ ಶಿಷ್ಯಾ ಹಡ್ಗೊ ಚಡಿನ ಸಮುಂದರನಾ ತಿನಾ ದಂಡಿತಾ ಕಪೆನೌರ್ಮಿಯೆ ಚಾಲ್ಯಾತಾ. ತೆಳಾಮಾ ಅಂದಾರು ಥಯುತು. ಯೆಸು ತ್ಯುನೊಕನ ಹಚ್ಚುನ ಆಯೊ ನ್ಹೊತೊ.

18 ತೆಳಾಮಾ ವಾರೊ ಘನ್ನೊ ಜೊರ ಆವಾಡ್ಯೊತೊ. ಸಮುಂದರನಾ ಧಡ್ಡಿಯೊ ಮೊಟ್ಟಿಯೊ ಧಾವಾಡ್ಯಾತಾ.

19 ತ್ಯುನೆ ಹುಟ್ಟಿ ಫಾಲತಾ ತನ್ನ ನೈತೊ ಚಾರ ಮೈಲ ಯಕ್ಕ ಹಡಗಾನೆ ಚಲಾಯಲ ಪರ ಯೆಸುನೆ ದೆಕ್ಕಾ ತೆ ಪಾನಿ ಪರ ಚಾಲ್ತೊ ಹಡಗಾನಾ ನಜಿಕ ಆವಾನು ದೆಕಿನ ತ್ಯುನೆ ಭುಚ್ಚ್ಯಾ

20 ಯೆಸು ತ್ಯುನೊನೆ "ಭುಚ್ಚಕೊ ನಕೊ, ಮಿಜ ವ್ಹೆ" ಕೈನ ಕದ್ಯೊ

21 ತೆಳಾಮಾ ತ್ಯುನೆ ಯೆಸುನೆ ಹಡಗಾಮಾ ಬಲ್ವೆಲ್ಯು ಕೈನ ಕರ್ಮಾತಾ. ತೆಕ್ಕಾಮಾಜ, ತ್ಯುನೆ ಜೊ ಕೈನ ರ್ಡಯಲ ಜಗಾನಿ ದಂಡಿಯೆ ಹಡ್ಗೊ ಆಯೊ.

ಮನಕ್ಡೊಯೆಸುನೆ ಹುಡ್ಕಲ

22 ಮರ್ನಾ ದಿನ್ನೆ ಬಿಜಿ ದಂಡಿಯೆ ರ್ಡಯಲ ಮನಕ್ಡೊನಾ ಗುಂಪನೆ ತ್ಯಾಯಕ್ಕಜ ಹಡ್ಗೊ ವ್ಹತ್ತೊ ಕೈನ ಗ್ವತ್ತ ವ್ಹತ್ತು. ಯೆಸು ಶಿಷ್ಯಾವೊನಾ ಕ್ಹಾತೆ ಗಯೊ ನೊಡೊ ಕೈನ ತ್ಯುನೊನೆ ಗ್ವತ್ತ ವ್ಹತ್ತು. ಕಾಕದ್ಯಾಮ ತ್ಯುನೆ ತಿನೆ ಪಾಚಾ ಛೊಡಿನ ಗಯಾತಾ.

23 ತೆಳಾಮಾ ಬಿಜಿಯೊ ಹಡಗಾ ತಿಬೆರಿಯಸ್ ಸಮುಂದರಮಾತಾ ಕರ್ತಾನೆ ಸ್ತೊತ್ರಾ ಕದಲ್ಪರ ದಿದಲ ರೊಕ್ಕಾ ಮನಕ್ಡೊನು ಗುಂಪ ಖಾದಲ ಜಗಾನಾ ನಜಿಕ ದಂಡಿಯೆ ಐನ ಮುಟ್ಕಾ

24 ಯೆಸು ವರಿ ತಿನಾ ಶಿಷ್ಯಾತ್ಯಾ ನೈರ್ಡಯಲ ಮನಕ್ಡೊದೆಕಿನ ಹಡಗಾ ಚಡಿನ ಯೆಸುನೆ ಹುಡ್ಕತಾ ಕಪೆನೊರ್ಮಿಯೆ ಗಯಾ.

ಯೆಸುಜ ಜಲಮನೊ ರೊಕ್ಲೊ

25 ಮನಕ್ಡೊಯೆಸುನೆ ಸಮುಂದರನಿ ಬಿಜಿ ದಂಡಿಪರ ದೆಕ್ಕಾ ತ್ಯುನೆ ತಿನೆ "ಗುರು ತು ನ್ಹ್ಯಾ ಕೆಳಾಮಾ ಆಯೊ? ಕೈನ ಪುಚ್ಚಾ

26 ತೆಳಾಮಾ ಯೆಸು ತ್ಯುನೊನೆ, ಮಿ ತುಮೊನೆ ಕ್ಹರಿಜ ಕೌಸ ತುಮೆ ಮನೆ ಮಿ ಕರಲ ಅದ್ಭುತ ಕಾಮೊ ದೆಕಲಕ್ಕು ಹುಡಕಾಡ್ಯಾ ನತ್ತಿ ತೆನ್ನೆಸೊ ರೊಕ್ಲೊ ಪೆಟ ಭರಿನ ಖಾದಲ ಹುತಿ ಹುಡ್ಕಾಡ್ಯಾಸ.

27 ಹಾಳ ಧಾವಾನು ರ್ಡಯಲ ಅನ್ನನಾ ಹುತಿ ರಾಬೊ ನಕೊ ತೆನ್ನೆಸೊ ಹಮೆಶಾನಾ ಜಲಮ ದಿವಾನು ಅನ್ನನಾಹುತಿ ರಾಬೊ. ತೆ ಮನಕ್ಡೊನೊ

ದಿಕ್ಕೊ ದಿವಸ. ತಿಪರ ಬಾ ಥಯಲ ಕ್ಹುದಾ ಅದಿಕಾರನೊ ಶಿಕ್ಕೊ ಮಾರ್ಚೊಸ.

28 ಮನಕ್ಲೊಯೆಸುನೆ"ಹಮೆ ಕಯಾ ಕಾಮೊ ಕರು ಕೈನ ಕ್ಹುದಾ ಆಸ ಕರಸ? ಕೈನ ಪುಚ್ಚಾ.

29 ಯೆಸು ತ್ಯುನೊನೆ"ಕ್ಹುದಾ ಮೊಕ್ಲಲವಾಲಾನೆ ತುಮೆ ನಂಬು ಎ ಕಾಮಜ ಕ್ಹುದಾ ತುಮೊಕ್ಹು ಆಸ ಕರಸ" ಕೈನ ಕದ್ಯೊ.

30 ತಿನಾಹುತಿ ಮನಕ್ಲೊ" ಕ್ಹುದಾ ಮೊಕ್ಲಲವಾಲೊ ತುಜ್ಜ ವ್ಹೈ ಕೈನ ದೆಕಾಡಾನಾ ಹುತಿ ತು ಕಯು ಅದ್ಭುತ ಕಾಮ ಕರಶಿ?

31 ಅಪ್ಪಾ ಪಿತ್ಯವೊನೆ ಕ್ಹುದಾ ಉಸುಕನಿ ಜಿಮಿನಪರ ದಿದಲ ಮನ್ನಾ ಖಾದ್ಯಾ ಪವಿತ್ರ ಗ್ರಂಥಮಾ ಬರ್ದಲ ಛಿ "ಕ್ಹುದಾ ತ್ಯುನೊನೆ ಖಾವಾನೆ ಸ್ವರ್ಗತೊ ರೊಕ್ಲಾ ದಿದ್ಯೊ" ಕೈನ ಕದ್ಯಾ.

32 ಯೆಸು"ಮಿ ತುಮೊನೆ ಕ್ಹರಿಜ ಕೌಸ ತುಮಾರಾ, ಮನಕ್ಲೊನೆ ಸ್ವರ್ಗತೊ ರೊಕ್ಲೊ ದಿದಲವಾಲೊ ಮೊಶೆ ನ್ಹವೈ ತೆನ್ನೆಸೊ ಮಾರೊ ಬಾ ತುಮೊನೆ ಸ್ವರ್ಗತೊ ಕ್ಹರಿನೊ ರೊಕ್ಲೊ ದಿವಸ.

33 ಕ್ಹುದಾ ದಿವಾನೊ ತೆ ರೊಕ್ಲೊ ಸ್ವರ್ಗತೊ ಉತ್ರಿನ ಆಯೊಸ ವರಿ ದುನಿಯಾನೆ ಜಲಮ ದಿವಸ. ತೆಜ್ಜ ಕ್ಹುದಾ ದಿವಾನೊ ರೊಕ್ಲೊವ್ಹೈ.

34 ಮನಕ್ಲೊತಿನೆ"ಗುರು, ತೆ ರೊಕ್ಲೊ ಹಮೊನೆ ಹಮೆಶಾಬಿ ದೆ" ಕದ್ಯಾ.

35 ಯೆಸು ತ್ಯುನೊನೆ"ಮಿಜ್ಜ ಜಲಮ ದಿವಾನೊ ರೊಕ್ಲೊವ್ಹೈ ಮಕನ ಆವಾಲಾನೆ ಕೆಳಾಮಾಜ ಭುಕ್ಕ ಲಾಗಿ ನೈ. ಮಪರ ಬರೊಕ್ಲೊ ಮ್ಹೆಲಲ ವಾಲಾವೊನೆ ಕೆಳಾಮಾಜ ತರಕ್ಲಲಾಗಿ ನೈ.

36 ಮಿ ತುಮೊನೆ ಪೈಲಾಜ ಕದಲ ಲಿಂಗತ, ತುಮೆ ಮನೆ ದೆಕ್ಯಾ ತಬಿ ಹಜುನಬಿ ತುಮೆ ಬರೊಕ್ಲೊ ಕರಾಡ್ಯಾ ನತ್ತಿ.

37 ಮಾರೊ ಬಾ ದಿವಾನಾ ತೆ ಕ್ಹಾರಾ ಮನಕ್ಲೊ ಮಕನ ಆವಸ. ವರಿ ಕುನ್ನ ಮಕನ ಆವಸ ತ್ಯುನೊನೆ ಮಿ ಕೆಳಾಮಾಜ ಥಕ್ಕಿಪಾಡ್ಲೊ ನೈ.

38 ಕಾಕದ್ಯಾಮ ಮಿ ಸ್ವರ್ಗತೊ ಮಾರಿ ಚಿತ್ತ ಲಿಂಗತ ಕರಾನೆ ಆಯೊಸ ಕೈನ ತಿಳೊ ನಕೊ. ತೆನ್ನೆಸೊ ಕುನ್ನ ಮನೆ ವಳಾಯೊಸ ತಿನಿ ಚಿತ್ತ ಪುರಾ ಕರಾನೆ ಆಯೊಸ.

39 ವರಿ ಮನೆ ಮೊಕ್ಕಲವಾಲಾನಿ ಮರ್ಜಿ ಅಮ್ಮ ವ್ಹೈ ಕ್ಕುದಾ ಮೊಕ್ಕಲವಾಲಾನೆ ಮಿ ಕಿನೆಞ್ ಜವೈ ಲ್ಯು ನೈ ವರಿ ಲಾಸ್ವನಾ ದಿನೊಮಾ ಜಿವ್ವೊ ಕರಿ ಉಟಾಡು.

40 ದಿಕ್ರಾನೆ ದೆಕಿನ ತಿಪರ ಬರೊಕ್ಕೊ ಮ್ಹೊಲಾಲೊ ಹರಿ ಯಕ್ಕೊ ಹಮೆಶಾನೊ ಞ್ಲಮ ವ್ಹಂದ್ಯೊಸ. ಲಾಸ್ವನಾ ದಿನ್ಮಾಮಿ ತೆ ಮನಕ್ಕನೆ ಜಿವ್ವೊ ಕರಿನ ಉಟಾಡುಸ ಮಾರೊ ಬಾ ಆಸ ಕರಾನು ಎಞ್ ವ್ಹೈ" ಕದ್ಯೊ.

41 ಯಹುದ್ಯೊ ಯೆಸುನಾ ಹುತಿ ಗುಣ ಗುಟ್ಟಾಡಾತಾ. ಕಾಕದ್ಯಾಮ"ಸ್ವರ್ಗತೊ ಉತ್ತಿನ ಆವಾಲೊ ರೊಕ್ಕೊಜ ಮಿ ವ್ಹೈ ಕವಾಡೊತೊ.

42 ಯಹುದ್ಯೊ ಎ ಯೊಸೆಫನೊ ದಿಕ್ರೊಯೆಸು ನ್ಹವೈಸು? ಇನಾ ಮಾ ಬಾಪ ಅಪೊನೆ ಗ್ವತ್ತ ಛಿ" ಮಿ ಸ್ವರ್ಗತೊ ಉತ್ತಿನ ಆಯೊಸ ಕೈನ ಎ ಕಿಮ್ಮ ಕವಾಡ್ಯೊಸ? ಕದ್ಯಾ.

43 ತೆ ವಾತೆ ಯೆಸು"ತುಮೆ ಗುಣ ಗುಟ್ಟಾನು ಹುಬ್ರಾಡೊ.

44 ಕುನ್ನಜ ಕಿಞಾ ಲಕ್ಕಾ ನೈ ಆತಾ ಕದ್ಯಾಮ ಮನೆ ಮೊಕ್ಕಲ ಬಾ ತ್ಯುನೊನೆ ನೈ ಮೊಕಲ್ವೊ. ಬಾ ಮನೆ ಮೊಕ್ಕೊಲ ವರಿ ಬಾ ಮಕನ ಮನಕ್ಕೊ ಬಲೈ ಲಾವಸ. ಲಾಸ್ವನಾ ದಿನೊಮಾ ತೆ ಮನಕ್ಕೊನೆ ಜಿವ್ವೊ ಕರಿನ ಉಟಾಡುಸ.

45 "ಪ್ರವಾದಿಯೊನಾ ಪುಸ್ತಕೊಮಾ ಅಮ್ಮ ಬರ್ದ್ಯಾಸ ವರಿ ತ್ಯುನೆ ಕ್ಕಾರಾ ಕ್ಕುದಾಕ್ಕು ಶಿಕ್ಕಲವಾಲಾ ರ್ವವಸ. ಕುನ್ನ ಬಾ ಕ್ಕು ಐಕಿನ ಶಿಕ್ಕಿನ ತೆ ಮಕನ ಆವಸ.

46 ಬಾ ಕ್ಕು ಆಯಲವಾಲೊ ಯಕ್ಕಜ ಬಾನೆ ದೆಕಲವಾಲೊ ವ್ಹೈ ಬಿಜೊ ಕಯೊಜ ಬಾನೆ ಕೆಳಾಮಾಜ ದೆಕ್ಯಾ ನತ್ತಿ.

47 "ಮಿ ತುಮೊನೆ ಕ್ಕರಿಜ ಕೌಸ. ನಂಬಲವಾಲೊ ಹಮೆಶಾನೊ ಞ್ಲಮ ವ್ಹಂದಸ.

48 ಮಿಞ್ ಞ್ಲಮ ದಿವಾನೊ ರೊಕ್ಕೊವ್ಹೈ.

49 ತುಮಾರಾ ಪಿತ್ರೊ ತ್ಯುನೊನೆ ಕ್ಕುದಾ ಉಸುಕನಿ ಜಿಮಿನ್ಮಾ ದಿದಲ ಮನ್ನಾ ಖಾದ್ಯಾತಾ ರ್ವ್ವಿತುಬಿ ತ್ಯುನೆ ಮರಿ ಗಯಾ.

50 ತೆನ್ನೆಸೊ ಸ್ವರ್ಗತೊ ಉತ್ತಿನ ಆವಾನೊ ರೊಕ್ಕೊ ಕುನ್ನ ಖಾವಸ ತೆ ನೈಮರ್ತೊ.

51 ಸ್ವರ್ಗತೊ ಉತ್ತಿನ ಆಯಲ ಜಲಮ ರ್ಡ್ಡಯಲ ರೊಕ್ಕೊ ಮಿಜ ವ್ಹೈ ಎ ರೊಕ್ಕೊ ಖಾವಾಲೊ ಹಮೆಶಾಬಿ ಜಿವ್ವೊ ರ್ಡ್ಡವಸ. ಎ ರೊಕ್ಕೊಜ ಮಾರು ಅಂಗ ವ್ಹೈ ಎ ದುನಿಯಾನೆ ದ್ಯುಸ ಕಾಕದ್ಯಾಮ ತ್ಯುನೆ ಜಿವ್ವಾ ರ್ಡ್ಡ.

52 ತೆಳಾಮಾ ಯಹುದ್ಯೊ"ಎ ಮನಕ್ವ ತಿನಾ ಅಂಗನೆ ಅಪೊನೆ ಖಾವಾನೆ ಕಿಮ್ಮ ದಿವಾನೆ ಥಾವಸ? ಕೈನ ತ್ಯುನೊ ತ್ಯುನೊಮಾ ಶಿಟ್ಟಕ್ಕು ವಾದ-ವಿವಾದ ಕರ್ತಾ ಪುಚ್ಚಾ.

53 ಯೆಸು"ಮಿ ತುಮೊನೆ ಕ್ಹರಿಜ ಕೌಸ. ತುಮೆ ಮನಕ್ವನಾ ದಿಕ್ರಾನು ಅಂಗ ಖಾದ್ಯಾವಾಚಿ ತಿನು ರಗತ ಪಿದ್ಯಾವಾಚಿ. ತುಮೊಮಾ ಜಲಮ ರ್ಡ್ಡತೊ ನೈ.

54 ಕುನ್ನ ಮಾರು ಅಂಗ ಖಾವಸ ವರಿ ಕುನ್ನ ಮಾರು ರಗತ ಪಿವಸ ತೆ ಹಮೆಶಾನೊ ಜಲಮ ವ್ಹಂದಿಲಿವಸ. ವರಿ ಮಿ ತಿನೆ ಹಮೆಶಾನೊ ಜಲಮ ವ್ಹಂದಿಲಿದ್ಯೊಸ. ಲಾಸ್ವನಾ ದಿನ್ನೆ ಮಿ ತೆ ಮನಕ್ವನೆ ಜಿವ್ವೊ ಕರುಸ.

55 ಮಾರು ಅಂಗ ಕ್ಹರಿನು ಅನ್ನ ಥಯೊಸ. ಮಾರು ರಗತ ಕ್ಹರಿನು ಪಾನಿ ಥಯೊಸ.

56 ಕುನ್ನ ಮಾರು ಅಂಗ ಖಾವಸ ವರಿ ಕುನ್ನ ಮಾರು ರಗತ ಪಿವಸ ತೆ ಮಾರಾಮಾ ರ್ಡ್ಡವಸ ಮಿ ತಿನಾಮಾ ರ್ಡ್ಡಾಸ.

57 "ಜಿವ್ವೊ ರ್ಡ್ಡಯಲ ಬಾಜ ಮನೆ ವಳಾಯೊ. ವರಿ ತಿನಾಕ್ವಜ ಮಿ ಜಿವ್ವೊ ರ್ಡ್ಡಾಸ, ತಿನಾಹುತಿ ಕುನ್ನ ಮನೆ ಖಾವಸ ತೆ ಮಾರಾಕ್ವಜ ಜಿವ್ವೊ ರ್ಡ್ಡವಸ.

58 ಎ ಸ್ವರ್ಗೊ ಉತ್ತಿನ ಆಯಲ ರೊಕ್ಕೊ ವ್ಹೈ ತುಮಾರಾ ಪತ್ಯ ಮನ್ನಾ ಖಾದ್ಯಾವರಿ ಮರಿಗಯಾ, ತೆನ್ನೆಸೊ ಕುನ್ನ ಎ ರಕ್ಕೊ ಖಾವಾಸ ತೆ ಹಮೆಶಾಬಿ ಜಿವ್ವೊ ರ್ಡ್ಡವಸ.

59 ಯೆಸು ಕಪೆನೌರ್ಮಿಮಾ ಸಬಾಮಂದಿರಮಾ ಉಪದೆಶ ಕರ್ತಾಮಾ ಎ ಕ್ಹಾರಾ ಕದ್ಯೊ.

ಹಮೆಶಾನಾ ಜಲಮ್ನಿಯೊ ವಾತೊ

60 ಎ ಐಕಲ ತಿನಾ ಶಿಷ್ಯಾವೊನಾ ಘನ್ನಾ ಜನಾ"ಎ ಉಪದೇಶ ಕರಿಣ ಛೆ. ಇನೆ ಕುನ್ನ ವಪ್ಪಿಲಿವಸ? ಕದ್ಯಾ.

61 ತಿನಾ ಶಿಷ್ಯಾ ಆಸ ಕರಾನು ತಿಳ್ವಿಲಿದಲ ಯೆಸು"ಎ ಉಪದೇಶಕ್ಕು ತುಮೊನೆ ತ್ರಾಸ ಧಾವಾಡುಸ ಸು?

62 ಯಕ್ಕೇಳೆ ತುಮೆ ಮನಕ್ಟನಾ ದಿಕ್ರೊ ಪೈಲಾ ಕಿಜಾ ವ್ಹತ್ತೊ ವರಿ ಫರಿನ ತ್ಯಾಜ ಜಾವಾನು ದೆಕ್ಯಾಮ ತುಮೆ ಸು ಕರೊಶಿ?

63 ಜಲಮ ದಿವಾನು ಕ್ಹುದಾನಿ ಆತ್ಮಾ ವ್ಹೈ ಮನಕ್ಟನಿ ಸಾಮರ್ಥನು ಸುಜ ನತ್ತಿ. ಮಿ ತುಮೊನೆ ಕಯ್ಕೊ ವಾತೊ ಕದ್ಯೊತೊ ತೆ ಕ್ಹುದಾನಿ ಆತ್ಮಾ ವ್ಹೈ ವರಿ ತೆ ಜಲಮ ದಿವಸ.

64 ವರಿಬಿ ತುಮಾರಾವೊಮಾ ದಕ್ಖಾಜನಾ ಬರೊಕ್ರೊನ್ನೈಕರಾ" ಕೈನ ಕದ್ಯೊ ತಿನೆ ಬರೊಕ್ರೊನ್ನೈಕರಲವಾಲಾ ಕುನ್ನ-ಕುನ್ನವ್ಹೈಕೈನ ತಿನೆ ಮೊಸ ಕರಾಲು ಕುನ್ನವ್ಹೈಕವಾನು ಯೆಸುನೆ ಪೈಲಾತುಜ ಗ್ವತ್ತ ವ್ಹತ್ತು.

65 ಯೆಸು ಬೊಲೊಜ ಮಿ ಇನಾಹುತಿ ತುಮೊನೆ ಇನಾಲಿಂಗತ ಕದಲ "ಬಾನಿ ಇಜಾಜತ ನೈಸೊ ಕುನ್ನಜ ಮಕನ ನೈಆಸಕ್ತೊ.

66 ಎ ವಾತನಾ ಹುತಿ ಯೆಸುನಾ ಪಾಚಾ ಜಾವಾಲಾ ಘನ್ನಾ ಜನಾ ತಿನೆ ಛೊಡಿನ ಗಯಾ ವರಿ ಕೆಳಾಮಾಜ ತಿನಾ ಪಾಚಾ ಆಯಾ ನೈ.

67 ಯೆಸು ತಿನಾ ಬಾರಾ ಶಿಷ್ಯಾವೊನೆ"ತುಮೆಬಿ ಮನೆ ಛೊಡಿನ ಜೊ ಕೈನ ಕರಾಸ ಸು? ಕೈನ ಪುಚ್ಚೊ.

68 ಸಿಮೊನ ಪೆತ್ರಾ ಯೆಸುನೆ"ಪ್ರಭು, ಹಮೆ ಕಿಕನ ಗಯ್ಕೆ? ಹಮೆಶಾನೊ ಜಲಮ ದಿವಾನಾ ವಾತೊ ತಾರಾಮಾ ಛೆ.

69 ಹಮೆ ತುಪರ ಬರೊಕ್ರೊಕರಿಯೆಸ. ತು ಕ್ಹುದಾಕಂತೊ ಆಯಲ ಪರಿಶುದ್ಧವ್ಹೈಕೈನ ಹಮೊನೆ ಗ್ವತ್ತ ಛೆ "ಕೈನ ಉತ್ತರ ದಿದ್ಯೊ.

70 ಪಾಚಲ್ವೊ ಯೆಸು ಕದ್ಯೊ ಸು ಮಿ ತುಮೊನೆ ಬಾರಾ ಜನಾವೊನೆ ಇನಿಲಿದ್ಯೊ ನತ್ತಿ ಸು? ವರಿಬಿ ತುಮೊಮಾ ಯಕ್ರೊ ಸೈತಾನ ಛೆ.

71 ಯೆಸು ಸಿಮೋನ ಇಸ್ಕರಿಯತನಾ ದಿಕ್ಲೊ ಯುದನಾ ಹುತಿ ಬೊಲಾಡ್ಲೊತೊ. ಯುದಾ ಬಾರಾ ಭನಾ ಅಪೊಸ್ತಲೊಮಾ ಯಕ್ಲೊ ವ್ಹತ್ತೊ. ತೆನ್ನೆಸೊ ಅಗೊ ಯೆಸುನೆ ಮೊಸ ಕರಾಲೊ ಎಭ್ಲ ವ್ಹೆ.

7

ಯೆಸು ವರಿ ತಿನಾ ಭಾಯೊ

1 ಎ ಥಯಲ್ಪರ, ಯೆಸು ಗಲಿಲಾಯ ಪುರಾ ಗಾಮಮಾ ಫರ್ರ್ಯೊ ಕಾಕದ್ಯಾಮ ಯುದೆಯಮಾ ಭಾವಾನೆ ಯೆಸುನೆ ಮನಸ ನ್ಹೊತು. ತ್ಯಾನಾ ಯಹುದ್ಯೊ ತಿನೆ ಖಲಾಸ ಕರಾನೆ ಕೈದಾಡಾತಾ.

2 ತೆಳಾಮಾ ಯಹುದ್ಯೊನಾ ಗುಡಾರಮಾ ಅನ್ನ ಕರಿನ ಖಾವಾನೊ ಸನ್ನನೊ ಟೈಮ ಥಯೊತೊ.

3 ತಿನಾಹುತಿ ಯೆಸುನಾ ಭಾಯೊ ತಿನೆ"ತು ನ್ಹ್ಯಾಂತೊ ಯುದೆಯನೆ ಭಾ. ತೆಳಾಮಾ ತ್ಯಾರ್ವಾನಾ ತಾರಾ ಹಿಂಬಾಲಕೊ ತು ಕರಾನಾ ಅದ್ಭುತ ಕಾಮೊ ದೆಕಸ.

4 ಕಯೊಬಿ ಮನಕ್ಲ ಮನಕ್ಲೊನಾ ಕ್ಲಾಮೊ ಪ್ರಸಿದ್ಧಿನೆ ಆವಾನೆ ಕರಸ ತೆ ತಿನಾ ಕಾಮೊ ದಡೈನ ಕರೈನ್ಯೆ ಕಾಕದ್ಯಾಮ ತು ಅದ್ಭುತ ಕಾಮೊ ಕರ್ಸಿ ತಿನಾಹುತಿ ದುನಿಯಾಮಾ ತುನೆ ತುಜ್ಜ ದೆಕಾಡಿನ ದೆ.

5 ಯೆಸುನಾ ಭಾಯೊ ಬಿ ತಿನೆ ಬರೊಕ್ಲೊ ಕರ್ತಾ ನ್ಹೊತಾ.

6 ಯೆಸು ತಿನಾ ಭಾಯೊನೆ"ಮನೆ ಕರೆಟ್ಟ ಟೈಮ ಹಜುನ ನತ್ತಿ ಆಯೊ. ತುಮೊನೆ ತುಬಿ ಭಾವಾನೆ ಕ್ಲಾರೊ ಟೈಮ ಕರೆಟ್ಟ ಛಿ.

7 ಎ ದುನಿಯಾ ತುಮೊನೆ ದುಶ್ಮನಿ ನೈಕರ್ತು. ತೆನ್ನೆಸೊ ಎ ದುನಿಯಾ ಮನೆ ದೊಶ ಕರಸ. ಕಾಕದ್ಯಾಮ ಮಿ ಎ ದುನಿಯಾನಾ ಮನಕ್ಲೊನೆ, ತ್ಯಾನೆ ಕರಾನಾ ಕೆಟ್ಟ ಕಾಮೊ ವ್ಹೆ ಕೈನ ಕೌಸ್ತೊ.

8 ತಿನಾಹುತಿ ತುಮೆ ಸನ್ನ ಕರಾನೆ ಜಾವೊ ಮಿ ಎ ಸನ್ನ ಕರಾನೆ ನೈ ಜಾತೊ. ಮನೆ ಕರೆಟ್ಟ ಟೈಮ ಹಜುನ ಆಯೊ ನತ್ತಿ" ಕದ್ಯೊ.

9 ಯೆಸು ಇಮ್ಮ ಕೈನ ಗಲಿಲಾಯಮಾ ರ್ಲಯೊ.

ಯೆಸು ಗುಡಾರನಾ ಸನ್ನಮಾ

10 ತಿನಾಹುತಿ ಯೆಸುನಾ ಭಾಯೊ ಸನ್ನನಾ ಹುತಿ ಗಯಾ. ತ್ಯುನೆ ಗಯಲ್ಪರ ತೆಬಿ ಮನಕ್ಲೊನೆ ದಿಕ್ಲ್ಯಾವಾಚಿ ದಡಿನ ಗಯೊ.

11 ಸನ್ನಮಾ ಯಹುದ್ಯೊನಾ ಅದಿಕಾರಿಯೊ"ಯೆಸು ಕಿಜ್ಗಾ ಛೆ" ಕೈನ ಪುಚ್ಚಾ ತಿನೆ ಹುಡ್ಕಾಡಾತಾ.

12 ತ್ಯಾ ಮನಕ್ಲೊನು ಮೊಟ್ಟು ಗುಂಪ ವ್ಹತ್ತು. ತೆ ಮನಕ್ಲೊಮಾ ಘನ್ನಾ ಜನಾ ಯೆಸುನಾ ಹುತಿ ಯಕ್ಕನೆ ಯಕ್ಕ ಕುಚು-ಕುಚು ಬೊಲ್ಲಿವಾಡ್ಯಾತಾ" ತೆ ಚೊಕೊ ವ್ಹೆ" ಕೈನ ದಕ್ಲ್ಯಾ ಜನಾ ಕದ್ಯಾ ಬಿಜಾ ದಕ್ಲ್ಯಾ ಜನಾ"ನ್ಹವ್ಯೆ ತೆ ಮನಕ್ಲೊನೆ ಮೊಸ ಕರಾಡ್ಯೊಸ" ಕೈನ ಕವಾಡಾತಾ.

13 ತೆನ್ನೆಸೊ ಯೆಸುನಾ ಹುತಿ ಕೆಟ್ಟ ಬೊಲಾನೆ ತೆ ಮನಕ್ಲೊಮಾ ಕಿನೆಜ್ ತೆಕ್ಲ ದಮ್ಮೆನ್ಹೊತು. ಕಾಕದ್ಯಾಮ ಮನಕ್ಲೊಯಹುದ್ಯನಾ ನಾಯಕೊನೆ ಭುಚಿಕಿನ ವ್ಹತ್ತಾ.

14 ಕಮ್ಮಶಿ ಕಮ್ಮ ಸನ್ನನು ಅರ್ದು ಭಾಗ ಕ್ಹರಿ ಗೈತು. ತೆಳಾಮಾ ಯೆಸು ದೆವಾಲಯನೆ ಗೈನ ಉಪದೇಶ ಕರಾನು ಶುರು ಕರಯ್ಚೊ.

15 ಯಹುದ್ಯೊನಾ ಅದಿಕಾರಿಯೊ ಘಾಬ್ರಾ ಥಯಾ" ಎ ಮನಕ್ಲೆ ಕೆಳಾಮಾಜ ಎ ಕಿಜಾಜ ಅಬ್ಯಾಸ ನತ್ತಿ ಕರಯ್ಚೊ ಎ ಅಕ್ಲ ಕ್ಹಾರು ಕಿಮ್ಮ ಶಿಕೊ? ಕೈನ ಪುಚ್ಚಿ ಲಿವಾನು ಶುರು ಕರಯ್ಚೊ.

16 ಯೆಸು ತ್ಯುನೊನೆ"ಮಿ ಉಪದೇಶ ಕರಾನಾ ಸಂಗತಿಯೊ ಮಾರಿಯೊ ಸ್ವಂತ ನ್ಹವ್ಯೆ ತೆನ್ನೆತೊ ಮಾರು ಉಪದೇಶ ಮನೆ ವಳಾಯಲವಾಲಾತು ಕ್ಹುದಾ ಕಂತು ಆವಸ.

17 ಕ್ಹುದಾ ಆಸ ಕರಾನು ಕರಾಲಾನೆ ಮಾರು ಉಪದೇಶ ಕ್ಹುದಾತಿ ಆಯುಸ ತೆನ್ನೆಸೊ ಮಾರು ಸ್ವಂತ ನ್ಹವ್ಯೆ ಕೈನ ಗ್ವತ್ತ ಥಾವಸ.

18 ಕುನ್ನ ತಿನಾ ಸ್ವಂತ ಅದಿಕಾರಕ್ಹ ಬೊಲಸ ತಿನಾಕ್ಹ ತಿನೆ ಮಹಿಮಾ ಕರ್ಲಿವಸ. ತೆ ನಯಸೊ ಕುನ್ನ ತಿನೆ ಮೊಕ್ಲಸ ತಿನಿ ಮಹಿಮಾ ಕರಾನೆ ಆಸ ಕರಸ. ತೆ ಕ್ಹರಿನೊ ವ್ಹೆವರಿ ತಿನಾಮಾ ಕಯುಜ ತರಾನು ಸುಳ್ಳ ನತ್ತಿ. ತಿ

19 ಮೊಶೆ ತುಮೊನೆ ಧರಮಶಾಸ್ತ್ರ ದಿದ್ಯೊ ನತ್ತಿ ಸು? ವರಿ ತುಮೆ ತಿಮಾನಿಯೊ ನಿಯೊಮೊ ಲಿಂಗತ ಚಾಲ್ತಾ ನೈ ಕರಯ್ಚೊ ಕಾ ತುಮೆ ಮನೆ ಮಾರಾನೆ ಕೊಶಿಶ ಕರೊಶಿ?

20 ಮನಕ್ಕೊ ಕದ್ಯಾ"ತುನೆ ಭುತಡು ಧರ್ಮಸ. ತುನೆ ಕುನ್ನ ಮಾರಾನೆ ಕೊಶಿಶ ಕರಾಡ್ಯಸ ಕದ್ಯಾ

21 ಯೆಸು ತ್ಯುನೊನೆ"ಮಿ ಕರಲ ಯಕ್ಕ ಅಧ್ಭುತ ಕಾಮ ಕರಯ್ತೊತೊ ತುಮೆ ಕ್ಹಾರಾ ಘಾಬ್ರಾ ಧಯಾಸ.

22 ಮೊಶೆ ತುಮೊನೆ ಸುನ್ನತಿ ಹುತಿ ಆಗನ್ಯಾ ದಿದ್ಯೊತೊ. ತೆನ್ನೆಸೊ ಕ್ಹರಿನಿಜ ಸುನ್ನತಿ ಕವಾನಿ ಸಂಸ್ಕಾರ ತುಮೊನೆ ದಿದಲವಾಲೊ ಮೊಶೆ ನ್ಹವೈ. ತಿತ್ತಿಬಿ ಪೈಲಾಜ ರ್ಹಯಲ ತುಮಾರಾ ಪಿತ್ಯಕ್ಲು ಎ ಸಂಸ್ಕಾರ ಆಯುಸ. ತಿನಾಹುತಿ ಕೆಳಾಮಾಬಿ ಯಕ್ಕೇಮ ತುಮೆ ಸಬ್ಬತ ದಿನ್ಮಾ ಬಚ್ಚಾವೊನೆ ಸುನ್ನತಿ ಕರಾವೊಸಿ.

23 ಇಮ್ಮ ರ್ಹಯುಮ ರಾಮ ಕರಾನಾ ದಿನ್ಮಾ ಕಿನೆಬಿ ರ್ಹೈನೆಕಾ ಸುನ್ನತಿ ಇನಾಹುತಿ ಕರಸ ಕದ್ಯಾಮ ಮೊಶೆನು ನಿಯಮ ತೊಡು ನೈ ಕದ್ಯಾಮ ಇಮ್ಮ ರ್ಹಯುಮ ಯಕ್ಕ ಮನಕ್ಲ ಮೊಶೆನಿ ಆಗನ್ಯಾನೆ ವಿಧೆಯ ಥಾವಾನಾ ಹುತಿ ಸಬ್ಬತ ದಿನ್ಮಾ ಸುನ್ನತಿ ಕರೈಲೆಸಕಸ ಕವಾನು ಎ ದೆಕಾಡಿನ ದಿವಸ. ಇಮ್ಮ ರ್ಹತಾಮಾ, ಸಬ್ಬತ ದಿನ್ಮಾ ಯಕ್ಲಾನು ತಿನು ಪುರಾ ಅಂಗ ಅರಾಮ ಕರಾನಾಹುತಿ ತುಮೆ ಕಾ ಶಿಟ್ಟಿ ಧಯಾಸ?

24 ಭಾರೊ ದೆಕಾಡಾನಾ ಹುತಿ ಪೈಸಲೊ ಕರಯ್ತಾವಾಚಿ ಕರೈಟ್ಟ ಪೈಸಲೊ ಕರೊ" ಕೈನ ಕದ್ಯೊ

ಯೆಸುಜ ಕ್ರಿಸ್ತ ವ್ಹೈಸು?

25 ಪಾಚಲ್ತೊ, ಯೆರುಸಲೆಮಮಾ ರ್ಹಯಲ ದಕ್ಖಾ ಮನಕ್ಕೊ"ಅದಿಕಾರಿಯೊ ಕಲಾಸ ಕರಾನೆ ಕೊಶಿಶ ಕರಾನು ಎಜ್ಜ ಮನಕ್ಲನೆ ವ್ಹೈಸು?

26 ತೆನ್ನೆಸೊ ದೆಕೊ ಎ ಕ್ಹಾರಾ ಮನಕ್ಕೊನಾ ಕ್ಹಾಮೊಜ್ಜ ಬೊಲ್ತೊ ರ್ಹವಸ. ವರಿ ತೆ ಮನಕ್ಕೊತಿನಾ ವಿರುದ್ಧ ಸುಜ್ಜ ಬೊಲಾಡ್ಯಾ ನತ್ತಿ. ಯಕ್ಕ ಟೈಮ ಎಜ್ಜ ಕ್ಹರಿನೊ ಕ್ರಿಸ್ತ ವ್ಹೈಸು ಕವಾನಾ ವಳಕ್ಯಾಸು?

27 ವರಿಬಿ ಎ ಮನಕ್ವ ಕಿಜಾತೊ ಆಯೊಸ ಕವಾನು ಹಮೊನೆ ಗ್ವತ್ತ ಛೆ. ತೆನ್ನೆಸೊ, ಕ್ರಿಸ್ತ ಆತಾಮಾ, ತೆ ಕಿಜಾತೊ ಆಯೊಸ ಕೈನ ಕಿನೆಜ್ಜ ಗ್ವತ್ತ ನತ್ತಿ. ಕೈನ ಬೊಲ್ಗಿದ್ದಾ.

28 ಯೆಸು ದೆವಾಲಯಮಾ ಹಜ್ಜುನ ಉಪದೆಶ ಕರ್ಮಾಮಾ ತೆಳಾಮಾ ತೆ ಜೊರ ವದ್ರಿನ "ಹೊ, ತುಮೊನೆ ಮಾರಾ ಹುತಿ ಗ್ವತ್ತ ಛೆ. ಮಿ ಕಿಜಾತೊ ಆಯೊಸ ಕವಾನು ತುಮೊನೆ ಗ್ವತ್ತ ಛೆ. ತೆನ್ನೆಸೊ ಮಿ ಆಯಲ ಮಾರಾ ಸ್ವಂತ ಅಧಿಕಾರಕ್ಕು ನ್ವವ್ವೆ ಮನೆ ಮೊಕ್ಕೊಸ ತೆ ಕ್ವರಿನೊ ವ್ವೆ ತುಮೊನೆ ತಿನಾಹುತಿ ಗ್ವತ್ತ ನತ್ತಿ.

29 ತೆನ್ನೆಸೊ ಮಿ ತಿನೆ ವಳಕ್ಕೊಸ. ವರಿಬಿ ಮಿ ತಿನಾಹುಜ ಆಯೊಸ. ವರಿ ತೆಜ್ಜ ಮನೆ ಮೊಕ್ಕೊಸ" ಕದ್ಯೊ.

30 ಎ ಐಕಿನ ಮನಕ್ವೊ ತಿನೆ ಧರಾನೆ ಕೊಶಿಶ ಕರ್ಮಾ ತೆನ್ನೆಸೊ ಯೆಸುಪರ ಕಿನೆಜ್ಜ ಹತ ಫಾಲಾನೆ ಸಾದ್ಯ ಥಯು ನೈ ಕಾಕದ್ಯಾಮ ಯೆಸುನೆ ಹಜ್ಜುನ ಕರೆಟ್ಟ ಟೈಮ ಆಯೊ ನೊತೊ.

31 ತೆನ್ನೆಸೊ ಗುಂಪಮಾನಾ ಘನ್ನಾ ಮನಕ್ವೊನು ಯೆಸುಪರ ಬರೊಕ್ಕೊ ಮ್ಹೆಲ್ಯಾ ವರಿ ಕದ್ಯಾ ತ್ಯನೆ"ಕ್ರಿಸ್ತ ಆವಾಡ್ಯೊಸ ಕೈನ ಹಮೆ ದೆಕಾಡ್ಯಾಸ. ಕ್ರಿಸ್ತ ಆತಾಮಾ ಎ ಮನಕ್ವ (ಯೆಸು) ಕರಲತಿಬಿ ಹೆಚ್ಚಿ ಸುಚಕ ಕಾಮೊ ಕರಾಲೊ ವ್ವೆಸು? ನ್ವವ್ವೆ! ತಿನಾಹುತಿ ಎಜ್ಜ ಕ್ರಿಸ್ತ ವಸೆ" ಕದ್ಯಾ.

ಯೆಸುನೆ ಧರಾನೆ ಕೈದಾಲಾವೊನೆ ವಳಾಯಲ

32 ಯೆಸುನಾ ಹುತಿ ಮನಕ್ವೊನು ಗುಂಪ ಕುಚು-ಕುಚು ಬೊಲನು ಪರಿಸಾಯರೊ ಐಕ್ಯಾ ತಿನಾಹುತಿ ಖಾಸ ಯಾಜಕೊ ವರಿ ಫರಿಸಾಯರೊ ಯೆಸುನೆ ಧರಾನಾ ಹುತಿ ದಕ್ವಾ ಕೈದಾಲಾವೊನೆ ಜನಾವೊನೆ ಮೊಕಲ್ಯಾ.

33 ತೆಳಾಮಾ ಯೆಸು"ಹಜ್ಜುನ ದಕ್ವಾ ಟೈಮ ಮಿ ತುಮಾರಾ ಕ್ವಾತೆ ರ್ವೊಸ. ಪಾಚಲೊ ಮನೆ ಮೊಕ್ಲಲವಾಲಾಕನ ಜೊಸ.

34 ತುಮೆ ಮನೆ ಹುಡಕೊಸಿ, ವರಿಬಿ ಮನೆ ವಳಕ್ತಜ ನೈ ವರಿ ಮಿ ರ್ವಯಲ ಜಗಾ ತುಮೆ ಆತಾ ನೈ" ಕೈನ ಕದ್ಯಾ.

35 ಯಹುದ್ಯೊನಾ ಅದಿಕಾರಿಯೊ ತ್ಯನೊ ತ್ಯನೊಮಾಙ್"ಇನೆ ಅಪೆ ವಳಕೆ ನೈಸೊ ಎ ಕಿಙಾ ಭಾವಸ? ಅಪ್ಪಾ ರ್ಡ್ವಯಲ ಗ್ರಿಕ ಮನಕ್ಕೊನಾ ಗಾಮ್ಯಾಗೈನ ಗ್ರಿಕ ವಾಲಾವೊನೆ ಉಪದೇಶ ಕರಸ ಸು?

36 ಎ "ತುಮೆ ಮನೆ ಹುಡ್ಕೊಶಿ ತೆನೈಸೊ ತುಮೆ ಮನೆ ಹುಡಕ್ತಾ ನೈ ಕವಸ ತೆನೈಸೊ ಎ ಮಿ ಕಿಙಾ ಚಾಲ್ಯೊಸ ತುಮೆ ನೈ ಆತಾ ಕೈನ ಕವಸ. ಇನು ಮತ್ಲಬ ಸು ವ್ಹೈ? ಕೈನ ಯಕ್ಸನೆ ಯಕ್ಸ ಬೊಲ್ಲಿದ್ದಾ.

ಜಲಮ ದಿವಾನಾ ಪಾನಿನಿ ಝರಿ

37 ಸನ್ನನು ಲಾಸ್ವ ದಿನ್ನ ಐಯುತು. ತೆ ಕ್ಕಾರಾತಿ ಕಾಸ ದಿನ್ನ ಐಯು ತೆ ದಿನ್ನೆಯಿಸು ಹುಬ್ರೈನ, ಜೊರ ವದ್ರಿನ "ಕಿನೆಬಿ ತರಕ್ಟಲಾಗಲ ರ್ಡ್ವಯಮ ತೆ ಮಕನ ಐನ ಪಿವಾದೆ.

38 ಮಾರಾ ಉಪ್ಪರ ಬರೊಕ್ಕೊ ಮ್ಹೆಲಲವಾಲಾನಾ ಪೆಟಮಾತು ಜಲಮನು ಪಾನಿನಿ ಝರಿಯೊ ವೈನ ಭಾವಸ. ಪವಿತ್ರ ಗ್ರಂಥ ತಿಳ್ಳಾವಾನು ಎಙ್ಲ ವ್ಹೈ "ಕೈನ ಜೊರ ವದ್ರಿನ ಕದ್ಯೊ.

39 ಯೆಸು ಪವಿತ್ರ ಆತ್ಮಾನಾ ಹುತಿ ಎ ಕುನ್ನ ತಿಪರ ಬರೊಕ್ಕೊ ಮ್ಹೆಲಲವಾಲಾನೆ ತೆ ತ್ಯನೆ ಪಡ್ಡಿಲಿವಾನು ವ್ಹತ್ತು. ತೆಳಕ್ಕಾ ಪವಿತ್ರ ಆತ್ಮಾದಿಡಲ ನ್ಹೊತಿ ಕಾಕದ್ಯಾಮ ಹಜುಬಿ ಯೆಸು ಮಹಿಮಾತು ಜಿವ್ವೊ ಥೈನ ಉಟ್ಟೊ ನ್ಹೊತೊ. ಕದ್ಯೊತೊ ತಿನೆ ಬರೊಕ್ಕೊ ಕರಲವಾಲಾ ವ್ಹಂದಿಲಿವಾನು ಪವಿತ್ರ ಆತ್ಮಾನಾ ಹುತಿ ಕದ್ಯೊ ತೆ ಹಜುನ ತಿನಿ ಮಹಿಮಾ ನೈವ್ಹಂದಿಲಿಡಲಕ್ಕು ಪವಿತ್ರ ಆತ್ಮಾಹಜುನ ದಿದ್ಯೊ ನ್ಹೊತೊ.

ಮನಕ್ಕೊನಾ ವಚ್ಚಾಬೆ ಭಾಗ

40 ಎ ಸಂಗತಿಯೊ ಐಕಲ ಮನಕ್ಕೊನಾ ಗುಂಪಮಾನಾ ದಕ್ಟಾ ಜನಾ"ಎ ಮನಕ್ಟಕರಿಬಿ ಪ್ರವಾದಿ ವ್ಹೈ" ಕದ್ಯಾ.

41 ದಕ್ಟಾ ಜನಾ"ತೆ ಮಸ್ಸಿಹಾ ವ್ಹೈ" ಕವಸ. ಬಿಙಾ ದಕ್ಟಾ ಜನಾ"ಮಸ್ಸಿಹಾ ಗಲಿಲಾಯತೊ ನೈಆತೊ! ಕವಸ.

42 ಕ್ರಿಸ್ತ ದಾವಿದನಾ ಕುಟುಂಬತೊ ದಾವಿದ ರ್ಡ್ವಯಲ ಬೆತ್ಲೆಹೆಮ ಗಾಮತೊ ಆವಸ ಕೈನ ಪವಿತ್ರ ಗ್ರಂಥ ಕವಸ್ತೊ" ಕದ್ಯಾ.

43 ಇಮ್ಮಯಿಸುನಾ ಹುತಿ ಮನಕ್ಕೊನಾ ಗುಂಪಮಾ ಭಾಗೊ ಥಯಾ.

44 ದಕ್ಕಾಜನಾ ಯೆಸುನೆ ಧರು ಕೈನ ವ್ಹತ್ತಾ. ತೆನ್ನೆಸೊ ಕುನ್ನಜ ತಿಪರ ಹತ್ತ ಉಚ್ಚೆಯು ನೈ.

ಬರೊಕ್ಕೊನ್ನೆಸೊವಾಲಾ ಯೆಹುದಿಯೊ

45 ದೆವಾಲಯನೆ ಕೈದಾಲಾವೊನಾ ಪಾಙಾ ಫರಿನ ಗಯಲ ಪರ, ಖಾಸ ಯಾಜಕೊ ವರಿ ಪರಿಸಾಯರೊ ತ್ಯುನೊನೆ"ತುಮೆ ತಿನೆ ಕಾ ಧರಿನ ಲಾಯಾ ನೈ? ಕೈನ ಪುಚ್ಚಾ.

46 ದೆವಾಲಯನೆ ಕೈದಾಲಾ"ಹಜುನ ಲಕ್ಕಾಬಿ ತೆ ಬೊಲಲ ಲಿಂಗತ ಕುನ್ನಜ ಬೊಲ್ಯು ನತ್ತಿ ಕೈನ ಉತ್ತರ ದಿದ್ವಾ.

47 ಪರಿಸಾಯರೊ"ಇಮ್ಮ ರ್ಹಿಯುಮ, ಯೆಸು ತುಮೊನೆಬಿ ಮರಳ ಕರೊಸ್!

48 ಅದಿಕಾರಿಯೊಮಾ ನೈತೊ ಫರಿಸಾಯರೊಮಾ ಯಕ್ಲೊ ತಬಿ ತಿಪರ ಬರೊಕ್ಕೊ ಕರೊಸ್?

49 ತೆನ್ನೆಸೊ ಎ ಮನಕ್ಕೊನೆ ಧರಮಶಾಸ್ತ್ರನಾ ಹುತಿ ಸುಜ ಗ್ವತ್ತ ನತ್ತಿ. ತ್ಯುನೆ ಕ್ಹುದಾನಾ ಶ್ರಾಪನೆ ಮ್ಹೈಧಯಾಸ" ಕೈನ ಕದ್ಯಾ.

50 ತೆನ್ನೆಸೊ ತ್ಯುನೊಮಾ ನಿಕೊದೆಮ ವ್ಹತ್ತೊ. ಪೈಲಾ ಯೆಸುನೆ ದೆಕಾನೆ ಗಯೊತೊ.

51 ನಿಕೊದೆಮ"ಯಕ್ಕ ಮನಕ್ಕನಿ ವಾತ ಐಕ್ಯಾವಾಚಿ ಫೈಸಲೊ ಕರಾನಾ ಅಪ್ಪು ಧರಮಶಾಸ್ತ್ರ ಇಜಾಜತ ನೈ ದೆತು. ತೆ ಕರಲ ಹಮೆ ತಿಳದಿಲಿಯೆ ಲಕ್ಕಾ ತಿನೆ ಫೈಸಲೊ ಕರಾನೆ ನೈ ಧಾತು" ಕೈನ ಕದ್ಯೊ.

52 ತ್ಯುನೆ ತಿನೆ"ತು ಗಲಿಲಾಯನೊ ವ್ಹೈಸು? ಪವಿತ್ರ ಗ್ರಂಥ ಅಬ್ಯಾಸ ಕರ. ಗಲಿಲಾಯತೊ ಕಯೊ ಪ್ರವಾದಿ ನೈ ಆತೊ ಕೈನ ತೆಕಾಮಾ ತುನೆ ಗ್ವತ್ತ ಧಾವಸ" ಕೈನ ಉತ್ತರ ದಿದ್ವಾ.

53 ಪಾಙಾತಾ ತ್ಯುನೆ ಕ್ಹಾರಾ ತ್ಯುನಾ-ತ್ಯುನಾ ಘರೆ ಗಯಾ.

8

ಯಕ್ಕ ಬಾಕ್ತಿ ವ್ಯಬಿಚಾರ ಕರ್ತಾಮಾ ಕ್ಹಾಪಡಲ

1 ಯೆಸು ಒಲಿವ ರುಾಡೊನೊ ಡೊಂಗರಪರ ಗಯೊ.

2 ವರಿ ತ್ಯಾಂತೊ ಹೆಟೊ ಉತ್ತಿನ ತೆ ದೆವಾಲಯ ಫರಿನ ಗಯೊ. ಕ್ಹಾರಾ ಮನಕ್ಲೊ ಯೆಸುಕನ ಮಳಿನ ಸುತ್ತೆ ಹುಬ್ರಯಾ. ತೆ ಬೈಟಿನ ಮನಕ್ಲೊನೆ ಉಪದೆಶ ಕರ್ರೊ.

3 ಧರ್ಮೊಪದೆಶ ಕರಾಲಾ ವರಿ ಪರಿಸಾಯರೊ ಯಕ್ಕ ಬಾಕ್ಟಿನೆ ತ್ಯಾ ಲಿನ ಆಯಾ. ತೆ ಬಾಕ್ಟಿ ವ್ಯಭಿಚಾರ ಕರ್ಮಾ ಕ್ಹಾಪಡಿತಿ. ತ್ಯಾನೆ ತೆ ಬಾಕ್ಟಿನೆ ಮನಕ್ಲೊನಾ ಗುಂಪನಾ ಕ್ಹಾಮಾ ಲೈನ ಹುಬ್ರಾಡ್ಯಾ.

4 ತೆಳಾಮಾ ಯೆಸುನೆ ಮನಕ್ಲೊ"ಗುರು, ಎ ಬಾಕ್ಟಿ ವ್ಯಭಿಚಾರ ಕರ್ಮಾ ಕ್ಹಾಪಡಿಸ.

5 ಹವಾ ಕಾಮೊ ಕರಾಲಿ ಹರಿ ಯಕ್ಕ ಬಾಕ್ಟಿನೆ ದಗ್ಡಾ ಮಾರಿನ ಖಲಾಸ ಕರು ಕೈನ ಮೊಶೆನಾ ಧರಮಶಾಸ್ತ್ರಮಾ ಆಗನ್ಯಾ ದಿದ್ಯೊಸ. ಇನಾಹುತಿ ತು ಸು ಕಶಿ? ಕೈನ ಪುಚ್ಚಾ.

6 ಯೆಸುನೆ ವಾತೊಮಾ ಕ್ಹಾಪಡೈನ ತಿಪರ ತಪ್ಪಫಾಲಾನೆ ಥಾವಸ ಕೈನ ತೆ ವಾತ ಪುಚ್ಚಾ. ತೆನ್ನೆಸೊ ಯೆಸು ಹೆಟೊ ಬೈಟಿನ ಹತನಾ ಬೊಟಕ್ಕು ಜಿಮಿನಪರ ಬರ್ದಾನು ಶುರು ಕರ್ರೊ.

7 ತ್ಯಾನೆ ತೆಜ ಪ್ರಶ್ನೆ ವರಿ ಪುಚ್ಚಾ. ತೆಳಾಮಾ ಯೆಸು ಸಿದಾ ಬೈಟಿನ"ತೊಮೊಮಾ ಪಾಪ ನೈ ಕರಲವಾಲೊ ತಿನೆ ಪೈಲಾ ದಗ್ಡೊ ಮಾರಾದೆ" ಕೈನ,

8 ವರಿ ತೆ ಡ್ವಗ್ಗಿನ ಜಿಮಿನಪರ ಬರ್ದೊ.

9 ಯೆಸುನಿಯೊ ಎ ವಾತೊ ಐಕಿನ ಪೈಲಾ ತ್ಯಾ ರ್ಡಯಲ ಶಾನಾತಿ ಧರಿನ ಹರಿ ಯಕ್ಲಾ ಮನಕ್ಲೊ ಗೈಪಡ್ಯಾ. ಲಾಸ್ತೆ ತ್ಯಾ ಹುಬ್ರಯಲ ಯೆಸು ಯಕ್ಲೊಜ ವ್ಹೈ ವರಿ ತೆ ಬಾಕ್ಟಿನಾ ಕ್ಹಾಮಿ ಹುಬ್ರೈತಿ.

10 ಯೆಸು ಸಿದಾ ಹುಬ್ರೈನ"ಬೈ ತ್ಯಾನೆ ಕ್ಹಾರಾ ಕಿಜಾ ಲೈ? ತುಪರ ತಪ್ಪ ಫಾಲಲವಾಲಾ ಯಕ್ಲಾಬಿ ನತ್ತಿ ಸು? ಕೈನ ಪುಚ್ಚೊ.

11 ತೆ ಬಾಕ್ಟಿ"ಸ್ವಾಮಿ, ತ್ಯಾನೊಮಾನೊ ಯಕ್ಲೊಬಿ ನತ್ತಿ" ಕದಿ.

ಯೆಸು ತಿನೆ"ಮಿ ತುಪರ ತಪ್ಪ ನೈ ಫಾಲೊ. ತು ಹಮ್ಮಾ ಜಾ, ಹಬ್ಬಾತಿ ತು ಪಾಪ ಕರು ನಕೊ" ಕೈನ ಕದ್ಯೊ.

ಯೆಸುಜ ದುನಿಯಾನೆ ಉಜಾಲು ಥಯೊಸ

12 ಪಾಘಾತಾ, ಯೆಸು ವರಿ ಮನಕ್ಲೊನಾ ಕ್ಹಾತೆ ಬೊಲ್ಟೊ"ಮಿಜ ಎ ದುನಿಯಾನೆ ಉಜಾಲು ವ್ಹ್ಯೆ ಮಾರಾ ಪಾಘೊ ಆವಾಲೊ ಯಕ್ಲೊಬಿ ಅಂದಾರಾಮಾ ಕೆಳಾಮಾಜ ಚಾಲ್ತೊನ್ಯೆ ತೆ ಜಲಮ ದಿವಾನು ಉಜಾಲು ವ್ಹಂದಿಲಿದಲವಾಲೊ ಥಾವಸ ಕದ್ಯೊ

13 ಫರಿಸಾಯರೊ ಯೆಸುನೆ"ತು ತಾರಾ ಹುತಿ ಸಾಕ್ಷಿ ದಿವಾಡೊಸ. ತೆನ್ಯೆಸೊ ಎ ಸಾಕ್ಷಿ ಕ್ಹರಿ ನ್ಹವ್ಯೆ" ಕೈನ ಕದ್ಯಾ

14 ಯೆಸು, ಹೊ"ಮಿಜ ಮಾರಾ ಹುತಿ ಕವಾನಿ ಎ ಸಾಕ್ಷಿ ಕ್ಹರಿ ಛೆ. ಕಾಕದ್ಯಾಮ ಮಿ ಕಿಜಾತೊ ಆಯೊಸ ಕವಾನು ಮಿ ಕಿಜಾ ಜೊಸ ಕವಾನು ಮನೆಜ ಗ್ವತ್ತ ಛೆ. ತೆನ್ಯೆಸೊ ಮಿ ಕಿಜಾತೊ ಆಯೊಸ ಮಿ ಕಿಜಾ ಜೊಸ ಕವಾನು ತುಮೊನೆ ಗ್ವತ್ತ ನತ್ತಿ"

15 ತುಮೆ ಮನಕ್ಲೊಕರಲ ಲಿಂಗತ ಪೈಸಲೊ ಕರಾಡಾಸ. ತೆನ್ಯೆಸೊ ಮಿ ಕಿನೆಜ ಪೈಸಲೊ ಕರ್ತೊ ನ್ಯೆ

16 ತೆನ್ಯೆಸೊ ಯಕ್ಲೆಳೆ ಮಿ ಪೈಸಲೊ ಕರ್ರೊಮ ತೆ ಕ್ಹರಿನೊ ರ್ವವಸ. ಕಾಕದ್ಯಾಮ ಮಿ ಯಕ್ಲೊಜ ನತ್ತಿ ಮನೆ ವಳಾಯಲವಾಲೊ ಮಾರೊ ಬಾ ಮಾರಾ ಕ್ಹಾತೆ ರ್ವವಸ.

17 ತುಮಾರಾ ಧರ್ಮ ಶಾಸ್ತ್ರಮಾ ಅಮ್ಮಬರ್ದಲ ಛೆ ಬೆ ಜನಾ ಕದಲ ಸಾಕ್ಷಿ ಕ್ಹರಿ ವ್ಹ್ಯೆ

18 ಮಾರಾ ಹುತಿ ಸಾಕ್ಷಿ ಕವಾಲೊ ಮಿ ಯಕ್ಲೊ ವರಿ ಮನೆ ವಳಾಯಲವಾಲೊ ಮಾರೊ ಬಾ ವರಿ ಯಕ್ ಸಾಕ್ಷಿ ಥಯೊಸ "ಕೈನ ಉತ್ತರ ದಿದ್ಯೊ

19 ತೆಳಾಮಾ ತ್ಯುನೆ"ತಾರೊ ಬಾ ಕಿಜಾ ಛೆ? ಕೈನ ಪುಚ್ಚಾ

ಯೆಸು ತ್ಯುನೊನೆ "ತುಮೊನೆ ಮಿ ರ್ವ್ವಿನೆಕಾ ಮಾರೊ ಬಾ ರ್ವ್ವಿನೆಕಾ ಗ್ವತ್ತ ನತ್ತಿ. ಯಕ್ಲೆಳೆ ತುಮೆ ಮನೆ ತಿಳ್ವಲಿದಲ ರ್ವ್ವತೊ, ಮಾರಾ ಬಾನೆಬಿ ತಿಳ್ವಲಿದಲ ರ್ವ್ವತಾತಾ" ಕೈನ ಕದ್ಯೊ

20 ಯೆಸು ದೆವಾಲಯಮಾ ಕಾಣಿಕೆನಿ ಪೆಟಕಿ ಕನ ಹುಬ್ಬಿನ ಉಪದೆಶ ಕರ್ತಾಮಾ ಎ ವಾತೊ ಕದ್ಯೊ ತಿಮ್ಮ ರ್ಡ್ಡಯುತಬಿ ತಿನೆ ಧರ್ಯ್ನೈ ಕಾಕದ್ಯಾಮ ತಿನೆ ಧರಾನೊ ಟೈಮ ಹಜುನ ಆಯೊ ನ್ಹೊತೊ.

ಮಿ ಕಿಜಾ ಚಾಲ್ಯೊಸ ತ್ಯಾ ತುಮೊನೆ ಜಾವಾನೆ ನೈ ಥಾತು

21 ವರಿ ಯೆಸು ತ್ಯುನೊನೆ"ಮಿ ಚಾಲ್ಯೊಸ ತುಮೆ ಮನೆ ಹುಡ್ಕೊಶಿ. ತೆನೈಸೊ ತುಮೆ ತುಮಾರಾ ಪಾಪೊಮಾಜ ಮರೊಶಿ. ಮಿ ಜಾವಾನಿ ಜಗಾ ಪರ ತುಮೆ ನೈ ಆಸ್ತಾ" ಕೈನ ಕದ್ಯೊ.

22 ಎ ಯಹುದಿಯೊನೆ ತೆ ತಿನೊಜ ಜಲಮ ಲಿವಸ ಸು? ತಿನಾಹುತಿ ತೆ ಮಿ ಕಿಜಾ ಜಾಸ ತ್ಯಾ ತುಮೊನೆ ಆವಾನೆ ನೈ ಥಾತು ಕೈನ ಕವಾಡ್ಯೊಸ ಸು? ಕೈನ ತ್ಯುನಾ-ತ್ಯುನಾಮಾ ಬೊಲ್ಲಿವಾ ವರ್ಕ್ಟು ಥಯು.

23 ತೆನೈಸೊ ಯೆಸು"ತುಮೆ ಹೆಟಲ್ಯಾ ವ್ಹೈ ಮಿ ಉಪ್ಪರಲ್ಯೊ ವ್ಹೈ ತುಮೆ ಎ ದುನಿಯಾನಾ ವ್ಹೈ ತೆನೈಸೊ ಮಿ ಎ ದುನಿಯಾನೊ ನ್ಹವ್ಹೈ.

24 ತಿನಾಹುತಿ ಮಿ ಕದಲ ವ್ಹೈ ತುಮೆ ತುಮಾರಾ ಪಾಪೊಮಾ ಕರೊಶಿ ಕೈನ ವರಿ ತುಮೆ ಮಿ ಕುನ್ನ ವ್ಹೈ ಕೈನ ಮಿಜ ತೆ ವ್ಹೈ ಕೈನ ಬರೊಕ್ಕೊ ನೈ ಕರ್ಯಾಮ ತುಮೆ ತುಮಾರಾ ಪಾಪೊಮಾಜ ಮರೊಶಿ" ಕೈನ ಕದ್ಯೊ.

25 ತೆಳಾಮಾ ತ್ಯುನೆ"ತು ಕುನ್ನ ವ್ಹೈ? ಕೈನ ಪುಚ್ಯಾ.

ಯೆಸು ತ್ಯುನೊನೆ"ಮಿ ಕುನ್ನ ವ್ಹೈ ಕವಾನು ತುಮೊನೆ ಪೈಲಾತೊ ಕತೊ ಆಯೊತೊ, ತೆಜ ಮಿ ವ್ಹೈ.

26 ತುಮಾರಾ ಹುತಿ ಪೈಸಲಾನಾ ಹುತಿ ಕವಾನೆ ಘನ್ನು ಛೆ. ತೆನೈಸೊ ವಳಾಯಲವಾಲೊ ಕ್ಹರಿನೊ ವ್ಹೈ ವರಿ ಮಿ ತಿಕಂತೊ ಸು ಐಕ್ಸೊಸ ತೆಜ ದುನಿಯಾನೆ ಕೌಸ.

27 ಯೆಸು ಕಿನಾಹುತಿ ಬೊಲಾಡೊಸ ಕವಾನು ಮನಕ್ಕೊತಿಲ್ಲಿದ್ಯಾನೈ. ಯೆಸು ತ್ಯುನೊನೆ ಬಾನಾ (ಕ್ಹುದಾ) ಹುತಿ ಕವಾಡೊತೊ.

28 ತಿನಾಹುತಿ ತೆ ತ್ಯುನೊನೆ"ಕೆಳಾಮಾ ತುಮೆ ಮನಕ್ಕನಾ ದಿಕ್ರಾನೆ ಉಪ್ಪರ ಚಡಾವೊಶಿ, ತೆಳಾಮಾ ತೆಜ ಮಿ ವ್ಹೈ ಕವಾನು ತುಮೊನೆ ಗ್ವತ್ತ ಥಾವಸ ವರಿ ಮಿ ಕರಾನು ಮಾರಾ ಸ್ವಂತ ಚಿತ್ತಕ್ಕು ನ್ಹವ್ಹೈ. ತೆನೈಸೊ ಮಾರೊ ಬಾ ಕದಲ ತಿಮ್ಮ ಮಿ ಶಿಕ್ಲಾವಾಡೊಸ ಕೈನ ಕದ್ಯೊ.

29 ಮನೆ ವಳಾಯಲವಾಲೊ ಮಾರಾ ಕ್ಹಾತೆ ಛಿ. ತೆ ಮನೆ ಯಕ್ಲಾನೆಜ ಛೊಡಿನ ದಿದ್ಯೊ ನೈ. ತಿನಾಹುತಿ ಮಿ ಕೆಳಾಮಾಬಿ ತಿನೆ ಪಸಂದ ರ್ಹಯಲಜ ಕರುಸ "ಕೈನ ಕದ್ಯೊ

30 ಯೆಸು ಎ ಸಂಗತಿಯೊ ಕತಾಮಾ, ಘನ್ನಾ ಮನಕ್ಲೊ ತಿಪರ ಬರೊಕ್ಲೊಮ್ಹೆಲ್ಯಾ

ಕ್ಹರಿ ತುಮೊನೆ ಬಿಡುಗಡೆ ಕರಸ

31 ತಿನಾಹುತಿ ಯೆಸು ತಿಪರ ಬರೊಕ್ಲೊ ಮ್ಹೆಲಲ ಯಹುದಿಯೊನೆ"ತುಮೆ ಮಾರಾ ಉಪದೆಶನೆ ವಿಧೆಯ ಥಯಲ ರ್ಹವತ್ತೊ, ತುಮೆ ಕ್ಹರಿಬಿ ಮಾರಾ ಪಾಚಾ ಆವಾಲಾ ಥಯಾಸ.

32 ತುಮೆ ಕ್ಹರಿನೆ ತಿಳ್ಲಿವೊಸಿ. ವರಿ "ತೆ ಕ್ಹರಿ ತುಮೊನೆ ಸ್ವತಂತ್ರ ಕರಸ" ಕೈನ ಕದ್ಯೊ

33 ತೆಳಾಮಾ ತ್ಯುನೆ, ಹಮೆ ಅಬ್ರಹಾಮನಾ ಸಂತತಿವಾಲಾ ವ್ಹ್ಯೊ ಹಮೆ ಕೆಳಾಮಾಜ ಕಿನಾ ಗುಲಾಮೊ ನ್ಹೊತಾ. ಇಮ್ಮ ರ್ಹಯುತಬಿ"ಹಮೊನೆ ಸ್ವತಂತ್ರ ಥಾವಾಸ ಕೈನ ತು ಕವಾನು ಶಾನೆ? ಕದ್ಯಾ

34 ಯೆಸು"ಮಿ ತುಮೊನೆ ಕ್ಹರಿಜ ಕೌಸ. ಪಾಪ ಕರಾಲೊ ಹರಿ ಯಕ್ಲೊಬಿ ಪಾಪನೆ ಗುಲಾಮ ಥಯಾಸ.

35 ಗುಲಾಮ ಯಕ್ಲ ಘರಮಾ ಹಮೆಶಾ ರ್ಹತೊ ನೈ. ತೆನೈಸೊ ದಿಕ್ರೊ ಕುಟುಂಬಮಾ ಹಮೆಶಾ ರ್ಹಯಲವಾಲೊ ವ್ಹ್ಯೊ

36 ತಿನಾಹುತಿ ದಿಕ್ರೊ ತುಮೊನೆ ಸ್ವತಂತ್ರ ಕರೊಮ, ತುಮೆ ಕ್ಹರಿಮಾಞ ಸ್ವತಂತ್ರ ಥಯಾಸ.

37 ತುಮೆ ಅಬ್ರಹಾಮನಾ ಸಂತತಿವಾಲಾ ವ್ಹ್ಯೊ ಕೈನ ಮನೆ ಗ್ವತ್ತ ಛಿ. ತೆನೈಸೊ ತುಮೆ ಮನೆ ಖಲಾಸ ಕರಿಯೆ ಕೈನ ಕೈಲಿದ್ಯಾಸ. ಕಾಕದ್ಯಾಮ ಮಿ ಕವಾನಾ ವಾತೊ ವಪ್ಪಿಲಿವಾತಾ ನೈ.

38 ಮಾರೊ ಬಾ ದೆಕಾಡಲಜ ಮಿ ತುಮೊನೆ ಕೌಸ. ತುಮೆತೊ ತುಮಾರೊ ಬಾ ತುಮೊನೆ ಕದಲ ಕರೊಶಿ" ಕೈನ ಕದ್ಯೊ

39 ತ್ಯುನೆ"ಅಬ್ರಹಾಮ ಹಮಾರೊ ಬಾ ವ್ಹ್ಯೊ" ಕೈನ ಕದ್ಯಾ

ಯೆಸು"ತುಮೆ ಕ್ಹರಿಮಾಞ ಅಬ್ರಹಾಮನಾ ಬಚಚಾ ರ್ಹಯಾಮ ಅಬ್ರಹಾಮ ಕರಲ ಕಾಮೊಜ ಕರ್ತಾತಾ.

40 ಮಿ ಕ್ಹುದಾಕ್ಹು ಐಕಲ ಕ್ಹರಿಜ ತುಮೊನೆ ಕವಾಲೊ ಮನಕ್ಹ ಮಿ ಥಯೊಸ. ತೆನ್ನೆಸೊ ತುಮೆ ಮನೆ ಖಲಾಸ ಕರಾನೆ ಕೊಶಿಶ ಕರಾಡಾಸ. ಅಬ್ರಹಾಮ ತೆವೊ ಸುಞ ಕರಯ್ಕೊನ್ನೆ.

41 ತಿನಾಹುತಿ ತುಮಾರೊ ಸ್ವಂತ ಬಾ ಕರಲಜ ತುಮೆ ಕರಾಡಾಸ ಕೈನ ಕದ್ಯೊ ತೆನ್ನೆಸೊ ತ್ಯುನೆ"ಹಮೆ ವ್ಯಭಿಚಾರಕ್ಹು ಹುಟ್ಟಲ ನ್ಹವೈ ಕ್ಹುದಾ ಯಕ್ಲೊಜ ಹಮೊನೆ ಬಾ ವ್ಹೈ ವರಿ ಹಮೆ ತಿನಾ ಕ್ಹರಿನಾ ಬಚಚಾ ಥಯಾಸ "ಕೈನ ಕದ್ಯಾ.

42 ಯೆಸು ತೆ ಯಹುದಿಯೊನೆ"ಕ್ಹುದಾ ಕ್ಹರಿಮಾಞ ತುಮಾರೊ ಬಾ ರ್ಹಯೊಮ, ತುಮೆ ಮನೆ ಮಯಾ ಕರ್ತಾತಾ. ಕಾಕದ್ಯಾಮ, ಮಿ ಕ್ಹುದಾ ಕಂತೊ ಆಯೊಸ ವರಿ ಮಿ ನ್ಹ್ಯಾ ಛೆ. ಮಿ ಆಯಲ ಮಾರು ಸ್ವಂತ ಅದಿಕಾರಕ್ಹುನ್ಹವೈ ಕ್ಹುದಾಜ ಮನೆ ಮೊಕ್ಲೊಸ.

43 ಮಿ ಕವಾನಿಯೊ ಎ ಸಂಗತಿಯೊ ತುಮೆ ಕಾ ಕಳೈ ಲೆತಾ ನೈ? ಕಾಕದ್ಯಾಮ ಮಿ ಕದಲ ವಾತೊ ತುಮೊನೆ ತಡ್ಡಿಲಿವಾನೆ ಥಾತು ನೈ.

44 ಸೈತಾನಜ ತುಮಾರೊ ಬಾ ವ್ಹೈ ತುಮೆ ತಿನಾಜ ಸಂತಾನ ವ್ಹೈ ವರಿ ತುಮಾರಾ ಬಾ ಲಿಂಗತ ಚಾಲಾನೆ ಮನಸ ಕರೊಶಿ. ತೆ ಪೈಲಾತೊಬಿ ಖಲಾಸ ಕರಾಲೊ ರ್ಹಯಲ ಹುತಿ ಕ್ಹರಿನೆ ವಿರೊಧಿ ವ್ಹೈ ತಿಮಾ ಕ್ಹರಿ ಕವಾನು ನತ್ತಿಜ ತೆ ಸ್ವಭಾವ ಲಿಂಗತ ಸುಳ್ಳ ಬೊಲಸ. ತೆ ಸುಳ್ಳ ಕವಾಲು ವ್ಹೈ ತೆ ಸುಳ್ಳನೊ ಬಾ ವ್ಹೈ.

45 ತೆನ್ನೆಸೊ ಮಿ ಕ್ಹರಿಜ ಕೌಸ ತಿನಾಹುತಿ ತುಮೆ ನಂಬ್ತಾ ನೈ.

46 ಮಾರಾಮಾ ಪಾಪ ದೆಕಾಡಿನ ದಿವಾಲೊ ತುಮೊಮಾ ಕುನ್ನಬಿ ಛೆ ಸು? ತೆನ್ನೆಸೊ ಮಿ ಕ್ಹರಿ ಕದ್ಯೊಮ ತುಮೆ ಕಾ ನಂಬ್ತಾ ನೈ?

47 ಕುನ್ನ ಕ್ಹುದಾನೊ ವ್ಹೈ ತೆ ಕ್ಹುದಾ ಕವಾನಿಯೊ ವಾತೊ ಐಕಸ. ಇನಾಹುತಿ ತುಮೆ ಮಾರಿ ವಾತೊ ನೈಐಕ್ತಾ. ಕಾಕದ್ಯಾಮ ತುಮೆ ಕ್ಹುದಾನಾ ನ್ಹವೈ "ಕದ್ಯೊ.

ಯೆಸು ವರಿ ಅಬ್ರಹಾಮ

48 ಯೆಹೂದ್ಯೋ ತಿನೆ, ಸು ಹಮೆ ಕವಾನು ಕರೆಟ್ಟು ನ್ನೊತು ಸು ತು ಸಮಾರ್ಯವಾಲೊ ವ್ಹೈ ಕೈನ ತಾರಾಮಾ ಕೆಟ್ಟ ಆತ್ಮಾ ಛಿ "ಕೈನ ಕದ್ಯಾ

49 ಯೆಸು ತ್ಯುನೊನೆ"ಮಾರಾಮಾ ಕೆಟ್ಟ ಆತ್ಮಾ ನತ್ತಿ. ಮಿ ಮಾರಾ ಬಾನೆ ಮರ್ಯಾದಿ ದ್ಯುಸ, ವರಿಬಿ ತುಮೆ ಮನೆ ಮರ್ಯಾದಿ ದೆತಾ ನೈ.

50 ಮನೆ ಮರ್ಯಾದಿ ಮಳು ಕೈನ ಮಿ ಕೊಶಿಶ ಕರಾಡ್ಯೊ ನತ್ತಿ. ಮನೆ ಮರ್ಯಾದಿ ಮಳು ಕೈನ ಕವಾಲೊ ಬಿಜೆಕ್ಲೊ ಛಿ. ತೆಜ್ಜ ನ್ಯಾಯಾದಿಪತಿ ವ್ಹೈ.

51 ಮಿ ತುಮೊನೆ ಕ್ಹರಿ ರ್ವಯಲಜ ಕೌಸ. ಮಾರಿ ವಾಕ್ಯಾನೆ ವಿಧೆಯ ಧಾವಾಲೊ ಕೆಳಾಮಾಜ ಮರತೊ ನೈ" ಕೈನ ಕದ್ಯೊ.

52 ಯೆಹೂದಿಯೊ ತಿನೆ"ಕ್ಹರಿಮಾಬಿ ತಾರಾಮಾ ಕೆಟ್ಟ ಆತ್ಮಾ ಛಿ ಕೈನ ಹಮ್ನಾ ಹಮೊನೆ ಗ್ವತ್ತ ಥಯು! ಅಬ್ರಹಾಮಬಿ ಮರೈಯೊ ವರಿ ಪ್ರವಾದಿಯೊಬಿ ಮರಿಗಯಾ ತೆನ್ನೈಸೊ ವರಿಬಿ "ಮಾರಿ ಉಪದೇಶನೆ ವಿಧೆಯ ಧಾವಾಲೊ ಕೆಳಾಮಾಜ ಮರ್ತೊಜ ನೈ ಕೈನ ತು ಕವಾಡ್ಯೊಸ.

53 ಹಮಾರೊ ಬಾ ಥಯಲ ಅಬ್ರಹಾಮತೊ ತು ಮ್ಹೊಟ್ಟೊ ವ್ಹೈ ಕೈನ ಕೈಲಿದ್ಯೊ ಸು? ಅಬ್ರಹಾಮಬಿ ಮರೈಯೊ ವರಿ ಪ್ರವಾದಿಯೊಬಿ ಮರಿ ಗಯಾ ಇಮ್ಮ ರ್ವತಾಮಾ, ತಾರಾಕ್ಲು ತು ಕುನ್ನ ವ್ಹೈ ಕೈನ ತಿಳ್ವಲಿದ್ಯೊಸ? ಕೈನ ಪುಚ್ಚಾ.

54 ಯೆಸು ತ್ಯುನೊನೆ"ಮಾರಾಕ್ಲು ಮಿಜ್ಜ ಮಹಿಮಾ ಕರ್ಲಿದ್ಯೊಮ, ತೆ ಮಹಿಮಾನೆ ಕಯುಜ್ಜ ಕಿಮ್ಮತ ನತ್ತಿ. ಮಾರೊ ಬಾಜ ಮನೆ ಮಹಿಮಾನೆ ಕರಾವಸ. ತುಮೆ ಕಿನೆ ತುಮಾರೊ ಬಾ ಕವೊಶಿ ತೆ ಕ್ಹದಾಜ ವ್ಹೈ.

55 ತೆನ್ನೈಸೊ ತುಮೆ ತಿನೆ ಕ್ಹರಿಮಾಜ್ಜ ವಳಕ್ಯಾ ನತ್ತಿ. ತೆನ್ನೈಸೊ ಮಿ ತಿನೆ ವಳಕ್ಯೊಸ. ಮಿ ತಿನೆ ವಳಕ್ಯೊ ನತ್ತಿ ಕದ್ಯಾಮ ತುಮಾರಾ ಲಿಂಗತ ಸುಳ್ಳ ಕವಾಲೊ ಥೌಸ. ಮಿ ತಿನೆ ವಳಕ್ಯೊಸ. ತೆನ್ನೈಸೊ ಮಿ ತಿನಿ ವಾಕ್ಯಾನೆ ವಿಧೆಯ ಥೌಸ.

56 ಮಿ ಆವಾನೊ ದಿನ್ನು ತೆ ದೆಕಸ ಕೈನ ತುಮಾರೊ ಬಾ ಥಯಲ ಅಬ್ರಹಾಮ ಘನ್ನೊಮುಶಿ ಥಯೊ. ತೆ ದಿನೊ ದೆಕ್ಲೊವರಿ ತೆ ಘನ್ನೊಮುಶಿ ಥಯೊ ಕೈನ ಕದ್ಯೊ.

57 ತ್ಯುನೆ ಯೆಸುನೆ, ತು ಹಜುನ ಐವತ್ತ ವರಕ್ಟನೊಬಿ ನತ್ತಿ ತು ಅಬ್ರಹಾಮನೆ ದೆಕಿ ಪಾಡ್ಲೊಸು? ಕೈನ ಕದ್ಯ್ಕು.

58 ಯೆಸು ತ್ಯುನೊನೆ"ಮಿ ತುಮೊನೆ ಕ್ಲರಿಜ್ ಕೌಸ. ಅಬ್ರಹಾಮ ಹುಟ್ಟಾತಿ ಪೈಲಾಜ ಮಿ ಛಿ" ಕೈನ ಕದ್ಯ್ಕು.

59 ಎ ಐಕಲ ಬರೊಬ್ಬರ ಮನಕ್ಲೊ ತಿನೆ ನಾಕಾನೆ ದಗ್ಗಾ ಲಿದ್ಯ್ಕು ತೆನ್ನೆಸೊ ಯೆಸು ದಡಿ ರ್ಲೊನ ದೆವಾಲಯಮಾತೊ ಗೈಪಡ್ಲೊ.

9

ಯೆಸು ಹುಟ್ಟಾಮಾತೊಜ ಕುಡ್ಲೊ ರ್ಲೊಯಲ ವಾಲಾನೆ ಅರಾಮ ಕರಲ

1 ಯೆಸು ಚಾಲ್ಲೊ ಜಾತಾ ಟೈಮ್ಮಾ ಯಕ್ಕ್ ಹುಟ್ಟತೊಜ ಕುಡ್ಲೊ ರ್ಲೊಯಲ ವಾಲಾನೆ ದೆಕ್ಲೊ.

2 ಯೆಸುನಾ ಶಿಷ್ಯಾ ತಿನೆ"ಗುರು ಆ ಮನಕ್ಲ ಕುಡ್ಲೊ ಛೈನ ಹುಟ್ಟಾನೆ ಕಿನು ಪಾಪ ಕಾರಣ ವ್ಹೈ? ತೆ ಕರಲ ಪಾಪ ವ್ಹೈಸು ತಿನಾ ಮಾ ಬಾಪ ಕರಲ ಪಾಪ ವ್ಹೈ? ಕೈನ ಪುಚ್ಚ್ಕು.

3 ಯೆಸು ತ್ಯುನೊನೆ"ತಿನು ಪಾಪ ರ್ಲೊನೆಕಾ ತಿನಾ ಮಾ ಬಾಪ ಕರಲ ಪಾಪ ರ್ಲೊನೆಕಾ ಕಾರಣ ನವೈ ಕ್ಲದಾನು ಕಾಮ ತಿಮಾ ದಿಕ್ಕುಕೈನ ಇಮ್ಮ ಥಯುಸ.

4 ಮನೆ ವಳಾಯಲವಾಲಾನು ಕಾಮ ಅಪೆ ದಿನ್ನ ರ್ಲೊತಾಮಾಜ ಕರು. ರಾತ ಆವಸ. ತೆಳಾಮಾ ಕುನ್ನಜ ಕಾಮ ನೈ ಕರತು.

5 ಮಿ ಆ ದುನಿಯಾಮಾ ರ್ಲೊತಾಮಾ, ಮಿಜ ಆ ದುನಿಯಾನೆ ಉಜಾಲು ಥಯೊಸ" ಕದ್ಯ್ಕು.

6 ಯೆಸು ಎ ವಾತ ಕದಲ್ಪರ ಜಿಮಿನ್ನರ ಥುಕ್ಕಿನ ತಿಕ್ಲುಚುಕೊಲ ಕರಲಿನ ತೆ ಮನಕ್ಲನಾ ಡೊಳಾವೊನೆ ಲಗಾಡ್ಲೊ.

7 ಯೆಸು ತೆ ಮನಕ್ಲನೆ"ಗೈನ ಸಿಲೊವಾ ತಳಾಮಾ ಧ್ವಲೆ" ಕೈನ ಕದ್ಯ್ಕು. ಸಿಲೊವಾ ಕದ್ಯ್ಕುಮ "ವಳಾಯಲವಾಲೊ" ತಿನಾಲಿಂಗತ ತೆ ಗೈನ ಧ್ವಲಿದ್ಯೊ ತೆಳಾಮಾ ತೆ ಆತಾಮಾ ಡೊಳಾ ದಿಕ್ಲಾ.

8 ವರಿ ಎ ಮನಕ್ವ ಪೈಲಾ ಭಿಕ ಮಾಂಗ್ಗೊತೊ ದೆಕಲ ದಕ್ವಾ ಜನಾ ವರಿ ತಿನಾ ಆಜು ಬಾಜುವಾಲಾ"ದೆಕಿನ! ಹಮೆಶಾಬಿ ಭಿಕ ಮಾಂಗ್ಗೊ ಬೈಟಾಲೊ ಎಜ ನ್ವವೈಸು ಕೈನ ಪುಚ್ಚಾ.

9 ದಕ್ವಾಮನಕ್ವೊ"ಹೊ ತೆಜ ವ್ವೈಕೈನ ಕದ್ಯಾ ಎ ದಕ್ವಾಜನಾ"ನ್ವವೈ ಎ ತೆ ಮನಕ್ವ ನ್ವವೈ ಎ ತಿನಾ ಲಿಂಗತಜ ಛಿ ಕದ್ಯಾ ತಿನಾಹುತಿ ತೆ ಮನಕ್ವ "ಮಿಜ ತೆ ವ್ವೈ" ಕೈನ ಕದ್ಯೊ.

10 ಮನಕ್ವೊತುನೆ"ತುನೆ ದಿಕ್ವಾನು ಕಿಜಾ ಮಳ್ಳು? ಕೈನ ಕದ್ಯಾ.

11 ತೆ ಮನಕ್ವ ತ್ಯುನೊನೆ "ಯೆಸು ಕವಾಲೊ ದಕ್ವು ಚುಕೊಲ ಕರಿನ ಮಾರಾ ಡೊಳೆ ಲಗಾಡಿನ ಸಿಲೊವಾ ಇರಮಾ ಧ್ವಲೆ ಕೈನ ಕದ್ಯೊ ತಿನಾಲಿಂಗತಜ ಮಿ ಗೈನ ಧ್ವಲಿದ್ಯೊ ಹಮ್ಮಾ ಮನೆ ದಿಕ್ವಸ ಕೈನ ಕದ್ಯೊ.

12 ಪರಿಸಾಯರೊ ತೆ ಮನಕ್ವನೆ, ತೆ ಮನಕ್ವ ಹಮ್ಮಾ ಕಿಜಾ ಛಿ? ಕೈನ ಪುಚ್ಚಾ.

ತೆ ಮನಕ್ವ "ಮನೆ ಗ್ವತ್ತ ನತ್ತಿ "ಕೈನ ಕದ್ಯೊ ಪಾಙಾತಾ ಮನಕ್ವೊ ತೆ ಮನಕ್ವನೆ ಪರಿಸಾಯರೊ ಕನ ಬಲೈಲಾಯಾ. ಪೈಲಾ ಕುಡ್ವೊ ರ್ವಯಲ ಎಜ ವ್ವೈ.

ಅರಾಮ ಥಯಲ ಮನಕ್ವನೆ ಫರಿಸಾಯರೊ ಪುಚ್ಚಲ

13 ಯೆಸು ಮಾತಿ ಲಿನ ಚುಕೊಲ ಕರಿನ ತಿನಾ ಡೊಳಾ ಅರಾಮ ಕರೈಯೊ ಯೆಸು ಎ ಕಾಮ ಕರಲ ಸಬ್ಬತ ದಿನ್ಮಾವ್ವೈ ತಿನಾಹುತಿ ತ್ಯುನೆ ತೆ ಮನಕ್ವನೆ "ಕಿಮ ದಿಕ್ವಾಡ್ಯು" ಕೈನ ಪುಚ್ಚಾ ತೆ ಮನಕ್ವ ತೆ ಮಾರಾ ಡೊಳಾನೆ ಚುಕೊಲ ಲಗಾಡ್ಯೊ ಮಿ ಧ್ವಲಿದ್ಯೊ ಹಮ್ಮಾ ಮನೆ ಡೊಳಾ ದಿಕ್ವಾಡ್ಯಾಸ ಕೈನ ಕದ್ಯೊ.

14 ಯೆಸು ಚುಕೊಲ ಕರಿನ ತಿನಾ ಡೊಳಾವೊನೆ ಅರಾಮ ಕರೈಯೊ ಯೆಸು ಎ ಕಾಮ ಕರಲ ಸಬ್ಬತ ದಿನ್ಮಮಾ ವ್ವೈ.

15 ತಿನಾಹುತಿ ಫರಿಸಾಯರೊ ತೆ ಮನಕ್ವನೆ ವರಿ ಯಕ್ಕೆಮ, ತುನೆ ಡೊಳಾ ಕಿಮ್ಮಾಯಾ? ಕೈನ ಪುಚ್ಚಾ ತೆ ಮನಕ್ವ ತೆ ಮಾರಾ ಡೊಳಾವೊನೆ ಚುಕೊಲ ಲಗಾಡ್ಯೊ ಮಿ ಧ್ವಲಿದ್ಯೊ ಹಮ್ಮಾ ಮನೆ ಡೊಳಾ ದಿಕ್ವಾಡ್ಯಾಸ" ಕೈನ ಉತ್ತರ ದಿದ್ಯೊ.

16 ಫರಿಸಾಯರೊಮಾ ದಕ್ಖಾ ಭನಾ"ಎ ಮನಕ್ಹನೆ ಕ್ಹದಾ ಕಂತೊ ಆಯಲವಾಲೊ ನ್ಹವ್ನ್ ಕಾಕದ್ಯಾಮ ಎ ಅರಾಮ ಕರಾನಾ ದಿನ್ನನೆ ಪಾಲನ ಕರ್ತೊ ನೈ "ಬಿಞಾ ಮನಕ್ಹೊ"ಎ ಪಾಪಿ ರ್ಹಯೊಮ ಹವಾ ಅಧ್ಭುತ ಕಾಮೊ ಕಿಮ ಕರಸ? ಕದ್ಯಾ ಇಮ್ಮತ್ಯನೊ ತ್ಯನೊಮಾ ವಾದ-ವಿವಾದ ಥಯು.

17 ಫರಿಸಾಯರೊ ವರಿ ಯಕ್ಹೆಮ, ಅರಾಮ ಥಯಲವಾಲಾವೊನೆ"ತೆ ಮನಕ್ಹ ತುನೆ ಡೊಳಾ ದಿಕ್ಹೆ ಲಿಂಗತ ಕರ್ಯೊ ತೆನ್ನೆಸೊ ತಿನಾಹುತಿ ತುನೆ ಸು ಕಶಿ? ಕೈನ ಪುಚ್ಚಾ ತೆ ವಾತೆ "ತೆ ಯಕ್ಹ ಪ್ರವಾದಿ" ಕೈನ ಕದ್ಯೊ.

18 ಎ ಮನಕ್ಹ ಪೈಲಾ ಕುಡ್ಲೊವ್ಹತ್ತೊ. ಹಮ್ಮಾತಿನಾ ಡೊಳಾ ದಿಕ್ಖಾಡಾಸ ಕೈನ ಯೆಹುದಿಯೊನಾ ನಾಯಕೊ ತಿನಾ ಮಾ ಬಾಪನೆ ಬಲೈ ಲಾಯೆ ಲಕ್ಖಾ ನಂಬ್ಯಾ ನೈ.

19 ತ್ಯನೆ ತಿನಾ ಮಾ ಬಾಪನೆ"ಆ ತುಮಾರೊ ದಿಕ್ಲೊ ವ್ಹೈ ಸು? ಎ ಹುಟ್ಟಾಮಾತೊಜ ಕುಡ್ಲೊ ವ್ಹೈ ಕೈನ ಕವೊಶಿ ತಿಮ್ಮ ರ್ಹಯುಮ ಹಮ್ಮಾ ಇನೆ ಕಿಮ ದಿಕ್ಖಾಡ್ಯಸ? ಕೈನ ಪುಚ್ಚಾ.

20 ತಿನಾ ಮಾ ಬಾಪ"ಆ ಹಮಾರೊ ದಿಕ್ಲೊ ವ್ಹೈ ಕವಾನು ಹಮೊನೆ ಗ್ವತ್ತ ಛೆ. ವರಿ ಎ ಹುಟ್ಟಾಮಾತೊಬಿ ಕುಡ್ಲೊ ಛೆ ಕವಾನು ಹಮೊನೆ ಗ್ವತ್ತ ಛೆ.

21 ತೆನ್ನೆಸೊ ಕುನ್ನ ಮಾತಿ ಲಗಾಡಿನ ತಿನೆ ದಕ್ಖಾವರಕ್ಹುಕರ್ಯ ಕವಾನು ಹಮೊನೆ ವರಿ ಇನೆ ಕಿಮ್ಮ ದಿಕ್ಖಾಡುಸ ಕವಾನು ಹಮೊನೆ ಗ್ವತ್ತ ನತ್ತಿ. ತಿನೆಜ ಪುಚ್ಚೊ ತೆ ತಿನಾ ಹುತಿ ಕವಾಯಕ್ಲೊ ಹಜುನ ಜಾಂಜಿಮಾನ ಛೆ" ಕದ್ಯಾ.

22 ತಿನಾ ಮಾ ಬಾಪ ಗಿನೆ ಯೆಹುದಿಯೊನಾ ನಾಯಕೊನೆ ಭುಚ್ಕಲ ಹುತಿ ಇಮ್ಮ ಕದ್ಯಾ ಕಾಕದ್ಯಾಮ ತ್ಯನೆ ಪೈಲಾತಾಜ ವಿಚಾರ ಕರ್ಲಿದ್ಯಾತಾ ಕುನ್ನ ಯೆಸುನೆ ಕ್ರಿಸ್ತ ವ್ಹೈ ಕೈನ ಕವಸ ತಿನೆ ಸಭಾಮಂದಿರಮಾತಾ ಭಾರಾ ಘಾಲಿಯೆಸ ಕೈನ ಯೆಹುದ್ಯೊನಾ ನಾಯಕೊ ಕದ್ಯಾತಾ.

23 ತಿನಾ ಹುತಿಜ ತಿನಾ ಮಾ ಬಾಪ"ತೆ ಮೊಟ್ಟೊ ಥಯೊಸ ತಿನೆ ಪುಚ್ಚೊ" ಕೈನ ಕದ್ಯಾ.

24 ಯೆಹುದಿಯೊನಾ ನಾಯಕೊ, ಕುಡ್ಲೊ ರ್ಹಯಲ ತೆ ಮನಕ್ಹನೆ

ಬೆಂವಾ ಸಲಾ ಮ್ಹೈ ಬಲೈನ, ವರಿ "ತು ಕ್ಹುದಾನಾ ಕ್ಹಾಮೊ ಕ್ಹರಿ ಬೊಲ. ತುನೆ ಡೊಳಾ ದಿದಲ ಮನಕ್ಹ ಪಾಪಿ ವ್ಹೈ ಕೈನ ಹಮೊನೆ ಗ್ವತ್ತ ಛಿ" ಕದ್ಯಾ.

25 ತೆ ಮನಕ್ಹ "ತೆ ಪಾಪಿ ವ್ಹೈ ಸು ನ್ಹವೈ ಮನೆ ಗ್ವತ್ತ ನತ್ತಿ. ತೆನೈಸೊ ಮಿ ಕುಡ್ಲೊ ವ್ಹತ್ತೊ; ಹಮ್ನಾ ಮಿ ದಿಕಾಡೊಸ ಕವಾನು ಮನೆ ಗ್ವತ್ತ ಛಿ ಕದ್ಯೊ"

26 ಯಹುದಿಯೊನಾ ನಾಯಕೊ" ತೆ ತುನೆ ಸು ಕರೈ? ತೆ ತಾರಾ ಡೊಳಾವೊನೆ ಕಿಮ ಅರಾಮ ಕರೈ? ಕೈನ ಪುಚ್ಚಾ.

27 ತೆ ಮನಕ್ಹ ತ್ತುನೊನೆ"ತೆಳಾಮಾಜ್ಜ ತುಮೊನೆ ಕದ್ಯೊಸ್ತೊ. ತೆನೈಸೊ ತುಮೆ ಮನೆ ಕಾನ ದಿದ್ಯಾನ್ತೆ, ಹಮ್ನಾ ತೆ ವರಿ ಕಾ ಪುಚ್ಚಾಡ್ಯಾಸ? ತುಮೆಬಿ ತಿನಾ ಶಿಷ್ಯಾ ಧಾಸ ಕೈ ಕೈಲಿದ್ಯಾಸು? ಕೈನ ಕದ್ಯೊ.

28 ತ್ತುನೆ ತೆ ಮನಕ್ಹನೆ ಕದ್ರೊನ"ತು ತಿನಾ ಪಾಚಾ ಜಾವಾಲೊ ಥಾವಾಡ್ಯೊಸ. ಹಮೆ ಮೊಶೆನಾ ಪಾಚಾ ಜಾವಾಲಾ ವ್ಹೈ.

29 ಕ್ಹುದಾ ಮೊಶೆನಾ ಕ್ಹಾತೆ ಬೊಲ್ಯೊಸ ಕವಾನು ಹಮೊನೆ ಗ್ವತ್ತ ಛಿ. ತೆನೈಸೊ ಎ ಮನಕ್ಹ ಕಿಜಾತೊ ಆಯೊಸ ಕವಾನುಬಿ ಹಮೊನೆ ಗ್ವತ್ತ ನತ್ತಿ "ಕೈನ ಕದ್ಯಾ.

30 ತೆ ಮನಕ್ಹ"ಎ ಘನ್ನು ಘಾಬ್ರಾ ಥಾವಾನು ಸಂಗತಿ ವ್ಹೈ, ತೆ ಕಿಜಾತೊ ಆಯೊಸ ಕವಾನು ತುಮೊನೆ ಗ್ವತ್ತ ನತ್ತಿ. ತೆನೈಸೊ ತೆ ಮನೆ ಡೊಳಾ ದಿದ್ಯೊ.

31 ಕ್ಹುದಾ ಪಾಪಿಯೊನೆ ನೈ ಏಕ್ಲೊ ಕೈನ ಅಪೊನೆ ಕ್ಹಾರಾವೊನೆ ಗ್ವತ್ತ ಛಿ. ತೆನೈಸೊ ಕ್ಹುದಾ ತಿನೆ ಭಕ್ತಿಮಾ ರ್ಹವಾಲಾವೊನೆ ವರಿ ತಿನಿ ಆಸ ಲಿಂಗತ ಕರಲಾವಾಲಾವೊನಿ ಐಕಸ.

32 ಪೈಲಾತಾ ಕುನ್ನಬಿ ಕುಡ್ಲೊ ರ್ಹಯಲವಾಲಾನೆ ಡೊಳಾ ದಿದಲ ಕೆಳಾಮಾಜ್ಜ ಐಕ್ಯಾ ನತ್ತಿ.

33 ಎ ಮನಕ್ಹ ಕ್ಹುದಾ ಕಂತೊ ನೈ ಆಯಲ ರ್ಹವತ್ತೊ ಇಕನ ಸುಜ್ಜ ಕರಾನೆ ಥಾತು ನ್ಹೊತು" ಕೈನ ಕದ್ಯೊ.

34 ತ್ತುನೆ ತಿನೆ"ಪಾಪಮಾಜ್ಜ ಹುಟ್ಟಿನ ಬೆಳದಲವಾಲೊ ತು ವ್ಹೈ! ಹಮೊನೆ ಶಿಕ್ಲಾವಾಡೊಸ ಸು? ಕೈನ ಉತ್ತರ ದಿದ್ಯಾ. ವರಿ ತ್ತುನೆ ತಿನೆ ಸಭಾಮಂದಿರಮಾತಾ ಭಾರಾ ಡಕಲ್ಯಾ.

ಆತ್ಮಿಕಮಾ ಕುಡ್ಡಾ

35 ತ್ಯುನೆ ತೆ ಮನಕ್ವನೆ ಭಾರಾ ಫಾಲ್ಯಲ ಯೆಸುನೆ ಗ್ವತ್ತ ಥಯು. ಯೆಸು ತೆ ಮನಕ್ವನೆ ಮಳಿನ"ತು ಮನಕ್ವನಾ ದಿಕ್ರಾಪರ ಬರೊಕ್ಕೊ ಕರಶಿ ಸು? ಕೈನ ಪುಚ್ಚೊ.

36 ತೆಳಾಮಾ ತೆ ಮನಕ್ವತಿನೆ"ಸ್ವಾಮಿ, ತೆ ಮನಕ್ವನೊ ದಿಕ್ರೊ ಕುನ್ನವ್ವೆ? ಮನೆ ಕೆ. ಕಾಕದ್ಯಾಮ ಮಿ ತಿಪರಜ ಬರೊಕ್ಕೊ ಕರೆ ಲಿಂಗತ ಥಾವಾದೆ" ಕೈನ ಕದ್ಯೊ.

37 ಯೆಸು"ತು ತಿನೆ ದೆಕ್ಕೊಸ. ವರಿ ಹಮ್ಮಾತಾರಾ ಕ್ವಾತೆ ಬೊಲಾಜೊಜ ತೆಜ ವ್ವೆ" ಕೈನ ಕದ್ಯೊ.

38 ತೆ ಮನಕ್ವ"ಹೊ ಪ್ರಭು, ಮಿ ಬರೊಕ್ಕೊ ಕರುಸ" ಕೈನ ಕದ್ಯೊ. ಪಾಚಲ್ತೊ ತೆ ತಿನಾ ಕ್ವಾಮೊ ಅಡ್ಡ ಪಾಡ್ಯೊ.

39 ಯೆಸು"ಎ ದುನಿಯಾನೆ ಫೈಸಲೊ ಕರಾನೆ ಆಯೊಸ. ವರಿ ಕುಡ್ಡಾ ದೆಕೆ ಲಿಂಗತ ಥಾ ಕೈನ ಡೊಳಾ ರ್ವಯಲವಾಲಾ ಕುಡ್ಡಾ ಥಾ ಕೈನ ಮಿ ಆಯೊ" ಕೈನ ಕದ್ಯೊ.

40 ಯೆಸುನಾ ಕ್ವಾತೆ ರ್ವಯಲ ದಕ್ವಾ ಫರಿಸಾಯರೊ ಎ ಐಕಿನ"ಕ್ವರಿಮಾಜ ತು ಹಮೆಬಿ ಕುಡ್ಡಾ ವ್ವೆ ಕೈನ ಕವಾಡ್ಯೊಸ ಸು? ಕೈನ ಸವಾಲ ಕರ್ರ್ಯಾ.

41 ಯೆಸು ತ್ಯುನೊನೆ"ತುಮೆ ಕ್ವರಿಬಿ ಕುಡ್ಡಾ ರ್ವಯಮ ಪಾಪ ಕವಾನಾ ಅಪರಾದನೆ ಗುರಿ ಥಾತಾ ನ್ವೊತಾ. ತೆನ್ನೆಸೊ ತುಮೆ"ಹಮೊನೆ ಡೊಳಾ ದಿಕ್ವಸ ಕೈನ ಕವೊಶಿ. ತಿನಾಹುತಿ ತುಮೆ ಪಾಪಿಯೊಜ ಥಯಾಸ" ಕೈನ ಕದ್ಯೊ.

10

ಕುರಬುರ್ರ್ಯಾನಿ ಸಾಮ್ಯ

1 ಯೆಸು"ಮಿ ತುಮೊನೆ ಕ್ವರಿಜ ಕೌಸ. ಬಕ್ರಾನಿ ಹಕ್ಕಿಮಾ ಬಾಕಲಮಾತೊ ಆಯವಾಚಿ ಬಿಜಿ ಬಗಲ್ತೊ ಗೊಡಿ ಉಡಿನ ಆವಾಲೊ ಚ್ಚಟ್ಟೊಜ ವರಿ ಕಾಳ್ಳಿನ ಜಾವಾಲೊ ವ್ವೆ.

2 ಕುನ್ನ ಬಾಕಲಮಾತೊ ಆವಸ ತೆ ಮನಕ್ಕ ಕುರಬುರ್ರೊ ವ್ಹೈ.

3 ಕೈದಾಲೊ ಕುರಬುರ್ರಾನೆ ಬಾಕಲ ಕಾಡಸ. ವರಿ ಬಕ್ರಾ ತಿನಾ ಅವಾಜ್ ಐಕಸ. ತೆ ಬಕ್ರಾವೊನೆ ನಾಮ ಲಿನ ಬಲಾತಾಮಾ ಬಕ್ರಾ ತಿನಿ ಅವಾಜ್ ಐಕಸ. ವರಿ ತೆ ತ್ಯನಾ ಅಗು ಚಾಲ್ತೊ ಪಾಚೊ ಬಲ್ಯೆ ಲಿನ ಜಾವಸ.

4 ಕೆಳಾಮಾ ತೆ ತಿನಾ ಕ್ಹಾರಾ ಬಕ್ರಾವೊನೆ ಭಾರೊ ಬಲ್ಯೆ ಲಿನ ಜಾವಸ ತೆಳಾಮಾ ತೆ ಅಗೊ-ಅಗೊ ಜಾವಸ ತಿನಾ ಬಕ್ರಾ ತಿನಾ ಪಾಚಾ-ಪಾಚಾ ಜಾವಸ. ಕಾಕದ್ಯಾಮ ತೆ ಬಕ್ರಾ ತಿನಿ ಸ್ವರ ವಳಕಸ..

5 ತೆನ್ನೆಸೊ ಬಕ್ರಾ ತ್ಯನೊನೆ ನೈ ಗ್ವತ್ತ ರ್ಹಯಲ ಮನಕ್ಕನಾ ಪಾಚಾ ಕೆಳಾಮಾಜ ನೈ ಜಾತಾ. ತಿನಾಹುತಿ ತ್ಯನೆ ತೆ ತಿಕಂತಾ ದುರ ಜಾವಸ. ಕಾಕದ್ಯಾಮ ತ್ಯನೆ ನೈ ಗ್ವತ್ತ ರ್ಹಯಲ ಮನಕ್ಕನೊ ಅವಾಜ್ ವಳಕ್ತಾ ನೈ "ಕೈನ ಕದ್ಯೊ.

6 ಯೆಸು ಕದಲ ಎ ಸಾಮ್ಯ ತ್ಯನೊನೆ ಕದ್ಯೊ ತೆನ್ನೆಸೊ ಇನು ಮಕ್ಲಬ ತ್ಯನೊನೆ ಗ್ವತ್ತ ಥಯು ನೈ.

ಯೆಸು ಚೊಕೊ ಕುರಬುರ್ರೊ ವ್ಹೈ

7 ತಿನಾಹುತಿ ಯೆಸು ವರಿ"ಮಿ ತುಮೊನೆ ಕ್ಹರಿಜ ಕೌಸ. ಮಿಜ್ ಬಕ್ರಾವೊನೆ ಬಾಕಲ ವ್ಹೈ.

8 ಮಿ ಆವಾತಿ ಪೈಲಾ ಆಯಲವಾಲಾ ಚವಟ್ಟಾ ವ್ಹತ್ತಾ ವರಿ ಉದಾಳಿವಾಲಾ ವ್ಹತ್ತಾ. ಬಕ್ರಾ ತ್ಯನು ಐಕ್ಯಾ ನೈ.

9 ಮಿಜ್ ಬಾಕಲ ವ್ಹೈ ಕುನ್ನ ಮಾರಾ ಮುಲಕ ಮ್ಹೈ ಜಾವಸ ತೆ ಬಿಡುಗಡೆ ವ್ಹಂದಿಲವಸ. ತೆ ಮ್ಹೈ ಆ ಸಕಸ. ಭಾರೊಬಿ ಜಾ ಸಕಸ ವರಿ ತಿನೆ ಚಾರೊ ಮಳಸ.

10 ಚ್ಚಟ್ಟೊ ಚೊರಿ ಕರಾನೆ ಖಲಾಸ ಕರಾನೆ ಹಾಳ ಕರಾನೆಜ ಆವಸ. ಮಿತೊ ಜಲಮ ದಿವಾನೆ ಆಯೊಸ ತೆ ಪರಿಪುರ್ಣ ಜಲಮ ವ್ಹೈ.

11 "ಮಿಜ್ ಚೊಕೊ ಕುರಬುರ್ರೊ ವ್ಹೈ ಚೊಕೊ ಕುರಬುರ್ರೊ ಬಕ್ರಾವೊನೆ ಹುತಿ ತಿನು ಜಲಮ ದಿವಸ.

12 ಕುಲಿ ಆಳ ಕುರಬುರ್ರೊ ನ್ವವೈವರಿ ಬಕ್ರಾ ಕುಲಿ ಆಳನಾ ಸ್ವಂತನಾ ನ್ವವೈ ತಿನಾಹುತಿ ಕುಲಿ ಆಳ ತೊಳ ಆವಾನು ದೆಕಿನ ಬಕ್ರಾವೊನೆ ಲೊಡಿನ ನ್ವಾಟಿ ಜಾವಸ. ತೆಳಾಮಾ ನರಿಯೊ ಬಕ್ರಾವೊಪರ ಹಮ್ಮೊ ಕರಿನ ತ್ಯುನೊನೆ ಜುದಾ ಕರಿ ಪಡಸ.

13 ತೆ ಮನಕ್ಲ ನ್ವಾಟಿ ಜಾವಸ. ಕಾಕದ್ಯಾಮ ತೆ ಖಾಲಿ ಕುಲಿ ಆಳ ವ್ವೈ ತೆ ಬಕ್ರಾವೊನೆ ಹುತಿ ಕ್ಲರಿಮಾಜು ಚಿಂತಾ ನೈಕರ್ರೊ.

14 "ಮಿ ಫೊಕೊ ಕುರಬುರ್ರೊ ವ್ವೈ ತಿಮ್ಮ ಮಿ ಮನೆ ಬಾ ತಿಳ್ವಲಿದ್ಯೊಸ ತಿಮ್ಮ ಬಾನೆ ಮಿ ತಿಳ್ವಲಿದ್ಯೊಸ. ತಿನಾ ಲಿಂಗತಜ ಮಿ ಮಾರಾ ಬಕ್ರಾವೊನೆ ವಳಕುಸ ವರಿ ತೆ ಮನೆ ವಳಕಸ. ವರಿ ಮಿ ಮಾರಾ ಬಕ್ರಾವೊನಾ ಹುತಿ ಜಲಮ ದಿವಾನೆ ತಯ್ಯಾರ ಛೆ.

15 ಮನೆ ಬಿಜಾ ಬಕ್ರಾಬಿ ಛೆ. ತೆ ನ್ವಾರ್ವಾನಾ ಆ ಹಕ್ಕಿಮಾ ನತ್ತಿ. ಮಿ ತೆ ಬಕ್ರಾವೊನೆಬಿ ಮ್ವೊಲೊಜ.

16 ತೆ ಬಕ್ರಾ ಮಾರಿ ಸ್ವರ ಐಕಸ. ತೆಳಾಮಾ ಯಕ್ಕಜ ಗುಂಪ ರ್ವವಸ ವರಿ ಯಕ್ಕೊಜ ಕುರಬುರ್ರೊ ರ್ವವಸ.

17 ಬಾ ಮನೆ ಮಯಾ ಕರಸ. ಕಾಕದ್ಯಾಮ ಮಿ ಮಾರೊ ಜಲಮ ವರಿ ವ್ವಂದಿಲಿವಾನಾ ಹುತಿ ದಿವ್ವ.

18 ಮಾರೊ ಜಲಮ ಮಕಂತೊ ಕುನ್ನಜ ನೈಲುದಾಳೆ ಲೆಸಕ್ಕು; ಮಿಜ ತಿನೆ ಮಾರಿ ಇಷ್ಟಾಕ್ಲು ದಿವ್ವ. ಮಾರೊ ಜಲಮ ದಿವಾನೆಬಿ ವರಿ ತಿನೆ ವಾಪಸ ಲಿವಾನೆಬಿ ಮನೆ ಹಕ್ಕ ಛೆ. ಇಮ್ಮಕರು ಕೈನ ಬಾಜ ಮನೆ ಆಗನ್ಯಾ ದಿದ್ಯೊಸ "ಕೈನ ಕದ್ಯೊ.

19 ವರಿ ಎ ಸಂಗತಿಯೊ ಐಕಿನ ಯೆಹುದಿಯೊಮಾ ವರಿ ಭೆದ ಹುಟ್ಟು.

20 ತ್ಯುನೊಮಾ ಘನ್ನಾ ಜನಾ"ತಿನಾಮಾ ಭುತಡು ಛೆ. ಎ ಪಿಸಾಳೊ ಛೆ. ತಿನು ಕಾ ಐಕಾಡಾಸ? ಕೈನ ಕದ್ಯಾ.

21 ತೆನೈಸೊ ಬಿಜಾ ಮನಕ್ಲೊ"ಎ ವಾತೊ ಭುತಡು ಧರಲ ಮನಕ್ಲನಿಯೊ ವಾತೊ ನ್ವವೈ ಕುಡ್ಡಾವೊನಾ ಡೊಳಾ ದಿವಾನೆ ಭುತಡಾಕ್ಲು ಥಾವಸ ಸು? ಕೈನ ಕದ್ಯಾ.

ಯೆಸುನೆ ಇನ್ನಾರ ಕರಲ

22 ಯೆರುಸಲೆಮಮಾ ದೆವಾಯಲನೆ ಕರಾನಿ ಪ್ರತಿಷ್ಠೆನು ಸನ್ನ ಚಾಲಾಡ್ತು. ತೆಳಾಮಾ ಥಂಡನಾ ದಿನೊ ವ್ಹತ್ತಾ.

23 ಯೆಸು ದೆವಾಲಯಮಾ ಸೊಲೊಮೊನನಾ ಮಂಟಪ ಕನ ಫರಾಡೊತೊ.

24 ತೆಳಾಮಾ ಯೆಹುದಿಯೊನಾ ಅದಿಕಾರಿಯೊ ಯೆಸುನಾ ಅಗಾ ಪಾಚಾ ಹುಬ್ರಯಾ. ತ್ಯನೆ ತಿನೆ"ಹಜುನ ಕೆಕ್ಲಿ ಯೆಳ ತಾರಾ ಹುತಿ ಹಮೊಕ್ಲು ಕೆಕ್ಲಾ ದಿನ್ನ ಝಾಕಿನ ಮ್ಹೆಲ್ಸಿ? ಕ್ಹರಿ ಸು ಛಿ ಖುಲ್ಲಾ ಕೆ. ತು ಕ್ರಿಸ್ತ ವ್ಹೆಸ್ತು? ಕೈನ ಪುಚ್ಚಾ.

25 ತೆ ವಾತೆ ಯೆಸು "ಮಿ ತೆಳಾಮಾಜ್ಜ ತುಮೊನೆ ಕದ್ಯೊ ತೆನ್ನೆಸೊ ತುಮೆ ಬರೊಕ್ಲೊ ಕರನ್ಯೆ. ಮಿ ಮಾರಾ ಬಾನಾ ಅದಿಕಾರಕ್ಲು ಕರಾನಾ ಅದ್ಭುತ ಕಾಮೊ ಮಾರಾಹುತಿ ಸಾಕ್ಷಿ ದಿವಸ.

26 ತೆನ್ನೆಸೊ ತುಮೆ ಬರೊಕ್ಲೊ ಕರನ್ಯೆ. ಕಾಕದ್ಯಾಮ ತುಮೆ ಮಾರಾ ಬಕ್ರಾ ನ್ಹವ್ವೆ.

27 ಮಾರಾ ಬಕ್ರಾ ಮಾರಿ ಆವಾಜನೆ ಐಕಸ. ಮಿ ತ್ಯನೊನೆ ತಿಳ್ಲಿದ್ಯೊಸ ವರಿ ತೆ ಬಕ್ರಾ ಮಾರಾ ಪಾಚಾ ಆವಸ.

28 ಮಾರಾ ಬಕ್ರಾವೊನೆ ಮಿ ಹಮೆಶಾನೊ ಜಲಮ ದಿವ್ಸ. ತ್ಯನೆ ಕೆಳಾಮಾಬಿ ಮರ್ತಾ ನೈ ವರಿ ತ್ಯನೊನೆ ಕುನ್ನಜ ಮಕಂತಾ ಉದಾಳಿನ ದುರ ಕರಾನೆ ಥಾತು ನೈ.

29 ತ್ಯನೊನೆ ಮಾರೊ ಬಾಜ ಮನೆ ದಿದ್ಯೊ ತೆ ಕ್ಹಾರಾವೊತಿಬಿ ಮ್ಹೊಟೊ ವ್ಹೆತ್ಯ ತ್ಯನೊನೆ ಮಾರಾ ಬಾನಾ ಹತ್ತಮಾತಾ ಕುನ್ನಜ ನೈ ಉದಾಳಿ ಲೆಸಕ್ತು.

30 ಬಾ ವರಿ ಮಿ ಯಕ್ಕಜ್ಜ ವ್ಹೆತ್ಯ "ಕೈನ ಉತ್ತರ ದಿದ್ಯೊ.

31 ತೆಳಾಮಾ ವರಿ ಯಹುದ್ಯೊ ಯೆಸುನೆ ಮಾರಾನಾ ಹುತಿ ದಗ್ಡಾ ಇನಿಲಿದ್ಯಾ.

32 ತೆನ್ನೆಸೊ ಯೆಸು ತ್ಯನೊನೆ"ಮಿ ಬಾಕಂತೊ ಘನ್ನಾ ಚೊಕಾ ಕಾಮೊ ಕರಿನ ದೆಕಾಡ್ಯೊಸ. ವರಿ ಎ ಚೊಕಾ ಕಯಾ ಕಾಮ್ನಾ ಹುತಿ ತುಮೆ ಮನೆ ದಗ್ಡಾಲಿನ ಮಾರಾನೆ ದೆಕಾಡ್ಯೊಸ? ಕೈನ ಪುಚ್ಚಾ.

33 ಯಹುದ್ಯೋ"ಹಮೆ ತುನೆ ದಗ್ಧಾಲಿನ ಮಾರಾನು ತು ಕರಲ ಕಯಾಜ ಕಾಮೊಕ್ಕು ನ್ವೆವ್ವೆ ತು ಕರಾನಾ ಕ್ಕುದಾನಿ ದುಷಣೆನಾ ಹುತಿಜ ವ್ವೆವ್ವೆ ತು ಖಾಲಿ ಯಕ್ಕ ಮನಕ್ಕ ರ್ವ್ವಿನ ತುನೆ ತುಜ್ಜ ಕ್ಕುದಾಜ ವ್ವೆವ್ವೆ ಕೈನ ಕೈಲಿವಾಡ್ಯೊಸ! ಕೈನ ಉತ್ತರ ದಿದ್ಯಾ

34 ತಿನೆ ಯೆಸು "ತುಮಾರಾ ಧರಮಶಾಸ್ತ್ರಮಾ" ಮಿ ತುಮೆ ಕ್ಕುದಾವೊ ಕೈನ ಕದಲ "ಬರ್ದಲ ನತ್ತಿ ಸು? ಕೈನ ಉತ್ತರ ದಿದ್ಯೊ

35 ಯಕ್ಕೇ ತಿ ತ್ಯುನೊನೆ ಕ್ಕುದಾವೊ ವ್ವೆವ್ವೆ ಕೈನ ಕ್ಕುದಾನಿ ವಾತೊ ಐಯೊಸ ತ್ಯುನೊನೆ ಕ್ಕುದಾವೊ ವ್ವೆವ್ವೆ ಕೈನ ಬಲಾವಾನು ರ್ವ್ವಯುಮ ಪವಿತ್ರ ಗ್ರಂಥನೆ ಸುಳ್ಳ ಕವಾನೆ ಥಾತು ನೈ

36 ಇಮ್ಮ ರ್ವ್ವಾನು ರ್ವ್ವಯುಮ ಬಾ ತಿನಾ ಸ್ವಂತವಾಲಾ ವ್ವೆವ್ವೆ ಕೈನ ಇನಿಲಿನ ದುನಿಯಾಮಾ ಮೊಕ್ಕಲವಾಲಾನ ಹುತಿ ಕಿ ರ್ವ್ವಸ? ಮಿ "ಕ್ಕುದಾನೊ ದಿಕ್ರೊ ವ್ವೆವ್ವೆ" ಕೈನ ಕದಲ ಹುತಿ ತುಮೆ ಮಿ ದುಷಣೆ ಕರಾಡ್ಯೊಸ ಕೈನ ಕವಾನು ಕಾ?

37 ಮಾರೊ ಬಾ ಕಾಮೊ ಮಿ ನೈ ಕರ್ರಾಮ, ಮಿ ಕವಾನು ಬರೊಕ್ಕೊ ಕರೊ ನಕೊ.

38 ತೆನ್ನೆಸೊ ಮಿ ತಿಮ್ಮ ಕರಾನು ರ್ವ್ವಯುಮ ತಿಮ್ಮ ರ್ವ್ವಯುತಬಿ ತುಮೆ ಮನೆ ನಂಬಾಡ್ಯಾ ನತ್ತಿ. ಅದ್ಭುತನೆ ನಂಬೊ ಇಮ್ಮ ಬಾ ಬಿ ಮಾರಾಮಾ ಲೆ ವರಿ ಮಿ ತಿಮಾ ಲೆ ಕೈನ ತುಮೊನೆ ಗ್ವತ್ತ ಥಾವಸ.

39 ಯೆಸುನೆ ಧರಾನೆ ಯಹುದ್ಯೊ ವರಿ ಕೊಶಿಶ ಕರ್ರಾ. ತೆನ್ನೆಸೊ ಯೆಸು ತ್ಯುನಾಕ್ಕು ಚುಕ್ಕೆಲಿದ್ಯೊ

40 ಪಾಚಲ್ತೊ ಯೆಸು ಯೊರ್ದನ ನದಿನಾ ಬಿಜಿ ದಂಡಿಯೆ ಫರಿನ ಗಯೊ. ಯೋಹಾನ ಪೈಲಾ ಬಾಪ್ತಿಸ್ಮ ಕರಾವಾನಿ ಜಗಾಯೆ ಯೆಸು ಗೈನ ತ್ಯಾಜ ರ್ವ್ವಯೊ.

41 ತಿಳಾಮಾ ಘನ್ನಾ ಮನಕ್ಕೊ ತಿಕನ ಆಯಾ" ಯೋಹಾನ ಕೆಳಾಮಾಜ ಅದ್ಭುತ ಕಾಮೊ ಕರ್ರೊ ನೈ. ತೆನ್ನೆಸೊ ಯೋಹಾನ ಎ ಮನಕ್ಕನಾ ಹುತಿ ಕದಲ ಹರ ಯಕ್ಕ ಕ್ಕರಿ ವ್ವೆವ್ವೆ "ಕೈನ ಕದ್ಯಾ

42 ವರಿ ತ್ಯಾ ಘನ್ನಾ ಮನಕ್ಕೊ ಯೆಸುಪರ ಬರೊಕ್ಕೊ ಕರ್ರಾ

11

ಲಾಜರನು ಮರಣ

¹ ಲಾಜರ ಕವಾಲೊ ಯಕ್ಕೊ ಅರಾಮ ನೈಸೊ ವ್ಹತ್ತೊ. ತೆ ಬೆಥಾನ್ಯ ಕವಾನಾ ಗಾಮಮಾ ವ್ಹತ್ತೊ. ಮರಿಯಳ ವರಿ ತಿನಿ ಭೆನ ರ್ಹಯಲ ಮಾರ್ಥಳ ಎಜಿ ಗಾಮ್ಮಾವ್ಹತ್ತಾ.

² ಪ್ರಭುನೆ (ಯೆಸುನೆ) ಬಾಸನು ತೆಲ ಲಗಾಡಿನ ತಿನಾ ಪಗೊನೆ ತಿನಾ ಮಾತಾನಾ ಬಾಲೊಕ್ಕು ನುಚಚಲವಾಲಿ ಎ ಮರಿಯಳ ವ್ಹೆ ಅರಾಮ ನೈರ್ಹಯಲ ಲಾಜರ ಮರಿಯಳನೊ ಬೈವ್ಹತ್ತೊ.

³ ತಿನಾಹುತಿ ಭಂಬಿ ಭೆನೊ ಯೆಸುನೆ "ಪ್ರಭು, ತಾರೊ ಮಯಾನೊ ದೊಸ್ತ ಥಯಲ ಲಾಜರ ಅರಾಮ ನೈಸೊ ಪಾಡ್ಯೊಸ" ಕವಾನು ಸಂದೆಶ ಮೊಕ್ಕಿಯೊ.

⁴ ಯೆಸು ಎ ಐಕಿನ "ಎ ರೊಗ ಕ್ಹುದಾನಿ ವರಿ ಕ್ಹುದಾನಾ ದಿಕ್ರಾನೆ ಮಹಿಮಾನಾ ಹುತಿ ಐಸ ತೆನೈಸೊ ಮರಾನಾ ಹುತಿ ನ್ಹವೈ" ಕೈನ ಕದ್ಯೊ

⁵ ಯೆಸು ಮಾರ್ಥಳ, ತಿನಿ ಭೆನನೆ ವರಿ ಲಾಜರನೆ ಮಯಾ ಕರ್ತೊತೊ.

⁶ ಲಾಜರ ಅರಾಮ ನೈಸೊ ಛಿ ಕವಾನಿ ವಾತ ತೆ ಐಕಲ್ಪರಬಿ ತೆ ರ್ಹಯಲ ಜಗಾಜ ಹಜುನ ಬೆ ದಿನ್ನಲಕ್ಕಾ ರ್ಹಯೊ.

⁷ ಪಾಚಲ್ತೊ ತೆ ತಿನಾ ಶಿಷ್ಯಾವೊನೆ "ಅಪೆ ಯುದೆಯನೆ ಫರಿನ ಗಯ್ಯೆ" ಕೈನ ಕದ್ಯೊ

⁸ ಶಿಷ್ಯಾತಿನೆ "ಗುರು, ದಕ್ಖಾಪೈಲಾಜ ಯೆಹುದಿಯೊ ತುನೆ ದಗ್ಡಾವೊಕ್ಕು ಕಲಾಸ ಕರಾನೆ ದೆಕ್ಕಾ ಹಮ್ಮಾ ತು ವರಿ ತ್ಯಾಜೊ ಕೈನ ಕವಾಡ್ಯೊಸ ತೊ? ಕೈನ ಉತ್ತರ ದಿದ್ಯಾ

⁹ ಯೆಸು ತ್ಯುನೊನೆ "ದಿನ್ಮಾ ಬಾರಾ ಘಂಟಾ ರ್ಹವಸ ವ್ಹೆ ಸು ನೈ? ದಿನ್ನಮಾ ಚಾಲಾಲೊ ಪಡತೊ ನೈ. ಕಾಕದ್ಯಾಮ ಎ ದುನಿಯಾನಿ ಉಜಾಲಾಕ್ಕು ತೆ ದೆಕಸ.

¹⁰ ತೆನೈಸೊ ರಾತಮಾ ಚಾಲಾಲೊ ಟೆಕ್ಟಲಾಗಿನ ಪಡಸ. ಕಾಕದ್ಯಾಮ ದೆಕಿನ ಚಾಲಾನೆ ತಿನೆ ಕಯುಜ ಉಜಾಲು ನೈ ರ್ಹತು" ಕೈನ ಉತ್ತರ ದಿದ್ಯೊ

11 ಯೆಸು ಎ ಸಂಗತಿ ಕದಲ ಪರ"ಅಪ್ಪೊ ದೊಸ್ತ ಥಯಲ ಲಾಜರ ಹಮ್ಮಾ ಕ್ಕುರಯೊಸ. ತಿನೆ ಉಟಾಡಾನೆ ಮಿ ತ್ಯಾ ಚಾಲ್ಯೊಸ" ಕೈನ ಕದ್ಯೊ.

12 ಶಿಷ್ಯಾ ತಿನೆ"ಪ್ರಭು, ತೆ ನಿಂದರ ಕರತೊ ರ್ಹಯಲ ಅರಾಮ ಥಾವಸ" ಕೈನ ಉತ್ತರ ದಿದ್ಯಾ.

13 ಲಾಜರ ಮರಿ ಗಯೊಸ ಕವಾನಾ ಮತ್ಲಬಮಾ ಯೆಸು ಕದ್ಯೊ ತೆನ್ನೆಸೊ ಲಾಜರ ಕ್ಕರಿಮಾಜ್ಜ ಕ್ಕುರಯೊಸ ಕವಾನಾ ಮತ್ಲಬಮಾ ಯೆಸು ಕದ್ಯೊಸ ಕೈನ ಶಿಷ್ಯಾ ತಿಳ್ತಲಿದ್ಯಾ.

14 ತಿನಾಹುತಿ ಯೆಸು ತ್ಯುನೊನೆ ಕರೆಟ್ವ"ಲಾಜರ ಮರಿ ಗಯೊಸ ಕೈನ ಕದ್ಯೊ.

15 ತೆನ್ನೆಸೊ ತುಮಾರಾ ಹುತಿ ಮಿ ತ್ಯಾ ನೈರ್ದಯಲ ಹುತಿ ಖುಶಿ ಥಾಸ. ಕಾಕದ್ಯಾಮ, ತೆಳಾಮಾ ತುಮೆ ಮಪರ ಬರೊಕ್ಕೊ ಕರೊಶಿ. ಆವೊ, ತಿಕನ ಗಯ್ಯೆ" ಕೈನ ಕದ್ಯೊ.

16 ತೆಳಾಮಾ ಔಳಿ ಜೊಳಿ ಕವಾಲೊ ತೊಮ, ಆವೊ "ಅಪೆಬಿ ಗುರುನಾ ಕ್ಹಾತೆ ತ್ಯಾಗೈಯೆ ವರಿ ತಿನಾ ಕ್ಹಾತೆ ಮರಿಯೆ" ಕೈನ ಕದ್ಯೊ.

ಯೆಸುಜ ಪುನರುತ್ಥಾನ ವರಿ ಜಲಮ

17 ಯೆಸು ಬೆಥಾನಿಯೆ ಆಯೊ. ಹಮ್ಮಾ ತುಬಿ ಲಾಜರ ಮರಿನ ಮಜಾರಮಾ ರ್ಹಿನ ಚಾರ ದಿನ್ನ ಥಯಾ ಕೈನ ಗ್ವತ್ತ ಥಯು.

18 ಬೆಥಾನ್ಯ ಯೆರುಸಲೆಮತಿ ಕಮ್ನೆ ಕಮ್ಮೆಬೆ ಮೈಲ ದುರ ವ್ಹತ್ತು.

19 ಘನ್ನಾ ಯಹುದ್ಯೊ ಮಾರ್ಥಾ ವರಿ ಮರಿಯಳಕನ ಆಯಾತಾ. ತ್ಯುನೊನೆ ತ್ಯುನೊ ಬೈಥಯಲ ಲಾಜರನಾ ಮರಣನಾ ಹುತಿ ಸಮಾದಾನ ಕರಾನೆ ತ್ಯುನೆ ಆಯಾತಾ.

20 ಯೆಸು ಆವಾಡ್ಯೊಸ ಕೈನ ಏಕಿನ ಮಾರ್ಥಳ ತಿನೆ ಮಳಾನೆ ಭಾರಿ ಗೈ ತೆನ್ನೆಸೊ ಮರಿಯಳ ಘರ್ಮಾಜ ವ್ಹತ್ತಿ.

21 ಮಾರ್ಥಳ ಯೆಸುನೆ"ಪ್ರಭು, ತು ನ್ಹ್ಯಾ ರ್ಹವತ್ತೊ, ಮಾರೊ ಬೈ ಮರ್ತೊ ನ್ಹೊತೊ.

22 ತೆನ್ನೈಸೊ ಹಮ್ಮಾಬಿ ತು ಸುಬಿ ಕ್ಕುದಾನೆ ಪುಚ್ಚೊ ತುಬಿ ತೆ ತುನೆ ದಿವಸ ಕವಾನು ಮನೆ ಗ್ವತ್ತ ಛೆ" ಕೈನ ಕದಿ.

23 ಯೆಸು ತಿನೆ"ತಾರೊ ಭೈ ವರಿ ಜಿವ್ವೊ ಥೈನ ಉಟಿನ ಆವಸ" ಕೈನ ಕದ್ಯೊ

24 ಮಾರ್ಥಳ ತಿನೆ"ಪುನರುತ್ಥಾನ ಥಾವಾನಾ ಲಾಸ್ವನಾ ದಿನ್ನೆ ತೆ ವರಿ ಉಟಿನ ಆವಸ ಕೈನ ಮನೆ ಗ್ವತ್ತ ಛೆ" ಕೈನ ಉತ್ತರ ದಿದಿ.

25 ಯೆಸು ತಿನೆ"ಮಿಞ ಪುನರುತ್ಥಾನ ವ್ವೈ ವರಿ ಮಿಞ ಞಲಮ ವ್ವೈ ಮಪರ ಬರೊಕ್ಕೊ ಕರಾಲೊ ತೆ ಮರಲಪರಬಿ ವರಿ ಜಿವ್ವೊ ಥಾವಸ.

26 ವರಿ ಜಿವ್ವೊ ರ್ವೈನ ಮಪರ ಬರೊಕ್ಕೊ ಕರಾಲೊ ಕೆಳಾಮಾಬಿ ಮರ್ತೊಜ ನೈ ತು ಎ ಬರೊಕ್ಕೊ ಕರಶಿ ಸು? ಕದ್ಯೊ

27 ತೆಳಾಮಾ ಮಾರ್ಥಳ"ಹೊ ಪ್ರಭು, ತು ಕ್ರಿಸ್ತ ವ್ವೈ ಕೈನ ಮಿ ಬರೊಕ್ಕೊ ಕರುಸ, ಕ್ಕುದಾನೊ ದಿಕೊ ಥಯಲ ಎ ದುನಿಯಾನೆ ಆವಾಲೊ ತುಞ ವ್ವೈ" ಕೈನ ಉತ್ತರ ದಿದಿ.

ಯೆಸು ರವಾನು

28 ಮಾರ್ಥಳ ಇಮ್ಮ ಕದಲ ಪರ, ತಿನಿ ಭೆನ ಥಯಲ ಮರಿಯಳ ಕನ ಫರಿನ ಗೈ ತೆ ತಿನಾ ಕ್ವಾತೆ ಬೊಲಿನ"ಗುರು ತುನೆ ಬಲಾವಾಡೊಸ" ಕೈನ ಕದಿ.

29 ಎ ಐಕಲ ಬರೊಬ್ಬರ ಮರಿಯಳ ಉಟಿನ ಯೆಸು ಮಳಾನೆ ಗೈ.

30 ಯೆಸು ಹಜನ ಗಾಮನಾ ಮ್ವೈ ಆಯೊ ನ್ವೊತೊ. ಮಾರ್ಥಳ ತಿನೆ ಮಳಲ ಞಗಾಪರ ತೆ ವ್ವತ್ತೊ.

31 ಯಹುದ್ಯೊ ಮರಿಯಳನಾ ಕ್ವಾತೆ ಘರಮಾ ವ್ವತ್ತಾ. ತ್ಯುನೆ ತಿನೆ ಸಮಾದಾನ ಕರಾಡಾತಾ. ಮರಿಯಳ ಉಟಿನ ಜಲ್ದಿ ಞಾವಾನು ತ್ಯುನೆ ದೆಕ್ಯಾ ತೆ ರವಾನಾ ಹುತಿ ಮಜಾರ ಕನ ಚಾಲಿಸ ಕೈನ ತ್ಯುನೆ ತಿಳ್ವಲಿನ ತಿನಾ ಪಾಚಾ ಗಯಾ.

32 ಯೆಸು ರ್ವೈಯಲ ಞಗಾಯೆ ಮರಿಯಳ ಗೈ ತೆ ಯೆಸುನೆ ದೆಕಲ ಬರೊಬ್ಬರ ತಿನಾ ಪಗೊನೆ ಅಡ್ಡ ಪಡಿನ"ಪ್ರಭು, ತು ನ್ವ್ಯಾ ರ್ವೈವತ್ತೊ, ಮಾರೊ ಭೈ ಮರತೊ ನ್ವೊತೊ" ಕೈನ ಕದಿ.

33 ಮರಿಯಳ ವರಿ ತಿನಾ ಕ್ಹಾತೆ ಆಯಲ ಯೆಹುದಿಯೊನು ರವಾನು ಯೆಸು ದೆಕಲ ಪರ, ತಿನಾ ಮನಸೆ ಲಾಗಿನ ಘನ್ನೊ ದುಖ ಥಯೊ.

34 ಯೆಸು ತ್ಯನೊನೆ"ತಿನೆ ಕಿಜಾ ಮ್ಹೆಲ್ಯಾಸ? ಕೈನ ಪುಚ್ಚೊ. ತಿನೆ ತ್ಯನೆ"ಪ್ರಭು, ಐನ ದೆಕ" ಕದ್ಯಾ.

35 ಯೆಸು ರ್ವಯೊ.

36 ತೆಳಾಮಾ ಯಹುದ್ಯೊ"ದೆಕೊ! ಎ ಲಾಜರನೆ ಕೆಕ್ಲೊ ಮಯಾ ಕರಸ" ಕದ್ಯಾ.

37 ತೆನ್ನೈಸೊ ದಕ್ಹಾ ಯಹುದ್ಯೊ"ಯೆಸು ಕುಡ್ವಾವೊನಾ ಡೊಳಾ ಅರಾಮ ಕರಯ್ತೊ ನೈ; ಲಾಜರನೆಬಿ ಸಹಾಯ ಕರಿನ ತಿನೆ ಮರಣಕ್ಕು ಚುಕೌಸು ನೈ? ಕೈನ ಕದ್ಯಾ.

ಲಾಜರ ಮರಿನ ಜಿವ್ವೊ ಥಯಲ

38 ಯೆಸು ತಿನಾ ಮನಸ್ಸಾವರಿ ಘನ್ನೊ ದುಖ ಥೈನ, ಲಾಜರ ರ್ವಯಲ ಮಜಾರಕನ ಆಯೊ. ತೆ ಮಜಾರ ಯಕ್ಕ ಗವಿ ವ್ಹತ್ತಿ. ತಿನಾ ಮ್ಹೊಡಾನೆ ಮ್ಹೊಟ್ಟೊ ದಗ್ಗೊ ರ್ಪಾಕ್ಯಾತಾ.

39 "ತೆ ದಗ್ಗೊ ಕಾಡಿ ಪಾಡೊ "ಕೈನ ಯೆಸು ಕದ್ಯೊ ತೆಳಾಮಾ ಲಾಜರನಿ ಮ್ಹೊಟ್ಟಿ ಭೆನ ಮಾರ್ಥಳ"ಲಾಜರ ಮರಿನ ಚಾರ ಥೈ ಗೈಯಾಸ. ತಿನಾಹುತಿ ತ್ಯಾ ಕೆಟ್ಟ ಬಾಸ ಛಿ" ಕೈನ ಕದಿ.

40 ತೆ ವಾತೆ ಯೆಸು, ಮಾರ್ಥಳನೆ ಮಿ ತುನೆ ಕದಲ ಶೆ ಕರ್ಲೆಶಿಸು? ತು ಬರೊಕ್ಲೊ ಕರಿಮ ಕ್ಹುದಾನಿ ಮಿ,ಹಿಮಾ ದೆಕಸಿ ಕೈನ ಮಿ ತುನೆ ಕದ್ಯೊತೊ "ಕೈನ ಕದ್ಯೊ.

41 ತಿನಾ ಹುತಿ ಸಮಾದಿನಿ ರ್ಪಾಕಲ ದಗ್ಗೊ ಕಾಡ್ಯಾ ತೆಳಾಮಾ ಯೆಸು ಡೊಳಾ ಉಚ್ಚೆನ ಸ್ವರ್ಗನೆ ದೆಕಿನ ಬಾ ಮಾರಿ ಪ್ರಾಥನಾ ಐಕಲ ಹುತಿ ಮಿ ತುನೆ ಕೊಂಡಾಡುಸ.

42 ತು ಹಮೆಶಾಬಿ ಮಿ ಕವಾನು ಐಕಸಿ ಕವಾನು ಮನೆ ಗ್ವತ್ತ ಛಿ. ವರಿಬಿ ಮಾರಾ ಸುತ್ತಿ ಮುತ್ತಿ ಮನಕ್ಹೊನಾ ಹುತಿ ಮಿ ಎ ಕ್ಹಾರು ಕವಾಡ್ಯೊಸ. ತು ಮನೆ ಮೊಕ್ಲಲ ಹುತಿ ತ್ಯನೆ ಬರೊಕ್ಲೊ ಕರುಜ ಕೈನ ಮಿ ಆಸ ಕರುಸ. ಕೈನ ಕದ್ಯೊ.

43 ಎ ಕ್ಹಾರು ಕದಲ್ಪರ ಯೆಸು ಜೊರ ಆವಾಜಕ್ಲು"ಲಾಜರ, ಭಾರೊ ಆ" ಕೈನ ಬಲಾಯೊ.

44 ಮರಿ ಗಯಲ ತೆ ಮನಕ್ಲ ಭಾರೊ ಆಯೊ. ತಿನಾ ಹತೊ ಪಗೊ ಫಡ್ಕಾಕ್ಲು ಭಾಂದಲ ವ್ಹತ್ತಾ. ತಿನು ಮ್ಹೊಡು ಫಡಕಾಕ್ಲು ಸುತ್ತಲ ವ್ಹತ್ತು. ತೆಳಾಮಾ ಯೆಸು ತ್ಯುನೊನೆ"ತಿನೆ ಖೊಲೊ ವರಿ ಜಾವಾನೆ ದಿವೊ.

ಯೆಸುನಾ ವಿರುದ್ಧ ದಂಗೊ

45 ಮರಿಯಳನೆ ಮಳಾನೆ ಆಯಲ ಘನ್ನಾ ಯಹುದ್ಯೊ ತ್ಯಾ ವ್ಹತ್ತಾ. ಯೆಸು ಕರಲ ಎ ಕಾಮ ದೆಕಿನ ಇವ್ವಾಮಾ ಘನ್ನಾ ಜನಾ ತಿನಾ ಉಪ್ಪರ ಬರೊಕ್ಕೊ ಮ್ಹೆಲ್ಯಾ.

46 ತೆನೈಸೊ ದಕ್ಹಾ ಜನಾ ಫರಿಸಾಯರೊ ಕನ ವಾಪಸ ಗೈನ ಯೆಸು ಕರಲ ಕದ್ಯಾ.

47 ತೆಳಾಮಾ ಯಾಜಕೊ ವರಿ ಫರಿಸಾಯರೊ ಯಹುದಿಯೊನಾ ವಿಚಾರ ಕರಾನಾ ಸಭೆಮಾ ಬಲೈನ"ಹಮೆ ಸು ಕರಿಯೆ? ಎ ಮನಕ್ಲ ಘನ್ನಾ ಸುಚಕ ಕಾಮೊ ಕರಾಡ್ಯೊಸ.

48 ಎ ಕಾಮೊ ಕರಾನೆ ಹಮೆ ತಿನೆ ಮೌಕೊ ದಿದ್ಯಾಮ ಮನಕ್ಲೊ ಕ್ಹಾರಾ ಇನಾ ಉಪ್ಪರ ಬರೊಕ್ಕೊ ಕರಸ. ತೆಳಾಮಾ ರೊಮನಾ ರಾಜ್ಯವಾಲಾ ಐನ ಅಪ್ಪಾ ದೆವಾಲಯನೆ ಅಪ್ಪಾ ದೆಶನೆ ಹಾಳ ಕರಸ" ಕದ್ಯಾ.

49 ತ್ಯುನಾಮಾ ಕಾಯಫ ಕವಾಲೊ ಯಕ್ಲೊ ವ್ಹತ್ತೊ. ತೆ ವರಕ್ಲ ಖಾಸ ಯಾಜಕ ಥಯೊತೊ. ತೆ"ತುಮೊನೆ ಸುಜ ಗ್ವತ್ತ ನತ್ತಿ!

50 ಇಡಿ ಜನಾಂಗ ಹಾಳ ಥಾವಾತಿ ಯಕ್ಲೊ ತ್ಯುನಾ ಹುತಿ ಮರಾನು ಚೊಕು ವ್ಹೈ ತೆನೈಸೊ ತುಮೆ ಇನೆ ತಿಳ್ವಿಲಿವಾಡ್ಯಾ ನತ್ತಿ" ಕೈನ ಕದ್ಯೊ.

51 ಎ ಕಾಯಫನು ಸ್ವಂತ ವಿಚಾರ ನ್ಹೊತಿ. ತೆ ವರಕ್ಲನೊ ಖಾಸ ಯಾಜಕ ವ್ಹತ್ತೊ. ತಿನಾ ಹುತಿ ಯೆಹುದಿಯೊನಾ ಹುತಿ ಯೆಸು ಮರಾಡ್ಯೊಸ ಕೈನ ತೆ ಪ್ರವಾದನೆ ಕರಯ್ತೊ.

52 ಹೊ, ಯೆಹುದಿಯೊನಾ ಹುತಿ ಕ್ಹಾರಿ ದುನಿಯಾಮಾ ಜುದಾ ಥಯಲ ಕ್ಹುದಾನಾ ಕ್ಹಾರಾ ಬಚ್ಚಾವೊನೆ ಮಳ್ತೊ ಕೈನ ತೆ ಮರಾಲೊ ವ್ಹತ್ತೊ.

53 ತೆಳಾಮಾತಾಜ ಯೆಹುದಿಯೊನಾ ನಾಯಕೊ ಯೆಸುನೆ ಖಲಾಸ ಕರಾನೆ ವಿಚಾರ ಕರಾನು ಶುರು ಕರ್ಯ್.

54 ಯೆಸು ಯುದಾಯಾ ಪ್ರಾಂತ್ಯಮಾ ನಾಯಕೊ"ಪಾಪಮಾಜ ಹುಟ್ಟಿನ ಬೆಳದಲವಾಲೊ ತು ವ್ಹೈ! ಹಮೊನೆ ಉಪದೇಶ ಕರಶಿ ಸು? ಕೈನ ಉತ್ತರ ದಿದ್ಯಾ ತೆನೈಸೊ ತ್ಯುನೆ ತಿನೆ ಜಬರದಸ್ತಿಕ್ಕು ಭಾರಾ ಘಾಲ್ಯಾ.

55 ತೆಳಾಮಾ ಯೆಹುದಿಯೊನು ಪಸ್ಕ ಸನ್ನ ನಜಿಕ ವ್ಹತ್ತು. ಪಸ್ಕ ಸನ್ನನಾ ಪೈಲಾಜ ತ್ಯುನಾ ಗಾಮೊತಾ ಘನ್ನಾ ಮನಕೊಯಿರುಸಲೆಮೆ ಗಯಾತಾ. ಖಾಸ ರ್ಹಯಲ ಕಾಮೊ ಕರಿನ ಪಸ್ಕ ಸನ್ನನೆ ತ್ಯುನೊನೆ ಖುದ್ದ ಕರಿಲ್ಯು ಕೈನ ತ್ಯುನೆ ಗಯಾತಾ.

56 ತ್ಯುನೆ ತ್ಯಾ ಯೆಸುನೆ ಹುಡ್ಕಾಡಾತಾ ವರಿ ತ್ಯುನೆ ದೆವಾಲಯಮಾ ತ್ಯುನೆ ಯಕ್ಕ ಜಗಾ ಮಳಿನ, ತುಮಾರಿ ವಿಚಾರ ಸು ವ್ಹೈ? ತೆ ಕ್ಹರಿಮಾಜ ಆ ಸನ್ನನೆ ನೈ ಆತೊ ಸು? ಕೈನ ಯಕ್ಕೆ ಯಕ್ಕ ಪುಚ್ಚಾಡಾತಾ.

57 ಖಾಸ ಯಾಜಕೊ ವರಿ ಫರಿಸಾಯರೊ, ಯೆಸು ಕಿಜಾ ಛಿ ಕವಾನು ಕಿನಿತಬಿ ಗ್ವತ್ತ ಥಯುಮ ತ್ಯುನೊನೆ ಕೌ ಕೈನ ಆಗನ್ಯಾ ದಿದ್ಯಾತಾ. ತ್ಯುನೆ ತಿನೆ ಧರು ಕೈನ ವ್ಹತ್ತಾ.

12

ಬೆಥಾನಿಮಾ ಯೆಸುನಿ ಅಭಿಶೇಕ

1 ಪಸ್ಕ ಸನ್ನೆ ಹಜುನ ಛಿ ದಿನ್ನ ರ್ಹತಾಮಾಜ ಯೆಸು ಬೆಥಾನಿಯೆ ಗಯೊ. ಲಾಜರ ರ್ಹಯಲ ಗಾಮಜ ಬೆಥಾನ್ಯ ವ್ಹೈ ಯೆಸು ಮರಲವಾಲಾವೊಮಾತೊ ಉಟಾಡಲ ಮನಕ್ಹಜ ಲಾಜರ ವ್ಹೈ.

2 ತ್ಯುನೆ ಯೆಸುನೆ ರಾತನು ಅನ್ನ ತಯ್ಯಾರ ಕರ್ಯ್. ಮಾರ್ಥಳ ಅನ್ನ ಫಾಲಿನ ದಿವಾಡಿತಿ. ಯೆಸುನಾ ಕ್ಹಾತೆ ಅನ್ನ ಖಾವಾಲಾವೊಮಾ ಲಾಜರಬಿ ವ್ಹತ್ತೊ.

3 ತೆಳಾಮಾ ಮರಿಯಳ ಜಟಿ ಮಾಂಸಕ್ಕು ಕರಲ ಘನ್ನು ಮೊಗು ರ್ಹವಾನು ಬಾಸನು ತೆಲನಿ ಭರಣಿ ಲಿನ ಯೆಸುನಾ ಪಗೊಪರ ರಿಚ್ಚೆ. ವರಿ ತಿನಾ ಮಾತಾನಾ ಬಾಲೊಕ್ಕು ತಿನಾ ಪಗೊ ನುಚ್ಚೆ. ತೆ ಬಾಸನು ತೆಲನಿ ಚೊಕಿ ಬಾಸ ಕ್ಹಾರಾ ಘರಮಾ ಫೈಲಿ ಗೈತಿ.

4 ಇಸ್ರಾಯೊತ ಯುದ ತ್ಯಾ ವ್ಹತ್ತೊ. ತೆ ಯೆಸುನಾ ಶಿಷ್ಯಾವೊಮಾನೊ ಯಕ್ಲೊ ವ್ಹತ್ತೊ. ಅಗೊ, ಯೆಸುನೆ ಮೊಸ ಕರಲವಾಲೊ ಎಜ್ ವ್ಹೆ.

5 ತೆ"ತೆ ಬಾಸನು ತೆಲನಾ ಕಿಮ್ಮತ ತನ್ನ ಕ್ಲೊರುಪ್ಪಾನಾ ಬಿಲ್ಲಾ ಕ್ಕು ಇಕ್ಕಿನ ತೆ ದೊಕ್ಡಾ ಗರಿಬೊನೆ ಕಾ ದಿದಿ ನೈ ಕೈನ ಪುಚ್ಚೊ.

6 ತೆನೈಸೊ ಯುದನೆ ಗರಿಬೊನಾ ಹುತಿ ಕ್ಲರಿಬಿ ಚಿಂತಾ ನ್ಹೊತಿ. ತೆ ಚವಟ್ಟೊ ರ್ಹಯಲಕ್ಕು ತಿಮ್ಮ ಕದ್ಯೊ ಶಿಷ್ಯಾವೊನಿ ಗುಂಪನಾ ಹುತಿ ರ್ಹಯಲ ದೊಕಡಾವೊನಿ ಗಲ್ಲೊ ತಿಕನ ವ್ಹತ್ತಿ. ತೆ ತೆಳಾಮಾ-ತೆಳಾಮಾ ತೆ ಪೆಟಗಿಮಾನಾ ದೊಕ್ಡಾ ಕಾಳೆತೊತೊ.

7 ಯೆಸು ತಿನೆ"ತಿನೆ ತರಬು ನಕೊ. ಮನೆ ಶವಸಂಸ್ಕಾರಮಾ ಕರಾನಿ ಪದ್ಧತ ತೆ ಹಮ್ಮಾ ಕರಾಡಿಸ.

8 ಗರಿಬೊ ಕೆಳಾಮಾಬಿ ತುಮಾರಾ ಕ್ಕಾತೆ ರ್ಹವಸ ತೆನೈಸೊ ಮಿ ತುಮಾರಾ ಕ್ಕಾತೆ ಹರ ಹಮೆಶಾ ನೈರ್ಹತ್ತೊ" ಕೈನ ಉತ್ತರ ದಿದ್ಯೊ.

ಲಾಜರನಾ ವಿರುದ್ಧ

9 ಯೆಸು ಬೆಥಾನಿಮಾ ಛೆ ಕವಾನಿ ಸುದ್ದಿ ಘನ್ನಾ ಯಹುದ್ಯೊ ಐಕಿನ ತಿನೆ ವರಿ ಮರಿನ ಜಿವ್ವೊ ಥಯಲ ಲಾಜರನೆ ದೆಕು ಕೈನ ತ್ಯಾಗಯಾ.

10 ತೆನೈಸೊ ಖಾಸ ಯಾಜಕೊ ಲಾಜರನೆಬಿ ಖಲಾಸ ಕರಾನೆ ವಿಚಾರೊ ಕರಾ.

11 ಲಾಜರಕ್ಕು ಘನ್ನಾ ಯಹುದ್ಯೊ ತ್ಯುನಾ ನಾಯಕೊಕ್ಕು ದುರ ಛೈನ ಯೆಸುನಾ ಉಪ್ಪರ ಬರೊಕ್ಲೊ ಮ್ಹೆಲಾಡತಾ. ತಿನಾ ಹುತಿಜ ಯೆಹುದಿಯೊನಾ ನಾಯಕೊ ಲಾಜರನೆಬಿ ಖಲಾಸ ಕರು ಕೈನ ವ್ಹತ್ತಾ.

ಜೆರುಸೆಲಿಮ್ಮಾಯೆಸು ಆಯಲ

12 ಮರ್ನಾ ದಿನ್ನೆ ಯೆಸು ಯೆರುಸಲೆಮೆ ಆವಾಡ್ಯೊಸ ಕವಾನಿ ಸುದ್ದಿ ತ್ಯಾನಾ ಮನಕ್ಲೊನಾ ಮ್ಹೊಟಾ ಗುಂಪನೆ ಗ್ವತ್ತ ಥಯು. ಪಸ್ಕ ಸನ್ನನಾ ಹುತಿ ಆಯಲ ಘನ್ನಾ ಜನಾ ತ್ಯಾ ವ್ಹತ್ತಾ.

13 ಮನಕ್ಲೊ ಖಜುರನಾ ಗರಿಯೊ ಲಿನ ಯೆಸುನೆ ಮಳಾನೆ ಗಯಾ ವರಿ ಹೊಸನ್ನಾ ಕೈನ ಜೊರ ವದ್ರಾಡ್ಯಾ ಧನ್ಯವ್ಹೈತಿ ಪ್ರಭುನಾ ನಾಮಪರ

ಆವಾಡ್ಯೊಸ. ಧನ್ಯ ವ್ಹೈ ಇಸ್ರಾಯಲನೊ ರಾಜ್ಞಾನೆ ಕ್ಹುದಾ ಆಶಿರ್ವಾದ ದಿವಾದೆ.

14 ಯೆಸುನೆ ತ್ಯಾ ಯಕ್ಕ ಗದಡು ಮಳ್ಳು ತಿನಾ ಉಪ್ಪರ ಬೈಟಿನ ಚಾಲ್ಯೊ ಪವಿತ್ರ ಗ್ರಂಥ ಕದಲ ಲಿಂಗತ ಎ ಥಯು;

15 "ಸಿಯೊನಾನಾ ಮನಕ್ಲೊ ಭುಚಕು ನಕೊ! ತುಮಾರೊ ರಾಜ್ಞೊ ಗದಡಾನಾ ಬಚ್ಚಾನಾಪರ ಬೈಟಿನ ಆವಾಡ್ಯೊಸ.

16 ಯೆಸುನಾ ಶಿಷ್ಯಾತೆ ಟೈಮಮಾ ಎ ತಿಳ್ವೊದ್ಯಾನ್ಯೆ ತೆನ್ನೆಸೊ ಯೆಸು ಮಹಿಮಾತೊ ಉಟಿನ ಆತಾಮಾ, ಎ ಸಂಗತಿಯೊ ತಿನಾ ಹುತಿ ಧರ್ಮ ಶಾಸ್ತ್ರಮಾ ಬರ್ದಲ ಛಿ ಕವಾನು ಶಿಷ್ಯಾವೊನೆ ಶೆ ಆಯಿ; ವರಿ ಮನಕ್ಲೊ ತಿನಾ ಕ್ಹಾತೆ ಅಮ್ಮ ಕರ್ಯಾತಾ.

17 ಯೆಸು ಲಾಜರನೆ ಮರಣಮಾತೊ ತಿನೆ ಜಿವೊ ಕರಿನ ಉಟಾಡಲ ಪರ ಘನ್ನಾ ಮನಕ್ಲೊ ಯೆಸುನಾ ಕ್ಹಾತೆ ವ್ಹತ್ತಾ. ತ್ಯುನೆ ತಿನಿ ಸಾಕ್ಷಿ ವ್ಹತ್ತಾ.

18 ಯೆಸು ಕರಲ ಎ ಅದ್ಭುತ ಕಾಮ ಐಕಿನ, ಘನ್ನಾ ಮನಕ್ಲೊ ಯೆಸುನೆ ಮಳಾನೆ ಚಾಲ್ಯಾತಾ.

19 ತಿನಾಹುತಿ ಫರಿಸಾಯರೊ ಕದ್ಯಾ "ದೆಕೊ! ಅಪ್ಪಿ ವಿಚಾರ ಉಪಯೊಗ ನೈಸೊ ಥೈ ಮನಕ್ಲೊ ತಿನೆಜ ಹಿಂಬಾಲಕೊ ಥಾವಾಡ್ಯಾಸ" ಕೈನ ಯಕ್ಕನೆ ಯಕ್ಲಾ ಬೊಲಿಲಿದ್ಯಾ.

ಜಲಮ ವರಿ ಮೌತನಾ ಹುತಿ ಯೆಸುನು ಉಪದೆಶ

20 ಫಸ್ಕ ಸನ್ನನೆ ಹುತಿ ಆರಾಧನಾ ಕರಾನೆ ಆಯಲವಾಲಾವೊಮಾ ದಕ್ಹಾತ್ಯಾ ಗ್ರಿಕನಾ ಮನಕ್ಲೊಬಿ ವ್ಹತ್ತಾ.

21 ತೆ ಗ್ರಿಕ ಮನಕ್ಲೊ ಫಿಲಿಪ್ಪ ಕನ ಗಯಾ. (ಫಿಲಿಪ್ಪ ಗಲಿಲಾಯನೊ ಬೆತ್ಸಾಯಿ ಕವಾನಾ ಗಾಮ ವ್ಹತ್ತೊ) ತ್ಯುನೆ "ಸಾಬ, ಹಮೆ ಯೆಸುನೆ ದೆಕು" ಕೈನ ತಿಕನ ಮಾಂಗಿಲಿದ್ಯಾ.

22 ತೆ ಥಯಲ್ಪರ ಫಿಲಿಪ್ಪ ಅಂದ್ರೆಯ ಕನ ಗೈನ ಎ ವಿಚಾರ ಕದ್ಯೊ ಪಾಚಲ್ತೊ ಅಂದ್ರೆಯ ವರಿ ಫಿಲಿಪ್ಪ ಮಳಿನಜ ಯೆಸು ಕನ ಗೈನ ಎ ವಿಷಯ ಕದ್ಯಾ.

23 ಯೆಸು ತ್ಯುನೊನೆ"ಮನಕ್ಕನಾ ದಿಕ್ರಾನೆ ತಿನಿ ಮಹಿಮಾ ವ್ಹಂದಿಲಿವಾನೊ ಟೈಮ ಹಮ್ಮಾ ಆಯೊಸ ಕೈನ ಜವಾಬ ದಿದ್ಲೊ.

24 ಮಿ ತುಮೊನೆ ಕ್ಹರಿಬಿ ಕೌಸ. ಕಿದಾ ಲಕ್ಕಾ ಘೌನೊ ಬಿಯ್ಲೊ ಜಿಮಿನ ಪರ ಪಡಿನ ಮರತೊ ನೈ ತೆ ಲಕ್ಕಾ ತೆ ಯಕ್ಕಜ ರ್ವವಸ. ವರಿ ತೆ ಕೆಳಾಮಾ ಮರಸ ತೆಳಾಮಾ ತೆ ಮೊಜಾನೆ ಥಾಯೆ ನೈಸೊ ಯಕ್ಕು ಘೌನಾ ಕಾಳೊಥಾವಸ.

25 ಕುನ್ನ ತಿನಾ ಸ್ವಂತ ಭಲಮನೆ ಮಯಾ ಕರಸ ತೆ ತಿನೆ ಜವೈಲಿವಸ. ಕುನ್ನ ತಿನಾ ಭಲಮನೆ ದ್ವೆಶ ಕರಸ ತೆ ತಿನೆ ಹಮೆಶಾನೊ ಭಲಮನಾ ಹುತಿ ಕೈದಸ.

26 ಕುನ್ನ ಮಾರಿ ಸೆವೆ ಕರು ಕೈನ ಛಿ ತೆ ಮಾರಾ ಪಾಚೊ ಔ. ವರಿ ಮಿ ಕಿಜಾ ರ್ವವಸ ತ್ಯಾ ಮಾರಾ ಸೆವಕೊಬಿ ರ್ವವಸ ವರಿ ಮಾರೊ ಬಾ ಮಾರಿ ಸೆವಾ ಕುನ್ನ ಕರಸ ತ್ಯುನೊನೆ ಮರ್ಯಾದಿ ದಿವಸ ಕದ್ಲೊ.

ಖುದ್ಧನಿ ಮೌತನಾ ಹುತಿ ಯೆಸು ಕದಲ

27 ಯೆಸು ವಾತ ಅಗಿ ಬಡ್ಡೆನ"ಹಮ್ಮಾ ಮಾರು ಭಲಮ ಬುಚ್ಚಾಡ್ಲಸ. ಮಿ ಸು ಕೌ? ಸು ಅಮ್ಮ ಕೌಸು"ಬಾ, ಎ ಟೈಮ ಮಪರ ಆವಾನೆ ನಕೊ ದ್ಯು? ನ್ಲವೈ! ತೆನೈಸೊ ಇನಾಹುತಿಜ ಮಿ ಆಯೊಸ. ಕಾಕದ್ಯಾಮ ತ್ರಾಸನಾ ಟೈಮ್ತೊಜ ಜೌ.

28 ಬಾ, ತಿನಾ ನಾಮನೆ ಮಹಿಮಾ ಕರ್ಲಿವಾದೆ ತೆಳಾಮಾ ಹಬಾಳಮಾತಿ ಆಕಾಶವಾಣಿ ಥೈ ಮಿ ಇನಿ ಮಹಿಮಾ ಕರ್ಲೊಸ ವರಿಬಿ ಮಿ ಇನಿ ಮಹಿಮಾ ಕರುಸ.

29 ತ್ಯಾ ಹುಬ್ರಯಲ ಮನಕ್ಕೊನು ಗುಂಪ ಎ ಆವಾಜ ಏಕಿನ "ತೆ ಗುಡುಗ ವ್ಹೈ" ಕದ್ಯಾ ತೆನೈಸೊ ಬಿಜಾ ಮನಕ್ಕೊ"ಕ್ಹದಾನೊ ದುತ ಯಕ್ಕೊ ಯೆಸುನಾ ಕ್ಹಾತೆ ಬೊಲ್ಲೊ" ಕದ್ಯಾ.

30 ಯೆಸು ಮನಕ್ಕೊನೆ"ತೆ ಆವಾಜ ಆಯಲ ಮಾರಾ ಚೊಕಾನಾ ಹುತಿ ನ್ಲವೈ ತುಮಾರಾ ಚೊಕಾನಾ ಹುತಿ ವ್ಹೈ.

31 ಎ ದುನಿಯಾನೆ ಪೈಸಲೊ ಥಾವಾನೊ ಟೈಮ ಹಮ್ಮಾ ಆಯೊಸ.. ಹಮ್ಮಾ ಎ ದುನಿಯಾನೊ ಅದಿಪತಿನೆ ಭಾರಾ ಕಾಡಸ.

32 ಮಿ ಜಿಮಿನ ಪರತೊ ಕೆಳಾಮಾ ಉಪ್ಪರ ಭೌಸ. ತೆಳಾಮಾ ಮಿ ಕ್ಕಾರಾ ಮನಕ್ಲೊನೆ ಮಕನ ಯಳ್ವಿಲ್ಯುಸ" ಕೈನ ಕದ್ಯೊ.

33 ತೆ ಮರಾನಾ ತರಿಕಾನೆ ಯೆಸು ಎ ವಾತನಾ ಮುಲಕ ದೆಕಾಡ್ಯೊ.

34 ಮನಕ್ಲೊ"ಕ್ರಿಸ್ತ ಹರ ಹಮೆಶಾ ಜಿವ್ವೊ ರ್ವವಸ ಕೈನ ಹಮಾರು ಧರಮಶಾಸ್ತ್ರ ಕವಸ. ಇಮ್ಮ ರ್ವತಾಮಾ"ಮನಕ್ಲೊನೊ ದಿಕೊ ಉಪ್ಪರ ಜಾವಸ "ಕೈನ ತು ಕವಾನು ಶಾನೆ? ಎ ಮನಕ್ಲೊನೊ ದಿಕೊ ಕುನ್ನ ವ್ವೆ? ಕೈನ ಪುಚ್ಯಾ.

35 ತಿನೆ ಯೆಸು"ಹಜುನ ದಕ್ಲಿಯೆಳ ಉಜಾಲು ತುಮಾರಾ ಕ್ವಾತೆ ರ್ವವಸ. ತಿನಾಹುತಿ ಉಜಾಲು ತುಮಾರಾ ಕ್ವಾತೆ ರ್ವತಾಮಾಜ ಚಾಲೊ. ತೆಳಾಮಾ ಅಂದಾರು ತುಮೊನೆ ಸುತ್ತಿ ಲೆತು ನೈ. ಕಾಕದ್ಯಾಮ ಅಂದಾರಾಮಾ ಚಾಲಾಲಾನೆ ತೆ ಕಿಜಾ ಚಾಲ್ಯೊಸ ಕವಾನು ಗ್ವತ್ತ ನೈ ಧಾತು.

36 ತಿನಾಹುತಿ ತುಮೊಕನ ಉಜಾಲು ಹಜುನ ರ್ವತಾಮಾಜ ತಿಪರ ಬರೊಕ್ಲೊ ಮ್ವೆಲೊ. ತೆಳಾಮಾ ತುಮೆ ಉಜಾಲಾನಾ ಬಚ್ಚಾ ಧಾವೊಶಿ" ಕೈನ ಕದ್ಯೊ. ಎ ಸಂಗತಿಯೊ ಕದಲ ಪರ ಯೆಸು ತ್ಯಾಂತೊ ಗೈನ, ತಿನೆ ಮನಕ್ಲೊನೈಸೊ ಹುಡಕಾನಿ ಜಗಾಯೆ ಗಯೊ.

ಮನಕ್ಲೊನು ಅವಿಶ್ವಾಸ

37 ಯೆಸು ಘನ್ನಾ ಮ್ವೊಟಾ ಕಾಮೊ ಕರ್ಯೊ. ಮನಕ್ಲೊ ತೆ ಕಾಮೊ ಕ್ಕಾರಾ ದೆಕ್ಯಾತಬಿ ತಿಪರ ಬರೊಕ್ಲೊ ಮ್ವೆಲ್ಯಾ ನೈ.

38 ಇನಾಹುತಿ, ಪ್ರವಾದಿ ಥಯಲ ಯೆಶಾಯ ಕದಲ ವಾತೊ ಪುರಾ ಧಾವಾನು. ತೆ ಸು ವ್ವೈಕದ್ಯಾಮ "ಪ್ರಭು, ಅಪೆ ಕದಲ ಸಂದೆಶಪರ ಕುನ್ನ ಬರೊಕ್ಲೊ ಕರ್ಯೊಸ? ಪ್ರಭುನಿ ತಾಕತ ಕಿನೆ ಗ್ವತ್ತ ಥಯು? ಯೆಶಾಯ 53:1

39 ತಿನಾಹುತಿಜ ಮನಕ್ಲೊ ಬರೊಕ್ಲೊ ಕರ್ಯಾ ನೈ. ಕಾಕದ್ಯಾಮ ಯೆಶಾಯ ವರಿ ಯಕ್ಕ ಜಗಾ ಅಮ್ಮ ಕದ್ಯೊಸ;

40 "ತ್ಯುನಾ ಡೊಳಾವೊಕ್ಲು ನೈ ದಿಕ್ಲೆ ಲಿಂಗತ ತ್ಯುನಾ ಮನಸೊಕ್ಲು ನೈ ತಿಳ್ವಿದಲ ಲಿಂಗತ ಬದ್ಲಿ ಥೈನ ಅರಾಮ ನೈ ಧಾಯೆ ಲಿಂಗತ ತೆ ತ್ಯುನೊನೆ

ಕುಡ್ಡಾ ಕರೆಯೊಸ, ತ್ಯುನಾ ಮನಸೊನೆ ದಗ್ಡಾ ಕರೆಯೊಸ" ಯೆಶಾಯ 6:10

⁴¹ ಯೆಶಾಯ ಎ ಕದಲ ತೆ ತಿನಿ ಮಹಿಮಾ ದೆಕ್ಕೊತೊ ವರಿ ತಿನಾಹುತಿ ಬೊಲೊತೊ.

⁴² ತೆನ್ನೆಸೊ ಘನ್ನಾ ಮನಕ್ಕೊ ಯೆಸು ಪರ ಬರೊಕ್ಕೊ ಮ್ಹೆಲ್ಯಾ ಘನ್ನಾ ಯೆಹುದಿಯೊನಾ ನಾಯಕೊಬಿ ಯೆಸು ಪರ ಬರೊಕ್ಕೊ ಮ್ಹೆಲ್ಯಾ ತೆನ್ನೆಸೊ ತ್ಯುನೆ ಫರಿಸಾಯರೊನೆ ಭುಚಿಕಿನ ತ್ಯುನೊ ಬರೊಕ್ಕೊ ದೆಕಾಡಿನ ದಿದ್ಯಾ ನೈ. ತ್ಯುನೊನೆ ಫರಿಸಾಯರೊ ಸಭಾಮಂದಿರತಾ ಭಾರಾ ಫಾಲಸ ಕೈನ ಭುಚುಕ ತ್ಯುನೊನೆ ವ್ಹತ್ತು.

⁴³ ಎ ಮನಕ್ಕೊ ಕ್ಹುದಾನಿ ಮಹಿಮಾತಿಬಿ ಮನಕ್ಕೊನಿ ಹೊಗಳಿಕೆನಾ ಹುತಿಜ ಘನ್ನಿ ಮಯಾ ವ್ಹತ್ತಿ.

ಯೆಸುನಾ ವಾತಕ್ಕುಜ ಫೈಸಲೊ

⁴⁴ ಪಾಚಲ್ತೊ ಯೆಸು ಜೊರ ಅಮ್ಮ ಕದ್ಯೊ: "ಕುನ್ನ ಮಪರ ಬರೊಕ್ಕೊ ಕರಸ ತೆ ಕ್ಹಾಲ್ತಿ ಮಪರ ಯಕ್ಕಜ ಬರೊಕ್ಕೊ ನೈ ಕರ್ತೊ ಮನೆ ವಳಾಯಲವಾಲಾಪರಬಿ ಬರೊಕ್ಕೊ ಕರಸ.

⁴⁵ ಕುನ್ನ ಮನೆ ದೆಕಸ ತೆ ಮನೆ ವಳಾಯಲವಾಲಾನೆಬಿ ದೆಕಸ.

⁴⁶ ಮಿ ದುನಿಯಾಮಾ ಉಜಾಲು ಥೈನ ಆಯೊ. ಕಾಕದ್ಯಾಮ ಕುನ್ನ ಮಪರ ಬರೊಕ್ಕೊ ಮ್ಹೆಲಸ ತೆ ಅಂದಾರಾಮಾ ರ್ಲೊನೈ.

⁴⁷ "ಮಿ ಎ ದುನಿಯಾಮಾ ಆಯಲ ಮನಕ್ಕೊನೆ ಫೈಸಲೊ ಕರಾನೆ ನ್ಹವೈ. ಎ ದುನಿಯಾಮಾ ರ್ಲೊವಾನಾ ಮನಕ್ಕೊನೆ ಉದ್ದಾರ ಕರಾನೆ ಆಯೊಸ. ತಿನಾ ಹುತಿ ಮಾರಿ ವಾತೊ ಐಕಿನಬಿ ನೈ ಬರೊಕ್ಕೊ ಕರಾಲಾ ಮನಕ್ಕೊನೆ ಫೈಸಲೊ ಕರಾಲೊ ಮಿ ನ್ಹವೈ.

⁴⁸ ಮಾರಾ ಉಪ್ಪರ ಬರೊಕ್ಕೊ ನೈ ಕರಾಲಾನೆ ವರಿ ಮಿ ಕವಾನು ಇನ್ನಾರಾಲಾವೊನೆ ಫೈಸಲೊ ಕರಾನು ಮಿ ಕದಲ ವಾತೊಜ ವ್ಹೈ ಲಾಸ್ತನಾ ದಿನ್ನೆ ತೆಜಿ ತಿನೆ ಫೈಸಲೊ ಕರಸ.

⁴⁹ ಎ ಕ್ಹರಿ ವ್ಹೈ ಮಿ ಕದಲ ಕಾಕದ್ಯಾಮ, ಮಾರಾ ಅದಿಕಾರಕ್ಕು ಸುಜ ಕದ್ಯೊ ನತ್ತಿ ಮನೆ ಕುನ್ನ ಮೊಕಲ್ಯುಸ.

50 ಬಾನಿ ಆಗನ್ಯಾಹಮೆಶಾನಾ ಜಲಮ ಕನ ಚಲಾವಸ ಕೈನ ಮನೆ ಗ್ವತ್ತ ಛೆ. ತಿನಾಹುತಿ ಬಾ ಮನೆ ಕದಲ ಸಂಗತಿಯೊಜ ಮಿ ಕೌಸ"

13

ಯೆಸು ತಿನಾ ಶಿಷ್ಯಾವೊನಾ ಪಗೊ ಧ್ವಯಲ

1 ಫಸ್ಕ ಸನ್ನ ಯಕ್ಕ ದಿನ್ನ ಪೈಲಾನು ದಿನ್ನ ಐಯುತು. ತೆ ಎ ಜಗತ ಫೊಡಿನ ಬಾ ಕನ ಜಾವಾನೊ ಟೈಮ ನಜಿಕ ಆಯುಸ ಕವಾನು ಯೆಸುನೆ ಗ್ವತ್ತ ಥಯು. ಎ ಲೊಕಮಾ ರ್ಡ್ವಯಲ ತಿನಾ ಮನಕ್ಕೊನೆ ತೆ ಹಮೆಶಾಬಿ ಮಯಾ ಕರ್ತೊತೊ. ವರಿ ತೆ ತ್ಯುನೊನೊಪರ ರ್ಡ್ವಯಲ ಘನ್ನಿ ಮಯಾ ದೆಕಾಡ್ಲೊ.

2 ಯೆಸು ವರಿ ತಿನಾ ಶಿಷ್ಯಾ ರಾತೆ ಖಾವಾನಾ ಹುತಿ ಬೈಟ್ಕಾತಾ. ಯೆಸುನೆ ಮೊಸ ಕರು ಕೈನ ಸೈತಾನ ಇಸ್ಕರಿಯುತ ಯುದನೆ ವಿಚಾರ ಘಾಲ್ಯು ಯುದ ಸಿಮೊನನೊ ದಿಕ್ರೊವ್ವೊ.

3 ಬಾ ಹರ ಯಕ್ಕಪರ ತಿನೆ ಅದಿಕಾರ ದಿದ್ಯೊಸ ಕವಾನು ಯೆಸುನೆ ಗ್ವತ್ತ ವ್ಹತ್ತು. ತೆನ್ನೈಸೊ ತೆ ಕ್ಕುದಾ ಕಂತೊ ಆಯಲ ವರಿ ಹಮ್ಮಾ ಕ್ಕುದಾ ಕನ ಫರಿನ ಜಾವಾನಾ ಹುತಿ ತಿನೆ ಗ್ವತ್ತ ವ್ಹತ್ತು.

4 ತ್ಯುನೆ ಅನ್ನ ಖಾತಾಮಾ ಯೆಸು ಉಟಿನ ತಿನು ಉಪ್ಪರಲ್ಯು ಅಂಗ್ಡು ಕಾಡಿನ ಮ್ಹೆಲ್ಯೊ; ವರಿ ಯಕ್ಕ ಟುವಾಲ ಲಿನ ತಿನಾ ಕಂಬರೆ ಭಾಂದಿಲಿದ್ಯೊ.

5 ಪಾಚಲ್ಯೊ ಯಕ್ಕ ತಾಂಬ್ಯಾಮಾ ಪಾನಿ ಭರಲ್ಯೊ ಶಿಷ್ಯಾವೊನಾ ಪಗೊ ಧ್ವಯಿನ ತೆ ಭಾಂದಿಲಿದಲ ತೆ ಫೆರ್ಲಿದಲ ಟುವಾಲಕ್ಲು ತ್ಯುನಾ ಪಗೊ ನುಚ್ಚೊ.

6 ತೆ ಸಿಮೊನ ಪೆತ್ರಾಕನ ಆಯಲ ಪರ ಪೆತ್ರಾ"ಪ್ರಭು, ಹಮಾರಾ ಪಗೊ ತು ಧ್ವಾನೈ" ಕದ್ಯೊ.

7 ಯೆಸು"ಹಮ್ಮಾ ಮಿ ಸು ಕರಾಡ್ಯೊಸ ಕವಾನು ತುಮೊನೆ ಗ್ವತ್ತ ನತ್ತಿ. ತೆನ್ನೈಸೊ ಅಗು ತುನೆ ಗ್ವತ್ತ ಥಾವಸ" ಕೈನ ಉತ್ತರ ದಿದ್ಯೊ.

8 ಪೆತ್ರಾ ತಿನೆ"ನೈ! ಮಾರಾ ಪಗೊ ತು ಕೆಳಾಮಾಜ ಧ್ವಾ ನೈ" ಕೈನ ಕದ್ಯೊ ಯೆಸು "ತಾರಾ ಪಗೊ ಮಿ ನೈದ್ವಯೊಮ ತು ಮಾರೊ ಶಿಷ್ಯೊ ಕೆಳಾಮಾಜ ಥಾತೊ ನೈ" ಕದ್ಯೊ

9 ತೆಳಾಮಾ ಸಿಮೊನ ಪೆತ್ರಾ, ಪ್ರಭು, ಮಾರಾ ಪಗೊ ಯಕ್ಕಜ ನೈಸೊ ಮಾರಾ ಹತೊ ವರಿ ಮಾತು ಧೊ" ಕೈನ ಮಾಂಗಿಲಿದ್ಯೊ

10 ಯೆಸು ತಿನೆ "ಅಂಗ ಧ್ವಯಲವಾಲಾನು ಅಂಗ ಕ್ಹಾರು ಶುದ್ಧ ರ್ವವಸ. ತೆ ತಿನಾ ಪಗೊ ದ್ವೈಲಿದ್ಯಮ ಬಸ್ಸು ತುಮೆಬಿ ಶುದ್ಧ ಥಯಾಸ, ತೆನೈಸೊ ತುಮೊಮಾ ಹರ ಯಕ್ಕೊ ಶುದ್ಧ ನತ್ತಿ.

11 ತಿನೆ ಮೊಸ ಕರಾಲೊ ಕುನ್ನ ವ್ವೈ ಕೈನ ತಿನೆ ಗ್ವತ್ತ ವ್ವತ್ತು. ತಿನಾಹುತಿ ತೆ"ತುಮಾರಾಮಾ ಹರ ಯಕ್ಕೊ ಶುದ್ಧ ನತ್ತಿ" ಕೈನ ಕದ್ಯೊ

12 ಯೆಸು ತ್ಯುನಾ ಪಗೊ ಧ್ವಯಲ ಪರ ತಿನು ಉಪ್ಪರಲ್ಯು ಅಂಗ್ಹು ಫಾಲಿನ ವರಿ ತಿನಿ ಜಗಾಪರ ಬೈಟ್ಸೊ ವರಿ ಅಮ್ಮ ಕದ್ಯೊ: "ಹಮ್ಮಾ ಮಿ ಸು ಕರೈತೆ ತುಮೊನೆ ಗ್ವತ್ತ ಥಯು ಸು?

13 ತುಮೆ ಮನೆ"ಗುರು ವರಿ ಪ್ರಭು ಕೈನ ಬಲಾವೊಸಿ. ತುಮೆ ಇಮ್ಮ ಬಲಾವಾನು ಕರೆಟ್ಟೆ ವ್ವೈ ಕಾಕದ್ಯಾಮ ಮಿ ತೆಜ ವ್ವೈ

14 ತಿನಾಹುತಿ ಪ್ರಭು ವರಿ ಗುರು ಥಯಲ ಮಿ ತುಮಾರಾ ಪಗೊ ಸೆವಕ ಲಿಂಗತ ಧ್ವಯೊಸ. ಕಾಕದ್ಯಾಮ ತುಮೆಬಿ ಬಿಜಾವೊನಾ ಪಗೊ ಧಾ.

15 ಎ ಕಾಮೊನೆ ಮಿಜ ಸಾಕ್ಷಿ ಥಯೊಸ. ಕಾಕದ್ಯಾಮ ಮಿ ತುಮೊನೆ ಕರಲ ತಿಮ್ಮಜ ತುಮೆಬಿ ಬಿಜಾವೊನಾ ಕ್ಹಾತೆ ಕರು.

16 ಮಿ ತುಮೊನೆ ಕ್ಹರಿಜ ಕೌಸ. ಸೆವಕ ಮಾಲಕ್ತಿ ಮ್ಹೊಟೊ ನ್ವವೈ ತಿನಾಹುತಿ ಸಂದೆಶ ಹುತಿ ಆಯಲವಾಲೊ ಮೊಕ್ಲವಾಲಾತಿ ಮ್ಹೊಟೊ ನ್ವವೈ

17 ತುಮೆ ಎ ಸಂಗತಿಯೊ ತಿಳದಿಲಿನ ಇನಾಲಿಂಗತ ಫಾಲಿನ ಗಯಾಮ ಖುಶಿಕ್ಹುರವೊಸಿ.

18 "ಮಿ ತುಮಾರಾ ಕ್ಹಾರಾವೊನಾ ಹುತಿ ಬೊಲಾಡ್ಯೊ ನತ್ತಿ. ಮಿ ಇನಿಲಿದಲ ಮನಕ್ಹೊನಾ ಹುತಿ ಮನೆ ಗ್ವತ್ತ ಛೆ. ತೆನೈಸೊ "ಮಾರಾ ಕ್ಹಾತೆ ಖಾದಲವಾಲೊ ಮನೆ ಮೊಸ ಕರೈತೆ" ಕವಾನಿ ಎ ಪವಿತ್ರ ಗ್ರಂಥಮಾನಿ

ವಾತ ಪುರಾ ಧೌ.

19 ತೆ ಪುರಾ ಧಾತಾಮಾ ಮಿಜ ಕ್ರಿಸ್ತ ವ್ಹೈ ಕೈನ ತುಮೆ ಬರೊಕ್ಕೊ ಕರು ಕೈನ, ತೆ ಪುರಾ ಧಾವಾತಿ ಪೈಲಾಜ ಎ ತುಮೊನೆ ಕವಾಡ್ಯೊಸ.

20 ಮಿ ತುಮೊನೆ ಕ್ಹರಿಜ ಕೌಸ ಮಿ ಮೊಕ್ಲಲ ಕಿನೆಬಿ ವಪ್ಪಿಲಿವಾಲೊ ತೆ ಮನೆ ವಪ್ಪಿಲಿವಾಲೊ ಥಯೊಸ. ಮನೆ ವಪ್ಪಿಲಿದಲವಾಲೊ ಮನೆ ಮೊಕ್ಲಲವಾಲಾನೆ ವಪ್ಪಿಲಿದವಾಲೊ ಥಯೊಸ"

ಯೆಸು ತಿನೆ ಧರಿನ ದಿವಾಲಾನಾ ಹುತಿ ಪೈಲಾಜ ಕದಲ

21 ಯೆಸು ಎ ಸಂಗತಿಯೊ ಕದಲ್ಪರ ಮನಸ್ಸಾ ದುಖ ಧೈನ"ಮಿ ತುಮೊನೆ ಕ್ಹರಿಜ ಕೌಸ ತುಮೊಮಾನೊ ಯಕ್ಲೊ ಮೊಸ ಕರಾನೆ ಚಾಲ್ಯೊಸ" ಕೈನ ಖುಲ್ಲಾಜ ಕದ್ಯೊ.

22 ಯೆಸುನಾ ಶಿಷ್ಯಾ ಕ್ಹಾರಾ ಯಕ್ಲಾನೆ ಯಕ್ಲೊ ದೆಕಾನು ಚಾಲು ಕರ್ಯಾ. ತೆ ಕಿನಾ ಹುತಿ ಕವಾಡ್ಯೊಸ ಕವಾನು ತ್ಯುನೊನೆ ಗ್ವತ್ತ ಥಯು ನೈ.

23 ಶಿಷ್ಯಾವೊಮಾನೊ ಯಕ್ಲೊ ಯೆಸುನಾ ಬಾಜುಮಾ ವ್ಹತ್ತೊ. ತಿನೆ ಯೆಸು ಘನ್ನೊ ಮಯಾ ಕರ್ತೊ.

24 ಸಿಮೊನ ಪೆತ್ರಾ ಎ ಶಿಷ್ಯಾನೆ "ಕಿನಾ ಹುತಿ ಕವಾಡ್ಯೊಸ ಕೈನ ಪುಚ್ಚಿನ ತಿಳ್ವಿಲಿವಾನೆ ಇಶಾರೊ ಕರಲ್ಯೊ.

25 ತೆ ಶಿಷ್ಯೊ ಯೆಸುನಾ ಬಗಲ ಡ್ಹಗ್ಗಿನ"ಪ್ರಭು, ತೆ ಕುನ್ನ ವ್ಹೈ? ಕೈನ ಪುಚ್ಚೊ.

26 ಯೆಸು"ಮಿ ಎ ರೊಕ್ಕೊ ಧಾಳಾಮಾ ಡುಬೈನ ಕಿನೆ ದ್ಯುಸ ತೆಜ ಮನೆ ಮೊಸ ಕರಸ ಕೈನ ರೊಕ್ಕಾನೊ ತುಕ್ಲೊ ಲಿನ ತೆ ಧಾಳಾಮಾ ಡುಬೈನ ಇಸ್ಕರಿಯೊತ ಸಿಮೊನನೊ ದಿಕ್ಲೊ ಥಯಲ ಯುದನೆ ದಿದ್ಯೊ.

27 ಯುದ ತೆ ರೊಕ್ಕಾನೊ ತುಕ್ಲೊ ಲಿತಾಮಾಜ ಸೈತಾನ ತಿನಾಮಾ ವ್ಹಕ್ಲೊ ಯೆಸು ಯುದನೆ"ತು ಸು ಕರಾನು ಛಿ ತೆ ಭೆಗಿನ ಕರ" ಕೈನ ಕದ್ಯೊ.

28 ತೆನೈಸೊ ಯೆಸು ಯುದನೆ ತೆ ಇಮ್ಮ ಕಾ ಕದ್ಯೊ ಕೈನ ಖಾವಾನೆ ಬೈಟಲವಾಲವೊಮಾನಾ ಕಿನೆ ಕಳ್ಳು ನೈ.

29 ಶಿಷ್ಯಾನಿ ಸಮುದಾಯನಿ ದೊಕ್ಲಾನಿ ಪಿಶಿನಿ ಜವಾಬ್ದಾರಿ ಯುದನಾ ಹತ್ಮಾ ವ್ಹತ್ತಿ. ತಿನಾಹುತಿ ಸನ್ನನೆ ಫಾಯೆ ಥಯಲ ದಕ್ಲಾ ಸಾಮನೊ ಲಿನ

ಆವಾನಾ ಹುತಿ ಗರಿಬ ಮನಕ್ಕೊನೆ ದಿವಾನಾ ಹುತಿ ಯೆಸು ತಿನೆ ಕದ್ಯೊ
ವಸೆ ಕೈನ ದಕ್ಖಾ ಶಿಷ್ಯಾ ತಿಳದಿಲಿದ್ಯಾ

30 ಯೆಸು ದಿದಲ ರೊಕ್ಕೊ ಲಿದಲ ಬರೊಬ್ಬರ ಯುದ ತ್ಯಾಂತೊ
ಗೈಪಡ್ಯೊ ತೆಳಾಮಾ ರಾತ ಧೈಗೈತಿ.

ನಯಿ ಆಗನ್ಯಾ

31 ಯುದ ಗಯಲ್ಪರ ಯೆಸು "ಹಮ್ಮಾ ಮನಕ್ಕನಾ ದಿಕ್ರಾನೆ ಮಹಿಮಾ
ಧೈ ವರಿ ತಿನಾ ಮುಲಕ ಕ್ಹುದಾನೆ ಮಹಿಮಾ ಧೈಸ.

32 ಯಕ್ಕೇಳೆ ತಿನಾ ಮುಲಕ ಕ್ಹುದಾನಿ ಮಹಿಮಾನಾ ಹುತಿ ಥಾವಾನಿ
ರಯ್ಯುಮ ಕ್ಹುದಾ ತಿನಾಮಾಜ್ಜ ದಿಕ್ರಾನೆ ಮಹಿಮಾ ಕರಸ. ವರಿ ತೆ
ತೆಕ್ಲಾಮಾಜ್ಜ ತಿನೆ ಮಹಿಮಾ ಕರಸ ಕದ್ಯೊ

33 ಯೆಸು "ಮಾರಾ ದಿಕ್ರಾವೊ, ಹಜ್ಜುನ ದಕ್ಲೊಟ್ಟೆಮ ಮಿ ತುಮಾರಾ
ಕ್ಹಾತೆ ರಯ್ತೊ. ತುಮೆ ಮನೆ ಹುಡ್ಕೊಶಿ. ವರಿ ಮಿ ಯಹುದಿಯೊನೆ
ಕದಲಜ್ಜ ತುಮೊನೆ ಕೌಸ. ಮಿ ಕಿಜ್ಜಾ ಚಾಲ್ಯೊಸ ತುಮೊನೆ ತ್ಯಾ ಆವಾನೆ
ಥಾತು"

34 ಮಿ ತುಮೊನೆ ಯಕ್ಕ ನಯಿ ಆಗನ್ಯಾದ್ಯಾಸ" ತುಮೆ ಯಕ್ಕನೆ ಯಕ್ಕ
ಮಯಾ ಕರೊ. ಮಿ ತುಮೊನೆ ಕಿಮ್ಮ ಮಯಾ ಕರು ತುಮೆಬಿ ತಿನಾ
ಲಿಂಗತ ಮಯಾ ಕರುಜ.

35 ಯಕ್ಕೇಳೆ ತುಮೆ ಯಕ್ನಾ ಯಕ್ಕ ಮಯಾ ಕರಯ್ಯಾಮ, ತುಮೆ ಮಾರಾ
ಶಿಷ್ಯಾವೈ ಕವಾನು ಕ್ಹಾರಾವೊನೆ ಗ್ವತ್ತ ಥಾವಸ ಕೈನ ಕದ್ಯೊ

ಪೆತ್ರಾ ಯೆಸುನೆ ಇನ್ನಾರಲ

36 ಸಿಮೊನ ಪೆತ್ರಾ ಯೆಸುನೆ "ಪ್ರಭು, ತು ಕಿಜ್ಜಾ ಚಾಲ್ಯೊಸ? ಕೈನ
ಪುಚ್ಚೊ. ಯೆಸು "ಮಿ ಜ್ಜಾವಾನಿ ಜ್ಜಗಾ ಹಮ್ಮಾ ತು ಮಾರಾ ಪಾಚೊ ನೈ
ಆಸಕ್ಲೊ. ತೆನ್ನೆಸೊ ತು ಅಗೊ ಮಾರಾ ಪಾಚೊ ಆಶಿ" ಕೈನ ಕದ್ಯೊ

37 ಪೆತ್ರಾ "ಪ್ರಭು, ಹಮ್ಮಾ ಮಿ ತಾರಾ ಪಾಚೊ ಆವಾನೆ ಕಾ ನೈ ಥಾತು?
ಮಿ ತಾರಾ ಹುತಿ ಮರಾನೆಬಿ ತಯ್ಯಾರ ಛಿ" ಕೈನ ಕದ್ಯೊ

38 ಯೆಸು "ತು ಮಾರಾಹುತಿ ಕ್ಷರಿಮಾಜ ಮರಾನೆ ತಯ್ಯಾರ ಛಿ ಸು? ಮಿ ತುನೆ ಕ್ಷರಿಜ ಕೌಸ. ಕುಕ್ಕೊ ಬಾಂಗ ದಿವಾತಿ ಪೈಲಾಜ ತು ತನ್ನ ಸಲಾ ಮಾರಾ ಹುತಿ ಮಿ ತುನೆ ವಳಕ ನತ್ತಿ ಕೈನ ಕಶಿ" ಕದ್ಲೊ.

14

ಯೆಸುಜ ಬಾ ಕನ ಜಾವಾನಿ ವಾಟ ವ್ಹೊ

1 ಯೆಸು ತ್ಯುನೊನೆ "ತುಮಾರು ಮನಸ ಕಳವಳ ಕರಿಲಿವೊ ನಕೊ. ಕ್ಷುದಾ ಪರ ವರಿ ಮಪರಬಿ ಬರೊಕ್ಕೊ ಮ್ಹೊಲೊ.

2 ಮಾರಾ ಬಾನಾ ಘರಮಾ ಘನ್ನಾ ಖೊಲಿಯೊ ಛಿ. ತೆ ನೈ ರ್ಲ್ದಯಲ ರ್ಲ್ದವತ್ತೊ, ಮಿ ಗೈನ ತ್ಯಾಜಗಾ ತಯ್ಯಾರ ಕರುಸ ಕೈನ ಕತೊ ನ್ಹೊತೊ.

3 ಮಿ ಗೈನ ತುಮಾರಾ ಹುತಿ ಜಗಾ ತಯ್ಯಾರ ಕರಲ್ಪರ ವರಿ ಐನ ತುಮೊನೆ ಮಾರಾ ಕ್ಷಾತೆ ಬಲೈಲಿನ ಜೌಸ. ಇಮ್ಮ ಮಿ ರ್ಲ್ದಯಲ ಜಗಾ ತುಮೆ ರ್ಲ್ದವೊಶಿ.

4 ಮಿ ಜಾವಾನಿ ಜಗಾ ತುಮೊನೆ ಗ್ವತ್ತ ಛಿ" ಕೈನ ಕದ್ಲೊ.

5 ತೊಮ ಯೆಸುನೆ "ಪ್ರಭು, ತು ಜಾವಾನು ಕಿಜಾ ವ್ಹೊ ಕೈನ ಹಮೊನೆ ಗ್ವತ್ತ ನತ್ತಿ. ಇಮ್ಮ ರ್ಲ್ದತಾಮಾ ತೆ ವಾಟ ಹಮೆ ಕಿಮ್ಮ ತಿಳ್ವಿವಾನೆ ಥಾವಸ? ಕದ್ಲೊ.

6 ಯೆಸು "ಮಿಜ ವಾಟ ವರಿ ಕ್ಷರಿ ವರಿ ಜಲಮ ಥಯೊಸ. ಕಿನೆಬಿ ಮಾರಾ ಮುಲಕ ನೈಸೊ ಬಿಜಾ ಕಿನಾಜ ಮುಲಕ ಬಾಕನ ಆವಾನೆ ನೈ ಥಾತು.

7 ಯಕ್ಕಿಳಿ ತುಮೆ ಮನೆ ಕ್ಷರಿಬಿ ತಿಳ್ವಿದಲ ರ್ಲ್ದಯಮ, ಮಾರಾ ಬಾನೆಬಿ ಚೊಕಿ ತರಾ ತಿಳ್ವಿತಾತಾ. ತೆನೈಸೊ ಹಮ್ಮಾತಾ ತುಮೆ ಬಾನೆ ತಿಳ್ವಿದ್ವಾಸ ವರಿ ದೆಕ್ಕಾಸ "ಕೈನ ಕದ್ಲೊ.

8 ಫಿಲಿಪ್ಪ ಯೆಸುನೆ "ಪ್ರಭು, ಹಮೊನೆ ಬಾನೆ ದೆಕಾಡ ತೆಕ್ಕಜ ಬಸ" ಕೈನ ಕದ್ಲೊ.

9 ಯೆಸು "ಫಿಲಿಪ್ಪ ಮಿ ಅಕ್ಕಾಟ್ಟಿಮತೊ ತುಮಾರಾ ಕ್ಷಾತೆ ರ್ಲ್ದತಬಿ ತು ಮನೆ ತಿಳ್ವಿದ್ಲೊ ನತ್ತಿ ಸು? ಮನೆ ದೆಕಲವಾಲೊ ಬಾನೆಬಿ ದೆಕಲವಾಲೊ

ವ್ಹೈ ತಿನಾಹುತಿ "ಬಾನೆ ಹಮೋನೆ ದೆಕಾಡ, ಕೈನ ಕಾ ಪುಚ್ಚಾಡಾಸ? ಕೈನ ಉತ್ತರ ದಿದ್ಲೊ.

10 ಮಿ ಬಾ ಮಾ ಛೆ ವರಿ ಬಾ ಮಾರಾಮಾ ಛೆ ಕೈನ ತುಮೆ ಕ್ಹರಿಬಿ ಬರೊಕ್ಲೊನ್ನೈಕರ್ರಾಸು? ಮಿ ತುಮೋನೆ ಕವಾನಿ ಸಂಗತಿಯೊ ಮಾರಾಕ್ಲು ಆಯಲ ನ್ಹವೈ ತೆನ್ನೈಸೊ ತೆ ಮಾರಾಮಾ ರ್ವಾಣಾ ಬಾನಾ ವ್ಹೈವರಿ ತೆ ತಿನು ಕಾಮ ಕರಾಡ್ಲೊಸ.

11 ಮಿ ಬಾಮಾ ಛೆ ವರಿ ಬಾ ಮಾರಾಮಾ ಛೆ ಕವಾನಿ ಮಾರಿ ವಾತ ಪರ ಬರೊಕ್ಲೊ ಕರೊ. ತೆನ್ನೈಸೊ ಮಿ ಕರಲ ಅದ್ಭುತ ಕಾಮೊಕ್ಲುತಬಿ ಮಪರ ಬರೊಕ್ಲೊ ಕರೊ.

12 "ಮಿ ತುಮೋನೆ ಕ್ಹರಿಜ ಕೌಸ. ಮಪರ ಬರೊಕ್ಲೊಮ್ವೆಲಾಲೊ ಮಿ ಕರಲಜ ಕಾಮೊ ಕರಸ. ತೆ ಮಿ ಕರಾನಾ ಕಾಮೊತಿಬಿ ಮ್ಹೊಟಾ ಕಾಮೊ ಕರಸ. ಕಾಕದ್ಯಾಮ ಮಿ ಬಾ ಕನ ಭಾಲ್ಯೊಸ.

13 ವರಿ ತುಮೆ ಮಾರಾ ನಾಮ ಪರ ಸುತಬಿ ಮಾಂಗಿಲಿದ್ಯಾರೆ, ಮಿ ತುಮಾರಾ ಹುತಿ ತೆ ಕರುಸ. ತಿನಾಹುತಿ ದಿಕ್ರೊಬಾನೆ ಮಹಿಮಾ ಲಾವಸ.

14 ತುಮೆ ಮಾರಾ ನಾಮ ಪರ ಸುತಬಿ ಮಾಂಗಿಲಿದ್ಯಾರೆ, ಮಿ ತೆ ಕರುಸ.

ಪವಿತ್ರ ಆತ್ಮಾನಾ ಹುತಿ ವಾಗ್ದಾನ

15 "ಯಕ್ಕೆಳೆ ತುಮೆ ಮನೆ ಮಯಾ ಕರಾಲಾ ಥಯಲ ರ್ವಯಮ, ಮಾರಾ ಆಗನ್ಯಾನೆ ವಿಧಿಯ ಥೈನ ಚಾಲೊಶಿ.

16 ಮಿ ಬಾನೆ ಮಾಂಗಿಲಿವಸ. ತೆಳಾಮಾ ತೆ ಬಿಜಾ ಯಕ್ಲಾ ಸಹಾಯಕನೆ ತುಮೋನೆ ದಿವಸ. ತೆ ಸಹಾಯಕ ಹಮೆಶಾಬಿ ತುಮಾರಾ ಕ್ಹಾತೆ ರ್ವವಸ.

17 ಕ್ಹರಿನೊ ಆತ್ಮಾಜ ತೆ ಸಹಾಯಕ ವ್ಹೈ ಎ ದುನಿಯಾ ತಿನೆ ಸ್ವಿಕಾರ ನೈ ಕರತು. ಕಾಕದ್ಯಾಮ ದುನಿಯಾ ತಿನೆ ದೆಕ್ತಾನೈ ತಿಳ್ವಿಲಿತಾಬಿ ನೈ ತೆನ್ನೈಸೊ ತುಮೆ ತಿನೆ ತಿಳ್ವಿಲಿದ್ಯಾಸ. ತಿನಾಹುತಿ ತೆ ತುಮಾರಾ ಕ್ಹಾತೆ ಜಿವ್ವಾ ಕರಸ ವರಿ ತುಮಾರಾಮಾ ರ್ವವಸ.

18 "ಮಿ ತುಮೋನೆ ಪರ್ದೆಶಿ ಲಿಂಗತ ಛೊಡಿನ ನೈ ಜಾತೊ. ಮಿ ತುಮೊಕನ ಔಸ.

19 ಹಜ್ಜುನ ದಕ್ಷಿ ಯೆಳ ಥಯಲ್ಪರ ಎ ದುನಿಯಾ ಮನೆ ದೆಕ್ತಿ ನೈ. ತೆನ್ನೈಸೊ ತುನೆ ಮನೆ ದೆಕೊಶಿ. ಕಾಕದ್ಯಾಮ ಮಿ ಜಿವ್ವೊ ರ್ವಾಸ್ ವರಿ ತುಮೆಬಿ ಜಿವ್ವಾರ್ವೊಶಿ.

20 ತೆ ದಿನ್ನೆ ತುಮೆ ಮಿ ಮಾರಾ ಬಾ ಮಾ ರ್ವಾನ್, ತುಮೆ ಮಾರಾಮಾ ರ್ವಾನ್ ವರಿ ಮಿ ತುಮಾರಾಮಾ ರ್ವಾನ್ ತಿಳ್ವಿಲಿವೊಶಿ.

21 ಯಕ್ಕೊ ಮಾರಿ ಆಗನ್ಯಾವೊನೆ ಸ್ವಿಕಾರ ಕರಿನ ತಿನಾ ಲಿಂಗತ ಚಾಲ್ಯೊಮ, ತೆ ಮನೆ ಮಯಾ ಕರಾಲೊ ಥಯೊಸ. ಕುನ್ನಮನೆ ಮಯಾ ಕರಸ ತಿನೆ ಮಾರೊ ಬಾಬಿ ಮಯಾ ಕರಸ ವರಿ ಮಿ ತಿನೆ ಮಯಾ ಕರುಸ. ವರಿ ಮಿ ತಿನೆ ಮನೆಜ ದೆಕಾಡಿನ ದಿವ್ನ್ ಕೈನ ಉತ್ತರ ದಿದ್ಯೊ.

22 ತೆಳಾಮಾ ಯುದ ಎ ಇಸ್ಕರಿಯುತ ಯುದ ನ್ವವೈ ತೆನ್ನೈಸೊ "ಪ್ರಭು, ತು ತುನೆ ಎ ದುನಿಯಾನೆ ನೈ ದೆಕಾಡ್ಯಾವಾಚಿ ಹಮೊನೆ ದೆಕಾಡುಸ ಕವಾನು ಶಾನೆ? ಕೈನ ಪುಚ್ಚೊ.

23 ಯೆಸು ಅಮ್ಮ ಜವಾಬ ದಿದ್ಯೊ: ಮನೆ ಮಯಾ ಕರಾಲೊ ಮಾರಾ ಉಪದೆಶನೆ ವಿಧಿಯ ಥಾವಸ. ಮಾರೊ ಬಾ ತಿನೆ ಮಯಾ ಕರಸ. ಹಮೆ ಭಂಬಿ ಜನಾ ತಿಕನ ಐನ ತಿನಾ ಕ್ವಾತೆ ರ್ವಾಯೆಸ.

24 ಕುನ್ನಮನೆ ನೈ ಮಯಾ ಕರಕ್ಕೊ, ತೆ ಮಾರಿ ಉಪದೆಶನೆ ವಿಧಿಯ ನೈ ಥಾತೊ. ತುಮೆ ಐಕಾನಿ ಎ ಉಪದೆಶ ಮಾರಿ ನ್ವವೈ ಮನೆ ವಳಾಯಲ ಮಾರಾ ಬಾನು ವ್ವೊ.

25 "ಹಜ್ಜುನ ಮಿ ತುಮಾರಾ ಕ್ವಾತೆ ರ್ವಾತಾಮಾಜ ಎ ಸಂಗತಿಯೊ ಕ್ವಾರಾ ತುಮೊನೆ ಕದ್ಯೊಸ.

26 ತೆನ್ನೈಸೊ ಬಾ ಮಾರಾ ನಾಮ ಪರ ವಳ್ಳೆನ ದಿವಾನು ಪವಿತ್ರ ಆತ್ಮಾ ತುಮೊನೆ ಹರಿ ಯಕ್ಕಬಿ ಉಪದೆಶ ಕರಸ. ವರಿ ಮಿ ತುಮೊನೆ ಕದಲ ಕ್ವಾರಾ ಸಂಗತಿಯೊ ತುಮೊನೆ ಶೆ ದಿಲಾವಸ.

27 "ಮಿ ಶಾಂತಿ ದಿವ್ನ್ ಮಾರಿ ಶಾಂತಿ ತುಮೊನೆ ದಿವ್ನ್ ಮಿ ಎ ದುನಿಯಾ ದಿದಲಲಿಂಗತ ತುಮೊನೆ ದೆತೊ ನೈ. ತಿನಾಹುತಿ ತುಮಾರು ಮನಸೊ ಕಳವಳ ಥಾ ನೈ ವರಿ ತುಮೆ ಭುಚ್ಚಕೊ ನಕೊ.

28 ಮಿ ಜೊಸ. ತೆನ್ನೈಸೊ ತುಮೊಕನ ಫರಿನ ಔಸ "ಕೈನ ಮಿ ತುಮೊನೆ

ಕವಾನು ತುಮೆ ಐಕ್ಯಾಸ. ತುಮೆ ಮನೆ ಮಯಾ ಕರಾಲಾ ರ್ವಯಮ, ಮಿ ಬಾಕನ ಜಾವಾಕ್ತು ಖುಶಿ ಧಾತಾತಾ. ಕಾಕದ್ಯಾಮ ಬಾ ಮಾರಾತಿ ಮ್ಹೊಟೊ ವ್ಹೊ

²⁹ ಎ ಧಾವಾತಿ ಪೈಲಾ ಮಿ ತುಮೊನೆ ಕದ್ಯೊಸ. ಇಮ್ಮರ್ವತಾಮಾ, ಎ ಧಾತಾಮಾ ತುಮೆ ಬರೊಕ್ಹೊ ಕರೊಶಿ.

³⁰ "ಮಿ ತುಮಾರಾ ಕ್ಹಾತೆ ಹಜುನ ಘನಿಯೆಳ ಬೊಲ್ಹೊ ನೈ ಎ ದುನಿಯಾನೊ ಅದಿಪತಿ ಆವಾಡ್ಯೊಸ. ತಿನೆ ಮಾರಾ ಉಪ್ಪರ ಕಯುಜ ಅದಿಕಾರ ನತ್ತಿ.

³¹ ತೆನೈಸೊ ಮಿ ಬಾನೆ ಮಯಾ ಕರುಸ ವರಿ ಮಿ ಮಾರೊ ಬಾ ಆಗನ್ಯಾ ಕರಲ ತಿಮ್ಮಜ ಕರಾಡ್ಯೊಸ ಕೈನ ದುನಿಯಾ ತಿಳ್ವಿಲ್ವಜ "ಆವೊ ಅಪೆ ನ್ಹಾಂತಾ ಗಯ್ತೆ"

15

ಯೆಸುಜ ಕ್ಹರಿನಿ ದ್ರಾಕ್ಷಿಯೊನು ಬಳ್ಳಿ ವ್ಹೊ

¹ ಮಿ ಕ್ಹರಿನು ದ್ರಾಕ್ಷಿಯೊನಿ ಬಳ್ಳಿ ವ್ಹೊ ವರಿ ಮಾರೊ ಬಾ ಖಿತರವಾಲೊ ವ್ಹೊ

² ಮಕನ ರ್ವಯಲ ಫಲ ನೈ ದಿವಾನು ಹರಯಕ್ ಜಡನೆ ತೆ ಕತ್ತಿನ ನಾಕಸ. ಫಲ ದಿವಾನು ಲೊಂಗಿ ಹಜುನ ಹೆಚ್ಚಿ ಫಲಾ ದಿಯೆ ಲಿಂಗತ ತಿನೆ ಶುದ್ಧ ಕರಸ.

³ ಮಿ ತುಮೊನೆ ಕದಲ ಉಪದೆಶ ಕ್ಹು ತುಮೆ ಹಮ್ಮಾಜ ಶುದ್ಧ ಥಯಾಸ.

⁴ ತುಮೆ ಮಾರಾಮಾ ಮ್ಹೊಡೈನ ರ್ವವೊ, ತೆಳಾಮಾ ಮಿ ತುಮೊಮಾ ಮ್ಹೊಡೈನ ರ್ವಾಸ. ಕಯು ಲೊಂಗಿ ತಿನಾಕ್ಹು ತೆ ಫಲ ನೈ ದೆತು. ತೆ ದ್ರಾಕ್ಷಿಯೊನಿ ಬಳ್ಳಿಮಾ ಮ್ಹೊಡೈನ ರ್ವಾ ತೆ ತುಮೊನೆಬಿ ಲಾಗು ಧಾವಸ. ತುಮಾರಾಕ್ಹು ತುಮೆ ಫಲ ನೈ ದೆಸಕ್ತಾ. ತುಮೆ ಮಾರಾಮಾ ಮ್ಹೊಡೈನ ರ್ವವೊ.

5 "ಮಿಜ ದ್ರಾಕ್ಷಿಯೊನಿ ಬಳ್ಳಿ ವೈತುಮೆ ಲೊಂಗಿಯೊ ವೈತು ಯಕ್ಕೊ ಮಾರಾಮಾ ಮೈಥೈನ ರ್ವಯೊಮ ವರಿ ಮಿ ತಿನಾಮಾ ಮೈಥೈನ ರ್ವಯೊಮ, ತೆಳಾಮಾ ತೆ ಘನ್ನು ಫಲ ದಿವಸ. ತೆನ್ನೆಸೊ ತೆ ಮನೆ ಛೊಡಿನ ಸುಜ ನೈಕರಸಕ್ಕಾ.

6 ಮಾರಾಮಾ ರ್ವಯಲವಾಲೊ ವರಾಯಲ ಲೊಂಗಿ ಲಿಂಗತ ರ್ವವಸ. ತಿನೆ ಜಮಾ ಕರಿನ ಆಗಮಾ ಫಾಲಸ. ತೆ ಆಗಮಾ ಪಡಿನ ಮರಿ ಜಾವಸ.

7 ತುಮೆ ಮಾರಾಮಾ ಮಾರಿ ವಾಕ್ಕಾತು ಮಾರಾಮಾ ರ್ವಯುಮ ಸು ಚಾಯೆ ತೆ ಮಾಂಗಿಲಿವೊ, ತೆ ತುಮೊನೆ ಮಳಸ.

8 ತುಮೆ ಘನ್ನು ಫಲ ದಿನ್ನ ಮಾರಾ ಬಾನಿ ಮಹಿಮಾ ದೆಕಾಡೊ. ಇನಾಹುತಿ ತುಮೆ ಮಾರಾ ಶಿಷ್ಯಾಧಾವೊಶಿ.

9 "ಕಿಮ್ಮ ಬಾ ಮನೆ ಮಯಾ ಕರಸ ತಿಮ್ಮಜ ಮಿ ತುಮೊನೆ ಮಯಾ ಕರುಸ. ಮಾರಿ ಮಯಾಮಾ ರ್ವವೊ.

10 ಯಕ್ಕೆಳೆ ತುಮೆ ಮಾರಿ ಆಗನ್ಯಾವೊನೆ ವಿಧೆಯ ಥಯಾಮ, ತುಮೆ ಮಾರಿ ಮಯಾಮಾ ಮೈಥೈನ ರ್ವವೊಶಿ. ಮಿ ಮಾರಾ ಬಾನಾ ಆಗನ್ಯಾನೆ ವಿಧೆಯ ಥೌಸ ವರಿ ತಿನಿ ಮಯಾಮಾ ಛಿ.

11 ಮನೆ ರ್ವವಾನಿ ಖುಶಿ ತುಮೆ ವ್ವಂದಿಲಿವ ಕೈನ ಮಿ ತುಮೊನೆ ಎ ಸಂಗತಿಯೊ ಕದ್ಯೊಸ. ತುಮಾರಿ ಖುಶಿ ಪರಿಪುರ್ಣ ಖುಶಿ ಥೈನ ರ್ವ ಕೈನ ಕದ್ಯೊ.

12 ಮಿ ತುಮೊನೆ ಮಯಾ ಕರಲ ಲಿಂಗತ ತುಮೆ ಯಕ್ಕನೆ ಯಕ್ಕ ಮಯಾ ಕರು ಕವಾನು ಮಿ ತುಮೊನೆ ದಿವಾನಿ ಆಗನ್ಯಾ ವೈ.

13 ದೊಸ್ತೊನಾ ಹುತಿ ತಿನು ಸ್ವಂತ ಜಲಮ ದಿವಾನಾ ಮಯಾತಿಬಿ ಬಿಜಿ ಮಯಾ ಕೈಜ ನತ್ತಿ.

14 ಮಿ ದಿದಲ ಆಗನ್ಯಾ ಲಿಂಗತ ಚಾಲ್ಯಾಮ, ತುಮೆ ಮಾರಾ ದೊಸ್ತೊ ವೈ.

15 ಹಮ್ಮಾತೊ ಮಿ ತುಮೊನೆ ಮಾರಾ ಸೆವಕೊ ಕೈನ ಬಲಾತೊ ನೈ ಕಾಕದ್ಯಾಮ ಮಾಲಕನಾ ಕಾಮೊ ಸೆವಕನೆ ಗ್ವತ್ತ ನೈ ರ್ವತಾ. ತೆನ್ನೆಸೊ

ಹಮ್ಮಾ ಮಿ ತುಮೋನೆ ಮಾರಾ ದೊಸ್ತೊ ಕೈನ ಬಲೌಸ. ಕಾಕದ್ಯಾಮ ಮಾರಾ ಬಾ ಕಂತು ಐಕಲ ಹರಯಕ್ಕ ಮಿ ತುಮೋನೆ ಕದ್ಯೊಸ.

16 "ತುಮೆ ಮನೆ ಇನಿಲಿದ್ಯಾನತ್ತಿ; ಮಿ ತುಮೋನೆ ಇನಿಲಿದ್ಯೊಸ. ತುಮೆ ಗೈನ ಘನ್ನು ಫಲ ದ್ಯು ಎಞ ಮಿ ತುಮೋನೆ ದಿದಲ ಕಾಮ ವ್ಹೈ ತೆ ಕೆಳಾಮಾಬಿ ರ್ವಾನ್ತು ಫಲ ವ್ಹೈ ಇಮ್ಮ ರ್ವಾತಾಮಾ, ತುಮೆ ಮಾರಾ ನಾಮ ಪರ ಸುಬಿ ಪುಚ್ಯಾ ತಬಿ ಬಾ ತೆ ತುಮೋನೆ ದಿವಸ.

17 ತುಮೆ ಯಕ್ಷೆಯಕ್ಕ ಮಯಾ ಕರು ಕವಾನುಜ ಮಾರಿ ಆಗನ್ಯಾವ್ಹೈ

ದುನಿಯಾನು ದ್ವೈಶ

18 "ಎ ದುನಿಯಾ ತುಮೋನೆ ದ್ವೈಶ ಕರ್ಯಾಮ, ತೆ ಪೈಲಾ ಮನೆ ದ್ವೈಶ ಕರಲ ಶೆ ಕರೊ.

19 ತುಮೆ ಎ ದುನಿಯಾನೆ ಮಳಲವಾಲಾ ರ್ವಯುಮ, ಎ ದುನಿಯಾ ತಿನಾ ಸ್ವಂತ ಮನಕ್ಕೊನೆ ಮಯಾ ಕರಲ ಲಿಂಗತ ತುಮೋನೆ ಮಯಾ ಕರಸ. ತೆನ್ನೈಸೊ ಮಿ ತುಮೋನೆ ಎ ದುನಿಯಾತೊ ಇನಿಲಿದ್ಯೊಸ. ತಿನಾಹುತಿ ತುಮೆ ಎ ದುನಿಯಾನೆ ಮಳಲವಾಲಾ ನ್ವವೈ ತಿನಾಹುತಿ ಎ ದುನಿಯಾ ತುಮೋನೆ ದ್ವೈಶ ಕರಸ.

20 "ಸೆವಕ ತಿನಾ ಮಾಲಕತಿ ಮ್ಹೊಟೊ ನ್ವವೈ "ಕೈನ ಮಿ ತುಮೋನೆ ಕದಲ ವಾತ ಶೆ ಕರಿಲಿವೊ. ಮನಕ್ಕೊ ಮನೆ ತ್ರಾಸ ಕರಲ ಲಿಂಗತ ತುಮೋನೆ ತ್ರಾಸ ಕರಸ ವರಿ ಮಾರಿ ಉಪದೇಶನೆ ವಿಧೆಯ ಥಯಾಮ ತುಮಾರಾ ಉಪದೇಶನೆ ವಿಧೆಯ ಥಾವಸ.

21 ಮನಕ್ಕೊ ಮಾರಾ ರ್ವಯಲ ಹುತಿ ಎ ಕ್ಹಾರು ತುಮೋನೆ ಕರಸ. ಮನೆ ವಳಾಯಲವಾನೆ ತ್ಯುನೆ ತಿಳ್ವಿಲಿದ್ಯಾನತ್ತಿ.

22 ಮಿ ಐನ ಎ ದುನಿಯಾನಾ ಮನಕ್ಕೊನೆ ನೈ ಬೊಲ್ಯಲ ರ್ವವತ್ತೊ, ತ್ಯುನೋನೆ ತ್ಯುನೆ ಕಯಾಞ ಪಾಪ ಕರಲವಾಲಾ ವ್ಹೈ ಕೈನ ಕವಾನೆ ಥಾತು ನ್ಹೊತ್ತು. ತೆನ್ನೈಸೊ ಮಿ ತ್ಯುನಾ ಕ್ಹಾತೆ ಬೊಲ್ಯೊಸ. ತಿನಾಹುತಿ ಹಮ್ಮಾ ತ್ಯುನಾ ಪಾಪೋನೆ ತ್ಯುನೋನೆ ಕಯು ಅರು ನತ್ತಿ.

23 "ಮನೆ ದ್ವೈಶ ಕರಾಲೊ ಮಾರಾ ಬಾನೆ ದ್ವೈಶ ಕರಾಲೊ ಥಯೊಸ.

24 ಯಕ್ಕೆಳೆ ಮಿ ತ್ಯನಾ ವಚ್ಚಾತೆ ಕಾಮೊ ನೈ ಕರತೊ ವರಿ ತೆ ಕಾಮೊ ಕುನ್ನಜಿ ನೈ ಕರಲ ರ್ವವತ್ತೊ, ತ್ಯನೆ ಪಾಪ ಕರಲವಾಲಾ ಧಾತಾ ನೊಡತಾ. ಹಮ್ಮಾ ತ್ಯನೆ ಎ ದೆಕ್ಕಾಸ ರ್ವೈತುಬಿ ತ್ಯನೆ ಮನೆ ವರಿ ಮಾರಾ ಬಾನೆ ದ್ವಿಶ ಕರಸ.

25 "ತ್ಯನೆ ಮನೆ ಕಾರಣ ನೈಸೊ ದ್ವಿಶ ಕರ್ಯಾ "ಕೈನ ತ್ಯನಾ ಧರಮಶಾಸ್ತ್ರಮಾ ಬರ್ದಲ ವಾತ ಕ್ಕರಿ ಧೌ ಕೈನ ಇಮ್ಮ ಥಯು.

26 "ಯಕ್ಕ ಸಹಾಯಕ ಆವಸ. ತೆ ಪವಿತ್ರ ಆತ್ಮಾವೈ ವರಿ ಕ್ಕುದಾನಿ ಕ್ಕರಿನೆ ದೆಕಾಡಿನ ದಿವಸ ವರಿ ತೆ ಬಾ ಕಂತೊ ಆವಸ. ಮಿ ತಿನೆ ಕ್ಕುದಾ ಕಂತೊ ವಳಾಸ ವರಿ ತೆ ಮಾರಾ ಹುತಿ ಸಾಕ್ಷಿ ದಿವಸ.

27 ವರಿ ತುಮೆಬಿ ಮಾರಾ ಸಾಕ್ಷಿ ದಿವೊಶಿ. ಕಾಕದ್ಯಾಮ ಪೈಲಾತಾಬಿ ತುಮೆ ಮಾರಾ ಕ್ಕಾತೆ ಛಿ.

16

1 "ಮಿ ಎ ಸಂಗತಿಯೊ ಕ್ಕಾರಾ ತುಮೊನೆ ಕದ್ಯೊಸ. ಕಾಕದ್ಯಾಮ ತುಮೆ ಬರೊಕ್ಕೊ ಛೊಡು ನೈ ಕೈನ ಕದ್ಯೊ.

2 ತ್ಯನೆ ತುಮೊನೆ ಸಭಾಮಂದಿರೊಮಾತಾ ಭಾರಾ ಘಾಲಸ. ವರಿ ಯಕ್ಕ ಟೈಮ ಆವಾಡೊಸ ತ್ಯನೆ ತುಮೊನೆ ಮಾರಸ ವರಿ ತ್ಯನೆ ಅಮ್ಮ ವಿಚಾರ ಕರಸ ತ್ಯನೆ ಕ್ಕುದಾನಿ ಸೆವಾ ಕರ್ಯಾಸ ಕೈನ.

3 ಮನಕ್ಕೊ ಬಾನೆ ವರಿ ಮನೆ ನೈ ತಿಳ್ವಿದಲ ಹುತಿ ಎ ಕ್ಕಾರು ಕರಸ.

4 ತೆನೈಸೊ ಹಮ್ಮಾ ಮಿ ತುಮೊನೆ ಎ ಕ್ಕಾರಾ ಸಂಗತಿ ಕದ್ಯೊಸ. ಇಮ್ಮ ರ್ವತಾಮಾ, ಎ ಕ್ಕಾರಾ ಸಂಗತಿಯೊ ಪುರಾ ಧಾವಾನೊ ಟೈಮ ಆಯಲ ಪರ ತೆಳಾಮಾ ತ್ಯನಾ ಹುತಿ ತುಮೊನೆ ಪೈಲಾಜ ಕದಲ ಶೆ ಮ್ವೆಲೊ" ಮಿ ಎ ಸಂಗತಿಯೊ ಕ್ಕಾರಾ ತುಮೊನೆ ಪೈಲಾತೊ ತಿಳ್ವಾಯೊ ನೈ ಕಾಕದ್ಯಾಮ, ತೆಳಾಮಾ ಮಿ ತುಮಾರಾ ಕ್ಕಾತೆ ವ್ವತ್ತೊ.

5 ಹಮ್ಮಾ ತುಬಿ, ಮನೆ ವಳಾಯಲವಾಲಾ ಕನ ಮಿ ಚಾಲ್ಯೊಸ. ತೆನೈಸೊ ತುಮೊಮಾ ಯಕ್ಕೊ ತುಬಿ"ತು ಕಿಚ್ಚಾ ಚಾಲ್ಯೊಸ? ಕೈನ ಮನೆ ಪುಚ್ಚಾನ್ಯೆ.

6 ಮಿ ತುಮೋನೆ ಎ ಸಂಗತಿಯೊ ಕ್ಹಾರಾ ಕದಲ ಹುತಿ ತುಮಾರಾ ಮನಸೊ ದುಖಕ್ಕು ಭರಿ ಗಯಾಸ.

7 ತೆನ್ನೆಸೊ ಮಿ ತುಮೋನೆ ಕ್ಹರಿಜ ಕೌಸ. ಮಿ ಜ್ಞಾವಾನು ತುಮಾರಾ ಚೋಕಾನಾ ಹುತಿಜ ವ್ಹೈ ಕಾಕದ್ಯಾಮ ಮಿ ಗೈನ ಸಹಾಯಕನೆ ತುಮೋಕನ ವಳೌಸ. ಮಿ ನೈಗಯೊಮ, ಸಹಾಯಕ ತುಮೋಕನ ನೈ ಆತೊ.

8 "ತೆ ಕೆಳಾಮಾ ಆವಸ ಪಾಪ, ನಿತಿ, ನ್ಯಾಯನೊ ಪೈಸಲೊ ಎ ವಿಷಯನಾ ಹುತಿ ದುನಿಯಾನಿ ಶಕ್ಕ ದುರ ಕರಸ.

9 ಮನೆ ನೈ ಬರೊಕ್ಕೊ ಕರಾಕ್ಕು ಮನಕ್ಕೊಮಾ ಪಾಪ ಛೆ ಕೈನ ತೆ ಸಹಾಯಕ ದೆಕಾಡಿನ ದಿವಸ.

10 ಮಿ ಬಾಕನ ಜ್ಞಾವಾನು ನಿತಿನಾ ಹುತಿ ತೆ ಮನಕ್ಕೊನೆ ದೆಕಾಡಿನ ದಿವಸ. ಇತ್ತಿ ಉಪ್ಪರ ಮನೆ ತುಮೆ ದೆಕ್ತಾ ನೈ.

11 ಕ್ಹರಿನಾ ಪೈಸಲಾನಾ ಹುತಿ ಕ್ಹರಿನೊ ತೆ ಸಹಾಯಕ ಎ ಜಗತ್ತ್ ದೆಕಾಡಿನ ದಿವಸ, ಕಾಕದ್ಯಾಮ ಎ ಜಗತ್ತಾ ಅದಿಪತಿನೆ ಪೈಸಲೊ ಧೈಗಯೊಸ.

12 ಮಿ ತುಮೋನೆ ಕವಾನಿಯೊ ಸಂಗತಿಯೊ ಹಜ್ಜುನ ಘನಿಯೊ ಛೆ. ವರಿಬಿ ತೆ ಸಂಗತಿಯೊ ತುಮೆ ಸಹಿಸಿ ನೈಲಿತಾ.

13 ವರಿ ತೆ ಸತ್ಯನಿ ಆತ್ಮಾ ಆತಾಮಾ, ತುಮೋನೆ ತೆ ಹರಿ ಯಕ್ಕ ಟೈಮ್ಮಾ ಕ್ಹರಿಕ್ಕು ಅಗೊ ಚಲಾವಸ. ಸತ್ಯನಿ ಆತ್ಮಾ ಬೊಲಾನು ತಿನು ನ್ಹವೈ ತೆ ಐಕಲಜ ತೆ ಕವಸ. ಧಾವಾನಿಯೊ ಸಂಗತಿಯೊಜ ತುಮೋನೆ ಕವಸ.

14 ಕ್ಹರಿನಿ ಆತ್ಮಾ ಮಾರಿಯೊಜ ವಾತೊ ಐಕಿನ ತುಮೋನೆ ಕವಾನಾ ಮುಲಕ ಮನೆ ಮಹಿಮಾ ಕರಸ.

15 ಮಾರಾ ಬಾನೆ ರ್ಹಯಲ ಕ್ಹಾರುಜ ಮಾರು ವ್ಹೈ ತಿನಾಹುತಿ, ಪವಿತ್ರ ಆತ್ಮಾ ಮಾರಿಯೊಜ ವಾತೊ ಐಕಿನ, ತುಮೋಕನ ಕವಸ ಕೈನ ಕದ್ಯೊ.

ದುಖ ವರಿ ಖುಶಿ

16 ದಕ್ಷಿಯೆಳ ಥಯಲ್ಪರ ತುಮೆ ಮನೆ ದೆಕ್ತಾ ನೈ ತೆ ಥಯಲ್ಪರ ದಕ್ಕು ಟೈಮ ಥಯಲ್ಪರ ತುಮೆ ಮನೆ ವರಿ ದೆಕೊಶಿ"

17 ಶಿಷ್ಯಾವೊನಾ ದಕ್ಖಜನಾ"ದಕ್ಷಿಯೆಳ ಪರ ತುಮೆ ಮನೆ ನೈ ದೆಕ್ತಾ. ತೆನ್ನೆಸೊ ಪಾಚಾತಾ ದಕ್ಖ ಟೈಮ ಥಯಲ್ಪರ ಮನೆ ವರಿ ದೆಕೊಶಿ. ಕಾಕದ್ಯಾಮ ಮಿ ಬಾಕನ ಚಾಲ್ಯೊಸ "ಕೈನ ತೆ ಕದಲನು ಮತ್ಲಬ ಸು ವ್ಹೈ? ಕೈನ ಯಕ್ಕೆ ಯಕ್ಕ ಬೊಲಿ ಲಿವಾನು ಶುರು ಕರ್ಯ್.

18 ಶಿಷ್ಯಾ"ದಕ್ಷಿಯೆಳ ಕದ್ಯಾಮ ಸು ವ್ಹೈ? ತಿನಿ ವಾತ ಅಪೊನೆ ಗ್ವತ್ತ ನತ್ತಿ ಧಾವಾಡು"

19 ಶಿಷ್ಯಾ ಇನಾಹುತಿ ತಿನೆ ಪುಚ್ಚಸ ಕೈನ ಯೆಸುನೆ ಗ್ವತ್ತ ವ್ಹತ್ತು. ತಿನಾಹುತಿ ತೆ"ದಕ್ಷಿಯೆಳ ಥಯಲ್ಪರ ತುಮೆ ಮನೆ ನೈ ದೆಕ್ತಾ. ತೆನ್ನೆಸೊ? ಪಾಚಾತಾ ದಕ್ಖ ಟೈಮ ಥಯಲ್ಪರ ಮನೆ ದೆಕೊಶಿ "ಕೈನ ಮಿ ಕದಲನು ಮತ್ಲಬ ಸು ವ್ಹೈ ಕೈನ ತುಮೆ ಯಕ್ಕೆ ಯಕ್ಕ ಪುಚ್ಚಾಡ್ಯಾಸ ಸು?

20 ತುಮೊನೆ ಕ್ಹರಿಜ ಕೌಸ. ತುಮೆ ರವೊಶಿ, ಗೊಳಾಡೊಶಿ. ತೆನ್ನೆಸೊ ದುನಿಯಾ ಖುಶಿ ಧಾವಸ. ತುಮೆ ದುಖಿ ಧಾವೊಶಿ, ತೆನ್ನೆಸೊ ತುಮಾರು ದುಖಿ ಖುಶಿ ಧಾವಸ.

21 ಪೆಟೆ ರ್ಡಿಯಲ ಬಾಕ್ಡಿ ಜನ್ನಾನೊ ಟೈಮ ಆತಾಮಾ ತ್ರಾಸ ಖಾವಸ. ಬಚ್ಚು ಹುಟ್ಟಲ ಪರ, ದುನಿಯಾಮಾ ಯಕ್ಕ ಬಚ್ಚು ಹುಟ್ಟು ಕೈನ ಖುಶಿಕ್ಕು ತೆ ತಿನೆ ಥಯಲ ತ್ರಾಸ ಇಕ್ಹರಿ ಪಾಡಸ.

22 ಎ ತುಮೊನೆಬಿ ಲಾಗು ಧಾವಸ. ಹಮ್ಮಾ ತುಮೆ ದುಖಿಮಾ ಛಿ. ತೆನ್ನೆಸೊ ತುಮೆ ನೆ ವರಿ ದೆಕಲ್ಪರ ಖುಶಿ ಧಾವೊಶಿ. ತೆ ಖುಶಿನೆ ಕುನ್ನಜ ತುಮೊ ಕಂತು ನೈ ಕಾಳೆತು.

23 ತೆ ದಿನೊಮಾ ತುಮೆ ಮನೆ ಸುಜ ಪುಚತಾ ನೈ ಮಿ ತುಮೊನೆ ಕ್ಹರಿಜ ಕೌಸ. ತುಮೆ ಮಾರಾ ನಾಮಪರ ಸು ಪುಚ್ಚಾತಬಿ ಬಾ ತುಮೊನೆ ದಿವಸ.

24 ಹಜ್ಜುನ ಲಕ್ಕಾ ತುಮೆ ಮಾರಾ ನಾಮಪರ ಸು ಮಾಂಗಿಲಿದ್ಯಾ ನೈ ಮಾಂಗೊ ವರಿ ತೆಳಾಮಾ ತುಮೊನೆ ಮಳಸ. ವರಿ ತುಮಾರಿ ಖುಶಿ ಪುರಾ ಧಾವಸ.

ದುನಿಯಾ ಪರ ಝಿತ್ತ

25 "ಮಿ ತುಮೊನೆ ಎ ಸಂಗತಿಯೊ ಕಾನಿಯೊನಾ ಮುಕಾಂತರ ಕದ್ಯೊ ವರಿ ಟೈಮ ಆವಸ. ತೆಳಾಮಾ ಮಿ ಕಾನಿ ಕದ್ಯಾವಾಚಿ ಮಾರಾ ಬಾನಾ

ಹುತಿ ಸಿದಾ ವಾತೊಮಾ ಕೌಸ.

26 ತೆಳಾಮಾ ತುಮೆ ಮಾರಾ ನಾಮಪರ ಬಾಕನ ಮಾಂಗಿಲಿವೊಸಿ. ತೆಳಾಮಾ ಮಿ ತುಮಾರಾ ಹುತಿ ಬಾನೆ ಮಾಂಗಿಲಿವಾನು ಜರುರತ್ತಜ ರ್ಹತ್ತಿ ನೈ.

27 ಹೊ, ಬಾಜ ಕ್ಕುದ್ದ ತುಮೊನೆ ಮಯಾ ಕರಸ. ತುಮೆ ಮನೆ ಕಯಾ ಕರಲ ಹುತಿ ವರಿ ಮಿ ಕ್ಕುದಾ ಕಂತೊ ಆಯೊಸ ಕೈನ ತುಮೆ ಬರೊಕ್ಕೊ ಕರಲ ಹುತಿ ತೆ ತುಮೊನೆ ಮಯಾ ಕರಸ.

28 ಮಿ ಬಾಕಂತೊ ಎ ದುನಿಯಾಮಾ ಆಯೊ. ಹಮ್ಮಾ ಮಿ ಎ ದುನಿಯಾ ಛೊಡಿನ ಬಾಕನ ವರಿ ಚಾಲ್ಯೊಸ "ಕೈನ ಕದ್ಯೊ.

29 ತೆಳಾಮಾ ಶಿಷ್ಯಾ"ಹಮ್ಮಾ ತು ಮಾರಾ ಕ್ಕಾತೆ ಕರೆಟ್ಟ ಬೊಲಾಡೊಸ. ನೈಕಳಾನು ಕರಿನ ವಾತೊ ತು ಉಪಯೊಗ ನತ್ತಿ ಕರಾಡ್ಯೊ ನತ್ತಿ.

30 ತುನೆ ಕ್ಕಾರಿಯೊ ಸಂಗತಿಯೊ ಕಳಿಯೊಸ ಕೈನ ಹಮೊನೆ ಹಮ್ಮಾ ಕಳಿಯೊ. ಯಕ್ಕೊ ಪ್ರಶ್ನೆ ಪುಚ್ಚಾತಿ ಪೈಲಾಜ ತು ತಿನಾ ಪ್ರಶ್ನೆನೆ ಜವಾಬ ದೆಶಿ. ಇನಾಹುತಿ, ತು ಕ್ಕುದಾಕಂತೊ ಆಯೊಸ ಕೈನ ಹಮೆ ಬರೊಕ್ಕೊ ಕರಿಯೆಸ" ಕೈನ ಕದ್ಯಾ.

31 ಯೆಸು ತ್ಯುನೊನೆ"ಸು ತುಮೆ ಹಮ್ಮಾ ಬರೊಕ್ಕೊ ಕರೊಶಿ?

32 ಮನೆ ಏಕೊ ತುಮೆ ಜುದಾ ಥಾವಾನೊ ಟೈಮ ಆಯೊಸ. ತುಮೊಮಾ ಹರಿ ಯಕ್ಕೊ ತಿನಾ ಸ್ವಂತ ಘರೆ ಜಾವಸ. ತುಮೆ ಮನೆ ಯಕ್ಕಾನೆಜ ಛೊಡಿನ ಜಾವೊಸಿ. ತೆನ್ನೆಸೊ ಕ್ಕರಿಮಾಜ ಮಿ ಕೆಳಾಮಾಜ ಯಕ್ಕೊ ನತ್ತಿ. ಕಾಕದ್ಯಾಮ ಬಾ ಮಾರಾ ಕ್ಕಾತೆ ಛಿ.

33 "ತುಮೊನೆ ಮಾರಾಮಾ ಶಾಂತಿ ಮಳಾದೆ ಕೈನ ಮಿ ತುಮೊನೆ ಎ ಕ್ಕಾರಿಯೊ ಸಂಗತಿಯೊ ಕದ್ಯೊಸ. ಎ ದುನಿಯಾಮಾ ತುಮೊನೆ ತ್ರಾಸ ದಿವಸ. ವರಿಬಿ ಧೈರ್ಯಕ್ಕು ರ್ಹವೊ! ಕಾಕದ್ಯಾಮ ಮಿ ಎ ದುನಿಯಾನೆ ಝಿತ್ಯೊಸ" ಕೈನ ಕದ್ಯೊ.

17

ಯೆಸು ತಿನಾ ಶಿಷ್ಯಾವೊನಾ ಹುತಿ ಪ್ರಾಥನಾ ಕರಲ

1 ಎ ಕ್ಹಾರಾ ಸಂಗತಿಯೊ ಕದಲ್ಪರ ಯೆಸು ಸ್ವರ್ಗ ಬಗಲ ದೆಕಿನ ಅಮ್ಮ ಪ್ರಾಥನಾ ಕರೊ: "ಬಾ, ಟೈಮ ಆಯೊಸ. ತಾರಾ ದಿಕ್ತಾನೆ ಮಹಿಮಾ ಕರ. ತಿನಾಹುತಿ ತೆ ದಿಕ್ತೊ ತುನೆ ಮಹಿಮಾ ಕರಾದೆ.

2 ಕಾ ದ್ಯಾಮ ಕ್ಹಾರಾ ಮನಕ್ಲೊ ಪರ ತು ತಿನೆ ಅಧಿಕಾರ ದಿದ್ಯೊಸ. ಅಮ್ಮತೆ ತು ತಿನೆ ದಿದಲ ಕ್ಹಾರಾವೊನೆ ಹಮೆಶಾನೊ ಜಲಮ ದಿವಾದೆ.

3 ಯಕ್ಲೊಜ ಕ್ಹರಿನೊ ಕ್ಹುದಾ ರ್ಲಯಲ ತುನೆ ವರಿ ತು ವಳಾಯಲ ಯೆಸು ಕ್ರಿಸ್ತನೆ ತಿಳ್ಳಿಲಿವಾನುಜ ಹಮೆಶಾನೊ ಜಲಮ ವ್ಹೆ.

4 ತು ಮನೆ ದಿದಲ ಕಾಮ ಮಿ ಪುರಾ ಕರೊ. ಮಿ ಜಿಮಿನ ಪರ ಮಹಿಮಾ ದೆಕಾಡ್ಲೊ.

5 ಹಮ್ಮಾ ಬಾ, ತು ತಾರಾ ಸನ್ನಿಧಿಮಾ ಮಾರಿ ಮಹಿಮಾ ಕರ. ಎ ದುನಿಯಾ ಸೃಷ್ಟಿ ಥಾವಾತಿ ಪೈಲಾ ಮಿ ತಾರಾ ಕ್ಹಾತೆ ಹೊಂದಿಲಿದಲ ಮಹಿಮಾ ಮನೆ ದೆ.

6 "ತು ಎ ದುನಿಯಾನಾ ಮನಕ್ಲೊನೆ ಮನೆ ದಿದ್ಯೊಮಿ ತ್ಯುನೊನೆ ತುನೆ ದೆಕಾಡಿನ ದಿದ್ಯೊ. ತ್ಯುನೆ ತಾರಾ ವ್ಹತ್ತಾ, ತೆನೈಸೊ ತು ತ್ಯುನೊನೆ ಮನೆ ದಿದ್ಯೊವರಿ ತ್ಯುನೆ ತಾರಿ ಆಗನ್ಯಾವೊನೆ ವಿಧಿಯ ಥಯಾ.

7 ತು ಮನೆ ದಿದಲ ಹರಯಕ್ಕಬಿ ತಾರಾಕ್ಹುಆಯುಸ ಕವಾನು ಇವೊನೆ ಹಮ್ಮಾ ಗ್ವತ್ತ ಥಯು.

8 ತು ಮನೆ ದಿದಲ ಸಂದೆಶ ಮಿ ಇವೊನೆ ದಿದ್ಯೊಸ. ಇವ್ವೆತೆ ಸಂದೆಶ ಸ್ವಿಕಾರ ಕರಿಲಿದ್ಯಾಸ. ಮಿ ಕ್ಹರಿಬಿ ತುಕಂತೊ ಆಯೊಸ ತ್ಯುನೊನೆ ಗ್ವತ್ತ ಛಿ. ತುಜ ಮನೆ ವಳಾಯಲ ವ್ಹೆಕ್ಲೆನ ಇವ್ವೆ ಬರೊಕ್ಲೊ ಕರಾಸ.

9 ಮಿ ಇವ್ವಾ ಹುತಿ ಪ್ರಾಥನಾ ಕರುಸ. ಎ ದುನಿಯಾಮಾ ರ್ಲವಾನಾ ಮನಕ್ಲೊನಾ ಹುತಿ ಮಿ ಪ್ರಾಥನಾ ಕರಾಡೊ ನತ್ತಿ. ತೆನೈಸೊ ತು ಮನೆ ದಿದಲ ಇವ್ವಾ ಹುತಿ ಪ್ರಾಥನಾ ಕರಾಡ್ಲೊಸ. ಕಾಕದ್ಯಾಮ ಇವ್ವೆ ತಾರಾ ವ್ಹೆ.

10 ಮಾರಾಮಾ ರ್ಲವಾನು ಕ್ಹಾರು ತಾರುಜ ವ್ಹೆ ವರಿ ತುಕನ ರ್ಲವಾನು ಕ್ಹಾರು ಮಾರುಜ ವ್ಹೆ ಇನಾಹುತಿ ಮನೆ ಮಹಿಮಾ ಥೈಸ.

11 "ಹಮ್ಮಾ ಮಿ ತುಕನ ಆವಾಡ್ಲೊಸ. ಹಜುನ ಮಿ ಎ ದುನಿಯಾಮಾ

ರಕ್ಷತೊ ನೈ ವರಿಬಿ ಇವ್ವೆ ಹುಜನ ಎ ದುನಿಯಾಮಾ ರಕ್ಷವಸ. ಪವಿತ್ರ ಥಯಲ ಬಾ, ತು ಮನೆ ತಾರಾ ನಾಮನಿ ತಾಕತಕ್ಕು ಇವ್ವೊನೆ ಕೈದಿನ ವಚಾಡ. ತೆ ನಾಮನೆ ಮಿ ಹಮೆಶಾ ಮ್ಹೆಲು. ತುಬಿ ಮಿ ಮಳಿನ ರಕ್ಷಯಲ ಲಿಂಗತ ಇವ್ವೆ ಯಕ್ಕ ಧೈನ ರಕ್ಷವಾನೆ ತೆಳಾಮಾ ಥಾವಸ.

12 ಮಿ ಇವ್ವಾ ಕ್ಷಾತೆ ರಕ್ಷತಾಮಾ ತಾರಾ ನಾಮನಿ ತಾಕತ ಕ್ಷು ಇವ್ವೊನೆ ಕೈದಿನ ವಚಾಡ್ಲೊ ತೆ ನಾಮ ಮನೆ ತು ದಿದ್ಲೊತೊ. ಪವಿತ್ರ ಗ್ರಂಥಮಾ ರಕ್ಷಯಲ ಪುರಾ ಥಾವಾನಾ ಹುತಿ ಮಿ ತ್ಯುನೊನೆ ವಚಾಡು ವರಿ ತ್ಯುನೊಮಾನೊ ಯಕ್ಕೊಬಿ ಹಾಳ ಥಯೊ ನೈ ವಿನಾಶನೊ ದಿಕ್ರೊ ಥಯಲವಾಲಾನೆ ಛೊಡಿನಜವೈ ಭಾವಾನೆ ಇನಿಲಿದಲ (ಯುದ ಕವಾಲೊ) ಯಕ್ಕಲೊಜ ಇವ್ವೊಮಾ ಹಾಳ ಥಯೊ.

13 "ಹಮ್ಮಾ ಮಿ ತುಕನ ಆವಾಡ್ಲೊಸ. ವರಿಬಿ ಮಿ ಎ ದುನಿಯಾಮಾ ರಕ್ಷತಾಮಾಜ ಎ ಸಂಗತಿಯೊನಾ ಹುತಿ ಪ್ರಾಥನಾ ಕರುಸ. ಎ ಮನಕ್ಕೊ ಮಾರಿ ಖುಶಿ ವ್ಹಂದಿಲ್ಯು ಕೈನ ವರಿ ಮಾರಿ ಖುಶಿ ಪುರಾ ರಕ್ಷಾ ಕೈನ ಎ ಸಂಗತಿಯೊ ಕವಾಡ್ಲೊಸ.

14 ಮಿ ಇವ್ವೊನೆ ತಾರಿ ವಾಕ್ಯಾ ದಿದ್ಲೊಸ. ಎ ದುನಿಯಾ ಇವ್ವೊನೆ ಶಿಟ್ಟ ಮ್ಹೆಲಸ. ಮಿ ಎ ದುನಿಯಾನೆ ಕೈತರಾ ಮಿ ನತ್ತಿ ಮಳ್ಳೊ ತಿನಾ ಲಿಂಗತಜ ಇವ್ವೆ ಎ ಲೊಕನೆ ಮಳಲ ವಾಲಾ ನ್ಹವೈ ತಿನಾಹುತಿ ಎ ದುನಿಯಾ ಇವ್ವೊನೆ ಶಿಟ್ಟ ಮ್ಹೆಲಸ.

15 "ತು ಇವ್ವೊನೆ ಎ ದುನಿಯಾಮಾತೊ ಕಾಳ್ಕು ಕೈನ ಮಿ ಪುಚ್ಚಾಡೊ ನತ್ತಿ. ತೆನೈಸೊ ಇವ್ವೊನೆ ಕೆಟ್ಟಕ್ಕು ವಚ್ಚಾಡಿನ ಚೊಕಿ ಥರಾ ರಕ್ಷಾ ಕೈನ ಮಿ ಪ್ರಾಥನಾ ಕರಾಡ್ಲೊಸ.

16 ಮಿ ಎ ದುನಿಯಾಮಾ ಕಿಮ ನತ್ತಿ ಮಳ್ಳೊ ತಿನಾ ಲಿಂಗತಜ ಇವ್ವೆ ಎ ದುನಿಯಾನಾ ನ್ಹವೈ.

17 "ತಾರಿ ಕ್ಷರಿನಾ ಮುಲಕ ತು ಇವ್ವೊನೆ ತಾರಿ ಸೆವೆನೆ ಸಮರ್ಪಣೆ ಕರಿ ಲೆ. ಕ್ಷರಿನಾ ಹುತಿ ತಾರಾ ವಾತೊ ಕ್ಷರಿಜ ವ್ಹೈ.

18 ತು ಮನೆ ಎ ದುನಿಯಾಮಾ ವಳಾಯಲ ಲಿಂಗತ ಮಿ ಇವ್ವೊನೆ ಎ ದುನಿಯಾಮಾ ಮೊಕ್ಕೊಸ.

19 ಇವ್ವೆ ಕ್ಕರಿಮಾಜ್ಜ ತಾರಿ ಸೆವೆನೆ ಒಪ್ಪಿನ ದಿವ್ ಕೈನ ಮನೆ ಮಿಜ್ಜ ತುನೆ ಒಪ್ಪಿನ ದಿದ್ವೊಸ.

20 "ಮಾರಿ ಪ್ರಾಥನಾ ಇವ್ವಾ ಹುತಿ ಯಕ್ಕಜ್ಜ ನ್ಲವೈ ತೆನ್ನೈಸೊ ಇವ್ವಿಯೊ ವಾಕ್ಯಾಕ್ಲು ಮಪರ ಬರೊಕ್ಕೊ ಮ್ವೆಲಾಲಾ ಕ್ಕಾರಾ ಮನಕ್ಕೊನಾ ಹುತಿ ಪ್ರಾಥನಾ ಕರುಸ.

21 ಬಾ, ಮಪರ ಬರೊಕ್ಕೊ ಮ್ವೆಲಾಲಾ ಕ್ಕಾರಾ ಮನಕ್ಕೊ ಯಕ್ಕಜ್ಜ ಥಾ. ಕಿಮ್ಮ ತು ಮಾರಾಮಾ ಛಿ ವರಿ ಮಿ ತಾರಾ ಛಿ. ತ್ಯನೆಬಿ ಅಪ್ಪಾಮಾ ಯಕ್ಕ ಥಾವಾದೆ ತಿನಾಹುತಿ ದುನಿಯಾ ತುಜ್ಜ ಮನೆ ವಳಾಯೊಸ ಕೈನ ಬರೊಕ್ಕೊ ಕರಾದೆ.

22 ತು ಮನೆ ದಿದಲ ಮಹಿಮಾ ಮಿ ಎ ಮನಕ್ಕೊನೆ ದಿದ್ವೊಸ. ಇನಾಹುತಿ ತ್ಯನೆ ಯಕ್ಕ ಥಾವಾವೆ ಕಿಮ್ಮ ತು ವರಿ ಮಿ ಯಕ್ಕ ಛಿ.

23 ಮಿ ಇವ್ವೊಮಾ ರ್ವೊಸ ವರಿ ತು ಮಾರಾಮಾ ಛಿ. ಇಮ್ಮ ತ್ಯನೆ ಪುರಾಜ ಯಕ್ಕ ಥೈನ ರ್ವೊವಸ. ತುಜ್ಜ ಮನೆ ಮೊಕ್ಲಲ ಹುತಿ ತು ಮನೆ ಮಯಾ ಕರಲ ಲಿಂಗತ ಎ ಮನಕ್ಕೊನೆಬಿ ಮಯಾ ಕರಶಿ ಕೈನ ಎ ದುನಿಯಾ ವಳಕಸ.

24 "ಬಾ, ತು ಮನೆ ದಿದಲ ಇವ್ವೆ ಮಿ ರ್ವೊವಾನಿ ಕ್ಕಾರಿ ಜಗಾ ಮಾರಾ ಕ್ಕಾತಿ ರ್ವೊ ಕೈನ ವರಿ ಮಾರಿ ಮಹಿಮಾ ದೆಕು ಕೈನ ಆಸ ಕರುಸ. ಎ ದುನಿಯಾ ತಯ್ಯಾರ ಥಾವಾತಿ ಅಗ್ಗುರಜ್ಜ ತು ಮನೆ ಮಯಾ ಕರಲ ಹುತಿ ತುಜ್ಜ ಎ ಮಹಿಮಾ ದಿದ್ವೊ.

25 ನಿತಿ ಕ್ಕು ರ್ವೊಯಲ ಬಾ, ಎ ದುನಿಯಾ ತುನೆ ವಳಕಿ ನತ್ತಿ ವರಿಬಿ ಮಿ ತುನೆ ವಳಕ್ಕಯೊಸ. ವರಿ ತುಜ್ಜ ಮನೆ ಮೊಕ್ಕಲ್ಯೊಸ ಕವಾನು ಎ ಮನಕ್ಕೊನೆ ಗ್ವತ್ತ ಛಿ.

26 ಮಿ ತಾರು ಕ್ಕರಿನು ರುಪ ಇವ್ವೊನೆ ವಳಕ ಲಗಾಡ್ವೊಸ. ಮಿ ತಾರು ರುಪ ವರಿ ಇವ್ವೊನೆ ದೆಕಾಡುಸ. ತೆಳಾಮಾ ತಾರಿ ಮಯಾ ಮಪರ ಕಿಮ್ಮ ಛಿ, ತೆಜ್ಜ ಮಯಾ ಇವ್ವೊಮಾ ರ್ವೊವಸ ವರಿ ಮಿ ಇವ್ವೊಮಾ ರ್ವೊಸ"

18

ಯೆಸುನೆ ಧರಲ

1 ಯೆಸು ಪ್ರಾಥನಾ ಕರಲ ಪರ ತಿನಾ ಶಿಷ್ಯಾವೊನಾ ಕ್ಹಾತೆ ಗಯೊ. ತ್ಯಾನೆ ಕಿದ್ರೊನ ಕಣವಿ ದಾಟಿನ ಗಯಾ. ಯಕ್ಕ ಮಳಾಮಾ ಗಯೊ.

2 ಯೆಸುನೆ ಮೊಸ ಕರಲ ಯುದನೆಬಿ ಎ ಭಗಾ ಗ್ವತ್ತ ವ್ಹತ್ತಿ. ಕಾಕದ್ಯಾಮ ಯೆಸು ತಿನಾ ಶಿಷ್ಯಾವೊನಾ ಕ್ಹಾತೆ ತೆಳಾಮಾ-ತೆಳಾಮಾ ಆತೊತೊ.

3 ಯುದ ಸೈನಿಕೊನು ಯಕ್ಕ ಗುಂಪ ಖಾಸ ಯಾಜಕ ವರಿ ಫರಿಸಾಯರೊನಾ ಕೈದಾಲಾ ದಕ್ಖಾ ಮನಕ್ಕೊನೆ ಬಲೈ ಲಿನ ಮಳೊ ಆಯೊ. ತ್ಯಾನೆ ಬರಚಿಯೊ, ಅಯುದೊಕ್ಕುತಯ್ಯಾರ ಧೈನ ಆಯಾತಾ.

4 ತಿನೆ ಥಾವಾನು ಹರಯಕ್ಕ ಯೆಸುನೆ ಗ್ವತ್ತ ವ್ಹತ್ತು. ತೆ ಅಗೊ ಗೈನ"ತುಮೆ ಕಿನೆ ಹುಡಕಾಡಾಸ? ಕೈನ ಪುಚ್ಚೊ.

5 ತ್ಯಾನೆ ತಿನೆ "ನಜರೆತನಾ ಯೆಸುನೆ" ಕೈನ ಉತ್ತರ ದಿದ್ಯಾ. ತೆ "ತೆ ಮಿಜ ವ್ಹೈ" ಕದ್ಯೊ. ಯೆಸುನೆ ಮೊಸ ಕರಲ ಯುದ ತ್ಯಾ ತ್ಯಾನಾ ಕ್ಹಾತೆ ಹುಬ್ರಯೊತೊ.

6 ತೆ"ತೆ ಮಿಜ ವ್ಹೈ" ಕದಲ ಪರ ತ್ಯಾನೆ ಪಾಫಾ ಸರಕಿನ ಜಿಮಿನ ಪರ ಪಡ್ಯಾ.

7 ಯೆಸು ತ್ಯಾನೊನೆ ವರಿ "ತುಮೆ ಕಿನೆ ಹುಡಕಾಡಾಸ? ಕೈನ ಪುಚ್ಚೊ. ತ್ಯಾನೆ"ನಜರೆತನಾ ಯೆಸುನೆ" ಕೈನ ಕದ್ಯಾ.

8 ಯೆಸು, ತೆಳಾಮಾ ಕದಲ ತಿಮ್ಮ "ತೆ ಮಿಜ ವ್ಹೈ ಕೈನ ತುಮೊನೆ ಕದ್ಯೊಸ್ತೊ. ತುಮೆ ಮನೆ ಹುಡುಕತಾ ರ್ಹಯುಮ, ಉಗ್ರಲ ಇವೊನೆ ಜಾವಾನೆ ದಿವೊ" ಕೈನ ಕದ್ಯೊ.

9 "ತು ಮನೆ ದಿದಲ ಮನಕ್ಕೊಮಾ ಮಿ ಜವೈಲಿದ್ಯೊನೈ" ಕೈನ ಯೆಸು ಪೈಲಾಜ ಕದಲ ವಾತ ಅಮ್ಮ ಕ್ಹರಿ ಧೈ.

10 ಸಿಮೊನ ಪೆತ್ರಾಕನ ಯಕ್ಕ ತಲ್ವಾರ ವ್ಹತ್ತು. ತೆ ತಿನಿ ತಲ್ವಾರ ಕಾಡಿನ ಖಾಸ ಯಾಜಕನಾ ಸೆವಕನೊ ತಿನೊ ಸಿದಾ ಬಗಲನೊ ಕಾನ ಕತ್ರಿ ಪಾಡ್ಯೊ. ತೆ ಸೆವಕನು ನಾಮ ಮಾಲ್ಕುಸ ವ್ಹತ್ತು.

11 ಯೆಸು ಪೆತ್ರಾನೆ"ತಾರಿ ತಲ್ವಾರ ಮ್ಯಾನಮಾ ಫಾಲ! ಬಾ ಮನೆ ದಿದಲ ತ್ರಾಸನೊ ತಾಂಬ್ಯೊ ಮಿ ತೆ ಸ್ವಿಕಾರ ಕರು" ತು ಇಮ್ಮ ಸೊಚತೊ ಸು? ಕೈನ ಕದ್ಯೊ.

ಅನ್ನಾನಾ ಕ್ಷಾಮೋ ಯೆಸು

12 ಪಾಚಾತಾ ತೆ ರೊಮನಾ ಸೈನಿಕೊ, ತ್ಯುನಾ ಸೆನಾದಿಪತಿ ವರಿ ಯಹುದಿಯೊನೆ ಕೈದಾಲಾ ಯೆಸುನೆ ಧರಿನ ಭಾಂದಿನ, ಲಾಯಾ.

13 ಅನ್ನಸಕನ ಲಾಯಾ. ತೆ ವರಕ್ತ ಕಾಯಫ ಖಾಸ ಯಾಜಕ ವ್ಹತ್ತೊ. ಅನ್ನ ಕಾಯಫನೊ ಮಾಮೊ ವ್ಹತ್ತೊ.

14 ಕ್ಷಾರಾ ಮನಕ್ಪೊನಾ ಹುತಿ ಯಕ್ಲೊಜ ಮರಾನು ಚೊಕು ವ್ಹತ್ತೊ ಕವಾನು ಯೆಹುದಿನಾ ಅದಿಕಾರಿಯೊನೆ ಸಲಹೆ ದಿದಲವಾಲೊ ಎಜ್ಜ ಕಾಯಫ ವ್ಹತ್ತೊ.

ಪೆತ್ರಾ ಯೆಸುನೆ ಇನ್ನಾರಲ

15 ಸಿಮೊನ ಪೆತ್ರಾ ವರಿ ಯೆಸುನಾ ಶಿಷ್ಯಾವೊನಾ ಬಿಜೆಕ್ಲೊ ಯೆಸುನಾ ಪಾಚಾ ಗಯಾ. ತೆ ಬಿಜೆಕ್ಲಾ ಶಿಷ್ಯಾನೆ ಖಾಸ ಯಾಜಕನಿ ವಳಕ ವ್ಹತ್ತಿ. ತಿನಾಹುತಿ ತೆ ಖಾಸ ಯಾಜಕನಾ ಘರನಾ ಅಂಗಳ ಕನ ಗಯೊ.

16 ತೆನ್ನೆಸೊ ಪೆತ್ರಾ ಭಾರಲ್ಯಾ ಬಾಕಲನಾ ನಜಿಕ ಹುಬ್ರಯೊ. ಖಾಸ ಯಾಜಕನಿ ವಳಕ ರ್ಹಯಲ ವರಿ ಯಕ್ತ ಶಿಷ್ಯೊ ಭಾರೊ ಐನ ದ್ವಾರನು ಬಾಕಲ ಕೈದಾಲಿ ಕನ ಐನ ತಿನಾ ಕ್ಷಾತೆ ಬೊಲಿನ ಪೆತ್ರಾನೆ ಮ್ಹೈ ಬಲೈಲಿನ ಗಯೊ.

17 ದ್ವಾರನು ಬಾಕಲ ಕೈದಾಲಿ ಪೆತ್ರಾನೆ "ತೆ ಮನಕ್ಪನಾ ಕ್ಷಾತೆ ರ್ಹಯಲ ಶಿಷ್ಯಾವೊಮಾನೊ ತುಬಿ ಯಕ್ಲೊ ನ್ಹವೈಸು? ಕೈನ ಪುಚ್ಚಿ ಪೆತ್ರಾ "ನ್ಹವೈ ಮಿ ನ್ಹವೈ" ಕೈನ ಕದ್ಲೊ.

18 ತೆಳಾಮಾ ಥಂಡ ರ್ಹಯಲ ಹುತಿ ಕೈದಾಲಾ ವರಿ ಸೆವಕೊ ಆಗ ಲಗಾಡಿನ ತಿನಾ ಸುತ್ತೆ ಹುಬ್ರೈನ ತ್ಯುನೆ ಶೆಕಿಲಿವಾಡ್ಯಾತಾ. ಪೆತ್ರಾ ತ್ಯುನಾ ಕ್ಷಾತೆ ತ್ಯಾಗೈನ ಹುಬ್ರೈನ ಶೆಕಿಲಿವಾಡೊತೊ.

ಖಾಸ ಯಾಜಕ ಯೆಸುನೆ ಪ್ರಶ್ನೆ ಪುಚಚಲ

19 ಖಾಸ ಯಾಜಕ ಯೆಸುನೆ ತಿನಾ ಶಿಷ್ಯಾವೊನಾ ಹುತಿ ತೆ ಉಪದೆಶ ಕರಲ ಸಂಗತಿಯೊನಾ ಹುತಿ ಪ್ರಶ್ನೆ ಪುಚ್ಚೊ.

20 ತಿನಾ ಹುತಿ ಯೆಸು "ಮಿ ಮನಕ್ಪೊನಾ ಕ್ಷಾತೆ ಬೊಲ್ಯೊಸ" ಹಮೆಶಾಬಿ ಸಬಾಮಂದಿರೊಮಾ ವರಿ ದೆವಾಲಯಮಾ ಬೊದನೆ

ಕರೆಯಿಸ. ಯಹುದ್ಯೊ ಕ್ಹಾರಾ ತ್ಯಾ ಮಳಿನ ಆತಾತಾ. ಮಿ ಕಯುಜ್ಜ ರ್ಹಾಕಿನ ಕದ್ಯೊ ನತ್ತಿ.

21 ಇಮ್ಮ ರ್ಹತಾಮಾ, ತು ಮನೆ ಪ್ರಶ್ನೆ ಪುಚ್ಚಾನು ಕಾ? ಮಾರು ಉಪದೆಶ ಐಕಲ ಮನಕ್ಕೊನೆ ಪುಚ್ಚೊ ಮಿ ಕದಲ ತ್ಯುನೊನೆ ಗ್ವತ್ತ ಛಿ ಕೈನ ಕದ್ಯೊ

22 ಯೆಸು ಇಮ್ಮ ಕದಲ ಬರೊಬ್ಬರ, ತ್ಯಾ ಹುಬ್ರಯಲ ಕೈದಾಲಾವೊಮಾನೊ ಯಕ್ಕೊ ಯೆಸುನೆ ಛಕ್ಕಡ ಮಾರಿನ"ತು ಖಾಸ ಯಾಜಕನಾ ಕ್ಹಾತೆ ತಿಮ್ಮ ಬೊಲಾನೆ ಕಕ್ಕಿ ಧೈರ್ಯ ಛಿ" ಕದ್ಯೊ

23 ಯೆಸು ತಿನೆ, ಯಕ್ಕೆಳೆ "ಮಿ ತಪ್ಪ ಬೊಲ್ಯಲ ರ್ಹಯಮ ಮಿ ಕದಲ ತಪ್ಪ ವ್ಹೈ ಕೈನ ಕ್ಹಾರಾವೊನೆ ಕ್ಹಾಮೆ ಕೆ ಮಿ ಸು ತಪ್ಪ ಕದ್ಯೊ. ತೆನ್ನೆಸೊ ಮಿ ಕದಲ ಕರೆಟ್ಟ ಕದಲ ರ್ಹಯಮ ತು ಮನೆ ಮಾರ್ಕೊ ಶಾನೆ? ಕೈನ ಉತ್ತರ ದಿದ್ಯೊ

24 ತೆಳಾಮಾ ಅನ್ನಸ ಯೆಸುನೆ ಭಾಂದಿನ, ಖಾಸ ಯಾಜಕ ಥಯಲ ಕಾಯಫ ಕನ ವಳ್ಳಿನ ದಿದ್ಯೊ

ಪೆತ್ರಾ ವರಿಯಕ್ಕ ಸಲಾ ಇನ್ನಾರಲ

25 ಸಿಮೊನ ಪೆತ್ರಾ ತ್ಯಾಜ ಹುಬ್ರೈನ ಶೆಕಿಲಿವಾಡೊತೊ. ತ್ಯಾಂತಾ ತ್ಯುನೆ ಪೆತ್ರಾನೆ"ತೆ ಮನಕ್ಕನಾ ಶಿಷ್ಯಾವೊನಾ ತುಬಿ ಯಕ್ಕೊ ವ್ಹೈ ನೈ? ಕೈನ ಪುಚ್ಚಾ ತೆನ್ನೆಸೊ ಪೆತ್ರಾ"ನ್ವವೈ ಮಿ ನ್ವವೈ" ಕೈನ ಕದ್ಯೊ

26 ಖಾಸ ಯಾಜಕನಾ ಸೆವಕೊಮಾ ಯಕ್ಕೊ ಪೆತ್ರಾ ಕಾನ ಕಾಟಲ ಸೆವಕನೊ ಸಂಬದಿಕ ವ್ಹತ್ತೊ. ತೆ ಸೆವಕ"ತು ಮಳಾಮಾ ತಿನಾ ಕ್ಹಾತೆ (ಯೆಸುನಾ ಕ್ಹಾತೆ) ರ್ಹಯಲ ಮಿ ದೆಕಲ ಲಿಂಗತ ಛಿ" ಕೈನ ಕದ್ಯೊ

27 ತೆನ್ನೆಸೊ ಪೆತ್ರಾ ವರಿ"ನ್ವವೈ ಮಿ ತಿನಾ ಕ್ಹಾತೆ ನ್ಹೊತೊ" ಕದ್ಯೊ ತೆಳಾಮಾಜ್ಜ ಕುಕ್ಕೊ ಬಾಂಗ ದಿದ್ಯೊ

ಪಿಲಾತನನಾ ಕ್ಹಾಮೊ ಯೆಸು

28 ಪಾಘಾತಾ ಯಹುದ್ಯೊ ಯೆಸುನೆ ಕಾಯಫನಾ ಘರತಾ ರೊಮ ರಾಜ್ಯಪಾಲನಾ ಭವನ ಕನ ಲಿನ ಆಯಾ. ತೆಳಾಮಾ ಪಾಟ ದೈತಿ.

ಯಹುದ್ಯೊ ಭವನನಾ ಮ್ಹೊ ಗಯಾ ನೈ ತ್ಯನೆ ಪಸ್ಸ ಸನ್ನನು ಅನ್ನ ಚಾಯೆ ಕೈನ ರ್ಹಯಲ ಹುತಿ ತ್ಯನೊನೆ ಅಶುದ್ಧೊ ಧೈನ ಕರಿಲಿವಾನೆ ಪಸಂದ ಕರ್ಯಾ ನೈ

29 ತಿನಾಹುತಿ ಪಿಲಾತನ ತೆ ಯಹುದ್ಯೊ ಕನ ಐನ"ಎ ಮನಕ್ಟನಾ ಉಪ್ಪರ ತುಮೆ ಫಾಲ್ಯಲ ಅಪರಾದ ಸು ವ್ಹೊ? ಕೈನ ಪುಚ್ಚೊ.

30 ಯಹುದ್ಯೊ"ಎ ಯಕ್ಕ ಕೆಟ್ಟ ಮನಕ್ಟ ವ್ಹೊ ತಿನಾಹುತಿ, ಹಮೆ ಇನೆ ತುಕನ ಬಲೈನ ಲಾಯಾಸ" ಕೈನ ದಿದ್ಯಾ.

31 ಪಿಲಾತನ ಯಹುದಿಯೊನೆ"ಯಹುದ್ಯೊ ಥಯಲ ತುಮೆಜ್ಜ ಅನೆ ಬಲೈ ಲಿನ ಗೈನ ತುಮಾರಾ ಧರಮಶಾಸ್ತ್ರನಾ ಲಿಂಗತ ಪೈಸಲೊ ಕರೊ" ಕೈನ ಕದ್ಯೊ ಯಹುದ್ಯೊ"ತೆನೈಸೊ ಯಕ್ಕಾನೆ ಮೌತನೊ ಪೈಸಲೊ ಕರಾನೆ ಹಮಾರು ಕಾನುನ ಮೌಕೊ ನೈದೆತು" ಕೈನ ಉತ್ತರ ದಿದ್ಯಾ.

32 ತಿನೆ ಮರಾನಾ ತರಿಕಾನಾ ಹುತಿ ಯೆಸು ಕದಲ ವಾತ ಇಮ್ಮ ಕ್ಹರಿ ಥಾವಾನಾ ಹುತಿ ಇಮ್ಮ ಥಯು.

33 ಪಾಚಲ್ತೊ ಪಿಲಾತನ, ಭವನಮಾ ಫರಿನ ಗೈನ, ಯೆಸುನೆ ಬಲೈನ"ತು ಯಹುದ್ಯೊನೊ ರಾಜೊ ವ್ಹೊಸು? ಕೈನ ಪುಚ್ಚೊ.

34 ಯೆಸು"ಎ ತಾರು ಸವಾಲ ವ್ಹೊಸು? ತೆನೈಸೊ ಮಾರಾ ಹುತಿ ಬಿಜಾ ಮನಕ್ಹೊತುನೆ ತಿಳಸ್ಯಾಸು? ಕದ್ಯೊ.

35 ತೆಳಾಮಾ ಪಿಲಾತನ ಕದ್ಯೊ"ಮಿ ಯಹುದ್ಯೊನೊ ನ್ಹವೈ ತಾರಾ ಸ್ವಂತ ಮನಕ್ಹೊ ವರಿ ತ್ಯನಾ ಖಾಸ ಯಾಜಕೊ ತುನೆ ಬಲೈನ ಐನ ಮಾರಾ ಕ್ಹಾಮಾ ಹುಬ್ರಾಡ್ಯಾಸ. ತು ಸು ಕರೊ? ಕೈನ ಪುಚ್ಚೊ.

36 ಯೆಸು"ಮಾರಿ ರಾಜ್ಯ ಎ ದುನಿಯಾನೆ ಮಳಲ ನ್ಹವೈ ತೆ ಎ ದುನಿಯಾನೆ ಮಳಲ ರ್ಹವತ್ತು ಯಹುದ್ಯೊನಾ ಹತ್ಮಾ ಕ್ಹಾಪಡ್ಯಾವಾಚಿ ಮಿ ಕ್ಹಾಪಡೆ ನೈಸೊ ಮಾರಾ ಸೆವಕೊ. ತೆನೈಸೊ ಮಾರಿ ರಾಜ್ಯ ನ್ಹಾನು ನ್ಹವೈ" ಕದ್ಯೊ.

37 ಪಿಲಾತನ"ತಿಮ್ಮ ರ್ಹಯುಮ ತು ರಾಜೊ ವ್ಹೊಸು? ಕದ್ಯೊ ಯೆಸು ತಿನೆ"ತುಜ್ಜ ಮನೆ ರಾಜೊ ವ್ಹೊ ಕೈನ ಕವಾಡ್ಯೊಸ. ಮಿ ಮನಕ್ಹೊನೆ ಕ್ಹರಿ ಹುತಿ ಕವಾನೆ ಮಿ ಎ ದುನಿಯಾಮಾ ಹುಟ್ಟೊಸ. ಕ್ಹರಿಮಾ ರ್ಹಯಲ

ಹರಿ ಯಕ್ಕೊ ಮಿ ಕದಲ ಐಕಸ ಕೈನ ಕದ್ಯೊ.

38 ಪಿಲಾತನ "ಕ್ಹರಿ ಕದ್ಯಾಮ ಸುವ್ವೈ? ಕೈನ ಪುಚ್ಚಿನ ವರಿ ಯಹುದ್ಯೊಕನ ಭಾರೊ ಆಯೊ. ತೆ ಯಹುದಿಯೊನೆ"ಎ ಮನಕ್ಹಪರ ಅಪವಾದ ಘಾಲಾನೆ ಮನೆ ಸುಜ ದಿಕ್ಕಾಡ್ಕುನತ್ತಿ.

ಪಿಲಾತನ ಯೆಸುನೆ ಮರ್ವಾನಿ ಶಿಕ್ಷಾ ದಿದಲ

39 ವರಿಬಿ ಫಸ್ತ ಸನ್ನಮಾ ಮಿ ತುಮಾರಾ ಹುತಿ ಕೈದಿಯೊಮಾನಾ ಯಕ್ಲಾನೆ ಬಿಡುಗಡೆ ಕರಾನು ಹಮಾರಿ ಪದ್ಧತ ವ್ಹೈ ಮಿ ಯಹುದ್ಯೊನಾ ರಾಜಾನೆ ಬಿಡುಗಡೆ ಕರುಕೈನ ತುಮಾರಿ ಆಸ ಛಿಸು? ಕೈನ ಪುಚ್ಚು.

40 ಯಹುದಿ "ನೈ ತಿನೆ ನ್ಹೈ" ಬರಬ್ಬನೆ ಬಿಡುಗಡೆ ಥಾವಾದೆ" ಕೈನ ವದ್ಯಾ ಬರಬ್ಬ ಯಕ್ಕೊ ಹೊರಾಟ ಕರಾಲೊ ವ್ಹೈ.

19

1 ಪಾಚಾತಾ, ಯೆಸುನೆ ಧರಿನ ಲಿನ ಗೈನ, ಬಾರಕೊಲ ಕ್ಹುಮಾರು ಕೈನ ಪಿಲಾತನ ಆಗನ್ಯಾದಿಕ್ಕೊ.

2 ಸೈನಿಕೊ ಕಾಟಾವೊನಾ ಝಾಕ್ರಾಕ್ಹು ಯಕ್ಕ ಕಿರಿಟ ಕರಿನ ಯೆಸುನಾ ಮಾತಾ ಪರ ಮ್ಹೆಲ್ಯಾ ಪಾಚಾತಾ ಸೈನಿಕೊ ಯೆಸುನೆ ಜಾಂಬಳಾನು ಕಲರ ರ್ಹಯಲ ಮ್ಹೊಟು ಅಂಗ್ಕು ಘಾಲ್ಯಾ.

3 ಸೈನಿಕೊ ಹಗ್ಗಿಲ್ಲಾ ಯೆಸು ಕನ ಐನ"ಯಹುದ್ಯೊನಾ ರಾಜಾ ತು ಘನ್ನಾ ಕಾಲ ಜಿವ್ವೊ ರ್ಹವಾದೆ" ಕೈನ ಕತಾ ತಿನಾ ಗಾಲೊಪರ ಮಾರ್ಚ್ಯಾ.

4 ಪಿಲಾತನ ವರಿ ಭಾರೊ ಐನ, ಯಹುದಿಯೊನೆ"ದೆಕೊ ಮಿ ಯೆಸುನೆ ತುಮೊಕನ ಲಾವಾಡ್ಯೊಸ. ಮನೆ ತಿಮಾ ಕಯುಜ ಅಪರಾದ ದಿಕ್ಹು ನೈ ಕವಾನು ತುಮೊನೆ ಗ್ವತ್ತ ರ್ಹವಾದೆ ಕೈನ ಕದ್ಯೊ.

5 ತೆಳಾಮಾ ಯೆಸು ಭಾರೊ ಆಯೊ. ತಿನಾ ಮಾತಾಪರ ಕಾಟಾನು ಕಿರಿಟ ಘಾಲ್ಯಾತಾ ವರಿ ಜಾಂಬಳಾನು ಕಲರನು ಅಂಗ್ಕು ತಿನೆ ಘಾಲ್ಯಾ ಪಿಲಾತನ ಯಹುದಿಯೊನೆ"ದೆಕೊ, ಎಜ ಮನಕ್ಹವ್ವೈ" ಕೈನ ಕದ್ಯೊ.

6 ಖಾಸ ಯಾಜಕೊ ಯಹುದಿಯೊನೆ ದೆವಾಲಯ ಕೈದಾಲಾ ಯೆಸುನೆ ದೆಕಿನ"ತಿನೆ ಶಿಲುಬಿಪರ ಘಾಲ ತಿನೆ ಶಿಲುಬಿಪರ ಗಾಲ" ಕೈನ ವದ್ಯಾ.

ತೆನ್ನಿಸೋ ಪಿಲಾತನ"ತುಮೆಜ್ಜ ತಿನೆ ಲಿನ ಗೈನ ಶಿಲುಬೆಪರ ಫಾಲೊ ಮನೆ ತಿಮಾ ಕಯುಜ್ಜ ಅಪರಾದ ದಿಕ್ಲು ನೈ ಕೈನ ಕದ್ಯೊ.

7 ಯೆಹುದಿಯೊ "ಹಮೊನೆ ಯಕ್ಕ ನಿಯಮ ಛೆ ತಿನಾಲಿಂಗತ ಇನಿ ಮರವಾನಿ ಶಿಕ್ಷಾ ಥಾಜ. ಕಾಕದ್ಯಾಮ ಎ ತಿನೆ ಕ್ಕುದಾನೊ ದಿಕ್ರೊ ವ್ಹೈ ಕೈನ ಕೈಲಿದ್ಯೊಸ ಕೈನ ಕದ್ಯೊ.

8 ಎ ಕವಾನು ಪಿಲಾತನ ಐಕಿನ ಘನ್ನೊ ಭುಚಿಕಿನ,

9 ವರಿ ಭವನಮಾ ಗೈನ ಯೆಸುನೆ"ತು ಕಿಜಾತೊ ಆಯೊಸ? ಕೈನ ಪುಚ್ಚೊ ತೆನ್ನಿಸೊ ಯೆಸು ಸುಜ್ಜ ಕದ್ಯೊ ನೈ?

10 ಪಿಲಾತನ"ಮಾರಾ ಕ್ಹಾತೆ ಬೊಲ್ತೊ ನೈಸು? ತುನೆ ಛೊಡಾವಾನೆ ಅದಿಕಾರ ತುನೆ ಶಿಲುಬಿ ಪರ ಫಾಲಾನು ಅದಿಕಾರಬಿ ಮನೆ ಛೆ ಕವಾನು ತುನೆ ಗ್ವತ್ತ ಛೆ ಸು? ಕೈನ ಕದ್ಯೊ.

11 ಯೆಸು ತಿನೆ "ಮಪರ ತುನೆ ರ್ವಯಲ ಅದಿಕಾರ ಛೆ. ತೆ ಕ್ಕುದಾಜ ತುನೆ ದಿದಲ ಅದಿಕಾರ ವ್ಹೈ ತಿನಾಹುತಿ ಮನೆ ತಾರಾ ಹತ್ಮಾ ದಿದಲವಾಲಾವೊನೆ ಘನ್ನು ಪಾಪ ದೊಶ ರ್ವವಸ ಕೈನ ಕದ್ಯೊ.

12 ಎ ಥಯಲ್ವರ ಯೆಸುನೆ ಬಿಡುಗಡೆ ಕರಾನೆ ಪಿಲಾತನ ಕೊಶಿಶ ಕರ್ರೊ. ತೆನ್ನಿಸೊ ಯೆಹುದಿಯೊ"ತಿನಾಕ್ಹು ತಿನೆ ರಾಜೊ ವ್ಹೈ ಕೈನ ಕೈಲಿವಾನು ಕಯೊಬಿ ಮನಕ್ಹ ರ್ವ್ವಿನಕಾ ಸಿಸರನೊ ವಿರೊಧಿ ವ್ಹೈ ತಿನಾಹುತಿ ತು ಎ ಮನಕ್ಹನೆ ಬಿಡುಗಡೆ ಕರ್ರೊಮ ತು ಸಿಸರನೊ ದೊಸ್ತ ನ್ಹವೈ ಕೈನ ತಿನೊ ಮತ್ಲಬ ವ್ಹೈ ಕೈನ ವದ್ರ್ಯಾ.

13 ಯೆಹುದಿಯೊ ಕದಲ ಐಕಿನ ಪಿಲಾತನ ಯೆಸುನೆ ಭಾರೊ ಬಲೈನ ಹಾಸುಗಲ್ಲ ಕವಾನು ಕಟ್ಟಾಕನ. ರ್ವಯಲ ಫೈಸಲಾನಿ ಜಗಾಪರ ಬೈಟ್ಸೊ ಇಬ್ರಿಯ ವಾತೊಮಾ ತಿನು ನಾಮ ಗಬ್ಬಥ ವ್ಹೈ.

14 ತೆ ಪಸ್ಸ ಸನ್ನನು ತಯ್ಯಾರನೊ ದಿನ್ಹ ವ್ಹೈ ವರಿ ತೆಳಾಮಾಜ್ಜ ದುಪಾರ ಥೈಗೈತಿ ಪಿಲಾತನ ಯೆಹುದಿಯೊನೆ"ದೆಕೊ, ತುಮಾರೊ ರಾಜೊ" ಕೈನ ಕದ್ಯೊ.

15 ಯೆಹುದಿಯೊನೆ"ಲಿವೊ, ತಿನೆ ಶಿಲುಬಿಪರ ಫಾಲೊ" ಕೈನ ವದ್ರ್ಯಾ ಪಿಲಾತನ ಯೆಹುದಿಯೊನೆ"ತುಮಾರಾ ರಾಜಾನೆ ಶಿಲುಬಿಪರ ಫಾಲು

ಕೈನ ಆಸ ಕರೊಶಿ ಸು? ಕೈನ ಕದ್ಯೊ ಖಾಸ ಯಾಜಕ"ಹಮೊನೆ ಸಿಸರನೆ ಘೊಡಿನ ಬಿಜೊ ಕಯೊ ರಾಜೊ ನತ್ತಿ" ಕೈನ ಕದ್ಯಾ.

16 ತೆಳಾಮಾ ಪಿಲಾತನ ಯೆಸುನೆ ಶಿಲುಬಿಪರ ಫಾಲಾನೆ ತಿವ್ವಾ ಹತ್ಮಾ ದಿದ್ಯೊ ಸೈನಿಕೊ ಯೆಸುನೆ ಬಲೈಲಿನ ಗಯಾ.

ಯೆಸುನೆ ಶಿಲುಬಿಪರ ಫಾಲ್ಕಲ

17 ಯೆಸು ತಿನಿ ಸ್ವಂತ ಶಿಲುಬಿ ಉಚೈಲಿನ ಭಾರೊ ಆಯೊ. ಕಪಾಲ ಕವಾನಿ ಜಗಾಪರ ಗಯೊ. ಯಹುದಿಯೊನಿ ವಾತೊಮಾ ಎ ಜಗಾನು ನಾಮ ಗೊಲ್ಲೊಥಾ" ವ್ಹ್ವೆ

18 ತ್ಯುನೆ ತ್ಯಾಯೆಸುನಿ ತಿನಾ ಕ್ಹಾತೆ ಬಿಜಕ್ಲಾಬೆ ಜನಾವೊನೆ ಶಿಲುಬಿಪರ ಫಾಲ್ಕಾ. ತ್ಯುನೆ ಭಂಬಿಜನಾ ಆಜು ಬಾಜುಮಾ ಫಾಲಿನ, ಯೆಸುನೆ ತ್ಯುನಾ ವಚ್ಚಾಫಾಲ್ಕಾ.

19 ಪಿಲಾತನ ಯಕ್ಕ ಫಳಿಪರ ಬರ್ದಿನ ಶಿಲುಬೆನಾ ಉಪ್ಪರ ಲಗಾಡ್ಯೊ ತೆ ಫಳಿಪರ"ನಜರೆತನೊ ಯೆಸು ಯಹುದಿಯೊನಾ ರಾಜೊ ಕವಾನು ಬರ್ದ್ಯೊತೊ.

20 ತೆ ಫಳಿಪರ ಇಬ್ರಿಯ ವಾತೊಮಾ ಲ್ಯಾಟಿನ ವರಿ ಗ್ರಿಕ ವಾತೊಮಾ ಬರ್ದಲ ವ್ಹತ್ತು. ಫಳಿಪರ ಬರ್ದಲ ಘನ್ನಾ-ಘನ್ನಾ ಮನಕ್ಲೊ ಒದ್ಯಾ ಕಾಕದ್ಯಾಮ ಯೆಸು ಶಿಲುಬಿಪರ ಫಾಲ್ಕಾತಾ ತೆ ಜಗಾ ಗಾಮನಾ ನಜಿಕ ವ್ಹತ್ತು.

21 ಖಾಸ ಯಾಜಕೊ ಪಿಲಾತನನೆ ತೆ ಯಹುದಿಯೊನೊ ರಾಜೊ ವ್ಹ್ವೆ ಕೈನ ಬರ್ದೊ ನಕೊ. ತೆನೈಸೊ"ಎ ತಿನೆ ಯಹುದಿಯೊನೊ ರಾಜೊ ಕೈನ ಕೈಲಿದ್ಯೊಸ "ಬರ್ದೊ.

22 ಪಿಲಾತನ"ಮಿ ಬರ್ದಾಯಲ ಬದಲಿ ಕರಾನೆ ಥಾತು ನೈಕೈನ ಕದ್ಯಾ.

23 ಸೈನಿಕೊ ಯೆಸುನೆ ಶಿಲುಬಿಪರ ಫಾಲ್ಕಲಪರ ತಿನಾ ವಣ್ಣಾ ಚಾರ ಭಾಗ ಕರಿನ ಯಕೆಕ್ಲೊ ಯಕೆಕ ಭಾಗ ವಾಟಲಿದ್ಯಾ. ತ್ಯಾಂತಾ ತೆನೈಸೊ ತಿನು ಮ್ಹ್ವೆನು ಅಂಗ್ವಬಿ ಕಾಡಿಲಿದ್ಯಾ ತೆ ಹೊಲಗಿ ನೈಸೊ ಉಪ್ಪರತಾ ಶಿಯಲ ವ್ಹತ್ತು.

24 ತಿನಾಹುತಿ ಸೈನಿಕೊ"ಅಪೆ ಅನೆ ಫಾಡಿನ ಪಾಲ ಕರು ನೈ ಅಪೆ ಚಿಟಿ ಫಾಲಿನ ತೆ ಕಿನೆ ಆವಸ ದೆಕೆ" ಕೈನ ಬೊಲಿನ ಅಮ್ಮ ಕರಾ" ತ್ಯನೆ ಮಾರಾ ವಣ್ಣಾ ತ್ಯನಾಮಾ ಪಾಲ ಕರಿಲಿದ್ಯಾ" ಮಾರಾ ಅಂಗ್ಡಾನಾ ಹುತಿ ಚಿಟಿ ಫಾಲ್ಯಾ" ಕಿರ್ತನೆ 22:18 ಕೈನ ಪವಿತ್ರ ಗ್ರಂಥಮಾ ಬರ್ದಲ ವಾತ ಅಮ್ಮ ಪುರಾ ಧೈ

25 ಯೆಸುನಿ ಯಾ, ಯಾನಿ ಭೆನ, ಕೊಪನನಿ ಬೈಕೊ ಥಯಲ ಮರಿಯಳ ವರಿ ಮಗ್ದಲನಿ ಮರಿಯಳ ಶಿಲುಬಿ ಕನ ಹುಬ್ರಯಾತಾ.

26 ಯೆಸು ತಿನಿ ಯಾನೆ ತ್ಯಾ ಹುಬ್ರಯಲ ತಿನಾ ಮಯಾನೊ ಶಿಷ್ಯಾನೆ ದೆಕಿನ ತಿನಿ ಯಾನೆ"ಯಾ ದೆಕ, ತಾರೊ ದಿಕ್ರೊ" ಕೈನ ಕದ್ಯೊ

27 ಪಾಚಲ್ತೊ ಯೆಸು ತೆ ಶಿಷ್ಯಾನೆ"ದೆಕ, ತಾರಿ ಯಾ" ಕದ್ಯೊ ತೆ ದಿನ್ನತೊ ತೆ ಶಿಷ್ಯೊ ತಿನೆ ಬಲೈಲಿನ ಗೈನ ತಿನಾ ಘರಮಾ ಮ್ಹೆಲಿದ್ಯೊ

ಯೆಸುನು ಮರಣ

28 ಎ ಥಯಲ್ಪರ ಕ್ಕಾರು ಪುರಾ ಥಯು ಕೈನ ತಿಳ್ತಲಿನ ಪವಿತ್ರ ಗ್ರಂಥನಿ ವಾತ ಪುರಾ ಕರಾನಾ ಹುತಿ ತೆ"ಮನೆ ತರಕ್ತಲಾಗಿಪ" ಕೈನ ಕದ್ಯೊ

29 ತ್ಯಾ ಖಾಟು ರಕ್ತ ಭರಲ ಹಂಡೊ ವ್ಹತ್ತು. ಸೈನಿಕೊ ಸ್ವಂಜ ಖಾಟಾ ರಕ್ತಮಾ ಡುಬೈನ ಹಿಸ್ಸೊಪ್ ಕವಾನಾ ಝಾಡನಿ ಲಾಕ್ಡಿನೆ ಟಂಗೈನ ತಿನೆ ಉಪ್ಪರ ಉಚೈನ ಯೆಸುನಾ ಮ್ಹೊಡಾನೆ ಲಗಾಡ್ಯಾ

30 ಯೆಸು ಖಾಟು ರಕ್ತನೆ ಸುರ್ಕಿನ"ಪುರಾ ಥಯು" ಕೈನ ಮಾತು ಜುಕೈನ ಭಲಮ ಛೊಡ್ಯೊ

ಯೆಸುನಾ ಪಾಕ್ಟಲಿಮಾ ಬರ್ಚಿ

31 ತೆ ದಿನ್ನ ತಯ್ಯಾರಿನು ದಿನ್ನ ವ್ಹತ್ತು. ಮರ್ನಾ ದಿನ್ನ ಖಾಸ ಸಬ್ಬತ ದಿನ್ನ ವ್ಹತ್ತು. ಸಬ್ಬತ ದಿನ್ನ ಅಂಗೊ ಶಿಲುಬಿ ಪರ ಚಡಾನು ಯಹುದಿಯೊನೆ ಪಸಂದ ನ್ಹೊತ್ತು. ತಿನಾಹುತಿ ತ್ಯನಾ ಪಗೊನೆ ತೊಡಿನ ಜಲ್ದಿ ಖಲಾಸ ಕರಾನು ಆಜ್ಞಾ ದಿವ ಕೈನ ತ್ಯನೆ ಪಿಲಾತನ ಕನ ಮಾಂಗಿಲಿದ್ಯಾ

32 ತಿನಾಹುತಿ ಸೈನಿಕೊ ಐನ ಯೆಸುನಾ ಕ್ಕಾತೆ ಶಿಲುಬಿ ಪರ ಚಡಾಯಲ ಬೆ ಜನಾವೊನಾ ಪಗೊ ಭಾಗಿ ಪಾಡ್ಯಾ

33 ಪಾಙ್ಗಾತಾ ತ್ಯುನೆ ಯೆಸುನಾ ನಜಿಕ ಆಯಲ ಪರ ತೆ ತೆಳಾಮಾಜ್ಜ ಮರೈಲ ದೆಕಿನ ತಿನಾ ಪಗೊ ತೊಡ್ಯಾನ್ನೆ.

34 ತೆನ್ನೈಸೊ ಸೈನಿಕೊಮಾನೊ ಯಕ್ಕೊ ತಿನಿ ಬರ್ಚಿಕ್ಕು ಯೆಸುನಾ ಪಾಖಳಿಮಾ ಚೊಟ್ಟೊ ಪಾಖಳಿಮಾತು ರಗತ ವರಿ ಪಾನಿ ಭಾರು ಐಯು.

35 ಎ ದೆಕಲವಾಲೊ ಇನಾಹುತಿ ಕದ್ಯೊಸ. ತುಮೆಬಿ ಬರೊಕ್ಕೊ ಕರು ಕೈನ ತೆ ತುಮೊನೆ ಎ ತಿಳ್ಳಾಯೊಸ. ತೆ ಕವಾನಿ ಸಂಗತಿಯೊ ಕ್ಕರಿಜ ವ್ಹೈ ತೆ ಕವಾನು ಕ್ಕರಿ ವ್ಹೈ ಕೈನ ತಿನೆ ಗ್ವತ್ತ ಛಿ.

36 ಪವಿತ್ರ ಗ್ರಂಥಮಾ ಬರ್ದಲ"ತಿನಾ ಹಡಕಾವೊಮಾ ಯಕ್ಕಬಿ ನೈ ತೊಡಸಕ್ತಾ" ಕವಾನಿ ವಾತ ಇಮ್ಮಪುರಾ ಥೈ.

37 ಪವಿತ್ರ ಗ್ರಂಥನಾ ವರಿ ಯಕ್ಕ ಭಗಾ"ಮನಕ್ಕೊ ತ್ಯುನೆ ಬರ್ಚಿಕ್ಕು ಚೊಟ್ಟಿಲಿದೈಲಕ್ಕು ತಿನೆಜ ಡೊಳಾ ಘಾಡಿನ ದೆಕಸ" ಕೈನ ಬರ್ದಲ ಛಿ.

ಯೆಸುನು ಸಿದ್ಧಿ ಭಾಂದಾನು

38 ಪಾಙ್ಗಾತಾ, ಅರಿಮಥಾಯ ಗಾಮನೊ ಯೊಸೆಫ ಕವಾಲೊ ಯೆಸುನು ಅಂಗ ತಿನೆ ದೆ ಕೈನ ಪಿಲಾತನ ಕನ ಮಾಂಗಿಲಿದ್ಯೊ ಯೊಸೆಫ ಯೆಸುನೊ ಯಕ್ಕ ಅನುಯಾಯಿ ವ್ಹತ್ತೊ. ತೆನ್ನೈಸೊ ತೆ ಯೆಹುದಿಯೊನಾ ಅದಿಕಾರಿಯೊನೆ ಭುಚಿಕಿನ ರೈಯಲಕ್ಕು ತಿನಾ ಹುತಿ ಮನಕ್ಕೊನೆ ಕದ್ಯೊ ನ್ಹೊತೊ. ಯೆಸುನು ಅಂಗ ಲಿನ ಭಾವಾನೆ ಪಿಲಾತನ ತಿನೆ ಅಪ್ಪಣೆ ದಿದ್ಯೊ ತಿನಾಹುತಿ ತೆ ಐನ ಯೆಸುನು ಅಂಗ ಲಿನ ಗಯೊ.

39 ನಿಕೊದೆಮ ಯೊಸೆಫನಾ ಕ್ವಾತೆ ಗಯೊ. ಪಾಚೊ ಯಕ್ಕೆಮ, ರಾತೆ ಯೆಸು ಕನ ಐನ ತಿನಾ ಕ್ವಾತೆ ಬೊಲಲವಾಲೊಜ ನಿಕೊದೆಮ ವ್ಹೈ ತೆ ಮುವತ್ತ ಕಿಲೊ ತೆಕ್ಕು ಬಾಸನು ತೆಲ ಲಿನ ಆಯೊ. ತೆ ಬಾಸನು ತೆಲ ರಕ್ತಬೊಳ ವರಿ ಅಗರು ಮಳ್ಳಿನ ಕರಲ ವ್ಹೈ.

40 ಎ ಭಂಬಿ ಭನಾ ಯೆಸುನು ಅಂಗ ಲಿನ ತಿನೆ ಬಾಸನು ತೆಲ ಲಗಾಡಿನ ಖಾದಿನಾ ಫಡಕಾಕ್ಕು ಸುತ್ಯಾ ಯಹುದ್ಯೊ ಪದ್ಧತ ಲಿಂಗತಜ ಸಮಾದಿ ಕರಾನೆ ತಯ್ಯಾರ ಕರೈ.

41 ಯೆಸುನೆ ಶಿಲುವಿ ಪರ ಫಾಲ್ಯಲ ಜಗಾ ಯಕ್ಕ ಕ್ವೆತರ ವ್ಹತ್ತು. ತೆ ಕ್ವೆತರಮಾ ಯಕ್ಕ ನಯಿ ಮಜಾರ ವ್ಹತ್ತಿ. ತಿಮಾ ಕೆಳಾಮಾಜ ಕಿನೆ ಸಮಾದಿ ಕರ್ರ್ಯಾ ನೊತ್ತಾ.

42 ತೆ ಸಬ್ಬತನು ತಯ್ಯಾರನು ದಿನ್ನ ಶುಕ್ರಾರ ವ್ಹತ್ತು. ವರಿ ಸಮಾದಿ ಘನ್ನಿ ನಜಿಕ ವ್ಹತ್ತಿ. ತಿನಾಹುತಿ ತ್ಯನೆ ಯೆಸುನೆ ತಿಮಾ ಮ್ಹೆಲ್ಯಾ.

20

ಕ್ವಾಲಿ ಮಜಾರ

1 ಐತ್ವಾರ ಪಾಟೆ ಮಗ್ಗಲನಿ ಮರಿಯಳ ಯೆಸುನಾ ಅಂಗ ರ್ಹೆಯಲ ಮಜಾರ ಕನ ಐ. ತೆಳಾಮಾ ಹಜುನ ಅಂದಾರು ವ್ಹತ್ತು. ಮಜಾರನಾ ಬಾಕಲನೆ ಝಾಕಲ ಮ್ಹೆಟ್ಟೊ ದಗ್ಗೊ ತ್ಯಾಂತೊ ಸರಕಾಯಲ ದೆಕಿನ ಮರಿಯಳ

2 ಸಿಮೊನ ಪೆತ್ರಾ ವರಿ ಯೆಸು ಮಯಾ ಕರಾನಾ ವರಿಯಕ್ಲಾ ಶಿಷ್ಯಾ ಕನ ನ್ಹಾಟಿನ ಐನ"ತ್ಯನೆ ಮಜಾರಮಾತಾ ಪ್ರಭುನೆ ಲಿನ ಗಯಾಸ, ತಿನೆ ಕಿಜಾ ಮ್ಹೆಲ್ಯಾಸ ಕವಾನು ಹಮೊನೆ ಗ್ವತ್ತ ನತ್ತಿ" ಕೈನ ಕದಿ.

3 ತಿನಾಹುತಿ ಪೆತ್ರಾ ವರಿಯಕ್ಕ ಶಿಷ್ಯೊ ಮಜಾರ ಕನ ಗಯಾ.

4 ತ್ಯನೆ ಭಂಬಿ ಜನಾ ನ್ಹಾಟತಾ ಗಯಾ. ತೆನೈಸೊ ತೆ ವರಿಯಕ್ಕ ಬಿಜೊ ಶಿಷ್ಯೊ ಪೆತ್ರಾತಿಬಿ ಜೊರ ನ್ಹಾಟತೊ ಮಜಾರ ಕನ ಗೈನ ಪೈಲಾ ಮುಟ್ಟೊ.

5 ತೆ ಶಿಷ್ಯೊ ಡೊಗ್ಗಿನ ಮ್ಹೆಟ್ಟ ದೆಕ್ಕೊ ತ್ಯಾ ಫಡಕಾನಾ ತುಕ್ಡಾ ಪಡ್ಯಾತಾ ತೆನೈಸೊ ತೆ ಮ್ಹೆಟ್ಟ ಗಯೊ ನೈ.

6 ಪಾಚಲ್ತೊ ಆಯಲ ಪೆತ್ರಾ ಸಿದಾ ಮಜಾರನಾ ಮ್ಹೆಟ್ಟ ಹೊಕ್ಕೊ ಖಾದಿನಾ ಫಡಕಾ ತ್ಯಾ ಪಡಲ ತೆ ದೆಕ್ಕೊ.

7 ಪಸ್ಸು ನ್ಹಾಟಿನ ಗಯಲ ತೆ ಶಿಷ್ಯೊಬಿ ಮ್ಹೆಟ್ಟ ಗಯೊ. ವರಿ ದೆಕ್ಕೊ ವರಿ ಬರೊಕ್ಕೊ ಕರ್ರ್ಯೊ ತೆ ಪ್ಹಡಕು ಸುತ್ತಲ ರ್ಹೆಟ್ಟಿನ, ಬಿಜಾ ಖಾದಿನಾ ಫಡಕಾವೊತಿ ಜುದು ಥೈನ ಪಡ್ಕುತು.

8 ಪಾಚಲೊ ತೆ ವರಿಯಕ್ಕ ಶಿಷ್ಯೊ ಮ್ಹೈಗಯೊ. ಮಜಾರ ಪೈಲಾ ಗೈನ ಮುಟ್ಟಲವಾಲೊ ತೆ ಶಿಷ್ಯೊ ವ್ಹೈ ತೆ ಥಯಲ ಕ್ಹಾರು ದೆಕಿನ ಬರೊಕ್ಕೊ ಕರೊ.

9 ತೆ ಮರಿನ ವರಿ ಜಿವೊ ಧೈನ ಆವಸ ಕವಾನು ಪವಿತ್ರ ಗ್ರಂಥಮಾ ಬರ್ದಲ ಎ ಶಿಷ್ಯಾವೊನೆ ಹಜುನ ಗ್ವತ್ತ ನ್ಹೊತು.

ಮರಿಯಳನೆ ಯೆಸು ದರ್ಶನ ದಿದಲ

10 ಪಾಚಾತಾ ಶಿಷ್ಯಾ ಪಾಚಾ ಫರಿನ ಘರೆ ಗಯಾ.

11 ತೆನೈಸೊ ಮರಿಯಳ ರೊತಿ ಮಜಾರನಾ ಭಾರಿ ಹುಬ್ಬೈತಿ. ತೆ ರೊತಿ ಡೊಗ್ಗಿನ ಮಜಾರಮಾ ದೆಕ್ತಾಮಾ,

12 ಧೊಳಾ ವಣ್ಣಾ ಘಾಲ್ಲಿದಲ ಬೆ ಕ್ಹುದಾನಾ ದುತೊ ದೆಕಿ. ಯೆಸುನು ಅಂಗ ಮ್ಹೆಲಲ ಜಗಾ ಕನ ತ್ಯನೊಮಾ ಯಕ್ಕೊ ಯೆಸುನಾ ಮಾತಾ ಕನ ವರಿ ಯಕ್ಕೊ ಪಗೊ ರ್ವಯಲ ಜಗಾ ಕನ ಬೈಟ್ತೊತೊ.

13 ಕ್ಹುದಾನಾ ದುತೊ ಮರಿಯಳನೆ"ಬೈ ಕಾ ರವಾಡಿಸ? ಕೈನ ಪುಚ್ಚಾ ಮರಿಯಳ"ಮಾರಾ ಪ್ರಭುನು ಅಂಗ ದಕ್ಖಾಜನಾ ಲಿನ ಗಯಾಸ. ತ್ಯನೆ ತಿನೆ ಕಿಜಾ ಮ್ಹೆಲ್ಯಾಸ ಕವಾನು ಮನೆ ಗ್ವತ್ತ ನತ್ತಿ" ಕೈನ ಉತ್ತರ ದಿದಿ.

14 ಮರಿಯಳ ಇಮ್ಮ ಕೈನ ಪಾಚಿ ಫರತಾಮಾ ಯೆಸು ತ್ಯಾಜ ಹುಬ್ರಯಲ ದೆಕಿ. ತೆನೈಸೊ ತೆ ಯೆಸುಜ ವ್ಹೈ ಕವಾನು ತಿನೆ ಗ್ವತ್ತ ನ್ಹೊತು.

15 ಯೆಸು ತಿನೆ"ಬೈ ಕಾ ರವಾಡಿಸ? ತು ಕಿನೆ ಹುಡಕಾಡಿಸ? ಕೈನ ಪುಚ್ಚೊ ತೆ ಕ್ವೆತರ ದೆಕಿಲಿವಾಲೊ ವಸೆ ಕೈನ ಮರಿಯಳ ತಿಳ್ವಲಿನ ತಿನೆ"ಬಾ, ತು ಯೆಸುನೆ ಲಿನ ಗಯೊಸ ಸು? ತಿನೆ ಕಿಜಾ ಮ್ಹೆಲ್ಯೊಸ, ಮನೆ ಕೆ. ಮಿ ಗೈನ ತಿನೆ ಲಿನ ಔಸ" ಕೈನ ಕದಿ.

16 ಯೆಸು ತಿನೆ"ಮರಿಯಳ" ಕದ್ಯೊ ಮರಿಯಳ ಯೆಸು ಕನ ಫರಿನ, ಇಬ್ರಿಯ ಭಾಶಾಮಾ "ರಬ್ಬನಿ" ಕದಿ. ರಬ್ಬನಿ ಕದ್ಯಾಮ "ಗುರು ವ್ಹೈ"

17 ಯೆಸು ತಿನೆ ಮನೆ ಮುಟ್ಟು ನಕೊ. ಮಿ ಬಾಕನ ಹಜುನ ಫರಿನ ಗಯೊ ನತ್ತಿ. ತೆನೈಸೊ ಮಾರಾ ಭಾಯೊಕನ (ಶಿಷ್ಯಾ) ಗೈನ ಮಾರೊ ಬಾ ತುಮಾರೊ ಬಾ ಮಾರೊ ಕ್ಹುದಾ ತುಮಾರೊ ಕ್ಹುದಾ ಥಯಲವಾಲೊ ಮಿ ಫರಿನ ಚಾಲ್ಯೊಸ. ಕವಾನು ತ್ಯನೊಕನ ಕೆ ಕೈನ ಕದ್ಯೊ

18 ಮಗ್ದಲನಿ ಮರಿಯಳ ಶಿಷ್ಯಾವೊಕನ ಗೈನ ಮಿ ಪ್ರಭುನೆ ದೆಕಿಶಿ ಕೈನ ಕದಿ ತೆ ಕ್ಕಾರಿಯೊ ಸಂಗತಿಯೊ ಕದಿ.

ಶಿಷ್ಯಾವೊನೆ ಯೆಸು ದರ್ಶನ ದಿದಲ

19 ತೆ ದಿನ್ನು ಐತ್ವಾರ ವ್ಹತ್ತೊ. ತೆ ದಿನ್ನು ಕ್ಹಾಂಜೆ ಶಿಷ್ಯಾ ಕುಡಿನ ವ್ಹತ್ತಾ. ಯೆಹುದಿಯೊನಾ ಅದಿಕಾರಿಯೊನೆ ಭುಚಿಕಿನ ಬಾಕಲೊ ಫಾಲ್ಲಿನ ಘರನಾ ಮ್ಹೆ ವ್ಹತ್ತಾ. ತೆಳಾಮಾ ಯೆಸು ತ್ಯುನಾ ವಚ್ಚಾ ಐನ ಹುಬ್ಬೈನ ತ್ಯುನೊನೆ ಶಾಂತಿ ತುಮೊಮಾ ರ್ಹವಾದೆ ಕೈನ ಕದ್ಯೊ.

20 ಯೆಸು ಇಮ್ಮ ಕದಲ್ಪರ ತಿನಾ ಹತೊ ವರಿ ಪಾಕ್ಲಳಿ ದೆಕಾಡ್ಯೊ. ಪ್ರಭುನೆ ದೆಕಿನ ತ್ಯುನೆ ಘನ್ನಾ ಖುಶಿ ಥಯಾ.

21 ಪಾಚಲ್ಯೊ ಯೆಸು ವರಿ ಶಾಂತಿ ತುಮೊಮಾ ರ್ಹವಾದೆ ಬಾ ಮನೆ ಮೊಕಲ್ಯೊ. ತಿನಾ ಲಿಂಗತಜ ಮಿ ತುಮೊನೆ ಮೊಕಲಾಡೊಸ. ಕೈನ ಕದ್ಯೊ.

22 ಯೆಸು ಇಮ್ಮ ಕದಲ್ಪರ ಶಿಷ್ಯಾವೊಪರ ಯೆಸು ಪ್ಪುಕ್ಕಿನ ಪವಿತ್ರ ಆತ್ಮಾನೆ ಸ್ವಿಕಾರ ಕರೊ.

23 ತುಮೆ ಕಿನಾ ಪಾಪ ಮಾಫ ಕರೊಶಿ ತ್ಯುನಾ ಪಾಪೊ ಮಾಫ ಕರಸ. ತುಮೆ ಕಿನಾ ಪಾಪೊ ಮಾಫ ನೈಕರತಾ ತ್ಯುನಾ ಪಾಪೊ ಮಾಫ ನೈಕರತಾ. ತ್ಯುನಾ ಪಾಪೊನೆ ಮಾಫಿ ನೈಮಳ್ತ ಕೈನ ಕದ್ಯೊ.

ತೊಮಾನೆ ಯೆಸು ದರ್ಶನ ದಿದಲ

24 ಯೆಸು ಆತಾಮಾ ಔಳಿ ಜೊಳಿ ಕವಾಲೊ ತೊಮ ಶಿಷ್ಯಾವೊನಾ ಕ್ಹಾತೆ ನ್ಹೊತ್ತೊ. ಬಾರಾ ಶಿಷ್ಯಾವೊಮಾನಾ ತೊಮ ಕವಾಲೊ ಯಕ್ಲೊ ವ್ಹತ್ತೊ.

25 ಉಗ್ರಲ ಶಿಷ್ಯಾತೊಮಾನೆ ಹಮೆ ಪ್ರಭುನೆ ದೆಕ್ಯಾಕೈನ ಕದ್ಯಾ. ವರಿಬಿ ತೊಮಾ ತಿನಾ ಹತೊಮಾ ರ್ಹಯಲ ಮೊಳಾ ಮಾರಲ ದುಕಪರ ವರಿ ಪಾಕ್ಲಳಿಯೊನು ದುಖಪರ ಹತೆ ಮ್ಹೆಲಿನ ದೆಕೆ ಲಕ್ಕಾ ಮಿ ನಂಬತೊ ನೈ ಕೈನ ಕದ್ಯೊ.

26 ಯಕ್ಕ ಹಪ್ಪೊ ಥಯಲಪರ ಕ್ಹಾರಾ ಶಿಷ್ಯಾ ಯಕ್ಕ ಘರಮಾ ಮಳ್ಳಾತಾ. ತೊಮಾ ತ್ಯನ ಕ್ಹಾತೆ ವ್ಹತ್ತೊ. ಪುರಾ ಬಾಕಲೊ ಘಾಲ್ಯಾತಾ ತೆಳಾಮಾ ಯೆಸು ಐನ ತ್ಯನಾ ವಚ್ಚಾ ಹುಬ್ಬಿನ ತ್ಯನೊನೆ ಶಾಂತಿ ತುಮೊಮಾ ರ್ಹವಾದೆ ಕೈನ ಕದ್ಯೊ.

27 ಪಾಚಲ್ತೊ ಯೆಸು ತೊಮಾನೆ ತಾರೊ ಬೊಟಿ ಘಾಲಿನ ಮಾರಾ ಹತೊ ದೆಕ. ತಾರೊ ಹತ ಮಾರಿಯೊ ಪಾಕ್ಲಳಿಮಾ ಘಾಲ ಸಂಶೊ ಕರ್ರಾವಾಚಿ ಮನೆ ನಂಬಾಲೊ ಥಾ. ಕೈನ ಕದ್ಯೊ.

28 ತೊಮಾ ಯೆಸುನೆ "ಮಾರಾ ಪ್ರಭು ಮಾರಾ ಕ್ಹುದಾ "ಕೈನ ಕದ್ಯೊ.

29 ಯೆಸು ತುತೊ ಮನೆ ತು ದೆಕಿನ ನಂಬ್ಯೊ ಮನೆ ದೆಕ್ಯಾವಾಚಿ ನಂಬಾಲಾ ಕ್ಹರಿಮಾಜ್ಜ ಧನೈವ್ಚೊ ಕೈನ ಕದ್ಯೊ.

ಎ ಬುಕ್ಕ ಬರ್ದಲ ಉದ್ದೆಶ

30 ಯೆಸು ಹಜ್ಜುನ ತಿನಾ ಶಿಷ್ಯಾವೊನಾ ಕ್ಹಾಮೊ ಅದ್ಭುತ ಕಾಮೊ ಕರ್ರೊ. ಎ ಅದ್ಭುತ ಕಾಮೊ ಪುಸ್ತಕಮಾ ಬರ್ದ್ವಾ ನತ್ತಿ.

31 ಯೆಸು ಹಜ್ಜುನ ಬಿಜ್ಜಾ ಅದ್ಭುತ ಕಾಮೊ ತಿನಾ ಶಿಷ್ಯಾನಾ ಕ್ಹಾಮೊ ಕರ್ರೊಸ. ತೆನ್ನೊಸೊ ಎ ಬುಕ್ಕಾನತ್ತಿ ಬರ್ದ್ವಾ. ವರಿ ಅಕ್ಲ ಕ್ಹಾರು ಬರ್ದಲ ಲೈ. ಕಾಕದ್ಯಾಮ ತುಮೆ ತಿಪರ ಬರೊಕ್ಲೊಮ್ಹೆಲು ಕೈನ ಎ ಕ್ಹಾರು ಬರ್ದಲ ವ್ಹೆಲ್.

21

ಯೆಸು ಕ್ಹಾತ ಶಿಷ್ಯಾವೊನೆ ದಿಕ್ಟಲ

1 ತೆ ಥಯಲ್ಪರ, ವರಿ ಯಕ್ಕಸಲಾ ಯೆಸು ತಿನಾ ಶಿಷ್ಯಾವೊನೆ ತಿಬೆರಿಯಾ ಸಮುಂದರಕನ ದಿಕ್ಲೊ. ತೆ ಅಮ ಥಯ;

2 ದಕ್ಹಾಶಿಷ್ಯಾ ತ್ಯಾ ಮಳಿನ ವ್ಹತ್ತಾ. ತ್ಯನೆ ಕುನ್ನ ವ್ಹೆಕ್ಲೊ ಕದ್ಯಾಮ, ಸಿಮೊನ ಕವಾಲೊ ಪೆತ್ರಾ, ದಿದುಮ ಕವಾಲೊ ತೊಮ, ಗಲಿಲಾಯನೆ ಮಳಲ ಕಾನಾ ಗಾಮವಾಲೊ ನತಾನಿಯೆಲ, ಜೆಬೆದಾಯನಾ ಭಂಬಿ ದಿಕ್ತಾನೆ ವರಿ ಬೆ ಜನಾ ಶಿಷ್ಯಾ.

3 ಪೆತ್ರಾ, ತ್ಯುನೊನೆ "ಮಿ ಮಚ್ಚಿಯೊ ಧರಾನೆ ಚಾಲ್ಯೊಸ "ಕದ್ಯೊ ಉಗ್ರಲ ಶಿಷ್ಯಾ "ಹಮೆಬಿ ತಾರಾ ಕ್ಹಾತೆ ಐಯೆಸ ಕೈನ ಕದ್ಯಾ ತಿಮ್ಮ ಕತಾಮಾ ಕ್ಹಾರಾ ಶಿಷ್ಯಾ ಮಳಿನ ಹಡಗಾಮಾ ಚಡ್ಯಾ ತ್ಯುನೆ ಕ್ಹಾರಿ ರಾತ ಸಮುಂದರಮಾ ಬಲಿಯೊ ಫಾಲ್ಯಾ ಯಕ್ಕಬಿ ಮಚ್ಚಿ ಮಳಿ ನೈ.

4 ತೆ ದಿನ್ನೆ ದಿನ್ನ ನಿಕ್ಷಳ್ತಾಮಾ, ಯೆಸು ದಂಡಿಪರ ಹುಬ್ರಯೊತೊ. ತೆನ್ನೆಸೊ ತೆಚ್ಚಿ ಯೆಸು ವ್ಹೈ ಕೈನ ವಳಕ್ಕಾ ನೈ.

5 ತೆಳಾಮಾ ತೆ ತಿನಾ ಶಿಷ್ಯಾವೊನೆ "ದೊಸ್ತೊ, ತುಮೊನೆ ಮಚ್ಚಿಯೊ ಮಳಿಯೊ ಸು, ಕೈನ ಪುಚ್ಚೊ ಶಿಷ್ಯಾ"ನತ್ತಿ" ಕೈನ ಕದ್ಯಾ.

6 ಯೆಸು "ತುಮಾರೊ ಹಡಗನಾ ಸಿದಾ ಹತ ಬಗಲ ತುಮಾರಿಯೊ ಬಲಿ ನಾಕೊ ತ್ಯಾ ದಕ್ಷಿಯೊ ಮಚ್ಚಿಯೊ ಮಳಸ, ಕೈನ ಕದ್ಯಾ ಶಿಷ್ಯಾ ಕದಲ ತಿಮ್ಮಜ ಕರ್ಯಾ ಘನ್ನಿಯೊ ಮಚ್ಚಿಯೊ ಬಲಿಮಾ ಕ್ಹಾಪ್ಪಲ ಹುತಿ ತ್ಯುನೆ ಬಲಿಯೊ ಹಡಗಾಮಾ ಜಗ್ಗಾನೆ ಥಯು ನೈ.

7 ಯೆಸುನೊ ಮಯಾನೊ ಶಿಷ್ಯಾನೆ"ತೆ ಮನಕ್ಹನೆ ಪ್ರಭು, ಕೈನ ಕದ್ಯೊ ತೆಳಾಮಾಚ ಪೆತ್ರಾ ತಿನು ಅಂಗ್ಡು ಫಾಲ್ಗಿನ ಪಾನಿಮಾ ಉಡ್ಯೊ ಪೆತ್ರಾ ಪೈಲಾಜ ತಿನು ಅಂಗ್ಡು ಕಾಡಿನ ಮ್ಹೆಲ್ಯೊತೊ.

8 ಉಗ್ರಲ ಶಿಷ್ಯಾ ಹಡಗಾಮಾ ಚಡಿನ ಗೈಪಡ್ಯಾ ತ್ಯುನೆ ಬಲಿಯೊ ಭರಿನ ಮಚ್ಚಿಯೊ ದಂಡಿಯೆ ಜಗ್ಗಲಿನ ಗಯಾ. ತ್ಯುನೆ ದಂಡಿತಾ ಘನ್ನಾ ದುರ ನ್ಹೊತಾ ಕ್ಹಾಲಿ 300 ಪುಟಿ ಯಕ್ಲಾ ದುರ ವ್ಹತ್ತಾ.

9 ಶಿಷ್ಯಾ ಹಡಗಾಮಾತಾ ಉತ್ತಿನ ದಂಡಿಪರ ಭಾತಾಮಾ ಆಗನಾ ಕಂಡಾ ದೆಕ್ಯಾ ಆಗ ಪರ ಮಚ್ಚಿಯೊ ವ್ಹತ್ತಿಯೊ. ವರಿ ದಕ್ಹಾ ರೊಕ್ಹಾಬಿ ವ್ಹತ್ತಾ.

10 ಪಾಚಲ್ಯೊ ಯೆಸು"ತುಮೆ ಧರಲ ಮಚ್ಚಿಯೊಮಾ ದಕ್ಷಿಯೊ ಲಿನ ಆವೊ" ಕೈನ ಕದ್ಯೊ.

11 ಪೆತ್ರಾ ಹಡಗಾಮಾ ಗೈನ ಬಲಿ ದಂಡಿಯೆ ಜಗ್ಗಲಿನ ಆಯೊ. ಬಲಿ ಮ್ಹೊಟ್ಟಿಯೊ ಮಚ್ಚಿಯೊಕ್ಕು ಭರಿ ಗೈತಿ. ತಿಮಾ 153 ಮಚ್ಚಿಯೊ ವ್ಹತ್ತಿಯೊ. ತೆ ಘನ್ನಿಯೊ ವಚ್ಚಿಯೊ ರ್ಹ್ವಿತ್ತಬಿ ಬಲಿ ಪ್ಹಾಟಿ ನ್ಹೊತ್ತಿ.

12 ಯೆಸು ತ್ಯುನೊನೆ "ಐನ ಖಾವೊ" ಕೈನ ಕದ್ಯೊ ಶಿಷ್ಯಾವೊಮಾನಾ

ಯಕ್ಕೊಬಿ "ತು ಕುನ್ನ ವ್ಹೈ? ಕೈನ ತಿನೆ ಪುಚ್ಚಾ ನೈ ತೆ ಪ್ರಭು ವ್ಹೈ ಕೈನ ತ್ಯುನೊನೆ ಗ್ವತ್ತ ವ್ಹತ್ತು.

13 ಯೆಸು ನಜಿಕ ಐನ ರೊಕ್ಕಾ ಲಿನ ವರಿ ತ್ಯುನೊನೆ ದಿದ್ಯೊ ಇನಾಲಿಂಗತಱ ಮಚ್ಚಿಯೊಬಿ ಲಿನ ಇಮ್ಮಜ ಕರಯ್ತೊ.

14 ಯೆಸು ಪುನರುತ್ಥಾನ ಥಯಲ್ಪರ ತಿನಾ ಶಿಷ್ಯಾವೊನೆ ದಿಕ್ಟಲ ಎ ತನ್ನಾ ಸಲಾ ವ್ಹೈ.

ಯೆಸು ವರಿ ಪೆತ್ರಾ

15 ತ್ಯುನೆ ಖಾದಲ್ಪರ ಯೆಸು ಪೆತ್ರಾನೆ "ಯೋಹಾನನೊ ದಿಕ್ರಾ ಸಿಮೊನ, ನ್ಹ್ಯಾರ್ಡ್ಡಯಲ ಇವ್ವೆ ಮನೆ ಮಯಾ ಕರಾತಿಬಿ ತು ಮನೆ ಜಾಸ್ತಿ ಮಯಾ ಕರಶಿ ಸು? ಕೈನ ಪುಚ್ಚೊ ಪೆತ್ರಾ "ಹೊ ಪ್ರಭು ಮಿ ತುಪರ ಮಯಾ ಲೆ ಕವಾನು ಕದ್ಯೊ ಯೆಸು ಪೆತ್ರಾನೆ "ಮಾರಾ ಬಕ್ರಾವೊನೆ ಚರಾ ಕೈನ ಕದ್ಯೊ.

16 ವರಿ ಬೆವಾ ಸಲಾ ಯೆಸು ಪೆತ್ರಾನೆ "ಯೋಹಾನನಾ ದಿಕ್ರಾ ಥಯಲ ಸಿಮೊನ ತು ಮನೆ ಮಯಾ ಕರಶಿ ಸು? ಕೈನ ಪುಚ್ಚೊ ಪೆತ್ರಾ "ಹೊ, ಪ್ರಭು ಮಿ ತುಪರ ಮಯಾ ಲೆ ಕವಾನು ತುನೆ ಗ್ವತ್ತ ಲೆ" ಕದ್ಯೊ ಯೆಸು ಪೆತ್ರಾನೆ "ಮಾರಾ ಬಕ್ರಾವೊನೆ ಕೈದಶಿ ಸು?

17 ಯೆಸು, ತನ್ನಾ ಸಲಾ "ಯೋಹಾನನಾ ದಿಕ್ರಾ ಸಿಮೊನ ತು ಮನೆ ಮಯಾ ಕರಶಿ ಸು? ಕೈನ ಪುಚ್ಚೊ ಯೆಸು "ತು ಮನೆ ಮಯಾ ಕರಶಿ ಸು? ಕೈನ ತನ ಸಲಾ ಪುಚ್ಚಾಮಾ ಪೆತ್ರಾನೆ ದುಖ ಥಯು. ಪೆತ್ರಾ "ಪ್ರಭು, ತುನೆ ಹರಿ ಯಕ್ಕ ಗ್ವತ್ತ ಲೆ. ಮಿ ತುಪರ ಮಯಾ ಮೈಲ್ಯೊಸ ಕವಾನು ತುನೆ ಗ್ವತ್ತ ಲೆ ಕದ್ಯೊ ಯೆಸು ಪೆತ್ರಾನೆ "ಮಾರಾ ಬಕ್ರಾವೊನೆ ಚರಾ.

18 ಮಿ ತುನೆ ಕ್ಹರಿಜ ಕೌಸ. ತು ಜಾಂಜಿಮಾನ ರ್ಡ್ಡಾಮಾ ಕಂಬರ ಭಾಂದಲಿನ ತುನೆ ಮನಸ ರ್ಡ್ಡಯಲ ಭಗಾ ಗಯೊ. ವರಿಬಿ ತು ಗಡಿಯೊ ಥಾತಾಮಾ ತಾರಿ ಮರ್ಜಿಲಿಂಗತ ಹತೊ ಆಗೊ ನೈ ಕರತೊ ಕರಶಿ ವರಿ ಬಿಜಕ್ಲೊ ತಾರಿ ಕಂಬರ ಭಾಂದಿನ ತುನೆ ಮನಸ ನೈರ್ದಯಲ ಭಗಾ ಲಿನ ಜಾವಸ.

19 ಕ್ಹುದಾ ಮಹಿಮಾ ಕರಿಲಿವಾನಾ ಹುತಿ ಪೆತ್ರಾ ಕೈ ತರಾ ಮರಸ ಕವಾನು ದೆಕಾಡಾ ಹುತಿ ಯೆಸು ಇಮ್ಮ ಕದ್ಯೊ ಪಾಚಲ್ಲೊ ಯೆಸು ಪೆತ್ರಾನೆ "ಮಾರಾ ಪಾಚೊ ಆ"

ಯೆಸು ವರಿ ಬಿಜೆಕ ಶಿಷ್ಯೊ

20 ಪೆತ್ರಾ ಪಾಚೊ ಫರಿನ ದೆಕ್ತಾಮಾ ಯೆಸುನೊ ಮಯಾನೊ ಶಿಷ್ಯೊ ತ್ಯುನಾ ಪಾಚಾ ಆವಾನು ದೆಕ್ಯಾ ರಾತೆ ಖಾವಾನಾ ಟೈಮ್ಮಾಯೆಸುನಾ ಛಾತಿಪರ ಲಾಗಿನ್ ಪ್ರಭು, ತುನೆ ಮೊಸ ಕರಾಲೊ ಕುನ್ನ ವ್ಹೈ? ಕೈನ ಪುಚಲ ಶಿಷ್ಯೊ ಎಜ ವ್ಹೈ

21 ಪೆತ್ರಾ ತ್ಯುನಾ ಪಾಚಾ ಆತಾ ರ್ಹಯಲ ಎ ಶಿಷ್ಯಾನೆ ದೆಕ್ತಾಮಾ "ಪ್ರಭು, ಇನಾಹುತಿ ಸು ವ್ಹೈ? ಕೈನ ಪುಚ್ಚೊ.

22 ಯೆಸು "ಮಿ ಆಯೆಲಕ್ಕಾ ತೆ ಜಿವ್ಹೊ ರ್ಹೊ ಕೈನ ಮನೆ ಮನಸ ರ್ಹಯುಮ ತಿನಾ ಹುತಿ ತುನೆ ಸು ವ್ಹೈ? ತು ಮಾರಾ ಪಾಚೊ ಆ ಕೈನ ಕದ್ಯೊ

23 ಇನಾಹುತಿ ಶಿಷ್ಯೊ ಮರ್ತೊಜ ನೈ ಕೈನ ವಾತ ಕ್ಹಾರಾ ಭಾಯೊಮಾ ಪೈಲಿ ಗೈ ತೆ ನೈಸು ಯೆಸು ತೆ ಮರ್ತೊಜ ನೈ ಕೈನ ತಿನೆ ಕದ್ಯೊ ನತ್ತಿ. ಮಿ ಆಯೆಲಕ್ಕಾ ತೆ ರ್ಹೊ ಮನೆ ಮನಸ ರ್ಹಯೊಮ ತೆ ತುನೆ ಕಾ? ಕೈನ ತೆ ಕದ್ಯೊಸ.

24 ಎ ಸಂಗತಿಯೊ ಹಮ್ಮಾ ಬರ್ದಲ ವರಿ ಇನಾಹುತಿ ಹಮ್ಮಾ ಸಾಕ್ಷಿ ಕವಾಲೊ ಎಜ ವ್ಹೈ ತೆ ಕವಾನು ಕ್ಹರಿ ವ್ಹೈ ಕೈನ ಹಮೊನೆ ಗ್ವತ್ತ ಛಿ.

ಮುಗದ್ಯು

25 ಯೆಸು ಹವಾ ಘನ್ನಾ ಕಾಮೊ ಕರ್ರೊ ತಿಮಾನು ಕ್ಹಾರುಜ ಬರ್ದು ಕದ್ಯಾಮ ಬರ್ದಾನು ಪುಸ್ತಕಮಾ ಕ್ಹಾರಿ ಜಗತ್ತಜ ನೈ ಪುರ್ತಿ ಕೈನ ಮಿ ನೆಣಸುಸ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕೆ, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff